

pg.

NICETAS
feu
TRIUMPHATA
INCONTINEN-
TIA.

Auctore
HIEREMIA DREXELIO
è Societate IESV.



MVSSIPONTI.

Apud SEBASTIANVM CRAMOISY,
Serenissimi DVVIS & Vniuersitatis
Typographum Iuratum.

M. DC. XXIV.

Permissu Superiorum.
PP. Ortan Camald In Insula Vignensi

RECETTES

TRIVMPLIAT

MONTE

HIERONYMUS DRELLIO



INVSIPOMT


SEBASTIANUS CANONICVS

SECRETARIVS DVCE & VNIUSERSITATIS

ALPHONSIVS

MDCXXIV

Biem. B. III. 17.



ILLVSTRISSIMO,
EXCELLENTISSIMO Q.
Principi NICOLAO
FRANCISCO à
Loth. Marchioni Hat-
tonis-Castri.

SISTIT se tibi,
PRINCEPS
*Illustrissime, genero-
sus Athleta, idemque Victor
egregius, quem nescias plusne
fortiter pugnans quàm arte
nouâ gloriosè vincentem mirari
oporteat. Pugna fuit cum eius-
modi hoste, qui, ut scitè Cyni-
cus ille, & omnium versatissi-
mus est, & acerrimus. Nisi*

fortè eò minus cauenda sunt
voluptatis vulnera, quò blan-
dius inferuntur, accipiuntur
gratius, perimunt iucundius.
Pugnandi verò, vincendique
ratio ea fuit, quâ veteris illius
Cynegēiri laus obscuretur, &
gloria. Neque est ab eo nomen
ipsius cur elicias; Elinguis est à
pugnâ, in quâ lingua iacturam
dum fecit, laudem consecutus
est victoriæ. Satis authorem
suum loquetur perillustre faci-
nus; intende solùm in illud ocu-
los, prodet victorem victoria
sua. Quanquam si te cupido
nominis aliqua tenet, NICETAS
est ille Ægyptius, (Nominis
præclarum Omen!) qui egregio,

Et inaudito facinore triumphatâ Incontinentiâ, videtur quasi iure quodam suo vindicare sibi hoc laudis, ut tâquam vera virtutis exemplar proponatur iis, qui eodem cum hoste congressuri, fraudum illius, et illecebrarum minus periti sunt, et scientes. Potuit ne cadere opportunius, quam ut NICETAS NICOLAO se fisteret? Quos tum apud se, tum apud omnes ordines gratiosos volebat Alexander Macedo, eos nomine donabat suo. NICETÆ quid non concibiet apud te gratia similitudo nominis? Accipe igitur illum, PRINCEPS Excellentissime, accipe, ut soles

reque decet, benevolè; ut victo-
rem, honorificè. Pluris ille facit
plausus tuos, pluris gratiam
quàm victricè coronam Olym-
pionica. Neque sibi uni NI-
CETAS erit; tuis auspicijs com-
mendatus publico, ad beatam
veri Olympi lauream multis
viam aperiet. Docebit enim ue-
rò, quam discipit olim nosse
Princeps Siculus, artem inda-
gandarum fraudum, significa-
bit insidias hostium, scientiam
reportanda victoria tradet cer-
tissimam. Venies in partem illa-
rum laudū PRINCEPS
Illustrissime, qui nomen illi tri-
bueris tuum. Ego verò officij in
te mei hunc fructum referam.

quòd iuuentuti geminum vi-
ctorum exemplar proposuerim.
Vale, & , ut facis , cum NI-
CETA vince,

ILL^æ Vestræ Excellentix

Obsequentissimus seruus
SEBASTIANVS CRAMOISY.

Handwritten text, likely bleed-through from the reverse side of the page. The text is mostly illegible due to fading and bleed-through.

Handwritten text, likely bleed-through from the reverse side of the page. The text is mostly illegible due to fading and bleed-through.

Handwritten text, likely bleed-through from the reverse side of the page. The text is mostly illegible due to fading and bleed-through.



B. VIRG. MARIÆ
DOMINÆ NOSTRÆ
Nobilissimis Sodalitatibus.

A DEO DEI QVE MATRE
Virgine, Felicitas sempiterna.



TIAMNUM meus in
vos affectus calet (prosa-
piâ, eruditione, Virtute
Nobilissimi Domini So-
dales) nec est quod malim quâ vobis
quàm plurimum prodesse, vt cum
plurimum à vobis acceperim, id de-
mum redeat ad suos fontes. Quic-
quid ego adolescens vel litterarum
vel pietatis hausî, id Beatissimæ Vir-
ginis Sodalitati acceptum refero, &
hoc Orbi testor. Vobis debeo, & ve-
stris cœtibus, quòd Virginis filius
IESVS, in suam me Societatem
prorsus indignum admiserit. Inge-
nuè fateor, absque sodalitiis vestro
fuisset, periissem, & mecum plures
alij. Sed perire vix potest inter vos,
nisi pereundi cupidus animum à vo-

bis in perniciem voluntariam abdu-
 cat. Nec in scholis quidem vtiliter
 quis discit, nisi à vestro consortio
 hoc ipsum discat, quemadmodum &
 quàm sobriè discendum sit. Virtus
 & aliorum scientia est, & sui. Veris-
 simè Romanus sapiens, & Marianis
 cœtibus accommodatè: Nulla res
 magis, inquit, animis honesta in-
 duit dubiosque & inclinabiles re-
 uocat ad rectum, quàm bonorum
 virorum conuersatio. paullatim
 enim descendit in pectora, & vim
 præceptorum obtinet, frequen-
 ter audiri, adspici frequenter. a Sa-
 nè vel ipse occursum vester & adspe-
 ctus iuuat ad virtutem, & est aliquid
 quod quis à vobis vel tacētibus pro-
 ficiat. Possim ego in laudem de ve-
 stris Congregationibus iure optimo
 affirmare, quod priscus poëta de vr-
 be Româ per cauillum dixit:

a Sen. ep.
 94. circa
 med.

b Iuuen.
 sat. 2.
 vers. 167.

Hic sunt homines — b

Et nisi quis inter vos discat homi-
 nem agere, & homo fiat verecun-
 dus, sapiens, pudicus, operam per-
 didit, & sub humanâ specie pecu-
 dem, sæpe non vnâ abscondet.
 Scholas & lycea occupabit iste, &

inde vel bonus Grammaticus , vel
disertus Rhetor , vel argutus Phi-
losophus ; aut etiam doctus Medi-
cus , aut insignis Iureconsultus pro-
dibit : At his omnibus valere , licet
ad parandam farinam faciat ; ad emē-
dum cælum illa omnia sciuisse , cas-
sus labor. Bonum Christianum , pro-
bum sodalem fieri , hoc artis est &
sapientiæ. In hanc rem vna Virtus
est , quam si quis inter Beatæ Virgi-
nis sodales non didicerit , vitia sine
magistro disceret auidâ docilitate. Sa-
nè in Marianis sodalitiis varia viget
virtus , *hîc fiunt homines* , ad nor-
mam Virtutis. Illi in suum exitium
pessimè cauti , & ferè nunquam nisi
casu boni , qui cœtus hos fugitant ,
qui huic disciplinæ nomen suum da-
re recusant , aut vbi dederint , pu-
blicos congressus declinant , & nul-
quam minus quàm in conventu so-
daliū conspiciuntur , perpetuū
emanfores , & nec ad numerum qui-
dem augendum beneuoli : Hi tales ,
inquam , hoc vnum agunt vt nul-
lum habeant cum virtute commer-
cium , tantò liberius vitiosi , quan-

tò remotiores à castis oculis. Tanti
est cum bonis consortium, cui qui-
dem me omnia debere fateor; & vt
hoc testato dicam per orbem, scri-
ptionem hanc iam alteram, & no-
uam, ad vestra subsellia, Ornatissi-
mi Domini Sodales, meâ voluntate
animóque libentissimo depono, gra-
ti animi vel tenue monumentum.

Libello huic nomen est *Trium-
phata Incontinentia*. Hic nemo malè
ominetur, eum nomini vestro inscri-
bi. Non hoc agit libellus iste, perin-
de si vos adureret Incontinentia, sed
ne adurat. Vti medicinam facimus,
illis in remedium, istis in lenamen-
tum, in antidotum aliis: sic etiam
remotis vitis, quâ ratione cauere ea
possint, discendum est. Et quia dif-
ficillimum, duram iam & veterem
animis pestem extrahere, prouidè
omnino facit qui præmedicatus non
hoc laborat vt agrotus esse desinat,
sed vt maneat sanus. In hunc finem
ad vos libellus iste properat, non vt
Incontinentiæ morbum adimat, sed
vt non admittat.

Sed cur non librum mitto gran-

diorem, decentius munus foret? Ignoscite, oro, dantis tenuitati, sed & vitijs nostri æui. hoc si placeat inspicere, magnâ morum euerfionē, & Incontinentiæ plurimum vbiq̃ sparsum esse nō negabitis; liberè dicetis: Egrotat orbis. & potissimùm ab Incontinentiâ. Atqui egroto non grandes boli, aut in amplis patinis tucera crassa sunt anteponenda; iusculis atque sorbitiunculis iuuâdus est. Idem hîc faciendum. atque si æui nostri genium consideremus, agrè aliter iuari nunc Orbis poterit.

Volumina & prolixos codices nau-seabundum hoc sæculum vix admittit; & iam salutaria, parè in transitu instillanda. Libelli & scriptiunculæ etsi minus perpolitæ, modò succinctæ, honestatis obliuionem faciliùs corrigent. Quicquid autem alij vel dixerint vel scripserint, hoc vitium Incontinentiæ sine modo, sine fine persequendum est, nam illi quoque nec finis est, nec modus. Et quoniam Incontinentiæ voluntarium hoc sed pestilentissimum venenum, maximam orbis partem

inficit, ad plurimos, optem, medicus
hic libellus perueniat, qui ideò bre-
uis esse debuit, ne malum quod sana-
re vult, morosâ prolixitate potiùs of-
fendat. Quòd si etiam Beatissimæ
Virginis Sodales spectem, quorum
honori & bono libellus hic scriptus
est, ne sic quidem laciniosas adhorta-
tiones his obrudere debui. Sūt qui-
dam ex hominibus tam egregiâ for-
titi indolem, vt in ea quæ tradi solent,
perueniant sine longo magisterio, &
honestâ complectantur, cùm primùm
audiunt. Hæc tam rapacia virtutis in-
genia & ex se fertilia, in hac Beatissi-
mæ Virginis familiâ minimè rara
sunt. Quare, obsecro, Sodales inte-
gerrimi, huic libello, nouo hospiti
locum præbere: non amplum petit
nec lautum, sed quem libellis pijs ne-
gare non soletis. Et quia Castitatis ac
Continentiæ amore vos ardere non
dubito, hoc victæ ac triumphatæ In-
continentiæ spectaculum beneuolis
oculis & auribus accepturos prorsus
confido. Vestrùm omnium castissi-
mis precibus submissè me commen-
do. Monachij, die Beatissimæ Virgi-

nis lustratæ. Anno Christiano M.
DC. XXIV.

Omniū vestrum,

seruus in Christo

HEREMIAS DREXELIUS
e Societate IESU.

Beneuolo Lectori.

FActum, mi Lector, ab omni saeculo
inauditum, omnibus post saeculis ob-
stupescendum fero. NICETAS, Aegy-
ptius iuuenis, sui & libidinis victor, sin-
gularis, admirabilis, stratagemate vicit
in omne eunum admirando. Putem ego
in omni re Christianâ nil reperiri simi-
le. Possumus sanè, quod ille de Ulysse,
de hoc iuvene longè verius affirmare:
Scyllam praeternaigauit, nec abreptus
est; Charybdi conspectus est, nec conse-
ptus est; Circes poculum bibit, nec mu-
tatus est; ad Lotophagos accessit, nec re-
mansit; Sirenes audiuit, nec accessit. a
Addam ego: vinctus est, ligatus est, ar-
mis omnibus spoliatus est, nec vinci po-
tuit. Imò Sirenem fallacissimam &
andyt & ascesit, seu, accedere coactus
est, & tamen submersus non est. Linguâ
pugnauit, linguâ vicit, quâ panè omnes
vincimur, nec vicit concitando linguam
in eloquium, sed mutilando in tormen-
tum. Vis nôsse, Lector, generosissimi
stratagematis incomparabile consiliū?
hunc libellum lege. sed quæso te, quietus
lege, & animo proficiendi. Mores hîc

* Madau-
rens, de
Deo Soci.
fine.

componimus, non verba, & animis hæc scripta sunt, non auribus. *Scriptio* huius finis est, quem & tuum esse cupimus, illud extremum malorum, capitalissimam pestem, vitiorum omnium largissimam scaturiginem **INCONTINENTIAM** expugnare. *Incontinentia* omnium vitiorum fecunda mater, in omnes scelerum formas se diffundit. *Qui Castitatis* hostis est, omnium propè vitiorum amicus est: nec vltus unquam *Pudicitia* bellum indixit, qui non prius fecdera iunxisset, cum non simplici nequitia. Cui mens est vitia per compendium discere, in *Lascivia* disciplinam se tradat, & breui se magistrum ex discipulo mirabitur. *Nemo sanctè vixerit, qui non & castè.*

Et ne te fallas, ô mi optime *Lector*, non solis iuuenibus, non virginibus solis, nec tantum *Parthenijs* sodalibus hæc scripta sunt. Ad omnem statum, ordinem, sexum, etatem attinet hæc scriptio, & multum quidem. *Suam & vidua, suam coniuges, suam sponsi & sponse castimoniam* colant necesse est. *Coniugij* leges malè seruabit qui ignorarit *Castitatis*. imò ausim dicere, *Castitatis* leges

exactè sciendas illi, qui seruare voluerit
coniugij. Nulli hominum ordini, atati
nulli Pudicitia septa transilire fas est.
Et quomodo ei bene conueniat cum Vir-
tute, cui quidem lis sit cum Verecun-
diâ, Virtutis sede: Ita hac quæ de vitan-
dâ Incontinentiâ dicuntur, nemini non
necessaria scitu sunt.

Addo: plurima hoc libello doceri quæ
ad omnigena Virtutis cultum faciant.
Et ut scias, mi Lector, quod hinc sacra
institutionis summarium tibi proponam:
Quicquid Anno 1621. coram Serenif-
simo Electore MAXIMILIANO, & Sere-
nissimâ coniuge ELISABETHA, de Dei
Præsentiâ in omni loco, per sacros Do-
minici Aduentûs dies disserui, eius tibi
summam & velut expressum succum
libro secundo, capite decimo propino. Et
quicquid Anno 1623. coram ysdem Se-
renissimis Banaria Ducibus, & aulico
comitatu de nouemplici Æternitatis
infera tormento pro suggestu dixi, eius
tibi synopsis & epitomen do, eodem libro
posteriore, capite undecimo. Et quamuis
hæc scriptio tanta molis non sit, non ta-
men properata aut sesquidie elucubrata
est. Horatij præceptum est, nouennio præ-

*mendum, quod luci & publico velis
committere. 2. Seruavi, & auctarium a De arte
adieci. Argumentum libelli & ordo, poët pro-
pius finē.*
ut iam ostendi, hic est.

*Viginti quatuor omnino capita libris
duobus assignantur. Liber primus per
capita duodecim exponit, que sint cum
inuitamenta tum effectus incontinētia.
Secundus per totidem capita eidem vi-
tio prebet antidota. Origo & causa, sed
& tenor ac clausula scripti NICETAS
est, miraculum Continentia, & dignum
cælo spectaculum. Hec te scire volui,
Lector, & cum lucro legere.*

APPROBATIO R. P.
PROVINCIALIS.

NICETAM, quem P. HIEREMIAS
DREXELIVS, Societatis nostræ
Presbyter scripsit, aliquot eiusdem
Societatis Theologis censum proba-
túmque; Ego CH RISTOPHORVS
GRENZING, Societatis IESV per supe-
riorem Germaniam Præpositus Pro-
vincialis, factâ mihi potestate ab ad-
modum R. P. N. MVTIO VITELLES-
CO. in lucem dari permitto, fidemque
meâ manu facio, & more Societatis
consigno. Monachij v. Calendas
Octobres. Anno M. DC. XXIII.

Christophorus Grenzing.

APPROBATIO.

EGo infrà scriptus Sacræ Theologiae Doctor & almæ Vniuersitatis Muffipontanæ, necnon fundati in ea Collegij Societatis IESV Rector, Librum hunc *R. P. HIEREMIAE DREXELII* è nostrâ Societate Presbyteri in Germaniâ priùs excusum & approbatum, typis in hac Vrbe excudi & in lucem prodire permitto.

Philippus Nicaus.

INDICVLVS
IN NICETAM,
LIBER I.

- Cap. I. *Sermonis ingressus.*
C. II. *Illustrissimum NICETAE facinus, paulo fusius narratum.*
C. III. *Primum Incontinentia inuitamentum, OTIVM.*
C. IV. *Secundum Incontinentia inuitamentum, MENSA LAVTIOR.*
C. V. *Tertium Incontinentia inuitamentum, IMPVRI LIBRI.*
C. VI. *Quartum Incontinentia inuitamentum, PICTVRAE INHONESTAE.*
C. VII. *Quintum Incontinentia inuitamentum, OCVLI VAGI, CVRIOSI, EMISSITII.*
C. VIII. *Sextum Incontinentia inuitamentum, VERBA PRAETEXTATA & IMPVDICA.*
C. IX. *Septimum Incontinentia inuitamentum, MALI SOCII.*
C. X. *Incontinentia primi effectus, CORPVS DEBILITAT, OPES PERDIT.*
C. XI. *Incontinentia effectus alteri, ANIMAM NECAT, INGENIVM IMPEDIT.*
C. XII. *Incontinentia effectus tertij, FAMAM INQVINAT; VIRTVTES OMNES EXTIRPAT.*
- LIBER II.
- Cap. I. *Geminus NICETAE Benedictus, illustrissimo itidem facinore.*
C. II. *NICETAE pugna & victoria, Epicus descripta.*
C. III. *Primum Incontinentia Antidotum.*

LECTIO SACRA.

- C. IV. *Secundam Incontinentia Antidotum,*
CORPORIS AFFLICTATIO.
- C. V. *Tertium Incontinentia Antidotum,*
PRECES, & ORANDI STUDIUM.
- C. VI. *Quartum Incontinentia Antidotum,*
CREBRA PECCATORVM CONFESSIO.
- C. VII. *Quintum Incontinentia Antidotum,*
IBIVNIA, & ABSTINENTIAE EXERCITIUM.
- C. VIII. *Sextum Incontinentia Antidotum,*
LABORES, & AMOR EXERCITII.
- C. IX. *Septimum Incontinentia Antidotum,*
solicita SENSVM exteriorum CUSTODIA.
- C. X. *Octauum Incontinentia Antidotum.*
Asidue cogitata DEI PRÆSENTIA in om-
ni loco.
- C. XI. *Nonum Incontinentia Antidotum,*
Nouena ÆTERNITATIS supplicia.
- C. XII. *Dictorum de Triumphandâ Inconti-*
nentia EPILOGVS.

17
C. 1. The first part of the
C. 2. The second part of the
C. 3. The third part of the
C. 4. The fourth part of the
C. 5. The fifth part of the
C. 6. The sixth part of the
C. 7. The seventh part of the
C. 8. The eighth part of the
C. 9. The ninth part of the
C. 10. The tenth part of the
C. 11. The eleventh part of the
C. 12. The twelfth part of the
C. 13. The thirteenth part of the
C. 14. The fourteenth part of the
C. 15. The fifteenth part of the
C. 16. The sixteenth part of the
C. 17. The seventeenth part of the
C. 18. The eighteenth part of the
C. 19. The nineteenth part of the
C. 20. The twentieth part of the
C. 21. The twenty-first part of the
C. 22. The twenty-second part of the
C. 23. The twenty-third part of the
C. 24. The twenty-fourth part of the
C. 25. The twenty-fifth part of the
C. 26. The twenty-sixth part of the
C. 27. The twenty-seventh part of the
C. 28. The twenty-eighth part of the
C. 29. The twenty-ninth part of the
C. 30. The thirtieth part of the
C. 31. The thirty-first part of the
C. 32. The thirty-second part of the
C. 33. The thirty-third part of the
C. 34. The thirty-fourth part of the
C. 35. The thirty-fifth part of the
C. 36. The thirty-sixth part of the
C. 37. The thirty-seventh part of the
C. 38. The thirty-eighth part of the
C. 39. The thirty-ninth part of the
C. 40. The fortieth part of the
C. 41. The forty-first part of the
C. 42. The forty-second part of the
C. 43. The forty-third part of the
C. 44. The forty-fourth part of the
C. 45. The forty-fifth part of the
C. 46. The forty-sixth part of the
C. 47. The forty-seventh part of the
C. 48. The forty-eighth part of the
C. 49. The forty-ninth part of the
C. 50. The fiftieth part of the
C. 51. The fifty-first part of the
C. 52. The fifty-second part of the
C. 53. The fifty-third part of the
C. 54. The fifty-fourth part of the
C. 55. The fifty-fifth part of the
C. 56. The fifty-sixth part of the
C. 57. The fifty-seventh part of the
C. 58. The fifty-eighth part of the
C. 59. The fifty-ninth part of the
C. 60. The sixtieth part of the
C. 61. The sixty-first part of the
C. 62. The sixty-second part of the
C. 63. The sixty-third part of the
C. 64. The sixty-fourth part of the
C. 65. The sixty-fifth part of the
C. 66. The sixty-sixth part of the
C. 67. The sixty-seventh part of the
C. 68. The sixty-eighth part of the
C. 69. The sixty-ninth part of the
C. 70. The seventieth part of the
C. 71. The seventy-first part of the
C. 72. The seventy-second part of the
C. 73. The seventy-third part of the
C. 74. The seventy-fourth part of the
C. 75. The seventy-fifth part of the
C. 76. The seventy-sixth part of the
C. 77. The seventy-seventh part of the
C. 78. The seventy-eighth part of the
C. 79. The seventy-ninth part of the
C. 80. The eightieth part of the
C. 81. The eighty-first part of the
C. 82. The eighty-second part of the
C. 83. The eighty-third part of the
C. 84. The eighty-fourth part of the
C. 85. The eighty-fifth part of the
C. 86. The eighty-sixth part of the
C. 87. The eighty-seventh part of the
C. 88. The eighty-eighth part of the
C. 89. The eighty-ninth part of the
C. 90. The ninetieth part of the
C. 91. The ninety-first part of the
C. 92. The ninety-second part of the
C. 93. The ninety-third part of the
C. 94. The ninety-fourth part of the
C. 95. The ninety-fifth part of the
C. 96. The ninety-sixth part of the
C. 97. The ninety-seventh part of the
C. 98. The ninety-eighth part of the
C. 99. The ninety-ninth part of the
C. 100. The hundredth part of the

r




IHS

LIBER PRIMVS
CAPVT I.

Sermonis ingressus.

PARTHENIVS & ÆDESIMVS
colloquuntur.

ARTHENIVS. In manu mihi erat his diebus Hieronymus, ille linguarum totiusq; antiquitatis doctissimus scriptor, & Orbis Oraculum, de quo non immeritò ferebatur illud: *Neminem scisse quod Hieronymus ignoraret.* ÆDESIMVS. Breuiter simul & copiosè laudas, doctorem laude dignissimum, cuius si vel epistolas solum euoluas, magnum eruditionis thesaurum inuenies eruendum. *Parthen.* Has ipsas legi, quibus ille libro tertio miscet res gestas Pauli, primi anachoretæ, ubi mentionem inijcit Ægyptij iu-

2 LIBER PRIMVS

uenis, cuius heroicam virtutem, nulla, putem, vniquam sæcula satis obstupescunt. *Ædes.* Hoc ipsum non ita pridem, & legi, & pænè in saxum steti. quid nos, Partheni, ad Heroas istos? *Parthen.* ita est; sed quaeso te, si quidem plura super hoc liber differere, hanc tu mihi sellam occupa, sedentes cœptum sermonem pertexemus. nam noui te è gente Peripateticorum nõ esse, & Dion olim putat, vti arcum & lyram, ita & homines quiete vigere, & Stagirita a scitum est: sedendo & quiescendo animum fieri prudentem. *Ædes.* Sed num Partheni de Castitate disserturis quies adedè est commendanda? nosti illud de Ægystho adultero: *desidiosus erat.* *Parthen.* Quietem, mi Ædesime, non otium, non desidiam suasi. Sed ad rem, & NICE-TÆ nostri palæstram propiùs inspicimus. *Ædes.* Sed hac lege, vt tu mihi Theseus sis per omnem hunc explicandi labyrinthum. ego Hieronymum sumo, & ad verbum lego, te auditorus interpretem.

a Arist. l. 7
7 phys.

CAP. I.

3

S. I.

Alium iuuenili ætate florentem, in amœnissimos hortulos præcepit abduci; ibique inter candentia lilia & rubentes rosas, cum leni murmure aquarum iuxta serperet riuus, & molli sibilo arborum folia ventus perfringeret, super extractum plumis lectum resupinari iussit: & ne se inde posset excutere, blandis serico nexibus irretitum relinqui. quò cum, recedentibus cunctis, meretrix speciosa venisset, cœpit delicatis colla stringere complexibus, ut corpore in libidinem concitato, se victrix impudica superiaceret. Quid ageret miles Christi, & quò se conferret, nesciebat. Quem tormenta non vicerant, superaret voluptas? Tandem cœlitus inspiratus, præcisam morsu linguam, in osculantis se faciem expuit: ac sic libidinis sensum, succedens doloris magnitudo superauit. *a Parthen.* O factum, su- *a Hieron.*
 peri, omnibus retrò sæculis inauditum! omnibus post sæculis obstu- *in vitâ S.*
 piscendum! Hoc est pugnare, hoc *Pauli primi*
 vincere, hoc triumphare. Eandem *Erem.*
c. 3. Barô.
Anno 253.

Decij Imp. primo. ego historiam ex nicephoro a verbis nonnihili alijs, conscripsi nuper, exercendo stylo. libétne audire? *Aedes.* libet quàm maximè. millies hoc mihi narra, nunquam fatiabis has aures. *Parth.* Ergo recitare iubes? *Aedes.* Et iubeo & volo: recita, recita. *Parth.* Ergo animum & aures aduerte.

CAP. II.

ILLVSTRISSIMUM

Nicetæ facinus, paullò fusiùs
narratum.

IActat priscum ævum sui Anaxarchi libertatem, qui in vinculis tortus, linguam dentibus præcisam, in tyranni os expuit. Ne superbi, mi Anaxarche: Viros ego tecum vel cum Mutio, aut Aquilio, aut Regulo comparem? pueri & mulierculæ nostræ, vobis sæpe non pares tantum, sed superiores longè, & vel in arctissimis vinculis liberiores sunt. Satis id ostendit Ægyptius ille iuuenis, NICETAS, cuius plus quàm heroicam libertatem & fortitudinem, nemo satis, nõ dicam, laudet, sed nec

miretur satis. Felicem te, dicebat rex Macedo de Achille, qui virtutis tuæ præconem nactus es Homerum. idem ego de hoc iuvene veriùs: Felicem te, ô NICETA, qui tuæ virtutis panegyristen nactus es Hieronymum. Et videte mihi obsecro inter quot & quàm insidiosas catenas, libertatem suam sit professus, castissimus hic Achilles noster, cui longè periculosior scena fuit instructa quàm socio. Lectus erat supra omnem Sardanapali plumam, & Heliogabali olorinam culcitram mollis & delicatus; in hunc abiectus iuuenis, non ferreis sed bombycinis vinculis ligabatur. iam actum esse dixisses de retinendâ pudicitia inter tot insidias. circû circa Voluptas sua inuitamenta disponebat, quibus pudica mens suæ castitatis propositum vix potuit non vendere. Stabant foliorum germine reidentes arbores, quæ cum hilari odore, gratas diffundebant umbras, & clementi brachiorum motu, dulces susurros obsibilabant. Has inter loquax riuulus & omni crystallo nitidior errantibus ludebat

aquis, & querulo rore lapillos vexa-
 bat, vnde pænè musico concentu
 pulsabatur. vtrinque flores & copio-
 sa Zephyri familia. Hinc è viridi pra-
 ro argentea ridebant lilia, illinc pur-
 purascentes rosæ promicabât. istinc
 Narcissorum niuem & ebur, hyacin-
 thorum sanguis & aurum acuebat;
 vêtulus ab omni parte placidissimus
 aspirabat. Heu! quid facies Christia-
 na libertas? vndique ad voluptatem
 inuitaris, in tot florum lasciniâ, in
 tantâ odoris fragrantîâ; & inuitatri-
 ci huic Voluptati resistes? & quo-
 modo tot pedicas abrumpes? En, ad-
 repit etiam petulanti vultu femina,
 quæ tot in te iaciet vincula, quot ver-
 ba, & , vt basiliscus, solis oculis ne-
 cabit. Heu! miserande iuuenis. quo-
 modo ab hac te viperâ seruabis illæ-
 sum? nulli vnquam sua magis capti-
 ua fuit libertas quàm tibi. oculos
 aperis? à formâ tibi laqueus est. hos
 claudis? aures patent, per quas ve-
 neni satis possit instillari. sed neque
 manus pugnis, aut pedes calcibus
 castitati suæ succurrere queunt. Ah!
 amissa videtur integritas, & expu-

gnatum tot machinis pudicum pe-
ctus. Credibilius videtur Romanum
parricidam, in culeum cum cane, ser-
pente, gallo gallinaceo atque simiâ
insutum à vulnere seruari posse in-
noxium, quàm te, ô iuuenis mise-
rande, à libidinis peste immunem.
quidquid agas, constrictus teneris,
nec pater vel spes euadendi vlla. Laf-
cius Cupido ab omni parte tibi im-
minet, atque iam iam, quod in te
venenauit telum, emitter. At, at,
ante victoriam cecinit triumphum
Venus. reperit consilium Christia-
nus hic Athleres, in letali hac arenâ.
Inuenit sibi viam quâ victrix Casti-
tas hostem suum triumpharet. Nam,
dum sic vndique oppressus iuuenis
vicinissimum periculum contuetur:
Quin, ait ipse secum, exurgis læse
pudor, & quibuscunque potes ar-
mis, te ipsum defendis? sola lingua
vinculum non sentit. Rectè est: lin-
gua mihi telum erit: malo esse mu-
tus, quàm parùm castus. Dixit, &
generosissimo vulnere, mediam sibi
linguam præmordit, eamque in fron-
tem lupæ quæ fronte caruit, sangui-

nolentam ei aculatus est. O NICETA,
 ô maecte virtutis & animi iuuenis,
 qui tot ex Orco compedes rupisti, &
 virginei pudoris libertatem, in tu-
 tum asseruisti, fauce pro pharetrâ,
 linguâ pro sagittâ fortissimè vsus.

§. I.

Aedes. O cælum, ô terra, & ô
 maria Neptuni! quid simile in omni
 historiâ, profanâ & sacrâ; veteri,
 nouâ; Romanâ, Græcâ reperire est?
 verè huic iuueni acclamari potuit:
 FACTVM BONVM, factum admiran-
 dum, præsigne, obstupescendum.
 Nihil ad hoc Lacon ille adolescens
 fecit, qui bello captus, identidem
 clamabat: *non seruiam.* & vt primùm
 iussus seruili & contumelioso mini-
 sterio fungi, illisum parieti caput ru-
 pit. Quid Murij dextra ardenti focu-
 lo castigata? Sed neque sicam Lucre-
 tiæ sanguine stillantem miror; casta
 illa esse voluit, cùm castitatem ami-
 sit. *Parthen.* Habuit quidem & pris-
 cum æuum magna Castitatis exem-
 pla: Xenocratem laudo, Scipio-
 nem prædico, Alexandrum Mace-
 donem ob hoc veneror, Spurinam

CAP. II. 9

& Democlem admiror, solum NICE-
 TAM obstupesco. Xenocrates, il-
 lius fuisse dicitur verecundia, vt si
 quid vel in bestijs impudici videre
 contingeret, auersis illud & retortis
 oculis continuò damnaret: Scipio
 commendatissimæ formæ virginem
 sponso, vti eam acceperat, intactam
 restituit, tam sui quàm libidinis vi-
 ctor: Alexander Rex, Darij filias &
 coniugem, miræ elegantia feminas,
 nec oculis quidem voluit attingere:
 Spurina proprij vultûs elegantiam
 vulneribus confudit, ne alios eâ vre-
 ret: Democles in bulliens ahenum
 insiluit vt stuprum effugeret, vterq;
 Castitatis generosus propugnator,
 neuter tamen cum NICEA nostro
 conferendus. Et quia Circum hunc
 ingressi sumus, libetne pedem pro-
 tollere, & quâ possumus, hoc sta-
 dium emetiri? *Edes.* Vacamus am-
 bo; nec est quod recusem, præsertim
 si tu manu ducas. *Parth.* Sed si errem,
 veniam dabis. incidi nuper in verfi-
 culos, pauculos illos, atque si verba
 spectes, parum delicatos & teretes,
 sed sensu opulentos, & nescio an

10 LIBER I.
breuius quid legeris, & simul vtilius.
triplex illis inscriptio, nec nisi sex
vniuersim sunt: En, recito.

INCONTINENTIÆ ET
LIBIDINIS INVITAMENTA.

*Otia, Mensa, Libri, vaga Lumi-
na, Verba, Sodales;*

*Hæc tolle, hanc minue, hos muta,
hæc claudere, hæc fuge, vita hos.*

INCONTINENTIÆ ET
LIBIDINIS EFFECTVS.

*Corpus, Opes, Animam, Ingenium,
Famam, Virtutes;*

*Debilitat, perdit, necat, impedit, in-
ficat, aufert.*

INCONTINENTIÆ ET
LIBIDINIS ANTIDOTA:

*Lectio, Flagra, Preces, Confessio,
Lympha, Labores,*

*Portarum excubia, Christi presen-
tia, Poena.*

*Ædes. Memoria iuuandæ facti
sunt, nec displicent: sed quia tu me
hodie manu ducis. incipe Partheni,
& explica illa tuorum versuum ænig-
mata, ne cui Arabicè locutus vide a-*

CAP. III. II

ris. *Parth.* Admitte iam paucos hos Epicos: alios pòst subdam de NICE-TA meo, qui, nisi luxuriæ malum ingens habuisset cognitum, non illud adedò fuisset detestatus, vt cum summo dolore balbus esse maluerit, quàm cum paratâ voluptate impudicus.

CAP. III.

PRIMUM INCONTINENTIÆ
inuitamentum, OTIVM.

NIHIŁ ad vitia seu discenda, seu committenda proclinius, quàm otiosa vita. In ludo Vitij, OTIVM Magister est & primarius doctor. Et ne mireris: Draconis lege, qui Otij damnati essent, capite multabantur. Ad libidinem maximè trahunt:

*Otia, mensa, libri, vaga lumina,
verba, Sodales.*

En, antesignanum OTIVM. non est quodd hîc quidquam cõtrouertamus; omnium vitiorum vsitatam puluinar est Otium, quid ni etiam sit luxuriæ? Et oraculum est, quod olim affirmatè Diogenes edens: Libido, in-

A vj

Viti boni nil agunt, male agere discunt.

quit, est otiosorum negotium. portentum est profectò, homo otiosus & castus, atque uti cognata sunt vitia, *mentiri & furari*, illicò enim ego tibi furem ostendam, si tu mihi mendacem; ita prorsus proxima sibi sunt *nihil agere, & malè agere*; tempus perdere, & Castitatem non retinere; *otiari, & luxuriari*. Ovidianum illud tritissimum nosti:

*Queritur Aegyptus quare sit factus
adulter?*

In promptu causa est, desidiosus erat.

A desidiâ, pleraque libidinum incendia pullulant. Otium fauilla libidinis. Atque utinam parentes & magistri hîc attenti vigilent, suis ut torporem omnem excutiant: exemplo præit, parens ille apud satyricum: a

Juvenal.

sat. 14. v.

290.

—————*at nunc*

Post finem autumni mediâ de nocte stupinum

*Clitus, si uenena pater excitat, accipe
ceras,*

*Scribe puer, vigila, causas age, perlege
rubras*

*Maiorum leges, aut vitem posce li-
bello.*

CAP. III.

13

Magni Imperatores, cum male parere militem vident, aliquo labore compeſcunt, & expeditionibus detinent. nunquam vacat laſciuire diſtrictis. a Reuerâ.

a Senec. ep.

Otia ſi tollas periere Cupidinis arcus,

56.

Contemtaq; iacent, & ſine luce faces.
ſiquidem eodem magiſtro monente:

Quam platanus riuus gaudet, quam
populus vnda,

Et quam limoſa, canna paluſtris, her-
mo:

Tam Venus otia amat——

Otiouſus enim, vti veriffimè Romanus ſapiens, b non ſibi viuit, ſed
quod turpiſſimum eſt, ventri, ſom-
no, libidini.

b Senec.
epiſt. 55.

§. I.

Sed grauioreſ tibi teſtes adduco.
Melliſſius doctus, Bernardus: c Si-
cut, inquit, per rimam ſentinae, aqua
latenter intrat & excreſcit, donec
nauiſ per nauarum incuriam de-
mergatur: ita ex otio atque ignauiâ
cogitationeſ prauae, & concupiſcen-
tia multiplicantur, donec nauis cor-
diſ eiſ ſuccumbens, in peccato pe-
riclitetur. Otij hoſtè capitaliſſima:

c Serm. de
S. andrea.

scias fuisse bernardum, qui seridò sub-
monens : Omnium, inquit, tenta-
tionum & cogitationum malarum
colluies est otium, summa mentis
malitia, malorum omnium sentina,
mors animæ. *a* Et vt sciretur quàm
cauendum esset Otium Castitatis
studioso : Luxuria, inquit, citò de-
cipit homines otio deditos, & gra-
uius vrit si quem otiosum inuenit :
industriæ & labori cedit. *b*

a Epist. ad
fratres de
monte Dei

b Serm. 51.
de modo
bene viu.

Laurentius Iustinianus, vir perin-
de sanctus ac doctus : sicut aqua, in-
quit, quæ caret decursu ac iacet in
foueis, putrescit ; ita & corpus
otij tabe confectum concupiscentia-
rum ac voluptatum carnalium parit
ac nutrit insaniam. *c* Id alibi confir-
mans : *d* quemadmodum, inquit, ex
temperato labore carnis incendia
cohibentur, sic ex otio fouentur &
crescunt. In magnatum culinis, co-
quorum pigrizia id compendij repe-
rit, cum ignis segnior est, butyrum
affundit, vt ad flammam irriter. Idem
pænè diaboli calliditas facit : cum li-
bidinum ignis in nol i. fractior est,
tunc & oleo, & pice, & butyro il-

c l. de per-
fect. grad.
ca. 9.
d lib. de
ligno visa
cap. 5.

CAP. III. 15

lum reddit viuacissimum : cibus potiusque copiosior est oleum ; pix , libri obscœni ; molle butyrum , turpe otium : ad hæc fomenta facilis exurgit flamma. Qui castitatem odisse vult , amet otium.

§. II.

Otium & Reges simul , & beatas perdidit vrbes. *a Catull. ad Lesb.* Otium iners & languidum , solam requiem complectitur , quo nil fœdius , nil similius est sepulchro. Otium sine litteris , mors est & viui hominis sepultura *b Senec. e. 82.* Proximæ sanè agnationis sunt OTIUM & VITIUM , *Multam enim malitiam docuit Otiositas , c vt rectè mater nugarum , & omnium virtutum nouerca dicatur.* Nullus fructus est Otij , sed dispendium semper maximum : Otium , res vna omnium disciplinæ inimicissima est. Otium non tantùm non acquirit noua , sed etiam acquisita consumit : & vix quidquam est , quod viam ad gehennæ fauces æquè facilem planamque reddat atque Otium. quod etiam fortissimum quemque in diuersa vitia suauiter impellit. *Multam malitiam docuit Otiositas.* *c Eccl. c. 31 v. 29.*

Præclare scripsit Portius Cato, necesse esse ut sua cuique vitæ ratio constet; id certè nisi operoso & laboris amanti contingere non potest. & sanctioris quidem vitæ ratio processu gaudet, & crescit; cessatione torpescit & deficit. Cui verò vitam per dedecus placet exigere, Otium sectetur, & à scopo suo quàm minimè aberrabit. Declivis & ad omne flagitium compèdiosa via est Otium. Vis veram huius môstri descriptionem? Pulcherrimum omnium vitiorum breuiarium & epitoma est Otium. Mens otiosa in mille facinorum furias discurret. *Multam malitiam docuit Otiositas.* *Ades.* Pleriq; omnes contra OTIVM diserti sumus, & nonnunquam ore tragico in illud declamamus: at interim suaviùs nobis esse credimus, cùm vacamus; otium meliùs reprehendimus quàm fugimus. Videmus meliora & probamus; deteriora sequimur. *Parth.* tantò peiores sumus, quantò dulcius nobis est hoc pessimū malum. Verè, *Multam malitiam docuit Otiositas.* Hactenus in otium dixisse, satis sit.

CAP. IV.
 SECUNDOVM INCONTINEN-
 TIÆ inuitamentum, MENSA
 LAVTIOR, SATVRITAS,
 GVLA.

REs in aperto est, & pridem cer-
 ta: sine Cerere & Libero frige-
 re Venerem. Cùm enim totum illud
 domicilium interioris hominis, escâ
 stipatum, vino inundatum, deco-
 quendis excrementis inæstuat, quid
 tam in propinquo superest, quàm ad
 Lasciuam sapere? tunc enim libidi-
 nosus nec tenebras expectat; tunc
 impudicus morbum publicat; tunc
 perulans nusquam manum continet:
 & licet omne vitium detegatur in
 ebrio, libido tamen plurimum, ita
 cùm corpus fartum est, & cuticula
 bene curata, ante omnia vitia resur-
 git libido, quæ annis sæpe integris
 iacuerat emortua, aut certè sopita
 languerat, vires resumit, maximè
 dum adulterijs cælata vasa propinant
 vinum, tanquam per se parum do-
 ceat libidinem temulentia, vt neces-
 sum proinde sit vinum ex libidine

haurire, si lasciuire lubeat. Nec vulgi dictum hîc errat: *post epulas chorea.* cui & sacra pagina adstipulatur: *Sedit populus manducare, & surrexerunt*

a Exod. c. ludere: a sed lusum non bonum, lufum impium. idè vigilanter monet gentium Doctor: Nolite inebriari

b Ephes. c. vino, in quo est luxuria. b Et nosti, 5. vers. 18. mi Aedesime, quod veteri & vero adagio dicimus: Nunquam fames adulteria genuit. quod diuinus Eze-

c Exech. c. chiel clarissimè pronuncians: c Hæc, 16. ve. 49. inquit, fuit iniquitas Sodomæ; superbia, saturitas panis, & abundantia, & otium ipsius, & filiarum eius.

§. I.

Ita plerumq; post lautio rem mensam, post saliares cœnas post epulas copiosiores, ab homine nonnihil diuertimus, & quandoque etiam in pecudes degeneramus: Impinguitus est dilectus & recalcitrauit. incrassatus, impinguarus, dilatatus, dereliquit Deum factorem suum, & recessit à Deo salutaris suo. *d* Ita lex vitiorum certa est, vt fagine substructa sit lasciuiâ. vt non mireris apud eos incontinentiam, apud quos reperis

d Deuter. c. 32. v. 15.

offertam mensam. Et quæso te, vel
 rationem tu tuam interroga, famél-
 ne an saturitas Virginitati sit ami-
 cior. Tutius, puto, habitat paupe-
 rum tabernas Castimonia, quàm Re-
 gum turres & aulas. Tibias scis tum
 maximè stridere, cum maximè in-
 flantur & plenæ sunt vento: ita pror-
 sus corpus humanum habet; tunc
 potissimum in lasciuam petulantiam
 exæstuat, cum plurimum ab epulis
 vinoque calet. Optimè Gregorius: *a*
 Ex vno Gulæ vitio, innumera vitio-
 rum agmina, ad conflictum animæ
 producantur. Vnum quidem Gulæ
 vitium est, sed aculei libidinis innum-
 meri sunt, qui præcedentem illum
 quasi regem sequuntur, qui lata qui-
 dem suggerunt, sed ad æterni fletûs
 lamenta perducunt. Hæc totidem
 verbis Gregorius, qui, silere si velit,
 loquetur experientia. Quàm multi
 perdiderunt pudicitiam, quia nolue-
 runt vincere Gulam. Vnde vox illa
 castissimi Hilarionis: Paleis te pas-
 cam, aselle, non hordeo. Itaque opi-
 miores mensas adèd abhorret Casti-
 tas, vt tum demum victoriam speret.

*Rara verum
in ecclesijs*

*a In libros
Reg. lib. 5.*

ca. 1.

*Tolle gulam
ex facili
cup. scilicet
v. 1.*

cum corpori, velut iumento, deliciae omnes negantur.

Verum ab hac lege, nimium quantum recedit hoc æuum nostrum. Atque iam sæpe animum meum subiit cogitare, an non prisca illa sæcula, sanè non aurea, sed ferrea vel plumbea redierint, de quibus diuinus Lucas. In diebus Noë, ait, edebant & bibebant, vxores ducebant & dabantur ad nuptias vsque in diem, quã intrauit Noë in Arcam, & venit diluuium, & perdidit omnes. a Æuum hoc nostrum considera, & fateberis parissimum cum illo veteri Noëmi. Editur, bibitur passim, affluenter & saliariter. neque hoc satis (venia sit à tuis auribus mi Ædesime) vomitur & luditur certatim, qualem scilicet Iosum luserat, Vdo ille infelicissimus Magdeburgensis antistes. Nuptiarum etiam & chorearum vbique factis est (vrbes ingredi, & mecum senties) vbique Hymenæus & Thallasius personant. Hos mores, credo, perseuerabit Orbis, dum veniat non Noëmus, sed Christus, & ab iridis tribunali decretoriam sententiam

a Lucc. 17
vers. 27.

pronunciet in omne humanum genus.

§. II.

Ergo, si Venerem hanc flammam imminutum vis ire, mensæ saginam minue, cibum potúmque tibi adime. Luxuriam subinde videmur fugere, dum fouemus. Canem tibi molestum vis abigere, & panem projicis? Libidinem vis vincere, & ventrem refercis? Hoc est operam ludere. quid Castimoniam inter epulas & delicias quæris, quam Hieronymus inter prolixas abstinentias & plagas ægrè reperit. Ergo quantum potes, circumscribe corpus tuum, & animo locum laxa. *a* Id agere debemus, ut *a Senæ. epi.* irritamenta vitiorum quàm longissimè profugiamus. Indurandus est *15.* animus, & à blandimentis voluptatum procul abstrahendus. *b* Isæus Assyrius, teste Philostrato, interrogatus: ecquas epulas iudicaret suauissimas? Ista, respondit, curare desij. Utinam & nos, Ædesime, has curas corporis desierimus curare; mens rectius haberet. Imperio animi, corporis seruitio utendum, nec

b Senæ. ep.

51.

plus fidendum huic seruo quàm hosti. Hieronymus certè sol ille solitudinis, integrarum hebdomadum inedia, maligniorem in se flammam compressit; oculos cælo inhaerentes, & quasi caueâ suâ egressos, lacrimarum pluuia sequebantur. En tibi, & aquâ pugnavit in hunc ignem, & alimenti subtractione. Sed pertexamus cœptum versiculum; ita is habet: Otia, Mensa, libri—— *Edes.* Attentum habes auditorem; securus perge.

CAP. V.

TERTIVM INCONTINENTIAE inuitamentum, IMPVRI ET OBSCOENI LIBRI.

PESTIS ipsissima sunt, hi tales libri, & certissimum venenum legentium. Et quod longè pessimum, ubique obuium est, hoc genus toxicum, & liberalissimè quacunquè sparsum reperies, neque enim vno tantum idiomate obscœnitas in libros irrepit; omnibus grassatur linguis: Germanicâ, Italicâ, Gallicâ, Hispa-

nicâ , Belgicâ , Latinâ , Græcâ , solutâ & ligatâ oratione , sũntque hoc fœdo scribendi genere , priscorum & recentium plurimi infames , è quibus alij historias texunt , alij satyras scribunt , alij poëmata pangunt , illi fabulas concinnant , isti alium scribendi Circum ingrediuntur , in quo cum veris , tum fictis narrationibus , historijs & fabulis hoc vnum agunt , vt lectorum animos Veneris lue venent , & vt minimùm ad cogitationes impuras , si non ad lasciuos sermones , & ipsos ausus pelliciant . In hos tales iure commotior Tullius : *a a lib. 2.* molliunt , inquit , animos nostros ; *Tusc. qq.* neruos omnes virtutis elidunt . In horum albo sunt plerique omnes prisci poëtæ , fabulatores , satyrici : non nomino , ne nosse doceam . Horum omnium scripta si castigata non sint , & ab obscœnitatis sordibus eluta , lectori merissimum venenum sunt . non tanget hos , quisquis Castitatem cordi habet . Ouidius ipse ob hoc ab Augusto in exilium relegatus , nec à Tiberio reuocatus , cautè id monet .

Eloquar inuitus, teneros ne tãge poëtas;

Submoueo dotes impius ipse meas.

Audisne? ipse pestilens poëta vociferatur: ne me attingas, abi, recede, prædicit periculum, malum antè denunciat, proclamãtque: fuge, procul esto, ne inficiaris. Tu verò inferste, & irruis; & nec amicorum reuocantium, nec hostium repellentium voces audis; tangis, legis, relegis, expendis magis serius quàm diuinas paginas. Ergo iure vox è cælo intonat: quis miserebitur incantatori à serpente percusso, & omnibus qui appropiant bestijs? *a* Tu igitur, ne tange hos, quisquis infici non vis, & perire. neque enim hi pestilentissimi codices aliud sunt Origeni, quàm ranæ Ægyptiæ; Hieronymo glandes & siliquæ; Augustino flumen Tartareum, in quo miserè deuoluitur ad inferos, humanæ gentis pars magna.

*a Eccl. ca.
12. v. 13.*

§. I.

At verò dicas: hinc verba disco, hinc stylum acuo, hinc eloquentiam haurio, & ritus veteres cognosco. Nimirum, discere vis bene loqui, & malè

malè viuere; imò verò & malè lo-
 qui, & malè viuere. ex abundantia
 enim cordis os loquitur. *a* & quid *a* *Matt. c.*
 opus aurum in hoc luto quærere? *12. v. 34.*
 Itane, mi iuuenis, ex oleto isto tan-
 tum tibi eruditionis accedet? perin-
 de atque si Musæ natæ sint & dena-
 tæ cum his Venereis satellitibus. Et
 deinde, sit ita, mi iuuenis, sine his
 eruditionem parari non posse; nun-
 quid satius est iacturam facere do-
 ctrinæ quàm pudicitia; & velle po-
 tiùs minus eruditum, quàm minus
 castum esse? At istud mantelum est
 & prætextus vanissimus, sine hoc
 obscœnorum scriptorum lenocinio
 scientiam, stylum, eloquentiam non
 constare.

Si ego tibi, mi Ædesime, Faler-
 num capaci auro vel gemmam pro-
 pinem, prius tamen fœdum araneum
 in hoc generosi potûs carchesio cõ-
 moluisssem; responderésne propi-
 nanti? tantine apud te esset Opimia-
 num vinum, vel rari artificij Chry-
 sendeton, vt oculis ruis certum pericu-
 lum nunciãtibus nõ crederes, sed al-
 licienti gulæ parères? tam fungi te &

fatuum non credo. simillimum prorsus in his libris est: phrasis, stylus, elocutio, velut aurea patera blandiuntur oculis: vestis insuper libri, purpurâ & auro nitens, icones in æs incisæ, dictio vernans & florida; fabulæ etiam & facetiores historiolæ, ritus prisce æui, velut vinum edentulum, & centum annorum Opimianum, inuitant ad hauriendum, ad legendum. Sed cogita quàm pinguis hîc innatet araneus? lasciuia, obscœnitas, libido hîc latent: mors in hæc pocula ructauit: præstat hîc sitim ferre, quàm mortem bibere.

Libri certè inhonesti quauis colubrinâ sanie pestilentiores sunt & perniciosiores. namque obscœnus scriptor, omnium horarum leno est, nullóque non tempore ad impuros cogitatus motûsque inuitat, & peste letali inficit, quos obsequentes habet, atque in exitium suum curiosos. Ita fit vt multè maxima sit horum librorum, & turpium picturarum perniciēs, cùm illi tectæ fœditatis ingenioso inuolucro alliciant, istæ tenaci oculorum visco decipiant, &

Castimoniam expugnent. Neque talium librorum auctores aliud faciunt, quàm qui fontes publicos veneno inficiunt, tot funerum rei, quotquot inde biberint.

§. II.

Surena, Parthorum Dux, Crasso unà cum plurimo milite atque filijs interfecto, inter prædam, Aristidis Milesia reperit, & ob id Romanis plurimum insultavit. Quid cacodæmon faciet in morte, cum Ouidios & Amadisios &c. moriturorum oculis ingeret, quos sani tantis studijs legebant, forsitan etiam re divinâ ob id facilè temerèque neglectâ? Scis, mi Ædesime, quid olim Hebræi ad Romanum tribunal succlamant: *Non hunc, sed Barabbam.* Itidem prorsus spurcorum scriptorum lectores faciunt, & grandi voce, hoc est, opere ipso succlamant: non hunc, non libellum de Imitatione Christi, non stimulos Virtutum, non Claudium Viexmôtium de Pœnitentiâ, non Dominicum Cadelam de Virginitate, non Franciscum Brunum de Christo, aut

Christi matre; non Ludouicum Granatensem pro pietate plurima scribentem, non Franciscum Arias de imitandâ Beatissimâ Virgine disserentem, non Ludouicum Richeomum de Peregrino Lauretano loquentem: non hos volumus; apage cum talibus. sed neque Didacum Stellam de Mundi contemptu, neque Gabriëlê Inchinum de omnium Nouissimis, non opus Marianû Martini Delrij, non sacras meditationes Ludouici de Ponte; nullum horum, sed Barabbam, sed Amadasium Gallicum, copiosum illum & illustrem scriptorem, qui vltra vicenos quatuor libros conscripsit; da Heliodoros, Arbitros; da Madaurenfes, Faustos; hos volumus, non illos alteros morosos scriptores. Itâne vos, Christum & Christianas lucubrationes tam facilè repudiare, admittere Barabbam, parricidas libros in exitium vestrum petere & fouere? Dixi iam suprâ, obscœnas has chartas ranis Ægyptijs similes, quæ absõno carmine perstrepebant in omni domo, ipsas etiam mensas fœdabant, ipsa

etiam cubicula turbabant. ita sacra
 pagina: *a* quæ ingredientur domum *a Exod. c.*
 tuam, & cubiculum lectuli tui, & *8. vers. 3.*
 super stratum tuum &c. Rectè, in
 stratum, nam & dormituro, imò &
 dormienti hæc tales obscœnæ ranæ
 sese ingerunt. Et hinc, mi *Ædesi-*
me, etiam cùm dormimus, sæpe cul-
 pâ non caremus: somnus etiam in
 noxam nobis abit, quia cùm vigila-
 remus, sine noxâ non fuimus. Et
 quæso, quæ tandem hæc nostra insa-
 nia est? iam proximus ardet *Vcalegon*,
 ac flammam vomit caminus nos-
 ter; & nos resinam & oleum affu-
 suri accurrimus. quid opus, libidi-
 nem his libris accendere? iam antè
 fœvit nimium quantum in humanis
 membris, à protoplasti letali morsu.
 fatius profectò foret vel oculis care-
 re, quàm illis tam malè uti.

§. III.

Narrat Iosephus, *b* Theopom-
 pum mente motum fuisse, diebus
 triginta, quòd fuisset circa legem
 diuinam curiosior: Theodectæ verò
 poetæ, cùm aliquid è sacro volumi-
b lib. 12. Antiq. In- daic. t. 2. proximè finè; cùm sit longissi- mum.

ne tragediæ suæ inferere tentasset, oculos glaucomate suffulos caligasse quòd si nec sanctæ quidē (sic loquar) curiositati sit venia, quæ erit impiæ illi & fœdæ? non bene conueniunt, nec in vnâ sede morantur, Virginitas & Curiositas, hæc præsertim in lactiuis paginis. Consuluit sibi Nonnus poëta, qui Dionysiaca sua discerpfit, & stylum ad sacra conuertit. Æneas Syluius, dein Pius II. Pont. Max. dum illi virebant genua, quædam licentiore calamo in lucem dedit quæ maturioris iam æui, primus ipse iudex damnarit; plurimum etiam, vt ea omnia suppressum irer, laborauit. hinc eiusdem voces illæ & preces: Seni magis quàm iuueni credite: & Pontificem pluri, quàm hominem priuarum facite; Æneam reijcite, Pium suscipite. Ioannes Picus Mirádula libros amorum ab se compositos exussit. Noui ego, qui sub vitæ finem versiculos eiusmodi molliores hoc versu damnarit; Itè mali versus, animam qui perditis, ite. Æuo nostro Laurentius Gamba-
ra, Petrus Bembus, Franciscus Pe-

rrarcha, Torquatus Tassus, Petrus
Ronsardus; plures alij acerbè de-
mum deplorarunt, quidquid olim
calamo minus verecundo exara-
runt. ita hi libri nusquam tutiore
sunt loco, quàm cum in flammâ
sunt. Sed ex te, quisquis eiusce-
modi chartas reuoluis, quæro: ad-
mitterésne in ædes tuas lenonem
aut lenoniæ artis vetulam? apage
tu mihi hos tales hospites in ho-
nestâ domo, respondebis credo.
Atqui, mi iuuenis, obscœni libri
& imagines omni lenone peiores
sunt, vt qui omnibus horis pelli-
ciant. Malus homo subinde boni
consilij est auctor, at ex libro ma-
lo & lasciuo honestatem nunquam
condisces. Hic, vt venenata be-
stia tolli potest, mutari non potest,
idem semper & vbique sibi similis,
pestilês, animorum corruptor, euer-
sor candoris, pudoris, sanctitatis,
vniuersæ virtutis; doctor proteruiæ,
inuerecundiæ, lasciuæ, vitiorum
omnium. nulla Circe, nullæ Sirenes,
nulla Hydra aut Harpyia tam virofa

aut noxia fingitur, atque sunt impura volumina. Quare Concilium Lateranense & Tridentinum, à Christianis oculis & manibus, ea merito seuerâ lege arcent. Si enim sanctissimus vir Hieronymus ad Christi tribunal flagellatum se asserit, quòd Ciceronianus esset, quid tu Catullianis, Propertianis, Amadisanis futurum censes? *Ades.* Persuades, Partheni nec differo quin hodiernâ aut crastinâ luce bibliotheculam meam recenseam. si quos huius notæ libros reperero, expellam hospitio. sed quid de picturis censes, quæ cum veste honestatem exuerunt?

CAP. VI.

QUARTVM INCONTINENTIÆ inuitamentum, PICTURÆ INHONESTÆ.

P*Arthe.* Quod de libris obscœnis dixi, idem de picturis talibus affirmatissimè assero: pestem & venenum immittunt per oculos in animum. Cùm tentatio deest, pictura supplet. Multa olim idola propone-

bantur adoranda, quæ vel aspicere honesti oculi dedignarentur. Ideo diuina Sapientia clamat: *a Initium a Sap.c. 14 fornicationis est exquisitio idolorum, & vers. 12. a diuuentio illorum, corruptio vite.* Infani mortales, turpitudinem quam picti Dij Deæque præ se ferebant, eam ipsi honestatem interpretati sunt, nec sibi vetitum credebât quod Dijs licuisset. Ab his fontibus tales riuuli. Ab inhonestis picturis, facilis gradus est ad actus inhonestos. *Ædes.* Nec tamen omnes eiusce- modi picturas damnabis, mox ad Vulcanum ablegandas: quandoque artificio parcendum. Pictores & sculptores, hominem ided sæpe fingunt inuestem, vt humani corporis eniteat artificium, quâ structuram prorsus admirabile. *Parthen.* quid? tu his patrocinare? quasi verò artificium pereat, nisi pereat pudor. laudatissimi pictores fuerunt, qui tamen casto semper penicillo sunt vsi. quales Titianus & Tintoretus, Veneti; qualis Christophorus Schvvarz Monacensis; eorum opera summi artifices etiamnum mirantur: ij nun-

quam inueerecundis coloribus pinxerunt. Tintoreti quidem opus, Christus à Romanis militibus crucifixus, in Venetâ Curiâ, sermone muto hodiè que concionatur. At verò Christophorus Schvvarz, quicquid artis (vt ipse fassus) quicquid sensûs, animi, affectûs, venustatis habuit, in vnam Beatissimæ Virginis sedentis & puellum filium genibus fouentis imaginem ita consumpsit, vt sibi demum satisfecerit. & hæc Monachij in aulâ Scholarum Societatis I E S V etiamnum spectatur. sed (quod admirandum) nulli artificum est imitabilis, quamuis eximij pictores tentârint non semel parem effingere, successu tamen prorsus impari. Et hæc pictura eò nobilior, quòd artifex ille ingenium omne atque artificium, non in amorem Deam, sed in *Domini* matrem pingendam impendit.

Pictores illi sine fronte, venatores simul sunt, sed diaboli; his talibus picturis velut retibus incautos oculos illaqueant. Incredibile, quantum malorum in Orbem inuehant, las-

ciuæ hæ imagines. Et tamen vbique
 pænè locorum, hoc oculorum virus
 reperire est. in cubiculis, diætis, cœ-
 naculis, in hortis, fontibus, in pro-
 pylæis, vestibulis, triclinijs, in ipsi-
 poculis, in vijs publicis; libros e-
 tiam cùm eruditos, tum eos quos
 stemmatum vocant & amicitia, in-
 ficiunt. Et quot oculi ad hos scopu-
 los fœdè impingunt?

S. I.

Caligula Romæ, publico epulo,
 feruum ob detractam lectis argen-
 team laminam, carnifici confestim
 tradidit, vt manibus abscissis, atque
 ante pectus à collo pendentibus,
 præcedente titulo, qui causam pœ-
 næ indicaret, per cœtus epulantium
 circumduceretur. a Sulpicius Galba
 numulario non ex fide monetam
 versanti, manus etiam amputauit, &
 ad pecuniarium abacum affixit. Di-
 gni profus hoc supplicio sunt pi-
 ctiores, qui ad eò verecundiæ obli-
 niscuntur, vt plurimorum oculos
 in eandem secum trahant inuere-
 cūdiam. Libros obscenas multi non

a Sueton.
 in Calig.
 c. 32 & l.
 7. in Gal-
 bā.

legunt, quia non habent; imagines lasciuas plurimi aspiciunt, quamuis eas non habeant. Et velut auiculae quae viscatis virgis falluntur, quanto magis alas his applaudunt, tanto magis inhaerescunt; sic oculi hoc diaboli visco tenacius retinentur, quod diutius spectant. Certè vel ipsis idololatriæ picturæ tales minimè probabantur: si quis inter eos prudentior aut honestior, fœdas has oculorum illecebras plurimum semper detestatus est.

al. 7. polit.

vap. 17.

Aristoteles, in suis politicis: *a*
 Cùm verò, inquit, dicere quidquam tale interdixerimus, clarum est quòd & aspicere, & picturas & actus deformes prohibemus. sit igitur cura magistratibus, nullam neque picturam, neque statuam esse talium rerum imitatricem. Sed, ô mi optime Aristoteles, iam pridem vapulas, philosophia tua moralis, dudum exulare iussa est, nos aliter mores instruimus. si hodiè que fas tibi foret, ô mihi Philosophe, Christianorum ædes obire & pictas in ijs tabellas aspicere, è plurimis ablegatam vere-

cundiam omnem pronunciares. Hæretici certè adeò iam depuduerunt, vt Christi crucifixi effigiem cubiculis & hypocauftis eijciant, Faunos pictósque Cupidines, Veneres & Fortunas ad mensæ parietem affigant, vt vnà prandeant & cœnent libidines. Sed nec in templis, Christi Diuorúmque icones tutæ sunt; illinc etiam exturbantur, à mansuetissimo Caluini spiritu. Imagines lasciuæ raram patiuntur proscriptionem; nec vnus alteriusue loci exiliũ horrent, cùm alibi tantò ampliøre hospitio recipiantur. At verò castissimæ Catharinæ certamen, integerrimæ Ursulæ triumphus, verecundissimæ Agnetis victoria, tot mille fortissimorum martyrum depicta supplicia procul amandantur; euocantur contra ex inferis Deæ omnem impudicitiam professæ, earum imagines sub aspectum collocantur, vt perire volenti, vbique pateat pereundi occasio. Indignum dictu est, à Christianis talia ex Orco monstra in pretio haberi, & Seruatoris, Deiparæ, Diuorum imagines, velut nescio quam

idololatriam sapiant, eliminari, & ex omni ædium loco proscribi: Beatissimæ Virginis effigiem nullâ domûs parte tolerari, fœdissimæ Veneris imaginem loco editiore honorari.

§. II.

Vnius è Sodalibus Marianis Ingolstadij eximia virtus fuit in abolendo hoc malo. Compererat hic, clam per urbem vanire, à nescio quo propolâ, obscenas imagines, quæ oculos honestos séque ipsas erubescerent. Constituit eas adolescens tollere: abiit; coëmpitâsque ad vnam omnes, ne quos virent, flammis combussit: testatus, nihil se neque lucro maiori emisse, neque dispendio minorâ perdidisse. *a* O factum bonum, & ad leges Pudicitæ! Laceret, vrat inuerecundas imagines, qui discerpi non vult & comburi animum. Tales picturæ, mihi crede, sæpe peiores multò sunt colloquijs impuris: dictio dicta perit, auolant leuissima verba; littera scripta manet, turpitude picta perseverat, & ex his oculis in

a Anno
1614. factum.

alios atque alios oculos sese insinuat. Ita, imagines spurcæ, aræ sunt diaboli, in quibus oculi, cogitationes, & cor, huic Orbi domino sacrificantur. Damnum, vix quispiam satis æstimet, quod ab impuris his simulacris inferitur, tam illorum auctori quàm spectatori. Narravit mihi nuper celeberrimus chalcographus & pænè catalogum texuit eorum tantùm pictorum atque sculptorum qui artificiosè quidem, sed inuerecundè pinxerunt aut scalpsērunt; demum ad incitas redacti aut præmature funere sublati finierunt miserimè. Adèd nemo impunè vel conficit vel aspicit hæc libidinum irritamenta. Procul ergo procul Aristidis vel Pausaniæ, aut etiam Nicophanis infames labores, quos meretricios pictores antiquitas vocabat, qui votum suum in picturâ confitebantur. Apage hoc artificium quod oculis se vendit, & pudorem eripit. *Ædes*. Pictorum causam, Parrheni, non agis. *Parthen.* imò verò maximè, sed eorum quorum colores artificium monstrant, non lasciviam de-

cent. *Ædes.* Equidem tecum sensi, ut rem fatear, antequam ista in picturas inuerecundas differeres: nec quisquam est, puto, tam ferreæ frontis, qui non fateri cogatur, has tales imagines concitandæ libidini plurimum facere. Et hoc tibi de me persuade, si quid ego minus verecundè pictum in museo meo, aut inter meos libellos, aut in ceterâ supellectile reperero, hodie in igne erit. *Parthen.* Sic oportet: melius est ardere telam aut chartam, quàm animam. *Ædes.* Sed promoueamus pedem, ad vagos oculos.

CAP. VII.

QVINTVM INCONTINENTIÆ, inuitamentum, OCULI VAGI, CVRIOSI, EMISSITII.

P*Arth.* Inter libidinis inuitamenta, posui *Vaga lumina*. Versiculum meum repeto:

Otia, mensa, libri, vaga lumina—
 Libidinis malum non vno tantum ostiolo in animum irrepit: sæpe per aurium

aurium patulas portas, at sæpius & perniciosius per oculorum geminas fenestras ascendit. Vix opus hîc testibus, malo nostro id experimur. Sanctissimum Prophetam Dauid, in duo ingentia scelera præcipitarunt incauti oculi. Vidit, & exarsit; factus adulter & homicida, solo lauantis mulieris aspectu. *a* Idèd Iob præcipitium hoc & metuens & cauens: *b* Pepigi fœdus, inquit, cum oculis meis, vt ne cogitarem quidem de virgine. quam enim partem in me haberet Deus desuper, & hæreditatem omnipotens de excelsis? rectissime cum oculis fœdus pepigit, cum oculis enim paciscendum est ei, qui tueri vult Castitatē. nam nisi oculi certâ lege & fœdere obligati sint ac constricti, nullum erit tam firmum Castitatis propositum, quod oculorum fraus, vel importunitas, vel etiam negligentia, & leuitas non labefactet. Ephremi dictum est: Aquæductus contractus perdit aquas; oculorum distractio mentem castam destruit. *c* Hinc Christus vt oculorum procacitatem comprimeret, legem

a 2. Reg. 6.

II. v. 2.

b Iob. c. 31.

vers. 1.

c tom. 2.
tract. de
Humil.

tulit tam feueram : qui viderit mulierem ad concupiscendum eam, iam mœchatus est eam in corde suo. *a*
a *Matth.* Per Mosen, inquit Gregorius, *b* luxuria perpetrata, per auctorem mūditiæ Christum, etiam cogitata damnatur. Hinc tot monita, tot præcepta oculis data : Ne respicias mulierem &c. Virginem ne conspicias &c. Auerte faciem tuam à muliere comptâ &c. *c* Hinc illa multò prudentior quàm feuerior Zaleuci Locrensiū legislatoris lex de eruendis oculis adultero, vt qui sint adulterij vel duces, vel suasores. Oculum, primam amoris viam esse, non absurdè dixit Lucianus. Oculus, amoris Principium est, Platoni : Amoris sedes, Philostrato.

Si nescis, OCULI, sunt in amore daces. d

d *Propert.* Ea, inquit Nazianzenus, oculi impudici & auidi attingunt, quæ nefas est attingere : sunt enim organum auidissimum atque promptissimum. hinc eleganter Basilus : *e* Oculis, inquit, velut *manibus incorporeis*, quicquid volumus, attingimus.

e *de veritate virginitate.*

§. I.

Quod de Naphtâ, sulphureo bitumine Plinius: *a* Huic, inquit, magna cognatio ignium, transfiliuntque protinus in eam vndequaue visam; hoc quoque de ardētibus oculorum tædis, & concupiscentiæ igne affirmare licet. ideò continenda omnino sunt lumina, ne alienam videant formam & pulchritudinem, est enim his oculorum ignibus cum pulchritudine maxima cognatio; transfiliunt in illam vndecunque visam. decoraturâ suâ, inquit Tertullianus, *b* *b* *Tert. l.* libidinis inuitator est. *Ædes.* At viri de cult. boni aut feminae pudicæ forma non lædet me. *Parthen.* O mi *Ædesime*, multa bona sunt, multa sunt optima, sed non tibi, non mihi, non illi alteri. Susanna bona erat, & sancta, sed non senum illorum oculis: bona erat (puto) & honesta Bersabee, sed non bona oculis David: bonus erat, optimus erat Hebraeus Ioseph, & tamen oculos dominæ adussit: bona erat arbor Paradisi, sed taos illic oculos amisit Eua. Infani hominis est, oculos eruendos præbere,

eâ tamen lege, si gladiolo eruantur
 aureo. virginea forma gladiolus est
 aureus curioso spectatori, sed oculos
 non minus perdit, qui sic perdit. Ma-
 ghus ad concupiscentiam aditus est,
 hoc vnum, VIDERE. nam, quod Clé-
 mens Alexandrinus *a* sapienter mo-
 net; dum lasciuiunt oculi, calefcunt
 appetitiones. sic prima fornicationis
 sagitta, est oculus — vritque viden-
 do, femina. *b* Non tam eleganter
 quam verè multis sapius occinen-
 dum: Caue tibi, tuisque oculis, ca-
 ue animo tuo: Est mulier tactu vis-
 cus, visu basiliscus. *Ades.* sed reue-
 rà difficile est, hos scintillantes capi-
 tis nostri orbiculos, tam seueris sem-
 per legibus adstringere. Natura illos
 in capite, velut in animata turris ver-
 tice collocauit, tanquam speculato-
 res, vt imminere malo reliqua mem-
 bra præmonerent, & periculo sub-
 ducerent. ita oculi aperti sint necesse
 est, custodes enim sunt nostri corpo-
 ris. *Pariben.* non nego esse, sed de
 his custodibus, cum Luuenale *c* sape
 quis quærat — sed quid custodiet ip-
 sos Custodes? Ergo faciant officium

a Clem. l.
3. paedag. c.
 xi.

b Virg. 3.
Georg.

c Luu. sat.
 6. v. 345.

oculi, corpus custodiant, sed ita, ne hosti prodant animum, quem clausi aut modestè depressi meliùs seruabunt, quàm hiantes & aperti. erigere se volunt? cælum aspiciant; submittere? terram tueantur. *Ædes.* non adèd pulchrum censeam, sic defecto semper vultu inter homines versari, quasi furti reum. *Parthen.* imò verò pulcherrimum; sed nec decentior aliùs Verecundiæ habitus est, quàm oculos deprimere, & in terram figere. & scísne sanctissimo viro Ephremo, quid circa hoc, documenti dederit muliercula? *Ædes.* aueo scire, enarra sis.

§. II.

Parth. Edessam tendebat Ephrem; a' Sozom.
lib. 3. hist. in viâ Deum sic precabatur: Domine, tu meum hoc iter sic dirige, vt Eccl. c. 16.
Sur. tom.
1. Feb. 1. e
Mesaphra
ste. primo vrbis ingressu, in eum virum incidam, qui mecum differat super ijs, quæ sint iuuando & excolendo animo. cùmque iam citatiore gressu portæ immineret, secum ipse cœpit disquirere, & quas viro illi quæstiones poneret, quæ primo, quæ loco vltimo interrogaret. dum sic suis

mersus cogitationibus incedit, en-
 tibi mulier leuicula, sub ipsam por-
 tam illi sit obuia. Ephrem fixis in-
 eam oculis, quasi emoræ mentis sub-
 stitit: turbabatur nimirum vir san-
 ctus hoc feminæ occurſu, dolebát-
 que votis Deum non annuisse; ita
 tristes & indignantes oculos, in fe-
 minæ vultu statuit. non minus illa,
 eum sic stantem obtutu acerrimo
 cœpit contemplari. Vbi sic inter-
 mutuos aspectus aliquamdiu silen-
 tium tenuit, demum prior Ephrem,
 pudorem femellæ incussurus: non
 erubescis, inquit, procacula, tam
 fixis oculis me petere? Non erubef-
 co, inquit illa, mi bone vir: licere
 mihi reor te sic aspicere; ex te tuó-
 que latere sumpta sum. Tibi veró
 conuenit, non feminas, sed terram,
 matrem tuam aspicere, è quâ sumptus
 es, & in quam reuersurus es. Au-
 dijt Ephremus inexpectatam pror-
 sus concionem, & ipse sibi tacitus
 dixit: *Hoc habes*, mi Ephrem, & nunc
 votis tuis satisfactum. Petijsti à deo,
 vitæ magistrum, & nactus es. huic
 feminæ mineral debes, & gratias.

idem Deus viri, idem feminæ ore loquitur. habes abundè satis in hunc diem, habes in multos annos quod discas, & exerceas: oculos custodi, feminis eos claude, terræ aperi, & sepulchrum circumspice. Et nos, mi *Ælesime*, aut cælo attollamus oculos, aut terræ defigamus: ita *volare* docendi sunt oculi, & *reperere*, volare ad Deum, reperere ad sepulchrum. Grande bonum, oculus tranquillè pudicus.

Et castigata collecta modestia frontis.

Ædes. permitte, vt te turbem, & interfari liceat. Et cur oculi in humani corporis formaturâ, vltimi omnium vitam accipiunt (sic fertur) & amittunt primi, cum moriendum?

Parthen. Optimè id constituit natura, vt quò maius est ipsorum periculum, eò minus sit nocendi spatium & sapientissimè Deus, oculos fletus instrumentum esse voluit, vt quo vitiorum sordes hauriuntur, eodem per lacrymas diluantur, Nec enim amor tantùm, sed & omnibus vitijs in animum per ocu-

los via est, vt rectè affirmat Fabius.
a Quintil. a Huic adulterium monstrant, huic
declam. 1. incestum, huic domum quam concupiscat; irritamenta vitiorum ducésque scelerum sunt oculi: adeóque pars innocentiae est cæcitas, quâ cupiditatibus innumeris via inciditur. Samson ille abstemius, & magno Dei dono natus, vt Dalilam vidit, perijt; iam cæcus perditum robur reparauit, quod malè oculatus perdidit. Homo libidinis amans, compedes gerit in oculis quibus vinciat, gluten quo affigat, hamum quo inuñcet, flammam quibus adurat, sagittas quibus confodiat, & suum animum, & aliorum. his compedibus vinctus, hoc hamo inuncatus, his flammis adustus, his sagittis confossus est Assyrius Holofernes. vidit Iuditham, & vitam perdidit: *Cúmque intrasset ante faciem eius, statim captus est in suis oculis Holofernes. b*

b Iudith.
c. 10. v. 17.

§. III.

Alexandri Macedonis non tam miror inuictam dextram, quàm pudicos oculos: Darij vxorem, inquit
 Plutarchus,

Plutarchus, *a* quia formosissima dicebatur, noluit in suum venire conspectum. Oculorū pestem quia prudenter timuit, fortissimè cauit, magis victor, Darij coniugem non videndo, quàm Darium vincendo. Periclem Atheniensium principē hoc quoque nomine laudatissimum non tranleo. Hic, cū in præturā collegā haberet Sophoclem, ac is publico officio vnā districtus, prætereūtis pueri formam impensius laudasset, in-temperantiam eius perstringens: Prætoris, inquit, non solū manus à pecuniæ lucro, sed etiam oculi à libidinoso aspectu debent esse continentes. *b* Væ nobis Christianis, sum-
 premi iudicij die: leges nostras tam exactè nouimus, quàm facilè in eas delinquim⁹. Clamat legislator Christus: *c* Si oculus tuus scandalizat te, erue eum, & projice abs te: bonum tibi est vnum oculum habentem in vitam intrare, quàm duos oculos habentē mitti in gehennam ignis. Seria lex: sed apud multos perulantia oculorum ab eā non cadit; iocum putāt, emissitios suos oculos, velut pecus

a libell. de curiofit.

b Valer. Max. lib. 4. c. 3.

c Matth. c. 18. v. 9.

50 LIBER PRIMVS

suum, in omnem libidinem agere. Rari hodie Iobi viuimus, qui cum oculis fœdus ineamus, vt ne cogitēt quidem de virgine: Salomones potius sumus, & oculos nostros penitus exleges facimus. Omnia, inquit Salomon, *a* quę desiderauerunt oculi mei, non negaui eis. Et quam tu ab eo vitę sanctimoniam speres, qui suos ipse oculos sic hortatur: Ite mei oculi, & quaquā lubet, expatiimini liberrimē: licet vobis, quidquid libet. videte vt intuendo exfatiemini, pro cupidine; nullius iucundę rei conspectum vobis eripiam: vna vobis lex est, LIBERTAS. Vbi tanta oculis licentiā permittitur, actum est de animo. Vetus Patrum dictū: Incustoditus visus, incustoditę mentis est nuncijs. Et sicut domus munda non erit, cuius effractę fenestrę, omne genus auium admittunt: ita nec mens pura, si mentis fenestrę oculi, ad omnem pateant curiositatem.

§. IV.

F. Aedes. Si tanta sunt animo pericula ab oculis, non immeritò sollicitus

*a Eccle. c.
2. v. 10.*

precatur Dauid: *Auerte oculos meos, ne videant vanitatē. Parthen.* Et nos, si Castitas & pudicitia nobis sit curā, quotidie fœdus cum oculis inire, quotidie Deum rogare infistemus: *a* a Ps. 118. v. 37. *Auerte oculos meos, ne videant vanitatem: iuuabit Deus iuuari volentes, sed serid & constanter volentes.* Scis quid Augustinus, de Alipio suorum sodalium optimo narret. *b* lib. 6. Cōfess. c. 3. *Auersabatur is omnem spectaculorum turpitudinem, sed cūm ad amicorum blandissimos inuitatus & preces inuictus, iam etiā traheretur familiari violentiā: Ad amphitheatrum, inquit, non totum Alipium pertrahetis: animus & oculi ibi non erunt: itaque absens adero. Venitur, confidetur, feruet opus. Alipius oculos, vt statuerat, comprimit; animū, quantum potest, auertit ad alia. vtinam & aures obturasset. ita quidem cœpit, non ita finijt. subito ingens populi clamor coortus est: hīc bonus Alipius curiositate victus, noluit esse cæcus ampliū, nec erat iā ille qui venerat, sed vnus de turbā, ad quam venerat. ita ocu-*

52 LIBER PRIMVS

los diu pressos referauit, spectauit, clamauit, exarsit, abstulit inde secum insaniam, quâ stimulabatur, non redire tantùm cum illis à quibus antè trahebatur, sed etiam præ illis, & alios secum trahere. Hanc tamen postea insaniam, ad Augustini monita, ope diuinâ correxit. Adedò nunquam non orandus Deus : *Auerte oculos meos, ne videant vanitatem.* Solent medici, cum morbos habent curandos sæuiores, ægrum à quorundam ciborum non solùm vsu, sed & aspectu arcere, ne vlla inter os & oculos committatur proditio, putetque æger salubre sibi esse, quod suauē futurū credit. ita (è Cassiani sententiâ) is secum ipse agat, quē blandiens Caro sæpius infestat; oculos à re gratâ quidem, sed noxiâ, constanter abducat. Nam, Augustino teste, solus aspectus via recta est ad opus. Oculi raptores ad culpam, vt Gregorius loquitur, præuertendi sunt rationis imperio, & maturè, obductis quasi valuis, ab aspectu cohibendi.

Vxorem Lothi, vel etiam hac de
causâ, exemplo tam inusitato puni-
tam arbitratur Ambrosius, quod vi-
bem impudicam & gentem lasciuâ,
regressis illuc oculis esset intuita.
Quandoq; non eruendus tantum est
oculus, sed & proijciendus, *erue eum*^{a Math.}
& *proijce abs te.* a Sunt qui petulan-^{c. 18. v. 9.}
torem oculum eruant; sed minimè
abijciant: libidinem aliquamdiu in-
termittunt, sed libidinis occasiones
non fugiunt. Non ita castissimus Io-
seph, qui oculum eruisse non con-
tentus, eum etiam à se proiecit: fau-
ores dominæ atque minas, nō tantum
contempsit, sed & blandissimâ vi-
rahentem elusit, profugitque abie-
ctâ veste. Quot castissimi homines,
non tantum eruerunt, sed ita proie-
cerunt curiosiorem illum, & *scanda-*
lizantem oculū, vt nec matrum qui-
dem vel sororum conspectum susti-
nerent. Pior Ægyptius, ipsis quin-
quaginta annis solitudinem habita-
uit, Angelis quàm hominibus notior
vix demum Obedientiæ lege com-
pulsus, ad speluncæ limen prodijt, &

54 LIBER PRIMVS

à sorore anu se conspici passus est. Huic complures alij, ob eandem oculorum verecundam noctem, annumerandi. Nec defuerunt qui oppidò seueras, & sanguine scriptas leges oculis suis dictârint.

Lucia, religiosissima virgo, facinus retro sæculis inauditum est au-
fa, & ab hoc NICETAE nostro non multum inferior. Audijt illa, impurum amatorem à suis oculis pestem traxisse, & vri; nec diu cunctata: itane, inquit, meos ille oculos ardet? rex Britannorum? adeone illi placent mei oculi? oculos meos habebit. mox vtramq; hanc lucentem scellam à cælo suo reuulsit; oculum vtrumque eruit, & proco transmisit, maluitque perire sua quam se.
a Annon Domini legem, *erue enim* & *proyce abs te*, fortissimâ simplicitate seruauit? non eruit? non proiecit? nec vnum tantum, sed ambos oculos, etiam infontes, nõ quòd deliquerint videndo, sed ne visi alios iuuent delinquere. Amans Castitatis nec videre vult, nec videri; oculos cæcitate sanctâ castigat.

a *Matth.*
Roderus
flura de
hac, par.
3. *Virida-*
ij SS. c. 9.
de cæcis
sanctis. &
Iacob. Bi-
dermannus
l. 2. epig. ep.
28. & 29.

Aedes. Ah, quantis nos interval-
 lis absumus à tam illustri & forti pu-
 dicitia oculorum ? *Parthen.* sed nec
 opus ut ferro scrutemur, & erua-
 mus oculos : *clande,* & eruisti ; *con-*
tine, & proiecisti : præstabit olim,
 fuisse luscum & caelo recipi, quàm
 vagis oculis liberè vsus, & gehen-
 næ addici. nimis quàm clarè legis-
 lator noster edicit : *a Si oculus tuus* a Math.
*dexter scandalizat te, erue eum & c. 5. v. 29.
proijce abs te : expedit enim tibi, ut pe-
reat unum membrorum tuorū, quàm
totum corpus tuum mittatur in gehen-
nam. Luciae factum fortasse non sit
 imitabile, habemus & alia quæ imi-
 temur. In rebus gestis Sancti Caro-
 li Borromæi admiranda sunt multa,
 inter prima non immeritò nume-
 rem istud. Habitavit vir sanctus ali-
 quanto tempore ad forum, ubi ob
 hominum frequentiam, largissimum
 semper pabulum habere potuisset
 curiositas, sed aded ille fluentem
 ad omnia curiositatem auersatus
 est, ut non tantum totos dies ad fene-
 stras non combusserit (qui plurimo-*

rum saepe mos est) sed nec horas, nec horæ partes prospiciendo consumpserit; imò prospexit nunquam, ac si desertum aut carcerem habitaret æternæ noctis damnatum. Hunc, mi *Ædesime*, hunc virum, oculorum suorum dominum appellemus, quæ constat & affectuum fuisse, & magnum sui in omnibus victorem. Viris non cedit sexus infirmior. Sara virginum sacrarum Antistira, in monasterio Scythiatico, quod loco non inamæno situm limpidissimus fluvius alluebat. Annis hic placido meatu ibat illimis, & perlucidus undis crySTALLINIS, per quas numerabilis altè, calculus omnis erat; viridis margo mitissimum hunc annum ad oculorum amœnitatem vestiebat: quisquis vidit, laudavit hoc tam leniter ambulans vitrum. Sara argenteam hanc aquam commendari sæpius audivit, & ut fit, videndi cupiditatem ei fecit laudantium multitudo. At illa potens sui, suorumque oculorum verè domina & imperatrix, hanc ipsa sibi legem statuit: Riuulum illum præterlabentem vt videas (aiebat il-

la secum) nulla necessitas cogit; ad perennes super astra fōtes peruenire poteris, illo non viso. Sunt in orbe maioris amōnitatis plurima, quæ tamen tuos oculos nunquam attingent. inter hæc sit & iste riuulus. Quare serið tibi edico, fenestram ad hunc prospectum nunquam aperies. Dixit, & fecit: atque annis sexaginta, proximè hanc aquam habitauit, eam tamen spectauit nunquam. Ab hoste non potente certamen longum & difficile, victoria illustris, quam obtinuit oculorum continentia. Hoc ferro fodiamus oculos, *continentiã*. quæ tunc religiosior sit, necesse est; quò maius ruinæ ac lapsus est periculum.

§. VII.

Et nunquãne audisti quid monastichon non inuenustum moneat faciendum, cùm oculis periculũ est; ab illice mulierum formã, Attende; cano.

Quid facies, facies Veneris, si veneris ante?

Non sedeas sed eas; ne pereas per eas.

Capis? si virginei vultus elegantia

LIBER PRIMVS.

oculos tuos incipiat laceſſere, tu aut
 abi aut peri: qui abire non vult,
 vult perire. *Aedes.* oculos clau-
 dam, & manebo. *Parth.* claudere
 potes, ſed & recludere potes, quam-
 diu manes. bonum eſt operire ocu-
 los, optimum & tutiſſimum abire.
 Alipius cautè ſe geſſit in ſpectaculis,
 ſed non conſtanter: diu aſſedit cæ-
 cus cum laude, hanc tamen omnem
 perdidit, vitioſè oculatus in fine.
 Nimis quàm ſæpe Alipij ſumus,
 oculis fidimus, & imminente peri-
 culo, modeſtè in latebras reſeſuros
 ſperamus. fallimur; hi proditores
 tunc minimè ſeruant fidem, cum
 maximè deberent. Oculis ergo ne
 fide, bonum eſt illos claudere, &
 perſuadere ne velint videre, ſed me-
 lius eſt & longè tutius, illos abduce-
 re, ne poſſint videre, etſi velint.
 Bernardus, antequam Religioni ſe
 addiceret, feminam ſemel fixiori-
 bus oculis eſt intuius. mox, vt ad
 ſe redijt, adèd ſuam ipſe curioſita-
 tem erubuit, itaque exarſit hanc
 in ſe quàm celerrimè vindicare, vt
 neglectâ longiore deliberatione, etſi

CAP. VII. 59

gente cælo, aquæ gelidissimæ stagnum infilierit. hîc collo tenus vsque eò constitit immerfus, dum exsanguis panè conglaciaret. ita omnem in se libidinis calorem extinxit.

Habes, N I C E T A, sanctissimum tui facinoris æmulatorem, qui licet linguam dentibus non conuulserit, licet cruento bolo non pugnârit, Cupidinem tamen egregiè triumphauit, & ob vnicum molliorem flexum oculorum, omnia corporis membra ad pœnam rapuit; seipsum fortiter expugnauit, & *vicit*. Hoc est oculos docere, alienâ formâ non lædi. sed ab oculis ad os descendamus.

CAP. VIII.

SEXTVM INCONTINENTIÆ
inuitamentum, VERBA PRAE-
TEXTATA ET IMPV-
DICA.

Nolite seduci: corrûpunt mores bonos colloquia praua. *a* Ah, *ai. Cor. c. 15. v. 33.*
quanti iuuenes hac vnâ peste perierunt, qui venenû, quod forte respuebât oculis, hauferûnt aurib⁹; & vt iparû

60 LIBER PRIMVS

interest quâ parte letalis plaga veniat, si mortem inferat; ita non multum refert, per oculos an per aures pereas, modò pereas. Ægyptij, Harpocrati facturi, clamabant: *Lingua*

a Plutar. fortuna, lingua demon. a Vita & de Is. & Mors verè in manibus linguæ sunt; Ofr. b & plerumque aut Angelus aut diabolus illam insidet.

c Psal. 13. v. 3. Lingua lasciuia, sepulchrum patulum, spurcitiâ & fœtoribus plenum: Sepulchrum patens est guttur eorum. *c* Miratur hîc Chrysostomus, quòd, cùm cadauera terræ mandentur, & ne vicino putore nos lædant, altè defodiantur, verba tamen putida, lasciuia, obscœna toties eruuntur è pectore; & sæpe pluribus audientibus, vt damnum latius serpat, in medium efferantur. Sepulchrum patens & fœtens, os impurum. *O* mi Deus, quantus vbique horum sepulchrorum numerus! Orbem, Ædesime, percurre; domorum angulos rimare, vbique fermè reperies procaciores linguas, quæ non otiosa tantû, sed & fœda ac spurca instillènt auribus, ybiq; sibilât hi colubri, ybiq;

CAP. VIII. 61

fermunculi, ad quos honesta frons
 se contrahat. Hieremias iam olim
 questus: *a* Attendi, ait, & auscultavi, *a Hier. c.*
 nemo quod bonum est loquitur. *Ta. 8. v. 6.*
 le prorsus est nostrum hoc reum:
 adeò vt si quis immundissimi mundi
 penitus deserendi causam non ha-
 beat aliam, hæc satis impellat ad fu-
 gam; scilicet exire tot impudicos ac
 spurcos sermones. Ab vrbibus iam
 pridem exulat Verecundia verbo-
 rum; quandoque vix satis tuta in re-
 ligiosorum penetralibus, quamuis in
 his nunquam putem audiri talia, &
 non puniri. Inter profanos verò tan-
 ta verborum turpitudine, quanta li-
 bertas; tanta obscœnitas, quanta li-
 centia & impunitas: vix vsquam in-
 uenias qui vel verecundo gemitu,
 aut seueriore aspectu flagellet has
 colloquiorum sordes.

§. I.

Ædes. Omi Partheni, tu nun-
 quam in novos mores refinges mû-
 dum. risum ferunt & plausum, non
 gemitus, nupta hæc & prætextata
 verba. *Parthen.* hoc est quod que-
 rot & doleo; lætantur cum malè fe-

62 LIBER PRIMVS.

cerint, & exultant in rebus pessimis.

a *Prou. c.*
2. v. 14.

a Augustinus in seipso suisque sodalibus grauissimè hoc damnat; mutuis illi sese adhortationibus vrgebant: Eamus, & faciamus, & pudet non esse impudentem. b

b *lib. 2.*
conf. c. 3.
c. 9.

Diuina pagina, verborum alioqui parcissima, huic tamen sermonis petulantia castiganda, omnem expromit facundiam: Lingua, inquit, constituitur in membris nostris, quæ maculat totum corpus, & inflammat rotam natiuitatis nostræ, inflammata à gehennâ. c Spurci sermones verè sulphurata rædæ sunt ex inferis, quæ mentes etiam castas & pudicas, nonnunquam prouocant ad impuros ignes. Melleus scriptor Bernardus: d

c *Iuc. c. 3.*
v. 6.

d *Serm. de*
7. *spirit.*

vti sunt, inquit, elingues & muti, sic etiam sunt facundi & loquaces diaboli; inter hos signifer est lasciuus demon, cuius officium est, colloquia his verborum spurcitijs aspergere, inuetercundos sales vbique miscere. Guilielmus Peraldus, vir egregiè doctus & sanctus, Lugdunensis Antistes, e hos tales sermones, *diaboli spiritus*, rectissimè vocat; nimirum suo

e *Serm.*
24 *in c. at. ta.*

rem titulo proponit. Omnino, diabolorum vomitus & sputa sunt, omnes hæ verborum fœditates. nec aliud agit impurus fabulator, quàm vt os suum diabolo locet pro nido; è quo quid boni speres, quid honesti? Verborum turpium licentia, omnis impudentiæ nutrix est. neque hoc in loquentis tantùm perniciem vergit, sed eos etiam qui hæc talia loquentem audiunt, aspergine lutulentâ inficit: paullatim pudor omnis per verba discurritur. Vnus est, inquit Bernardus, *a* qui loquitur, & vnum a Serm 24
in Cant. duntaxat verbum profert, & tamen illud vnum verbum, vno in momento, audientium dum aures afficit, animas interficit. Sed fortè Peraldos aut Bernardos non audias; aliam oppono, cui nefas contradicere. Diuinus Paulus, seuerè hîc imperat: Omnis sermo malus ex ore vestro non procedat. *b* & vt scias b ad Eph.
c. 4. v. 29. quem maximè sermonem malum nominet: Fornicatio, & omnis immunditia, aut auaritia, nec nominetur in vobis, sicut decet sanctos, aut curpitudine, sicut stultiloquiû, aut scur-

64 LIBER PRIMVS.

a *ibid.* c. 5. rilitas quæ ad rem non pertinet. *a*
u. 3.

Obserua: *nec nominetur in vobis*. nam
 vti optimè Tullius: pudici ait, etiam
 cum de pudicitia loquuntur, erube-
 scunt. & si quidem rem odisse debe-
 mus, ipsa etiam rei nomina nobis
 sunt auersanda, quod enim loqui-
 mur, non immeritò & cogitare, &
 concupiscere arguimur. è labiorum
 scissurâ febris argumentum sumunt
 medici: è verbis turpibus mentē im-
 pudicam haud vanè coniectamus. Et
 quamuis omnis loquacitas pudori sit
 inimica, deuehit enim curiositatem
 libidinum vehiculum, ea tamen præ-
 cipuè, quam Paulus immunditiam &
 turpitudinem vocat, simulque ro-
 gans: Et nolite, inquit, contristare
 Spiritum sanctū Dei. Obscœni oris
 homo tam est odio superis, vt vel ip-
 sum lætitiæ auctorem Deum, affice-
 ret tristitiâ, si eâ Deus posset affici.

S. II.

Caluinianam illam impietatem me-
 ritò detestamur quæ sacros calices in
 profana pocula liquat, eaque impu-
 dicitis ex Ouidianâ metamorphosi fa-
 bellis insignit: Et putes tu, mi Aede-
 si-

CAP. VIII.

65

me, Deo probari, si quis ore suo, per quod dominicus Angelorum panis toties infertur, petulanter abutatur ad narrationes, iocos, cantiones Venerneas, & animi sui vestibulum quod diuina Eucharistia excipitur, in lupanar mutet & prostibulum diaboli. Fœdum piaculum: linguam cœlestis epuli sedem, Veneris facere interpretem. Propter hæc venit ira Dei.

a Et serum nimis est in flammis clamare, *vt refrigeret linguam meam.* *b*

a ad Eph.

c. 5. v. 6.

b Luc. c.

16. v. 24.

Neque tantum cruciatur lingua, quod nimium eduliorum admiserit edendo, sed quod nimium verborum profuderit garrindo: nam prima, inquit Gregorius, malè conuiuantibus famulatur culpa loquacitatis, & plerumque parum castæ.

Petrus Damianus tam sanctus quam facundus, linguam lasciuam eleganter turdo confert, cui idem quod alimento, hoc etiam exitio est. nam ex eo quod dedit & egerit, viscus prouenit, quo & ipse & aues ceteræ capiuntur: ita prorsus impudicè garrulus, viscum excernit ore, quod eum stygij aucupes affigant. Cõdem-

a *Tob. c. 15. v. 6.* nabit te os tuum, inquit Iobus, *a* & labia tua respondebunt tibi. Plinius sterilefcere affirmat oleam, si eam capra linguâ tondeat, aut lambat tantum. *b* Sanè si olidus caper talis, illoti oris homo, colloquijs interueniat, iuuenum animos velut adolescentes oleas facillimè ita corrumpit, vt, quod semel malè audierunt, eius per omnem vitam pessimè recordentur: quod libenter auditur, celerrimè excipitur, eoque grauius nocet, quò suauius instillatur, & quamuis non statim officiat, semina tamen in animo relinquit, sequiturque auditorum, resurrecturum postea malum.

b *Plin. lib. 15. c. 8. & lib. 17. c. 24.*

Bernardinus gente nobilis, patriâ Senensis, tam verecundus à puero fuit, vt quoties sordidum eiusmodi verbum audisset, non aliter colorem duceret, quàm si quis ei vultum colapho percurrisset, vnde coæui pueri, si quâdo sordidè locuti essent, viso co: tacete, dicebant tacete; Bernardinus venit. Vtinam, ô vtinâ plures hoc æuo Bernardini sint, qui acetum porrigant, ore tam illoto gar-

rientibus. Sed, quod mireris, etiam inter idololatrias hoc acetum venale fuit. Epictetus *a* periculosum est, inquit, ad oris obscœnitatem progredi. Cùm igitur tale quippiam inciderit, obiurgabis eum qui talem sermonem iniecerit; aut taciturnitate saltem, & rubore vultuque ostendes, eam tibi orationem displicuisse.

Nil dictu foedum visuque hæc limina tangat;

Intra quæ puer est. procul hinc, procul inde puella

Lenonum, & cantus pernoctantis parasiti. b

Et verissimè Plautus: Ego inquit, illum perijisse duco, cui perijt pudor. Ergone, ô bone IESU, ô iudex orbis, etiam ab idololatriis apud tribunal tuum damnabimur? ergo etiam hostes tui sententiam in nos dicent? perijmus, nisi nos vel hinc etiam perire sentiamus. Vicinum est exitium, ni illud caueamus omni verborum circumscriptione.

§. III.

Ædes. Partheni, rigidus censor es in has proteruiores linguas, & ne-

*a Enchir.
c. 55.*

*b Iuven.
sat. 14. v.
44.*

68 LIBER PRIMVS.

fas per te, liberiores facietas serere. *Parthen.* non per me, sed per Christianam legem, & quasi verò facietus esse nemo possit, nisi & lasciuus sit: saepe, dum facietas aut vrbauitatem affectamus, modestiam exuimus. At, ea demum iucunda nobis sint, quæ honesta. Paulinum, imò diuinum tibi edictum iterum occento: *Profana autem & inani loquia deuota, multum*

*a 2. Tim. enim proficiunt ad impietatem. a ne-
c. 2. v. 17.*

que in hoc hæreticorum sutelis & fallacijs, verborum spurcicies multum impar est. sermo eorum vt cancer serpit. Cancer, seu, gangræna, horribilis & edax morbus, viuas carnes scedè depascitur. ita prorsus petulantiores hæ narratiunculæ, fabulæ, cantiunculæ nimium quantum serpunt, & quidquid casti pudoris reperiunt, vitiant. Abominations

b Pron. c.

13. v. 26.

c Sap. c. 1.

v. 8.

d Eccle. c.

4. v. 20.

e Sur. I. A.

pril. de S.

Valleri-

co.

Domini, cogitationes malæ, & purus sermo pulcherrimus. *b* qui loquitur iniqua, non potest latere, nec præteriet illum corripiens iudicium. *c* non abscondit se ab eo omnis sermo. *d*

Refert Surius, *e* Vvallericum ab-

CAP. VIII. 69

batem iter fecisse hieme, & frigoris
 sæuitie compulsus, è viâ diuertisse
 in ædes hominis quem minimè pro-
 fanum credebat. sed hîc multò acer-
 bius frigus virum optimum excepit,
 vbi nec scintillam diuini amoris re-
 perit. Paterfamilias & loci iudex, non
 in otiosos tantùm, sed & obscænos
 sermones erumpere cœperunt. hîc
 Vvallericus: vti que, ait, Euangelij le-
 gem meministis? quoniam omne
 verbum otiosum quod locuti fuerint
 homines, reddent de eo rationem in
 die iudicij. *a* At effrontes illi moni- *a* *Matth.*
 rorem cachinno eludere, audaciùs *c. 12. v. 36.*
 loqui, & sædiora etiam effutire. cùm
 iterum Vvallericus: volebam, inquit,
 caloris hîc aliquid haurire corpori
 fouendo, sed linguæ vestræ grauiùs
 adurunt quàm vllum frigus; expel-
 lor. vos videritis, quî hanc oris im-
 puritatem ad Dei tribunal purgetis.
 At illi, iret modò bonis auibus, vt
 qui etiam inuocatus venisset; nec vl-
 lus nostrùm, inquit alter, penulam ti-
 bi scindet vt maneas. abi licet, abi.
 Sed & abeuntem disterijs impuris
 imperebât. Non distulit vltor Deus,

& obscœnam linguæ petulantiam vindictâ manifestariâ castigauit: illum quidem cœcitas, hunc inguinalis lues inuasit. vrgebant miseri, & iam reuocatum volebant, quem linguis eiecerant: frustra. hunc scœda corporis putredo citò extinxit, ille diutius vixit, sed productiore supplicio cœcus.

§. IV.

Non immeritò Rodolphus episcopus Eugubinus, *a* vir sanctissimus, fratrem suum natu iuniorem, Petrũ, flagellari, & quadraginta diebus, omni vino abstinere iussit, quòd in familiari colloquio verbum lasciuus protulisset. Elzearius Comes Ariani, *b* dynasta integerrimus, has aulae suae leges condidit.

a Zachar.
Lippeloo.
26. Iunij
de S. Rodolpho.
Idem 27.
Septemb.

1. Dieb⁹ singulis, rei diuinæ interesse.
2. Singulis hebdomadibus, de peccatis confiteri.
3. Singulis mensibus, diuinam mensam accumbere.
4. Aut castè viuere, aut domo cedere.
5. Non tesseri ludere, nec alio similibus se oblectare.
6. Iuramentis, verbisque inhonestis

ac turpibus penitus abstinere.

O præclaræ leges & dignæ quæ ad omnium ædium valuas figantur, unde & iuvenes senésque discant, & magis sapere, & cautiùs loqui. maturè igitur, animum & os ad omnem verecundiam is componat, cui curæ est Castitatis eminentissima nobilitas. *Ædes.* Sed quid in mensâ, in conuiujs, in circulis, in plurium confessu faciendum, cum hæ verborum fordes plenis faucibus sparguntur? *Parthen.* Nosti quid suadeat Siracides? Sepi aures tuas spinis, & linguam nequam noli audire. *a Clau-* a Eccle. e.
28. v. 28, denda sunt aures impuris vocibus, & quidem primis. nam cum initium fecerunt admissæque sunt, plus audent. Qui sermones spurcos non inuitis auribus admittunt, ij castaneis similes sunt, sed in ignem coniectis & violatis, quæ veste iam scissâ non se produnt, non crepant, non subsiliunt, quod tamen faciunt integræ, & quarum tunica nondum rupta est. Ita prorsus ij quos libidinis ignis iam adussit, cum lasciuia audiunt, nihil obstrepunt, non repre-

LIBER PRIMVS.

hendunt, tacent, subrident, nec frontem contrahunt, & quàm hæc talia sibi non displiceant, improbo silentio satis ostendunt. His longè deteriores sunt, qui spurcè loquentem non tantùm benignè audiunt, sed & iuuant, atque de suo addunt, faciuntque huic vesti propudiosam laciniam. Diogenes obseruans duos è scholasticis in viâ sermonem & capita conferentes, interrogauit alterum, in quod colloquium cum altero venisset; cùm is quid sibi narratum esset, exponeret, vtrique plagas infligi iussit, alteri quòd tale quid narrasset, alteri quòd audisset. rectè factum. Nec Christianis hoc ignatum, quandoque tam grauiter delinquere audientem quàm recensentem. Et quod de obtrectationis vitio, hoc etiam de impuro sermone verè dicitur: diabolum aequè in obtrectatoris ore, quàm in auditoris aure desultare: idem hîc, & dicere talia, & audire, piaculum est.

O Clitomache, ô nobilis, athleta vbi es, qui, si quis sermone iniectisset amatorios, surgere solebas & abscedere.

scedere. *a* Ita, si quis importunior, *a Plutare.*
 prætextata verba iaciat, repercutias *lib. 7. qua.*
 illum sæuiore vt minimum vultu, aut *con. 7.*
 cum Clitomacho subtrahas te ab ore
 impuro, si quidem carere velis hac
 aurium maculâ. In perpetuâ apud te
 statione rubor excubet, verecundiæ
 signum, Castimoniæ præambula cer-
 tâque testatio: ostende saltem & tibi
 displicere, quod Deo nunquam pla-
 cere potest. Paulum tibi denuò huc
 sisto: *b* Nunc autem, inquit, deponite *b ad Col.*
 & vos omnia: iram, indignationem, *c. 3. v. 8.*
 malitiam, blasphemiam, turpem ser-
 monem de ore vestro. extremum
 hoc commendat, vt aliùs infigat.
 Mirum! erupturam tussim compri-
 mimus, & fœdissimam hanc saluam
 vi erumpimus, eâque omnium aures
 conspuimus. Ædesime, sicut censo-
 rius Dei oculus vbique nobis obser-
 uandus, ita censoriæ Dei aures nus-
 quam non metuendæ: sic loquamur,
 vt sermo noster, si non eloquentiâ,
 saltem pretiosus sit verecundiâ.

SEPTIMVM INCONTI-
nentiae inuitamentum,
MALI SOCII.

VTi speculum, etiam ter-
rissimum maculam trahit ab anhe-
litu: sic homo cetera optimus & ca-
stissimus, à malorum societate næ-
uos recipit. Qui communicauerit
superbo, induit superbiam. *a* In
quibusdam corporis morbis vehe-
mens est contagio, sed nihil conta-
giosius est corruptis moribus: facilli-
mè hi addiscuntur, adhærescunt,
transfunduntur ab vno in alterum.
mali mores, contagiosissima lues. nec
vllus efficacius persuadet, quàm qui
vitia docet exemplo. Verissimè Sene-
ca: versat nos, inquit, & præcipi-
tat traditus per manus error, alic-
nisque perimus exemplis. nemo sibi
tantùm errat, sed alij erroris causa
& auctor est. Primæuum hoc malum
est. vix Eva deliquit, & mox in socie-
tatem peccati attraxit maritum. Hæc
omnium ferè vitiosorum natura est,

a Eccle. c.
13. v. 1.

nolle solum esse, sed velle cum socio
 atque comite perire. Age cum im-
 probo, & breuî senties, quàm blan-
 dè inuitet vt sequaris, quò ille præit.
 Proclamat Moses: *a* Recedite à ta-
 bernaculis hominum impiorum, &
 nolite tangere quæ ad eos pertinent,
 ne inuoluamini in peccatis eorum.
 idem proclamat & Isaias: *b* recedite,
 recedite, exire inde, pollutum nolite
 tangere; exite de medio eius.

a Num. 16. c.
 16 v. 26.

b Isa. c. 52.
 v. 11.

Ægyptius seruator Ioseph tam
 exosus est improborum societatem,
 vt nec mortuus quidem, inter eos
 morari sustinuerit. idèd suos ex Is-
 ræle hæredes iureiurando adegit vt,
 si quando Ægyptum migrando dese-
 rerent, secum inde cadaueris sui re-
 liquias asportarent. Voluit magnus
 hic Ægypti prorex, nec cineres suos
 illaudatæ familiaritatis notam con-
 trahere: & vti Ægyptios mores non
 probabat imitationi, sic nec terram
 sepulture: consortium malorum om-
 ni modo fugiendum iudicabat. Cer-
 rum, qui tetigerit picem, inquinabi-
 tur ab eâ. *c* Vnicus praua vitæ iu-

c Eccle. 6.
 13. v. 1.

76 LIBER PRIMVS.

uenis, quàm plurimos potest cor-
rumpere:

— sicut grex totus in agris
Vnius scabie cadit, & porrigine
porci;

Vnâque conspectâ linorem ducit ab
vnâ. a

a Iuven.

(sat. 2. v.

80.

Pastoris est, morbidam ouem illi-
cò separare, ne, dum parcit ouiculæ,
perdat gregem: cauti hominis est,
omnem declinare amicum; omnès
fugere socios, qui labem moribus af-
fricare possint: ea enim rerum natura
est, vt cum bonus improbo se iungit,
non improbus à bono emendetur,
sed bonus ab improbo contamine-
tur. Inter malos bonum esse, est con-
tra torrentem natâre. quod quando-
que fieri posse non negârim, sed tam
difficuler quàm rarò. Verissimè Ro-
manus Sapiens: b Sumuntur, inquit,
à conuersantibus mores: & vt qua-
dam incontactos corporis vitia tran-
siliunt, ita animus mala sua proximis
tradit. Ebriosus, conuictores in amo-
rem vini traxit: impudicorum cœtus
fortem quoque & siliceum virum
emolliit: auaritia in proximos virus
transstulit.

b Senec. li.

3. de irâc.

8.

*Dum spectant laesos, oculi, laduntur
& ipsi. a*

*a Ouid. l. 2.
2. art.*

Idcirco, mi *Ædesime*, melius est habere malorum odium quàm confortium. Nemo vitiosus non aliquod nobis vitium aut commendat, aut imprimi, aut nescientibus allinit: sunt vitia quæ comendantur exemplo, alia imprimuntur sermone, plurima allinuntur conuersatione. tutissimum est omnes suspectæ vitæ amicos ac sodales cauere, & discessionem ab ijs maturè facere. proximus periculo, diu tutus non erit: qui amat periculum, in illo peribit. *b*

*b Eccle. c.
3. v. 27.*

§. I.

Minuta quædam animalia, vt ait *Phædon*, cum mordent, non sentiuntur, adeò tenuis illis & fallens in periculum vis est: tumor morsum indicat. Idem plerisque omnibus in conuersatione malorum euenit. non deprehendunt quemadmodum, aut quando sibi nocuerint, nocuisse deprehendunt. Idèò beatus *Paulus* seuerè interdicens: Ne, inquit, commisceamini fornicarijs: scripsi vobis, cum hu-

*c I. Cor.
5. v. 6.*

antè circumspiciendum est, quibus-
cum edas aut bibas, quàm quid edas
aut bibas. Nescitis, addit Paulus, quia
modicum fermentum totam massam
corrumpit? *a* Omni ævo sic fuit: cum
peruerso peruertêris. Salomon, pa-
trem induens sapientissimè monet:
b Fili mi, si te lactauerint peccato-
res; ne acquiescas eis. si dixerint:
veni nobiscum &c. sortem mitte no-
biscum, marsupium sit omnium no-
strum. fili mi ne ambules cum eis,
prohibe pedem tuum à semitis eo-
rum, pedes enim illorum ad malam
currunt. Viua vox & conuictus ad
docenda vitia, & suavis & potens est
persuasio. habet enim vim præcepti
frequenter aspici, audiri frequenter.
Socium ergo improbum aut imiteris
ne cesse est, aut insecteris. vtrumque
virandum est, ne aut malis similis,
aut multis inimicus fias, malorum
enim vbique plurimos inuenies.
Cum his versare, qui te meliorem
facturi sunt; hos admitte, quos tu po-
tes facere meliores, aut illi te. Æqua-
lium quidem vsus dulcior, sed senum
aut hominum religiosorum tutior

a *Ibid. v.*

9.

b *Prou. c*

1. v. 10. 14.

15. 16.

est. Mulierum familiaritatem dam-
 nat Basilius, non quia ipsæ sint ma-
 læ, sed quia earum familiaritas: dan-
 da, inquit, est opera, vt mulierum
 colloquia funditus fugiamus. *a* Me-
 mento semper, ait Hieronymus, quòd
 paradisi colonum de possessione suâ
 eiecerit mulier. Remoue paleas, non-
 dum extinctus est ignis, clamat
 Vrsinus. *c* *Ædes*. Liceat inter-
 fari. Sæpe ardua nimis erit hæc dif-
 fessio à coniunctissimis sodalibus.
Parth. Sit ardua, quia tamen necessa-
 ria, omnino facienda est. Arduum re-
 medium est vt vitam serues, brachiũ
 aut crus dare præsecandũ: Christi ta-
 men præceptum esse non negabis: *Si*
manus tua vel pes tuus scandalizat te,
abscinde eum & proijce abs te. *d* quid
 sibi coniunctius quis habet, quàm
 sua membra? ea tamen sæpe sunt
 amputanda. immedicabile vulnus
 ente recidendum est, ne pars sin-
 cera trahatur. Sic & amicus, *Ædesi-*
me, sic & sodalis aut socius quicun-
 que amputandus est, si tibi no-
 xius est. & quid hîc cunctandum?
 multò melius est, familiaritatem

a Basil. in
 const mon.

c 4.

b ad Ne-
 potian.

c S. Greg.
 l. 4. dial.

c IX

d Matth.
 c. 18. v. 8.

80 LIBER PRIMVS.

amico quàm Christo renunciare, & iacturam facere amicitiaè potiùs quàm animaè.

S. II.

O Petre, Petre ! Ô Ecclesiaè Petra, nec inferorum machinis cefura, v-
 aius tamé ancillæ voculâ quaffata ni-
 mirû petra erat Petrus, quamdiu erat
 inter bonos. vix ab ijs digreffus, im-
 proborum contubernium adiit, & en-
 tibi iam non petram, fed arundinem.
 verbulo sternitur, quaftiunculâ vni-
 câ deijcitur, ad vocem feminæ virum
 exiit, & ex animofo in timidiffimum
 mutatur; negat eum fibi notum, pro
 quo paulld antè millies mori obfti-
 nârat; cuius ante pauculas horas fan-
 guinem hauserat in mensâ, cuius
 corpus epulatus fuerat, noffe tamen
 negat quem illâmet ipsâ horâ ferro
 propugnârat; tamen noffe negat
 eum cui illo ipfo vefpere lauandos
 ac tergendos pedes porrexerat, pa-
 ratus etiam manus & caput offerre
 huic balneo. & tamen noffe negat,
 cui carceris & mortis focietatem
 fanctiffimè pollicitus fuerat. & ta-
 men, cheu, & tamen hunc ipfum

amantissimum omnium & notissimum hominem negat sibi norum, negando iurat, iurando detestatur. O Petre, inter Apostolos cordatissimus eras Domini defensor, inter facinorosos timidissimus es desertor. Nempe aliud est aula Caiphæ, aliud cœnaculum Messiæ; aliud Apostolorum, aliud sunt colloquia sicariorum. inter illos noscitur Christus, inter hos negatur. Tantùm habet momenti societas bonorum, vel improborum; illa virtutis, vitiorum hæc magistra est. & etiam nunc verissimum hoc: cum electis electi, cum peruersis peruersi sumus. Fugiamus, & illos tales moribus nigros caueamus ardenti studio. Nominatim verò fugiendi nobis sunt, qui & ipsi fugiunt, sed conciones in templis, litterarias exercitationes in scholis; qui piorum librorum lectionem, sacramentorum frequentationem negligunt; qui popinas & ganeas, qui conuiuia & symposia, qui mulierum amicitias, saltationes, choreas sectantur, non sine certo tam studiorum quàm salutis dispendio. &

82 LIBER PRIMVS.

vt verbo præcipiam, quisquis otium non fugit, hunc tu maximè fuge. Otiosus ad omne vitium tam discendum quàm docendum aptissimus est: otiosus nec pios libellos, nec sacras conciones, nec sacramenta curat, nec templa. pro libellis chartulas lusorias, pro concionibus computatiunculas, pro templis choreas frequentat: & vt tempus suaviùs fallat, nunc solem somno excludit, & mero meridie stertit, nunc ambulatiunculas instituit, nunc muliercularũ fabellas excipit; omnia agit vt nihil agat:

—— *hic niger est, hunc tu Romano mane cauet.*

Otiosus nemo est, qui non & vitiosus sit. hunc talem vt vicinam pestem cõsortio nostro excludamus maturè.

§. III.

Quòd si etiam famæ nominisque rationem habeamus, deterioris notæ socios quàm maximè auersemur, nisi & tales haberi velimus, quales illi sunt, aut illis contemptiores. Inualuit iam opinio, ab ijs viuendi nos accipere similitudinem, quibus cum versandi hauserimus cupiditatem.

nec falluntur qui sic opinantur; testem habent Salomonem: Qui cum sapientibus graditur, sapiens erit: amicus stultorum similis efficietur. *a* *a* *Prou. c.*
 Et uti vinum dilutum colorem mutat, etsi non omnem vini virtutem perdat: sic boni nominis ac famæ coloré amittit, qui admittit socios tam dilutæ probitatis. Hieronymus *b* *Ta.* *b* *ad Nepotian.*
 les, inquit, habeto socios quorû contubernio non infameris: non ornentur veste, sed moribus; non calamistro crispent comas, sed pudicitiam habitu polliceantur. Talis quisque censetur, qualis est, quicum versatur. Nosti; aues concolores simul volant. Vis nosse hominem? attende quorum familiaritati assuescat, amicitia pares, aut accipit, aut facit. Ergo, qui probus, qui honestus vult videri, & proborum & honestorum amicitiam amet, & ambiat. qui pensum non habet famam, & omnium indiscriminatim amicus fit, breuî plurimos numerabit titulos, sed parum speciosos.

Augustinus senex de seipso iuuenetur, & : *c* *Præceptum ibam, in* *c* *Aug. l. 2. conf. c. 3. 2.*
G. 10.

84 LIBER PRIMVS.

quit, tantâ cæcitate, vt inter coartatos meos puderet me minoris dedecoris quàm audiebam eos iactantes flagitia sua, & tantò glorientes magis, quantò magis turpes essent: libebat malum facere, non solùm libidine facti, verùm etiam laudis. quid dignum est vituperatione nisi vitiũ? ego, ne vitupera rer, vitiosior fiebam: fingebam me fecisse quod non feceram, ne viderer abiectior quòd eram innocentior, & ne vilior haberer, quòd eram castior. Ecce cum quibus comitibus iter agebam platearum Babyloniæ, & volutabar in cœno, tanquam in cinnamomo & vnguentis pretiosis. O nimis inimica amicitia! *Edes.* Non adedò metuendi sunt, quia, nisi me fallo, pauci sunt, qui tam professæ sint impietatis, vt primâ fronte flagitiorum licentiam vendant. *Parthen.* Vt vt est, eorum certè pauci non sunt, qui lupum ouinâ pelliculâ regunt, & in quorundam familiaritatem eò blandiùs se primò insinuant, quò deinde perniciosius instigant ad pessimam libertatem. in hos aptè con-

CAP. IX.

uenit illud : *Homo, homini lupus.* Fugiamus, *Ædesime*, fugiamus blandientes hos lupos. turpis, & plerunque sera nimis est cantilena : *Societas me perdidit.* At ridebimur ut inhumani & agrestes ? rideant, modò nõ noceant : charior nobis sit pudicitia & integritas, quàm ut ob eorum risum, fieri velimus fletu & lacrimis dignissimi. Qui vitare vult farinam, & vestium pullarũ candidos nauos, nõnne molam vitat ? qui vultũs atrocem metuit, nõnne Cyclopum fornaces, & fabrorum ferrariorum officinas declinat ? idem & nobis híc faciendum, idque tantò magis, quia vitia pelliciunt, serpunt, transfiliunt. Apollonius Thyanæus sapienter hoc vnum à Dijs petijisse fertur : *a Noffe bonos; malos vitare.* Optimæ preces. Nos idem, sed à Deo precemur : bonos & noffe & imitari, improbos & odisse & fugere.

a Alex. ab
Alex. l. 4.
cap. 7.

Incontinentiæ primi effectus: COR-
PVS DEBILITAT, OPES
PERDIT.

Finiui, Edelime, primos duos
versiculos, qui Incontinentiæ in-
uitamenta continent:

*Otia, mensa, libri, vaga lumina, ver-
ba, Sodales:*

*Hec tolle, hanc minue, hos muta, hac
clande, hac fuge, vita hos.*

Versuum horum ænigmata & scru-
pos, vti petieras, in lucem dedi. Et
si quidem ænigmatistes tuus esse de-
beam, etiam alteros illos versiculos
aliquâ luce perfundam, sunt isti:

*Corpus, opes, animam, ingenium, fa-
mam, virtutes:*

*Debilitat, perdit, necat, impedit, infi-
xit, aufert.*

Tubes pergere? *Aedes*, quæso te, Par-
theni, ceremonias & delicias omit-
te. si permittis, iubeo: si resistis, oro
& obsecro. Et hoc de me scias velim,
moras à me nō sentiri, dum tu disse-
ris: ab ore narrantis pendeo. nec tibi

fastidio sit auditoré habere vnicum:
nos alter alteri sat amplum theatrū
sumus. *Parthen.* Ergo deducamus
sermonem, ad vsque umbilicum
diei, post, verbis saturi, è patinis
pransuri.

*Primula verba utriusque versiculi,
sunt,*

CORPVS DEBILITAT.

Non in animum tantum libidinis to-
xicum grassatur; ipsum etiam corpus
eneruat & fœdat, cui & vires & va-
letudinem bonam subducit. Hic ego
falces meam substringo: medico-
rum hæc res est, & illorum pronun-
ciatis affirmanda. Vnicum pro-
duco testem, qui vnus pro mille di-
cat, quàm Venus inimica sit valetu-
dini. Hippolytus Guarinonius, vir
inter medicos etiam scriptis clarus,
Anno Christiano millesimo sex-
centesimo decimo librum typis
vulgauit, in quo humanæ gentis
multiplicem, quàm vitam quàm mores,
interitum deplorat: Hic, libro
quinto, sexagesimo capiti, hunc
præfigit titulum: Naturalis demon-
stratio & confirmatio, nullâ pestē ad

88 LIBER PRIMVS

corruptionem humanarum virium, deflorationem iuuentutis, & inexpectatam humanæ vitæ præcisionē, æquè facere quàm Venerem. Eiusdem libri, capiti sexagesimo secundo hanc præmittit inscriptionem: Præclara & illustria testimonia physices & Medicinæ Antistitum, quòd maius in orbe malum non sit ad immaturam & præproperam mortem accelerandam, quàm Venus. Eiusdem libri quinti, capitis sexagesimi tertij hoc est proloquium: Continentiam & Castitatem ad diuturnam valetudinem & vitam, non optimum solum & præstantissimum esse remedium, sed multò nobilius quid humanæque rationi conuenientius digniusque, quàm illicitam Venerem, aut etiam licitum coniugium. Audis, mi Aedese, quod nominatissimus & regius olim medicus, pro cælibe vitâ contra Veneream improbitatem testimonium dicat, vel in fronte solum dictorum capitum: Rationum & argumentorum pondus hic omitto.

§. I.

Chrysoſtomum huic teſtem adiungo. agnoſce illius verba: *a* Qui ^{*a rom. 5. homo. quod nemo laeditur, &c.*} in delicijs & luxuriâ vitam ducunt, reſoluta quidem corpora, & omnî cerâ molliora circumferunt, atque agmine quodam infirmitatum repleta, & eis eſt vita ſemper cum medicis & medicamentis: ſenſus autem ipſi tardi, graues, obtuſi, & quodammodo iam ſepulſi. Magnus teſtis in rem præſentem. Contra verò non animi tantùm bona, è limpidiſſimo pudicitia fonte promanant, ſed etiâ ſlos, venuſtas, vires corporis; vita ſanior, ſenectus tardior. Non immeritò & Continentia illud gloriatur: Flores mei, fructus honoris & honeſtatis; in me gratia omnis vitæ.

b Ex te nunc, Ædeſime, ſciſcitor, ^{*b Eccl. c. 24. v. 23. & 25.*} quid ſentis de tot Anachoretis, qui in tantâ cibi potuſque & paſſimonia & penuriâ, tot annis produxerunt vitam: non illis hanc longævitatem à Caſtitate potiſſimùm conſeſſam cenſes?

Simeon Stylites, illud Orbis miraculum, ille perdius atque pernox

90 LIBER PRIMVS.

stator, per continua ieiunia, ad annū centesimum nonum peruenit, at vt scias, vxorem nunquam habuit.

Antonius Magnus, cui Orbis pro libro fuit, centum & quinque annis vixit: at coniugem ignorauit.

Paulus, primus Eremicola, centesimum decimum tertium annum attingit: at semper virgo permansit.

Hilarion, pauperrimus monachus, & à sole nunquam comedere visus, vitæ annis octoginta quatuor, nullam vxorem duxit.

Panaphius, qui plurimis annis solo pane victitauit, nonagenarius euasit, & coniugium nesciuit.

Macarius, annum nonagesimum excessit perpetuis ieiuniis: nuptias nunquam celebrauit.

Arsenius Arcadij & Honorij Imperatorum Præceptor, ad centum viginti annos ætatem detulit; epithalamium ei nemo cecinit.

Romualdus Italus gente, hanc ipsam ætatem attingit, cultu victuque asperrimo: virginitatem semper coluit, & animi candorem iugalibus illecebris longè prætulit.

Franciscus de Paulâ semel de die, pane & aquâ se refecit, idq; post occasum solis, nonagesimum tamen annû superauit, & iugi castitate floruit.

Hieronymus Stridonensis laboriosam & exhaustam fame senectutem, ad octogesimum annum protulit, Castitatem tam seruauit integrè, quàm copiosè laudauit.

Beda ab ætatis suæ anno septimo, ad nonagesimum secundum, in Religione virgo vixit, coniugij penitus ignarus.

Remigius, Pontificis Rhemensis officium gessit (quod rarum, & nescio an cuiquam alteri concessum) annos totos septuaginta quatuor. Vnde Iubilæus nominabatur. vniuersè nonaginta sex annorum fuit, cum obiit: torum maritalem nunquam attigit.

Martinus Turonensis, octoginta sex ætates, Valericus Pataniësis Præsul centum quinque, Epiphanius centum quindecim autumnos vidit. crebra his sanctissimis viris obseruata ieiunia, Virginitas perpetua.

Longum, nominare sexcentos

alios, quos parsimonia, & eorum
 quæ auiditatem euocant, modus, &
 Castimonia ad longam senectutem
 perduxerunt. Reperies hodiè que
 non paucos qui venerandam suam
 eruditamque canitiem partim absti-
 nentia, partim Castimonia, iure op-
 timo adscribant. Cœnobio ingrede-
 re & hominum Religiosorum ædes,
 inuenies complures, qui sexaginta,
 septuaginta, octoginta, etiam nona-
 ginta hiemes tolerarint, vitæ tantò
 longioris, quantò continentioris.
 Ante annos non multos, ad mater-
 teram meam in paupertino cœno-
 bio monialem reuisi, & vt sermo
 ibat, quæsiui, quot iam annis illic
 seruissset Deo? respondit: quadra-
 ginta. obstupui ad hanc vocem, &
 mox eam seridò intuitus, ex oculorum
 fide, viginti annorum virginem pro-
 nunciasssem. Igitur Deo, inquã ego,
 gratias amplissimas memineris: ex-
 tra Religionem nec virium istarum,
 nec huius coloris esses; iam obiisses,
 aut tumbam proximè spectares. hoc
 etiã vitæ continentis merces est, quæ
 quos calibes, hos & longæuos fa-
 cit. Et quis enim ille, dic Ædesime,

ram ferreus & aheneus, qui coniugij vinculis implexus, inter tot quotidie recurfantes curas, mœtiores, angores, infortunia, æquè fanus ac vergerus viuat, quàm is qui hoc vnum curat, vt Deo suo placeat. illis alijs tot corpora sunt vestienda, tot ventres saturandi, tot morbi curadi, tot calamitates deplorandæ, tot funera lugenda, toties pænè moriendum, quoties liberorum aut nepotum vnus extinguitur.

Sed mittamus valetudinis & vitæ dispendia in coniugio: quot adolescentum & iuuenum fanitas & vita in hoc vno malignæ Veneris Euripo naufragata est? dic mihi, vnde bubo, scabies Gallica, aliique innúmerabiles morbi in humanum genus, velut ex insidijs prorumpunt, nisi ex hoc vno libidinis latibulo?

S. II.

De opibus, quas vti vires, licentior & libidinofior vita ambedit, vix est quod addam. Verè, prout versiculus monet, **OPES PERDIT** Incontinentia. res liquet, peras & marfupia mirum quantum ab impuro

amore exenterari. castus amor sine
impēsis est; gratuitus inter duos plu-
rēque recipitur: spurcus & Ve-
nereus, tam manus auro iniicit
quàm animo. hīc illa cantilena oc-
cinitur: aut da, aut non ama. ah! quot
miseri amatorculi pōst Paupertati
fecere stipendia, qui prius Veneri.
Euangelicus ille prodigus, quàm bel-
lè & quàm facile omne suum patri-
monium, inter impuræ vitæ homi-
nes decoxit? Iacta ipsi est alea; cun-
cta absorpta sunt; perierunt vniuer-
sa, non naufragio, non ægritudine,
non sinistro casu, sed *viuendo luxu-
riose*. non tot absorpsit rates charyb-
dis vorax; non tot absumpsit noxios
Atheniense barathrum, quot emū-
xerunt tales amicæ aureos in eius-
modi luxu. ita bonus ille iuuenis,
porcorum demum conuiuia factus
est, vbi meretricum sympulo esse
desiit. Prodigium est, quod addo.
Fuit prisco æuo iuuenis, cui Mun-
dus nomen (nihil minùs ei conue-
niebat) qui Paulinam pudicam ma-
tronam ad inhonestasollicitauit; eius
pudiciã vt auro expugnaret, viginti

drachmarum myriades, hoc est, viginti millia Philippeorū spopōder, si votis suis haberet obsequentē. Vah! quod hoc inaurata petulantiæ portētum est? Nosti quid Demosthenes prudentissimè, Laidi pro nocte decē millia drachmarum stipulanti responderit? *tanti pœnitere non emo.* Quàm verè hoc à te dictum, mi facundissime orator, inhonestæ voluptati indiuiduum comitem ire PŒNITENTIAM. Quis vnquam Veneri vel horam, vel momentum seruiuit, quem impuræ seruitutis huius non pœnituerit, & puduerit? *Aedes.* Oraculum fundis, Partheni: & priscis etiam illis notum fuit, vbi mel est, ibi & fel esse; & vbi vber, ibi tuber reperiri. *Parth.* Atque, vt est in fabulis, litigârunt olim Ioue iudice, Voluptas & Dolor; neque illa huic, neque hic illi in vlllo cessurus videbatur. Ad quos Iupiter: Bene est: inquit, ita vos componam, vt dirimi nequeatis. atque ita dissidentes adamantino & inenodabili vinculo colligauit, velut fugitiuos seruos, vt neuter neutrum possit effugere:

56 LIBER PRIMVS

inde nunquam non simul sunt. Mirum quàm eleganter Mediolanensis Pontifex Ambrosius, Voluptatem producat, hunc in modum facundâ: Ille apud me primus, qui omnium perditissimus; ille meus est, qui suus non est; ille mihi gravior qui sibi nequior. Calix aureus Babylonis in manu meâ, inebrians omnem terram; ex poculo meo biberunt omnes gentes. Et Hipponensis Præsul Augustinus quam verè: O voluptates, inquit, quàm faciles aditus habetis, dùm suadetis! & quàm difficiles exitus habebitis, cum perimetis? Dum suadetis, inungitis; sed postquam suaferitis, vsque ad mortem animæ pungitis. Habemus ergo iam illustria duo præmia libidinis: Corpus effatum, & depletum exhaustumque marsupium.

CAP. XI.

Incontinentiæ effectus alteri: ANIMAM NECAT, INGENIUM IMPEDIT.

NEC sola hæc, nec summa mala sunt impuræ Veneris. Parum illi est, vires & valetudinem corpori, crumena

crumenæ numos subtrahere. Nobiliore prædâ, & verò spolijs opimioribus triumphat. Animam impuri perfundat, & necat. Hoc illi quidem, cum ceteris vitijs commune est, animum *Aeterna mortis* reum statuere. sed hoc & facilius & celerius facit, quàm ferè vllum vitiorum. Hic enim vel vnâ atque vnicâ cogitatuunculâ impurâ, eaque solâ quam nostrates theologi, delectationem morosam nominant, æternis flammis obnoxij reddimur. Absit facinus, absit patrandi facinoris voluntas, æternæ tamen morti ille se obijcit, qui vel solum impuriorem cogitatum, in oblectationem sciens volens admittit. Hoc Augustino credes, apertissimè ad pronuncianti: *a* Totus homo, ait, alib. 12. de Trin. c. 12. 2. sent. di. 24. damnabitur, nisi hæc, quæ sine voluntate operandi, sed tamen cum voluntate animum talibus oblectandi, solius cogitationis sentiuntur esse peccata, per mediatoris gratiam remittantur.

Rectè castissimus Bernardus, cum flagitiosas per puellam insidias sibi strui aduerteret, *latrones, latrones, ex-*

clamauit. Sanè latro est omnis Venera libido; latronum ritu amplexatur vt perimat; osculum mentitur cum Ioabo, vt sicam infigat in Amasam quem salutat. Et Senecæ monitum est: *a* Voluptates præcipuè exturba, & inuisissimas habe latronum more; in hoc nos amplexantur vt strangulent. Ah! quanti perierunt ab hac vnâ peste. Et quod lacrimis dignum, etiam fortissimi, etiam sapientissimi, & quod mireris, vel etiâ sanctissimi; Samsones, Salomones, Dauides, hoc vno telo corruerunt. Et nos quî stabimus qui nec Samsone fortiores, nec Salomone sapientiores, nec sanctiores Dauide sumus; præsertim cum pericula nostra sic amemus, vt in ea proni magnoque nisu ruamus, & plerumque toti procumbamus in voluptatem.

Memini ego & horreo, quoties id memini, à Præceptore meo me audire, si centeni iuuenes inferorum flammis addicantur, è centenis istis nonaginta nouem, ob hoc, de quo loquimur, vitium Carnis damnari, centesimū demum ob aliam aliquam

*a epist. 51.
fine.*

graviorem noxam. *Ædes.* Coniectura hæc mihi non incredibilis est. *Parthen.* nec mihi certè immobilitas stat sententia in impuros iam lata: Hoc enim scitote intelligentes, quòd omnis fornicator, aut immundus, aut auarus, quod est idolorum seruitus, non habebunt hæreditatem in regno Dei. *a*

S. I.

Memoriam quoque & ingenium ab hac fœdissimâ lue afflari & corrumpi, nimis quàm certum est. & verissimè Philosophorum Deus Aristoteles, *b* Venerem amentia præfectam ait. Scholas obsecro & gymnasia lustremus. hîc tu mihi adolescentem aut iuuenem da, qui vnà & Veneri litet & Apollini, qui sit ingeniosus simul ac eruditus, & tamen parùm castus, monstrum hoc mihi foret, albo simillimum cornu. Non sine mysterio Musæ Virgines finguntur à poëtis; malè simul habitant libido & eruditio. De talibus verissimè Comicus: *c*

*Neq; ius, neq; bonum aut equũ sciunt,
Melius, peius, profit, obfit; nihil vident*

*a ad Ephe.
c. 5. v. 5.*

*bl. 2. Rhe.
cap. 24.*

*c Terent.
Heaut.
act. 4.
Scen. 1.*

Nisi quod libido suggerit —

Et Claudianus meus, poetarum ocellus, assentitur:

*Luxuries prædulce malum, quæ
dedita semper*

*Corporis arbitrijs, hebetat caligine
sensus.*

Et verò si lubet, bibliothecas obeamus, & gnauè indagemus, an plus librorum scripserint cælibes & casti, an verò vinculis vxorijs attentati. Et quî possit, fac velle, Venereis facibus vel leuiter adustus, eâ tranquillitare animi & serenitate, quâ opus est, tractare libros? quid sani sensûs, aut eruditæ cogitationis, è tali cloacâ (da veniam verbo) effodias? in impuro & sordente vase male seruaueris opobalsamum, & diuinæ paginæ oraculum est: In maleuolam animam non introibit sapientia, nec habitabit in corpore subdito peccatis. *a* In fonte cœnoso ac turbido, nil liquidò satis ac perspicuè cerni potest.

*a Sap. c. 1.
vers. 4.*

CAP. XII.

Incontinentiæ effectus tertij : FAMAM INQUINAT, VIRTUTES OMNES EXTIRPAT.

AD gemini versiculi finem, & unâ sermonis antemeridiani, tendimus. Incontinentia in famam & Virtutes grassatur; illam *inquinat*, has *extirpat*. Hieronymi voces hinc iure vsurpem: O luxuria, ô ignis infernalis, cuius materia gula, cuius flamma superbia, cuius scintillæ prava colloquia, cuius fumus *infamia*, cuius cinis immunditia, cuius finis gehenna. De iacturâ famæ non est quod longè disseram; res ipsa loquitur. nullum certè vitium est, quod plus nos erubescere cogat quàm hoc de quo sermo est. Meritò plurimum pudoris habet & ignominia, quod plurimum habet infamia & turpitudinis. nec agrè credam, plurimos hominum, tum demùm perfidè mutos esse incipere, cum hoc genus flagitij in confessione prodendum est. nec crebriùs violari. Pœnitentiæ sa-

cramentum, quàm ab silentio commissæ obscœnitatis. O tetrum flagitium! quod non tantùm letalem plagam imponit, vt alia, sed & medellam excludit, & hoc vnum agit, vt quem semel nexuit, nunquam manumittat. Nec illi satis, corpus læsisse, pecuniam abstulisse, ingenium fregisse, memoriam hebetasse, iugulasse animam, nisi demum & famam rapiat, probique nominis thesaurum interuertat crudeli prædatione. Neque hoc mirum in hoste omnigenarum Virtutum, & amico Vitiatorum omnium. *Ædes.* Enimuerò, *Partheni*, hoc vltimum nondum ex toto persuasisti: habent Virtutes suam quæque hostem, habet & Vicia suum quodlibet aduersarium. *Parthen.* At ego te, mi *Ædesime*, hîc quidem inoffenso pede ire velim, nec quidquam subsistere, aut addubitare: non retracto quod dixi, idque leui operâ planum facio. Libido sic immutat hominem, vt nec homo quidem maneat, verè iam pecus, post exutum turpiter hominem. Da mihi iuuenem, eiusmodi spurcitiarum a-

mantem, & vide quid in illo solidæ virtutis reperias? exulant virtutes, vbi libido victrix imperat. Canit olim Venusinus vates, de iuvene sui iuris facto:

Cereus in vitium flecti, monitoribus asper.

Verissimum id est de homine obscenarum sordium non puro: Cereus is est, non in vnum aliquod, sed in omne prorsus vitium. Principio quidem, non negabis, credo, si superbiæ eos studere dicam qui lasciuis oculis probari se cupiunt; qui comptuli, qui munduli, & nitiduli è meris pigmentis & nitelis formam sibi adstruunt, & hoc maximè agunt vt placeant. At auari forsan hi tales non esse videbuntur: non sint etiam; at erunt certè prodiga, quod æquè vitiosum est & turpe. imò quod monstruosissimum meritò dicas, frequenter isti, & auari sunt simul, & effusi. Ab his pecunias auarissimè compulant, vt habeant quod in istos per prodigentiã effundat. parentibus rapiunt, meretricibus donat. Inuidiã plenum esse amorem Venereũ nemo nescit.

veteres tibi tragœdias recantari vis?
Troiaë labores & excidium, sed &
plurium ciuitatum, imò & regno-
rum euerfiones id satis loquuntur.
De gulâ, nõ est quod multis astruam,
in aperto est, monstrum esse libidi-
nem sine gulâ. sed neq, familiariores
amicos reperies quàm desidiam &
luxuriam, otium & Venerem. Con-
figno cum Tullio; qui in Catone
Maiore, Archytæ Tarentini verba
sic refert: Nullam capitaliorem pe-
stem, quàm corporis voluptatem
hominibus à naturâ datam. Nec
multò post subiungit: in Voluptatis
regno Virtus consistere non potest.
quocirca nihil tam detestabile, tãn-
que pestiferum quàm voluptas, si-
quidem cum maior est & longior,
omne animi lumen extinguit. At ve-
rò Salomoni magis credes quàm Ci-
ceroni, aut Deo de Salomone. Hunc
ubi libido triumphauit, vitiorum
omnium mater idololatria turpissi-
mè sub iugum misit. Quid virtutis
remanfit in Herode, postquam vi-
ctas manus dedit Herodiadis petu-
lantiaë, cuius incestum non lacrimis,

sed cruoris riuulis deplorauit inson-
tissimi Baptistæ præcisum caput. O
luxuriam! ô charybdin quæ omnes
animæ vires, imò & corporis, quin
& omnem virtutem gulosè absorbet
abligurítque. *Ædes.* persuades, Par-
theni, & me in tuam sententiam tra-
his vel inuitum.

§. I.

Parthen. *Ædesime*, suboleo quid
velis. Epilogum expectas; & vt lo-
qui desinam. Dentes, credo, tibi
pruriūt in cibum. nec mirum — sex-
tâ iam linea tangitur vmbra. meri-
diem esse, & mihi stomachi mei ho-
rologium dicit. Sed quæso te, pate-
re, vterque suam prius & memoriam
& patientiam exerceat, quàm men-
sam accumbat. Renocenus in cu-
mulum & synopsis, quicquid horis
antemeridianis super N I C E T A NO-
stri victoriâ prorsus obstupescendâ
differuimus. Et nisi me fallit memo-
riâ, ordinem hunc seruauimus.

Sermonis caput N I C E T A S fuit,
verè victor, verè maior elogijs no-
stris quibuscunque. Quidquid ille-
cebrarum, quidquid artis aut fraudis,

quidquid machinarum Incontinentia, seu, Libido habuit, in NICETAM expediuit. Omnia tētavit fœdissimus Cupido, omnia superauit castissimus NICETAS. dolos, artes, fucos, fraudes, vim omnem expunxit; technas, illecebras, machinas elusit vniuersas. nouo ausu & robore planè admirando suum debellauit hostem. Hanc eī victoriam dum mirabundi gratulamur, sermo nos suauiter ad Incontinentiæ armamentarium deduxit. hâc duplicis generis arma reperimus, *Inuincimenta & Effectus* Incontinentiæ; illis oppugnat, istis iugulat. Ita primum laceffentis Incontinētiæ telum est OTIVM, horribilis catapulta contra omne genus bonarum actionum. Alterum Incontinentiæ telum oleo litum, vt sit penetrabilius, GULA est. de hac notum illud Ambrosij: Saturitas Castitatem prodigit. *a* Et sanè plures occidit Gula quàm gladius, fuitque ea semper plurimorum maiorum fomes. Tertium & Quartum Incontinentiæ telum, LIBRI, & PICTVRÆ lasciuæ. Rarissimum est his tangi, & inuulneratum viuere

Quintum, OCULORVM LIBERTAS. abundè, reor, demōstrauimus, quantum veneni per oculos attrahamus in animum. Beatus ille, qui oculorum suorum dominus, seduci se ab illis non sinit. Sextum Incontinentiæ volatile illicium SERMO IMPVDICVS. multiplex hîc malum, & audientium & loquentium. Septimum trabile telum Incontinentiæ SOCIETAS PRAVA. contra piceatam hanc tragulam, nemo nimium munitus erit aut cautus. alienis exemplis, & societate plurimi pereunt, qui perire se nesciunt.

§. II.

Atque his armis oppugnauit NICETAM Libido. Initium pugnæ ab illo hortensi Orio cœpit, cum fortissimus iuuenis, ad mollissimum lectulum deduceretur, tanquam illic suauissimè meridiaturus, vbi hortus variam voluptatem velut offertâ epulis mēsam iam explicasset. Postquâ ergo resupinus in toro iuuenis, blandè alligatus est, petulantissimæ mulieris compta facies, libris & picturis adnocēdam longè pestilentior castiffi-

mis illius oculis sese impudenter in-
 gressit. Hic, audire aut aspicere; hic
 tangi aut tangere, extremi res erat
 periculi, ad fallendos oculos forma,
 ad inducendum animum verba inci-
 tabant compositissima. & quid socie-
 tate hac poterat esse periculosus,
 quàm solum à solâ sic deprehendi?
 Vicit tamen, vicit NICETAS vniuer-
 sa hæc Incontinentiæ inuitamenta.
 in lectulo delicatissimo, etsi victus,
 minimè tamen otiosus, voluptatem
 paratissimam penitus exosus, ad pi-
 ctam supra omnes imagines femi-
 nam neutiquam curiosus, ad omnes
 oculorum illecebras cæcus, ad mel-
 litos verborum globulos surdus, Ve-
 nereæ huius societatis fortissimus
 aduersarius, inuictus, inexpugnabi-
 lis. Quia ergo Incontinentiæ tela,
 quibus oppugnare solet, in cassum
 ceciderunt, arma etiam, quibus so-
 let iugulare, frustra fuerunt. Recor-
 darisne, Ædesime, quos Inconti-
 nentiæ statuerimus *Effectus*; & hi
 arma sunt illius, quibus, quos expu-
 gnârit, necat. Primus ergo Inconti-
 nentiæ *effectus*, corpus viribus; alter,

crumenam numis exhaurire : Tertius , animum occidere : Quartus , ingenium hebetare : Quintus , famam inquinare : Sextus demum , virtutes omnes extirpare. Atque de his , et si strictim & ordine nonnihil inuerso , prout versiculi suggerebant , iam egimus.

Nunc mensa & prandium nos vocat : Ad es dum , meus hodie conuiuia eris , sed non asymbolus. Tres tibi quæstiunculas ponam , quæ à proposito sermone , simul & à mensâ non abhorreant. Prima erit : cur Apiculæ , volucres innubæ , & virgines auiculæ , Cereris famulæ vocentur ; quos illæ flores non tangant , quos homines non pungant , quo flore maximè gaudeant ? quò etiam spectat quid mel virgineum , quid charta virgo , quæ virginea sit membrana ? *Edes.* num hæc vna est quæstio ? *Parth.* vna , sed conglobata. Altera : quæ herba , & oculos acuat , & Castitatem ; & quæ animum tam viuæ quàm mortuæ , seu , tam naturâ suâ quàm esu nostro sint castissimæ , & quid apud homines religiosos lactu-

ca & hordeum , quotidiana pænē
 fercula sibi velint? *Ædes.* vt video,
 mille me quæstionibus petes. *Parth.*
 ne diffide: reperiemus responsa. Po-
 strema, quæ rerum delicatissimæ, quæ
 irreparabiles? in vitroque ordine nu-
 merabis, iam præscisco, virginitatem.
 Eamus: nisi tu Chamæleon sis, &
 aëre viuas. De ceteris, iam pransi
 colloquemur.



LIBER II. CAP. I
 GEMINVS NICETÆ
 BENEDICTVS, ILLVS-
 TRISSIMO ITIDEM FACINORE.



ARTHENIVS. In sanctua-
 rijs Mithridatis maximi
 Regis deuicti (Plinius
 memorat *a*) Cn. Pom-
 peius inuenit in peculiari commen-
 tario, ipsius manu compositionem
 antidoti, è duabus nucibus ficcis, fi-
 cobus totidem, & rutæ folijs viginti,
 simul tritis, addito salis grano: &
 quæ hoc ieiunus sumat, nullum ve-
 nenum illo die nocitarum. Satis ve-
 neni congestimus ante meridiem.

*a lib. 23.
 nat. hist.
 cap. 8.*

vis, Ædesime, huic suum etiam antidotum quaeramus? *ÆDESIMVS.* frustra hoc rogas: epulis tuis satur sum, nondum tuis verbis. Pertexe telam, mi Partheni, quam orsus es. Venena nosse, te auctore didici. disscam etiam nosse obstitentia venenis pharmaca. tu mihi Mithridates sis. Marfos. Ophiogenes, Pnyllos terro-ri serpentibus fuisse, narrat idem Plinius, & tactu ipso suctuue medico percussos leuasse. Anguis est Incontinentia fecundissima veneno, & quos non icit? Partheni, è Pnyllorum familiâ te virum præsta, & ictis aur ictiedis tactu medico succurre. *Parth.* blandè cogis.

Ergo progrediamur sermone cæpto. & iam alterû à NICETA exordium ducamus, cui nemo non acclamet:

Vicit NICETAS; exulter, triumphet NICETAS. Quod Seneca de suo Mucio, ego veriùs affirmarim de NICETA nostro: Consecit bellum inermis ac mancus, linguâ truncâ totum Veneris exercitum profligauit, Vicit. *Ædes.* Vicit excellentissimè, trãscendit panè omnem laudum

nostrarum apicem : inimitabilis est. Et quis talem pugnam experat , vt talem coronam referat ? nil periculosius , quàm sic pugnasse ; nil tamen etiam gloriosius , quàm sic vicisse. Parem , puto , NICETAS , in hoc neminem habet ; facinus illius est incomparabile.

Parthen. Sed habeat parem , conferri cum illo possunt alij , hoc ipsum illius laudi accedit , quod sic pugnârit , vt & alios ad similem pugnam animârit , & pugnare docuerit exemplo. Benedictus , Magnus ille sanctissimæ familiæ Patriarcha , post NICETAM felicissimè pugnauit. Hostem exaduerso stantem , & quem oculis designaret , non habuit ; seipsum vicit. Cupidinem triumphauit , quem non vidit. Vis narrem & hoc prælium ? *Ædes.* & nisi sponte animi faceres , conarer cogere. Tu perge modò ; quò diutiùs hæc audio , hoc auidiùs. *Parthen.* Neque Benedictus sine sanguine pugnauit , in hoc panè superior NICETA , quòd non os solum , sed omne corpus cruentârit , magnanimo volutatu per spinas. Et
quæso

quæso liceat per te, Ædesime, pugnam hanc Benedicti, penicillo paululo morosiore depingere.

§. I.

Sed antequam gradum promoveam, non nemini satisfaciendum censeo. Quid? (dicat aliquis) viro sceleris tam puro, vitæ tam integro, aries tam impurus insultet? Benedictum etiam, spurcus Cupido laceſſat? repugnat hoc tam sublimi ſactimoniam. Imò propugnat hoc tam ſublimem ſactimoniam, quæ nunquam fuiſſet tanta, niſi ſic fuiſſet tentata. Ne mireris, ô bone, & ſi neſcis, vel à priſco ſcriptore hoc diſce. Hos itaque Deus, inquit Seneca, a quos *al. de Pro-* *videntia.* probat, quos amat; indurat, recognoſcit, exercet: bonum virum in delicijs non habet: experitur, ſibi illum præparat. quid miraris, bonos viros, vt confirmentur, concuti non eſt arbor ſolida, niſi in quam frequēs ventus incurrit, ipſâ enim vexatione conſtringitur, & radices certius figit. Et cuius virtus ſine aduerſario non marcet? laceſſita verò, multum ſibi adiicit; erigitur cùm tangitur, &

impellitur : omnia aduersa, exercitationes putat.

Talis Benedictus, qui molliter habendus non fuit, quandoquidem in tantum belli ducem eligendus. Deinde, bella hæc & rebellionem carnis, vetare quæ possumus? non magis quàm Pandari sagittam Menelaus arcere, quam ille furtim & à socijs tectus immisit. Et quamdiu duæ illæ partes, animus & corpus, iunctæ concordiam quadam discordi; quamdiu diuinæ auræ, moles illa cibo tantum (vt Possidonius) recipiendo habilis adtextitur, tamdiu inter eas malè conuenit, utique cum de imperio agatur, aut seruitute. Regnum utraque pars exambit, & magis illa quæ non debet. terra attolle re se supra ignem suum conatur, & cœnum hoc supra cœlum. hinc in homine dissidia, turbæ, & velut assidua quædam velitatum inter se partium pugna, cui duces & Imperatores, *Ratio & Opinio*. illa pro animo, & in animo: hæc pro corpore, & in eo pugnat. Sensit hanc pugnam & Benedictus, quia homo, quia mor-

talís, quia vnus ex nobis. Sed sensit, non consensit. deprehendit intestini belli motus, sed nec è statu suo excessit, nec trepidus se vinci permisit. Stetit, pedem contulit, manus conseriuit, & contra seipsum vires suas expertus est, quæ nunquam certam dare fiduciam sui possunt, nisi plurimæ difficultates hinc & illinc irruerint. Sic verus animus, & in hostis sui arbitrium non venturus, probatur; hæc eius obrussa est. Videte ergo mihi quomodo Benedictus contra Benedictum, hoc est, seipsum pugnet: prælusionem attendite.

§. II.

Adest auicula, sed nigella, & quales in Plutonis caueâ sunt. adest ex Orco submissa, tanquam vna ex velitibus, & quæ prælio exorsum daret, docta prius à nigro illo magistro, qui ipsi stygium ^{caueâ} expediuit. exquitur ergo quæ iussa, & vices suas bellè fungitur. vultû viri sancti circûuolat, alis decorè remigat, & nescio quid blandum susurrat. blandiri eam diceres, quæ insidias struebat, iugulû

& salutem petebat. Pergit illa & circa Benedicti caput, assiduo volatu auram circinat: coruum crederes qui esurienti Theſbitæ Cererem deportârat. nec sese ingerere cessat vel inuito, aded vt manu capi posset; sed cruce, quam manus bene cauta efformârat, cedere cogitur, & in infernas caueas, vnde subuolârat, remeare. Pugnam finitam creditis? nondum cœpit. anteludiû hoc fuit & initium pugnæ: Iulorij tantùm telis ater ille cornicen pulsus: & nondum vulnus, neque vera congressio. puræ solùm à ferro hastæ, vt olim, & obtusi gladij in auras iactati. Iam primùm decretorios stylos & pugnatorios mucrones cernetis, & à ludicris transitum ad vera & *perla* arma.

Vix auolauit illa Cocyti merula, cum Acherôtiſ Imperator classicum canere, omnem Veneris exercitum conuocare, inflammare in prælium, instigare in Benedictum: illatam sæpius ab illo iniuriam exaggerare, predicare suorum vires, Benedicti extenuare, omnes dolis & fraudibus armare, tandem amandare, & victo-

riam polliceri. Ruit immunda phalanx, ipsâ Cypride duce, & facibus Auernali sulphure stipatis, casti pe-
 ctoris mœnia it expugnatum. Ah. Benedicte! in te vadit pedes iste Venerereus, ni validus occurras, victus es. plures in te conuolant Cupidines, quàm olim Arcefilaus circa marmoream lænam effigiârît: E pœsi hoc natum putas, Aedefine, & vnum aliquod è ceteris figmentis? rem dixi, de modo quo dixi, non laboro. nec aliud sacri codices loquuntur, qui sæpe plures cacodæmonas; quid aio? legiones totas in vnicum hominem immissas asserunt. Et certè in Benedictum non ab vno tantùm impetus; acies totæ in illum videntur pugnâsse. aded enim faces illas tartareas sensit; aded pectus exæstuauit flâmis non puris, vt vix ampliùs durare sibi visus, cõtra tam latè populans incendium. & propè fuit vt loca illa desertum iret, & in vrbem rediret.

§. III.

Sed adest auxiliatrix manus, & qui voluit Benedictum impugnari, expugnari vetuit. adest Numen & ani-

mum fatifcentem, in prælium re-
 staurat. mox ipse Diuus recepto ani-
 mo, & quasi aquâ è languido refocil-
 latus, semetipsum affatur, & : Bene-
 dicte, inquit, cedis? & potior tibi
 fugacissimæ voluptatis umbra quàm
 cælum, quàm Deus? nec exitum spe-
 ctas? quò ruis? hæc olim polliceris,
 nempe cessurum voluptati, quæ pæ-
 nè antequam venit, aufugit. tam vile
 tibi cæli præmium? tam iucunda in-
 ferorum incendia? vbi robur? vbi
 per tot annos, sapientiæ meditata
 studia? vbi ille animus, qui possit di-
 cere: *si fractus illabatur orbis*, non
 expauescam? & quæso, pudorem
 longâ inediâ, crebrâ insomniâ, mul-
 tâ tolerantiaâ adhuc seruatam, mo-
 mento perdes? Non ita. Et tu pecus
 (carnem suam compellat) hæc adfe-
 ctes contra rationem, contra leges,
 contra Deum? hæc in me cudas pe-
 ricula? tu me hosti prodere, cælo ex-
 trudere, infero draconi glutendum
 obijcere? mercedem feres, ne du-
 bita, te dignam. mulceberis: & cu-
 rabo vt hodie bene tibi sit. Dum hæc
 fatatur, obliquos ytrinque secus di-

mittit oculos, & arma circumspicit, quibus in rebellem carnem vindicet. Et en tibi, proximè circumspicientem denſi ſpinarum nexus, & crudele ſenticetum, quod ſine contactu ſauciet vel tantùm ſpectantes oculos. Et bene eſt, inquit Benedictus, etiam de lectulo tibi prouiſum, mea Caro; blanditer per illum volutaberis. quin ergo te, dignum hoc toro, molliusculè illic repono?

Primi quidem in omnibus prælijs vincuntur oculi: & sæpe priùs fugæ quàm pugnæ locus quæritur. At Benedicti oculi etſi dumorum aspectu pauidi, non tamen fugitiui. neque vllus cunctationi locus in eo conſilio, quod non poteſt laudari niſi peractum. mox enim Benedictus, poſt amarulentos in carnem iocos, piè iratus & ſanctè crudelis, vultum aſſeuerat, virum ſe gerit, & lacinijs deueſtit, neque latus obdit, vt olim pugiles, ſed toto corpore ad verprium ictus expoſitus, nullam partem ſpineto interdicit. Et videte quàm non hæreat, quàm ſecum non multa putet, quàm ſibi non ignoſcat;

melius est, inquit, corpus ardeat
quàm animus, laceretur illud quàm
iste. Vix hæc fatus, inerme corpus
& nudum, hilari iactu in horridum
dumetum præcipitat, & sacros artus
horrentibus vndique paliuris fortif-
simè induit. Currunt ex omni parte
cruoris riuuli, & virides spinarum
gladios liberaliter purpurant.

§. IV.

Huc iam oculos; & spectate mihi
purpureum corpus in mucronato
hoc lectulo. huc & aures, non quæ
lamenta & questus, sed quæ herois
inuitas voces audiant & adorent.
Iacet inter spinarum scorpiones; non
lacrimat, non ciulat; nec ingemit
quidem. sed ipse sui tortor & spe-
ctator, quod olim gladiatoribus Ro-
mani: *Repete ictum, repete*; hoc ipse
sibi acclamat, & suæ voci obsecun-
dans, transfixa membra magis ver-
fat, & quasi extricando se, laborer,
aliùs intricat, sentèsque toto & pro-
fundo corpore admittit, & noua vul-
nera infligit, siue ampliat antiqua.
Nec satis corpus quod vepres, etiam
verba lancinant: iam, mi care aquali-
cule,

cule, inquit heros, iam volutari licet
& satiari. explica tenellos artus, am-
plexare hos flores, & petulantia tuae
hâc indulge, quantum satis. Tandem,
vti solebant Quirites victo gladiato-
re, exclamat, *Hoc habet.*

Ah, Benedicte (sed quid trium-
phis ingemisco?) ô magne athleta,
iam tibi licet vocem illam emittere:
Vici; & quidem victores gentium,
ardores prauos. Et tu ille sapiens es,
qui licet vratur, crucietur, in Phala-
ridis tauro fit, dicat tamen: *Quàm*
suauè est hoc; quàm hoc non curo! bea-
tus sum. Hæ voces in ipsâ officinâ
Voluptatis auditæ; cur ergo incre-
dibiles sint apud eos qui virtutē co-
lunt? Quàm bene Seneca: licet cor-
pus, plenum bonâ conscientia, stil-
let, placebit illi ignis, per quem bonæ
fides collucebit. verè:

Latius est, quories magno sibi con-
stat HONESTVM.

Et Christianus doctor hæc consignâs
Ambrosius: Non frangitur, inquit,
sapiens doloribus corporis: sed etiâ
in ærumnis beatus manet. Etiâ & tu
Benedicte: imò beatus non mâsisses,

nisi quam sibi corpus beatitudinem fingit, abiecisses: Vicisti peccatum, quia transtulisti incendium. O rubi, nulli minùs quàm Benedicto erubescendi! vos Veneri pudorem incussistis & ruboré. illa in rubis victa, quæ in rubos venerat satura. flâmas ex Idâ tulit in Cassinatem, sed flammis pulsa est; æstuabat in voluptates Benedicti animus, sed hic æstus vrticarum incendio repressus. sentibus impunè licuit venas rimari, ne mersa visceribus libido, penitas medullas sorberet.

S. V.

Fingit Theocritus impurum Cupidinem ab apiculâ punctum, fentem ad Cytheren rediisse, & voces illas: Perij, mater, occidi; sæpius iterasse. Quàm veriùs ego: Cupidines omnes quotquot Benedicto insultârunt, à suo victore discessisse, nec sine amaro ploratu. Et hoc illud è carduis vallū est, in quo vir sanctus hosté suum, seipsum, exarmavit; sanguinem suū senticero gustandū propinavit, triūphavit Veneré, turpémque igné frigere iussit. Sic miles iste

vulnerato corpore, animum reddidit inuulnerabilem, incendium non quidem euitauit, sed mutauit, mentem seruauit, cum calcavit carnem. quod si huic pepercisset, tyrannus fuisset in illam. vulneribus ergo vulnera persanauit, & flammis restinxit flammam. iracundis tribulorum manibus corpus obiecit lacerandum, ut ab vredine integrum seruaret animum. quod si noluisset esse saucio corpore, fuisset animo, & hunc non effecisset sanum, nisi prius insanum illud. mirum & nouum sanandi genus, sanitatem amittere, & o nouum artificium lucrandi, iacturam facere! quamuis hic nec iactura quidem, nisi luti sanguine mixti; Corporis. Et sit damnū, corpus hoc, quod, Solone teste, cū oritur, putredo; cū viuunt, bellua; cū moritur, vermium esca est: sit, inquam, damnū, hanc belluam, an escam belluarū? lædere: quantulum hoc est, & quàm nihil præ victoriâ quæ ex hoc nascitur. Bis vincit, qui se vincit: neque pulchrior, addo, neque opulentior est victoria, quàm

124 LIBER SECVNDVS.

de seipſo. Innumerabiles ſunt qui
vrbes, qui populos habuere in pote-
ſtate, pauciſſimi qui ſe. Neque mihi
iacſtes vſtulatam dexterã tuam Scæ-
uola. faceſſe: talis actor non fuiſſes,
niſi tales ſpectatores habuiſſes. Be-
nedictus, Nicetas, ſexcenti alij, teſte
cælo, ſpectatore Deo, & ſolo, non
aſpirãrunt gloriam, ſed proſtigãrunt,
tantò illã digniores, quantò minus
eſſe voluerunt. Ite Mutij, ite Lucre-
tiã, vos violentas vobis manus attu-
liſtis iam violatã, noſtri hi athletã
ne violarentur. non diſputo, quo iu-
re ſibi vitam eripiat, qui non dedit.
Benedictus, Nicetas, alij, ſeruãrunt
vitam, vel rectiùs, viuam mortem
membris intulerunt, vt animi mor-
tem effugerent, tantò clariores cur-
ſtis aliis, quantò fortiores. Secum
luctati ſunt; ſpinas & ſupplicium
ſibi attemperãrunt; pigrum illis vi-
ſum ſudore acquirere, quod poſſent
ſanguine; verè petierunt

— *pulchram per vulnera mortem.*

Mortem, aio, non corporis, ſed Cu-
pidinis impuri; mortem omnium
victorum. Viam ad cælum non ve-

luptuariam, non stratam rosas, non
quæ plano pede aditur, sed dumis as-
peram ostenderunt: nec ostenderunt
solum; sed iuerunt illam, peruene-
runt per illam, quod plerique cupiunt
peruenire, non ire. Sinitur nimirum
per blandimenta corpus valescere,
languescere animus. vegetandus est
hic, frangendum illud. atque uti pu-
gio vetustate obtusus asperatur saxo,
& mucro ardescere iubetur: sic cor-
pus sæpe, quod non vult, stimulis adi-
gendum. turpe certè est comitari,
ut rectè Tacitus, virtutem principis
non adæquare. Factum Benedicti
aut Nicetæ admiramur? & imitari
possumus. neque vlli, Iobo sic pro-
clamante, missio prius indulgetur ex
hac militiâ, quàm è vitâ. Inquietus
puer est, imò ipsa inquietus, cæcus il-
le Deus, quietos tamen & cæcos fe-
rit, aut feriendo cæcos facit. impiâ
sagittâ Benedictum tetigit, non pro-
stravit. infamem sibi repulsam tulit,
telumque retulit retusum, imò fra-
ctum, & pro victoriâ lacrymas ha-
buit & pudorem, qui illum extor-
quere voluit. At nimium durum est,

426 LIBER SECVNDVS.
inquis, rubos infilire, membra spi-
nis amicare, excire sanguinem. vis
leniora? *Aude hunc hostem serio fu-
gere, & vicisti.*

CAP. II.

PVGNA NICETÆ, ET VI-
ctoria Epicis descripta.

Æ Des. Illustrissima prorsus fuit,
& hæc Benedicti de seipso vi-
ctoria. Sed nescio quid maioris ad-
mirationis habeat, si vincat vnde-
quaque victus, quemadmodum
vicit NICETAS. Benedictus cum
pugnare cœpit pugnam illam, li-
ber fuit & solutus, nec in eo tam bul-
liens iuventa sanguis, neque vlla
tunc ei femina blandientes manus
iniecit, sed nec vlla suis, oculos il-
lius vssit; nulla tunc impudica Si-
ten, illius aures vulneravit; omnis
hostis arietavit in animum. At
contra NICETÆ & oculi, & au-
res, & manus, & nares, & quic-
quid in NICETÆ vixit, pænè prius
expugnatum fuit lenocinio Volupta-
tis, quàm NICETAS arma circum-

Ipiceret. vinc̄tus, ligatus (obstupescō) ab hoste oppressus vndique, vincendi spe præcisâ, vicit tamen, & ausim dicere, plura potuit quàm posset. De milite Lusitano qui dentem pro plumbeâ glande in hostem bombardâ excusserit, legi: qui linguam dentibus præfectam in hostem blandissimum expuerit, nec legere me memini, nec audire. Et quis vnquam suo sanguine pro armis usus? mirabile certamen, in quo hostem conspuisse, vicisse fuit: mirabilis catapulta quæ ore potuit abscondi: mirabilis Castitatis triumphus, quem cruentum linguæ frustulum obtinuit. *Parthen.* Mira profus, ter mira hîc pleraque omnia, & nescio an in omni Romanâ, Græcâ, barbarâ, Christianâ historiâ, quidquam huic par inueniatur. Et hoc mihi etiam puero stimulos addidit, hanc NICETAE pugnam metro & numeris includere, Placet audire? aut potiùs tu lege, audiam ego. Carmen generosi & sani coloris ne expectes; à discipulo scriptum scias, non à magistro: Lege.

ERgône tanta animos subigit vesania
 nostros
 Castra mouere foras, aliòsque inuadere
 fines;

Arma domi bellúmque pati, atque in
 mœnibus hostem?

Hinc monet Idalias in nos Cytherea
 phalanges,

Inde Cupidineis irrumpunt agmina
 peltis.

Ergo age quisquis adhuc desudas
 integer alma

Virgo pudicitia, castúmque tueris ho-
 norem,

Sub mea signa veni; certam victoria
 laurum,

Certa trophæa dabit; solam ne desine
 pugnam,

Inque hostes ferus esto tuos; ego bella
 docebo

NICETAE, vires Deus ingeret, ar-
 ma voluntas.

Hic matutino surgebat nobilis æuo
 Flosculus, atque alias suauem spirabat
 odorem

Ante rosas, nã Christe tuis noua plan-
 tula in hortis

*Enirruit, gratam redolens è virginis
nardum*

*Pectore, cum toto diffusus in ore nite-
ret*

*Integritatis honos, & pulchro in cor-
pore virtus,*

*Diuàque Parthenijs regnaret gratia
labris.*

*Quid memorem verno conclusum
flore virilem*

*Celestemque animum? ipse suis excel-
sior annis*

*Ibat, & ingenio præsignis, & indole
clarus,*

*Nec pietate minor: felix cum fortè
procaces*

*Non premerent oculi; iam nunc affla-
ta malignè*

*Vritur aduersis rosa fragrantissima
uentis.*

*Quippe ambire omnes, omnes ar-
dere decorem;*

*Admirari oculos, castissimàque ora
tueri;*

*Denique peius amare, placet puerom-
nibus, vni*

*Displicet ipse sibi, vultque insontissi-
mus vni.*

130 LIBER SECVNDVS

Posse placere Deo, rosa & esse, & nullia
videri.

Mox ciet infernas tanta hæc con-
stantia turmas

Cocyti vulgus formidatámque Me-
geram:

Siccine felicem patimur florere in-
uentam

Quam comitatur amor, quam fama
& gloria vestit?

Nicetámne meis non posse occumbere
telis?

Cepimus imbellem, si dulce ligamex
amoris

Vertimus in laqueos, annis & viribus
infans,

Ingenio puer est, stygijs aptissima technis
Materia, & nostræ seges haud incom-
moda prædæ:

Ipsa ego flammabo Veneres, ego Cypri-
dis arcus

Ipsa venenabo, nec bellum imbelle mo-
uebo.

Dixit, & effræni tumefacta libidi-
ne terras

Inuehitur, blandúmque ferit. Dea sa-
ne venenum.

Hinc clandestinas ductura in prælia

turbas,

Hinc Paphios raptura greges. Postquã
agmina certo

Effudere loco Cyprias, denso imbres, sa-
gittas,

Heu mihi quæ pugna facies? uno im-
pete lenæ

Lenonèsque ruunt castum expugnare
pudorem:

Ipsè etiam Decius certat, rabidisque
rebellem

Aggreditur furys, & scortum in vir-
gine querens

NICETAM insequitur, NICETAM,
morsibus angit;

Qualis odorisequus Spartanâ è gente
Melampus

(Siqua fames angusta vocat, domi-
nùmque ferinæ

Delicium inuitat) densis erraticus
antris

Militat in prædam, stricthoque mina-
tur hiatu.

Sic Decius rictu NICETAM at-
tentat anaro (iras

Exanimare; iris laudes & laudibus
Suggestit, hinc blandis inueni sermoni-
bus instat,

132 LIBER SECVNDVS.

Inde metu, tum dâque Iouis ceu ful-
mine, mitrâ.

Iam tua virginea tam rara enco-
mia miles

Deplorata videntur, & intermortua
fama,

Protinus in plumam, lecto religatur
eburno,

Sardanapale tuam, vinciturque inter
odoras

Membra supina rosas, & serica texta
tapetes;

Vincula virgineas nectunt bombycina
palmas,

Ferrea sint, clamat, vel sint adaman-
tina: porrò

Mollis olorinis fulcitur culcitra plu-
mis,

Eheu quàm malim vitreis incumbere
testis.

Hortus erat varijs vestitus honori-
bus, olim

Ante Semiramios fortunatissimus
hortos.

Sine locum, seu dona loci tuearis, amœ-
no

Pernius aspectu; roseis huc gratia gemo-
nis.

*Nimpharumque chorus, Venerumque
exercitus unam.*

*Deuenere domum. uinis argentea pra-
tis*

*Sidera resplendent, & mollis amaracus
albis*

*Crinitur violis, rubras noua lilia lam-
bunt*

*Intermixta rosas, suauisque fruuntur
amomo.*

*Hic passim pingues Panchaia nu-
trit odores*

*Totaque mellifluis interuiret Hybla
rosatis;*

*Purpureas Narcissus opes, Hyacinthus
eburnas*

*Certatim ostendunt, & grato errore
duellant.*

*Haud procul arboreis illudit
blandula scenis*

*Et pariter dulces obsibilat aura susur-
ros.*

*Passim hederæ serpunt, granidaque in
collibus uuae*

*Maturantur, & arboribus circum in-
texuntur:*

*Celsior erectam contra decertat oliuam
Cedrus, odoriferam diffundit amygdala-*

lus umbram;

Garrula quas inter ludentibus undula
lymphis

Ambulat, & querulos collidit rore la-
pillos

Ductus aqua dulcis; nec soli sacra pala-
to

Fistula, demissis stat peruius humor o-
cellis.

Hic Zephyrique Eurique iocos, hic
bella Fanoni

Aestatisque domos, & Veris regna vi-
deres,

Hæc loca grata alijs, loca sola iniquæ
Pudori.

Quippe ubi NICETAS blandis cum
fraude catenis

Ductus in hortenses prosternebatur o-
dores,

Continuè totis florum lascinia castris

Militat in iuuenem, & malè sano cor-
pus amomo

Afflat odoriferi redolens fragrantia
lecti.

In scelus aspirant auræque, & stridula
tortis

Flumina vorticibus, pictis erratica ri-
pis.

Quid facies tanto miles fortissime
bello?

Arma aciemque vides in te conuersas
sed arma

Hec nulla arma vides pro te! Quae
machina blandas

Abrumpet pedicas? qua vis bombycinæ
franget

Vincula facta dolis? nullo manus obuia
ferro est;

Fune ligata manus, Samsonis robur
haberet,

Rumperet irato fallacia fila lacer-
to,

Non habet, & proprijs exuta eluditur
armis.

Porro ubi mentito iuuenis diademate
vinctus

Et prope victus erat, petulanti femina
vultu

Insuper adrepat, stygia non degener hy-
dra

Femina, lasciuis importunissima ver-
bis.

Monstrum horrendum ingens, tot san-
cta spicula menti

Quot mala verba iacit: nunquam sic
flamma noceret,

136 LIBER SECVNDVS.

*Missa oculis Basilisce tuis, quàm mollia
lena*

*Heu scelus! alloquia; occultum malè
fœta venenum*

*Parturit, & presentem inspirat viperæ
mortem.*

*Quid facis infelix: quibus amoli-
re malignam*

*Pestem armis? quâne arte feram certa-
bis in hydram?*

*Nulli adeò extremo stetit inter-mortua
bello*

*Quam tibi libertas; hem ludicra pascis
manes*

*Fabula Sirenes, & nulla relinquitur
orbe*

*Virtutis species: oculos aperire, perire
est,*

*Et laqueum reperire oculis. hos clande-
re, frustra;*

*Vtraque reclusa est auris, satis ampla
veneno*

*Ianua femineo: nec ceram pauper V-
lysses*

*Extremum medicamen habet; nec car-
ce arinctæ*

*Auribus auxilium spondent & opercu-
la palma.*

Nulla manus pugnis, nullis pes calcibus
hostes

Proturbare valent; ipsi inter bysina sta-
dant

Vincula, compedibus ceu luctarentur
ahenis.

Desperata tua iuuenis castissime dixi
Serta pudicitiae, tantisque his molibus
vnum

Expugnari animum & Cyprijs suc-
cumbere telis.

Non ita Romano vecors homicida
duello

Angitur inter aquas, geminis dum
morsibus urgent

Et canis & serpens, cristatoque addita
gallo

Simia. maiores (olim impenetrabilis)
hostes

Sustinet integritas, nec spes super vlla
saluti.

Quidquid agat (cane pressa fera est, in-
dagine cincta)

Frustra agit, Ionio passim puer immi-
net arcu,

Atque Cupidineis admixta venena sa-
gittis

Proximus intorquet: solum victoria

38 LIBER SECVNDVS.

plausum

*Hactenus expectat, magnâque Venus
fruitur spe.*

*Iamque suo iactat sese lascina thea-
tro,*

*Letheosque canit versus, & carmine
dirum*

*Non ignara mali celebrat victrix Hy-
menaum.*

*Atqui inconsultum mulier sine fronte
triumphum*

*Turpis Erynnis agit, nam qua vicisse
superba*

*Crediderat, victa est, dubiâ propè fessio
arenâ*

*Nobilis athletes calo tutore secun-
dum*

*Repperit auxilium, reperit quâ victor
iniquam*

*Arte triumpharet lasciuo pectore le-
nam.*

*Namque ubi vicinis obseptus ubique
periclis*

*Iam dare iamque manus mox cogeba-
tur inermes:*

*Quin, ait ipse sibi, prorumpis & arma
requiris*

Le se pudor? dabit arma dolor, dabit ar-

ma voluntas.

At frustra in vinculis gladium quaesue-
ris; unam

Fortè tibi teneris non fascinat improba
filis

Linguam mollities, ergo hac pudor ute-
re linguâ

Pro gladio quocumque potes, tibi maior
honestæ est

Cura pudicitia, quàm vane gloria lin-
guæ.

Dixit, & admorsam generoso vulnere
linguam

Demetit, inque lupa turpem vomit of-
cula frontem,

Oscula sanguineo effrontem pingentia
rivo.

Matte animi iuuenis, magnæque am-
plissima fama

Materia, & sanctis nostrorum annali-
bus vnus

Annuerande ducum, stygium qui vi-
ribus hostem

Et Phlegetonteos tanto in certamine fu-
nes

Inniecto rupisti animo, qui talibus an-
sis

Partheniumque decus, libertatèque per-

ennem:

*Seruâsti innocuam, doctus pro fœnore
vitam*

*Virgineo posuisse tuam, tu spicula torto
Librâsti neruo, faucesque fuère phare-
tra,*

*Lingua sagitta. fuit Paphique direm-
ptio belli,*

*Imò corona fuit, tanti fuit ansa trium-
phi.*

*Ædes. O NICETA! Ô Victor glo-
rio sissime! qui omnibus retro sæcu-
lis obstupescendus, in omnem post-
humam memoriam omni post æuo
colendus & venerandus, omnium
vocibus es decantandus.*

Sed, ain' tu hoc carmen discipuli?
cras credam, hodie non. In os, mi
Partheni, te laudare non cogito, ne
palpem. somniâsti feliciter in bicipi-
ti Parnasso. *Parthen.* Mittamus hæc
somnia, & ad rem redeamus. nemo
nostrum NICETAS erit, si sciamus so-
lum, in hoc Circo vicisse alios, nisi &
artem calleamus, quâ & ipsi vinca-
mus. Disserruimus super *Inuitamen-
ris & Effectibus Incontinentiæ, re-
stant Antidota.* Tenes bellos illos &

CAP. III. 141

rotundulos verficulos? sed non tales
Nasoni aut Maroni, sunt isti:

*Lectio, Flagra, Preces, Confessio,
Lympha, Labores,
Portarum excubia, Christi presen-
tia, Poena.*

Ne videamur, vt iam suprà mone-
bas, Arabicè loqui, voces singulas ex-
ponamus. Hic omne Incontinentiæ
pharmacum, velut in nuce Ilias con-
tinetur: Ordiamur.

CAP. III.

PRIMUM INCONTI-
nentiæ Pharmacum,
LECTIO SACRA.

PArum erit, *Ædesime*, libros im-
puros amouisse, nisi & meliores
substituamus: nec virtutis est, noxia
non legere, si profutura spernamus.
Piorum libellorum lectio, tam utilis
quàm necessaria est. Cùm oramus,
cum Deo loquimur; quando legi-
mus, Deus loquitur nobiscum. *a Le- a Aug. in*
ctio sacra pharmacopolium est, è *ps. 65:*
quo suam cuique vitio medicinam
petamus. Conciones, statis duntaxat

142 LIBER SECVNDVS.

& non nisi festis diebus nos erudiūt.
 à libris, taciturnis his concionatori-
 bus, quotidie doceri possumus, imò
 debemus. Segetem non colliget, qui
 per plures hebdomades, vnam alte-
 ramve tantum spiculam infert hor-
 reo: nec multum pietatis addiscet è
 libris, qui eos vix sæpius quàm men-
 struam lectione consuluerit. quòd si
 simplici vice parcius, sæpius tamen
 pij aliquid legendum est. Ægrotis in
 hoc non absimiles sumus: ne bibant
 ij largius vno ductu, iubentur fre-
 quentiùs bibere. ita nos non multa
 simul ingeramus, sed multum. *Ædes.*
 hoc non satis affequir. *Parthen.* bre-
 uè explicatiùs id tradam. hoc iam ago,
 crebram, imò quotidianam lectio-
 nem sacram esse vtilissimam.

D. Bernardus, elegantis ingenij, &
 admirandæ doctrinæ antistes, multa
 illustria, quædam etiam pænè diuina
 scripsit; nullo aiunt magistro vsum:
 solam precandi & lectirandi assiduita-
 te, ad hoc eruditionis culmen ascen-
 dit. Vt legeret, intelligendi fecit cu-
 piditas; vt intelligeret, oratio impe-
 trauit; vt verò impetraret, quid nisi

vitæ sanctitas promeruit? Sic cupiat, sic oret, sic & viuat, qui sic proficere desiderat. Soli ferè lectioni sacræ debemus duos illustres Patriarchas, Dominicum & Ignatium; quorum ille sanctitatis suæ primordium, Colationibus Patrum, iste Vitis Sanctorum iure adscribat. vtrumque non mutauit tantùm pia lectio, sed alios fecit homines.

Audierat Magnus ille Antonius, ex Euangelio legi: *a* Vade, vende quæ habes & da pauperibus, & habebis thesaurum in cælo: & veni, sequere me. Hic ille cælesti oraculo sibi hoc dictum interpretatus, mox rebus caducis æternum Vale dixit, & Mundum res sibi suas habere iussit. Illud ingenij miraculum Augustinus, Augustinus certè nunquam fuisset, nisi talis esse cœpisset à sacrâ lectione. Ipse de se testis: *b* Sentiebam, inquit, me ab eis teneri (vitæ suæ fordes accusat) & iactabam voces miserabiles: quamdiu, quamdiu cras, & cras? quare non modò, quare non hac horâ finis turpitudinis meæ? Dicebam hæc, & flebam amarissi-

a Matth. c. 19. v. 21.

b lib. 8. conf. c. 12.

144 LIBER SECVNDVS.

mâ contritione cordis mei. Et ecce audio vocem de vicinâ domo cum cantu dicentis & crebrò reperentis quasi pueri, an puella, nescio: TOLLE, LEGE: TOLLE, LEGE.

Nec distulit; arripuit sacrum codicem, aperuit, legitque quò primum coniecti erant oculi: Non in cubilibus & impudicitijs, non in contentione & æmulatione: sed induimini dominum nostrum IESVM Christum, & carnis curam ne feceritis in desiderijs. *a* Hic legentis pectori lux admiranda sese infudit, & prior Augustinus esse desijt, vbi nouus cœpit.

O quoties otiosis illis fabulatoribus occinendum hoc ipsum: TOLLE, LEGE: TOLLE, LEGE. libellum pium arripe somniculose cessator; inspicere, lege aliquid, ostende sis te oculos nondum perdidisse. quid totos dies vanissimis colloquijs comburis?

§. I.

Commendat sacra pagina quæstionem Candaces Æthiopum Reginae, ab industriâ sacræ lectionis: *Et reuer-*
b *Actor. c.* *tebatur sedens super currum suum, le-*
8. v. 28. *gensque Isaiam prophetam. b* *Miran-*
tur

tur Chrysoſtomus & Hieronymus, a
 tam pium tamque ſedulum legendi
 ſtudium: En, aiunt, homo barbarus,
 diſtentus curis, ſeptus vndequaque
 negotijs, cogitationibus innumeris
 inuolutus, legebat tamen, & quam-
 uis non intelligeret quem legebat,
 nihilominus tamen legebat, idque in
 viâ, in curru. Si talis in ipſo itinere,
 qualis in quiete domi fuiſſe creden-
 dus eſt? Nec defuere Principes, Re-
 ges, Imperatores, qui hanc ipſam
 viam præiuerint illuſtri exemplo.
 Nota eſt Theodoſij Imperatoris Iu-
 nioris vigilantiffima lampas, b quam
 adedò artificioſa concinnauit manus,
 vt certis libramentis monita motâ-
 que, ſuum ipſa ſibi pabulum ſuffice-
 ret, nec alienas vocaret manus, quæ
 oleum affunderent, ſed ad domini
 ſui peruigiles lectiones non interrup-
 ptâ ſeruiret flammulâ. Noluit, le-
 ctionis ſtudioſiſſimus Princeps, vlli
 ſuorum famulorum ſomnum fran-
 gere, qui ſuum ſibi in multam ſæpe
 noctem omnino adimebat. Alphon-
 ſus Aragoniæ Rex, non minùs ſacræ
 lectionis auidus, vtrumque Teſta-

a Chryſ.
 hom. de
 Lazaro.
 Hieron.
 epiſt. 105.
 ad Pau-
 lin.

b Niceph.
 lib. 14. c. 3.

mentum, vetus nouúmque, quater decies (repeto) quater decies, neque cursim aut obiter, sed presso vestigio, & vnà cum commentarijs euolu-

a Anton. Panorm. in vitá, lib. I.

uit. *a* Quid nos, Ædesime, quid simile præstamus? in Regum & Cæsarium manibus sacros codices spectamus, & nos otiosuli, tot bonas horas tam malè perdimus, quas vtilissimè lectioni piorum libellorum impenderemus.

Scriptit Magni Antonij res gestas Athanasius, ille per Orbem, Christi causa, exul & profugus. Legit hoc scriptum & Augustinus, atque alto spiritu de eo id pronunciauit: Quid est hoc? quid audisti? surgunt indocti & cælum rapiunt: & nos cum doctrinis nostris sine corde, ecce vbi volutamur in carne & sanguine? an

b lib. confess. 8.

8. quia præcesserunt, pudet sequi? *b* Eiusdem, beati Antonij vita, duobus ex Imperatoris Theodosij aula, sanctiorem vitam persuasit, tam celeritè quam admirabili profus metamorphosi. Mens ijs erat horas pomeridianas deambulando frangere. Atque dū hi duo apricis vagaatur cam-

pis, æstui declinando ad monasterio-
 lum egenum defleunt. ingrediun-
 tur, paupertinam suppellectilem o-
 riosè circumspiciunt. hîc alter fortè
 fortuna beati Antonij vitâ languidâ
 manu prehêdit. aperire, inspicere cu-
 riositas suasit: etiam legere cœpit fal-
 lendo tempori. miratur primò, substi-
 tuit aliquoties, meditatur nō nihil, de-
 lectari incipit, paulatim trahitur, sē-
 sim inflammatur. ea demum lectione
 sic incauit aulicus hic lector, vt defi-
 xis in socium oculis: quæso te, in-
 quit, quid ambiunt vniuersi labores
 nostri? altius fastigium omnis spes
 nostra non habet, quàm gratiam Cæ-
 saris. & istud quamdiu? per quot pe-
 ricula itur ad periculum grandius?
 Mundi mancipia sumus, & sæpe
 diaboli Martyres simus. & vbi æta-
 tem, valetudinem, vitam impenderi-
 mus vanissimo huic otio, quod inde
 nobis præmium? Amicus Dei si fie-
 ri volo, nunc esse queo. Dixit, ite-
 rumque legere cœpit, arduum quid
 voluens animo. Tandem exclamat:
 Abrupi; seruire Deo iam statui, id-
 que hac ipsa hora, hoc ipso loco ag-

148 LIBER SECVNDVS.

grediar. Er ad focium: libéne, inquit, domine adiungi & imitari? saltem ne aduersari velis: non muto. Cui alter: Comes ero indiuiduus, vsque sequar te. Cœperunt bene, sanctè perseuerarunt, optimè finierunt. Sponsas habebant ambo, quæ mutatione hac admiranda & ipsæ mutatæ, deuota Deo virginitate, in cælestes thalamos denupserunt. Hæc tantò credibilia, quantò testis locupletior Augustinus. *a*

*a lib. 3.
conf. c. 6.*

§ II.

En mi *Ædesime*, quid in mentem hominis possit pia lectio. Verissimum est effatum Augustini: Cùm legimus, Deus nobiscum loquitur. Qui legendo nil proficit, ne dicat, secum Deum non loqui, sed Deum loquentem à se non audiri. Qualis rerum lectio, talis legentium profectus: non tam multa legenda sunt quàm vilia. Maronem & Ciceronem non aio penitus abdicandos, sed Thomam à Kempis aliosque scriptores pios esse miscendos, ne ad Christi tribunal cum Hieronymo Ciceroniani accusemur potiùs, quàm Christiani. Au.

gustinus inter Dialecticos Sophistas diu indagauit verum, quod non solum illic non reperit, sed in Manicheum etiam delirium incidit; nec ab hoc prius resipuit, quàm Pauli Tarsensis epistolas legit.

Ades. Quos ergo potissimum legendos suades? vix est, quin plurimi adolescentum atque iuuenum in librorum dilectu grauiter errent, neque enim in libris idem esse puto quod in cibus, vt ij plurimū nutriant, qui maximè sapiant. *Parthen.* rectè sentis; non ad gustum, sed fructum, legendum est, neque vt doctiores inde fiamus, sed vt meliores. Piorum librorum equidem hoc æuo magnus est numerus, & qui in dies auget. Sed en, breuissimum tibi syllabum de eorum librorum, quos ego adolescentibus, iuuenibus, Viris, præ millenis alijs vtilissimos censeo:

1. Stimuli Virtutum.
2. Considerationes de Æternitate.
3. De imitatione Beatissimæ Virginis Mariæ.

Vltimum horum scripsit Franciscus Arias, cuius viri alia itidem opuscula

150 LIBER SECVNDVS.
omnia tibi commendo. Sed primus
fit, quem primo loco nominaui, *Sti-
muli Virtutum*; de quo hoc sentio,
nescire me quis è plurimis Orbis bi-
bliothecis videri debeat præ isto iu-
uenibus vtilior. ita primus sit iste: ab
hoc ad alterum progredere, & illi
fundamento, *ÆTERNITATEM*
imponere. Verùm, cùm illos paucos
suadeo, non nego alios itidem vtilif-
simos lectu esse, vti sunt, *Dux Pec-
catorum* Ludouici Granaræ, & ipsius
alij eruditi sanè & pij libri; *Praxis*
spiritualis Antonij de Sales; *Imita-
tio Christi* Thomæ de Kempis; *Vitæ*
sanctorum à Zacharia Lippeloo scri-
ptæ; *Zodiacus Christianus* de XII.
Prædestinationis signis; *Horolo-
gium* Auxiliaris tutelæ Angeli; *As-
censio mentis in Deum* Roberti Car-
dinalis Bellarmini; *Eiusdem* de ge-
mitu Columbe; *Eiusdem* ars morien-
di; *Albertus Magnus*, vel, *Iacobus*
Alvarez de Virtutibus; *Luçæ Pinelli*
pars prima & secunda *Operum spi-
ritualium*; *Manuale Sodalitatis* à
Francisco Veron editum; *Francisci*
Bruni partes quatuor de *Beatissimâ*

Virgine, Vitâ, & morte Christi; Ludouici de Ponte partes sex Meditationum. En cumulum, & paucos nominavi: tu felige. Plerosque illorum & leui sumptu emes, & lectione breui euolues. ita fac *Ædesime*; mei te consilij non pœnitebit. *Ædes.* parebo: sed à te legendi leges, etiam expecto. *Parthen.* paucas dabo, nec plures, quàm libros. Tria mihi maxime in lectione sacrâ videntur cauenda.

I. CELERITAS.

II. VARIETAS.

III. VANITAS.

Et ne ænigmata putes esse hæc nomina; explico.

§. III.

Pio lectori ante omnia, & primò cauenda est CELERITAS. dixi iam: non multa, sed multum legat, qui profectum amat. Apage mihi lectores illos qui per libros volant, vt gallus qui per prunas: raptim multa euoluunt, nusquam insistant, nihil meditatè legunt. Sacra lectio pensiculata sit & crebriùs interrupta, vt quod legeris, meditando expendas,

152 LIBER SECVNDVS.

& recolendo meliùs intelligas. Sunt qui non edunt, sed vorant, & vt de ijs propriè Plautus, tuburcinantur; grâdes bolos properanter ingerunt, nec mandunt, sed mox glutiunt. his cibus non tam alimento est quàm detrimento: ita qui multum ingerit legendo, nihil autem digerit expendendo, vitiosè legit, & cum noxa. Pluuia est quam Stillam vocant, quæ calo placidè & guttatim rorante, terram fœcundo illapsu penetrat: nimbus vehemens & subitus, plerumque parum fertilitatis adfert: ita lectio properata, meditatiunculis non distincta, velut repentinus imber, animum ad fœcunditatem non irrigat, sed obruit & non penetrat. Si quid legis, quod formandæ vitæ magis faciat, patere obsecro vt penetrer: cogita num ad id temporis talis fueris, num futurus sis talis. frustra legis si non pensulatè legas.

Deinde VARIETAS, in omni pænè lectione improbanda. Ferculorum multitudo, multis ceteroqui sanis valetudinem adimit; multitudo pharmacorum plurimis iam ægrotis, vi-

rām præscindit: sic omnino librorum fastidiosa varietas, solidum profectum impedit. Vagum & instabile quid habet, omnis generis voluminum lectio. Nusquam est qui vbiq; est; sed nec sanitati conducit remedium crebra mutatio. Fastidientis est stomachi, multa degustare, quæ vbi varia sunt & diuersa, inquinant non alunt; multos morbos multa ferula faciunt: ita & lectoris vitium est voluptatem potius in libris querere, quàm utilitatem. Hos tales Polybius catillonibus & gulosis conuiuis æquiparat, qui appositos cibos variè & carptim delibantes, neque in præsentia voluptatem solidam, neque fructum aut alimoniam in posterum ferunt. Ita legamus, mi Aedestime, vt non quæ sapiunt, sed quæ instruunt & profunt; vtilia magis quàm plausibilia sectemur.

Sed & VANITAS in legendis libris damnanda. Vanitatem voco, legere, non vt facias, sed vt scias; scholæ discere, non vitæ. Ah, mi Aedestime, scire nostrum cælo non probabitur, sed nostrum *facere*. quid multa

154 LIBER SECVNDVS.

Iego, si facturus non sum, quæ legi? quid inuet sacra lectio, si profana sit nostra omnis actio? quid pios codices terimus, si nullam in nobis pietatis imaginem exprimimus? quid præcepta Castitatis accipio, si ea sequi recusato? Sacra lectio nunquam ordiendâ est sine ingenuo firmoque animi decreto, exequendi quacunque in re, quicquid faciendum vel omittendum instinctus diuini per librum distârint. Angelus coram Ezechiele &

^a Ezech. c.

3. v. 1.

Apoc. c.

10. v. 9.

Ioanne, non solum *librum expandit*, a sed illos etiam comedere voluissent, & visceribus abdere. Vanissima lectio est quam opus non consignat. post lectionem tales incipimus esse, quales esse præcepit liber. Alio qui copiosum spargimus semen, & nulla mellis sequitur. Et male illi, qui facienda sciuerit tantum, non fecerit. Hortatus nos Christus: Ille, inquit, seruus qui cognouit voluntatem domini sui, & non præparauit, & non fecit secundum voluntatem

^b Luc. c. eius, vapulabit multis. ^b

42. v. 47.

S. IV.

Beatissima Virgo, Domini Mater

(cuius sanctissimos mores nullus unquam satis laudauerit) à nonâ diei horâ, ad primam vsque facem diuinas paginas perlegit, plûsque profuit (vt Sabellicus loquitur) vni virgunculæ, singularis lectio ad beatitatem & decus, quàm omnibus sapientibus omnes bibliothecæ.

Syluia Ruffina Alexandria Præfectori filia in Thebaidis solitudine, id adeptæ est assiduâ lectione, vt non sola sibi esse videretur, cum maximè sola esset. & quorum virtutes legebat, illas ad profectum æmulata, in se conabatur effingere.

Alcibiades iuuenis (vti memorât) scholam olim ingressus, Iliadem Homeri à magistro petere institit. Negavit Magister eius libri copiam sibi esse. cui audax iuuenis non verba sed colaphum rependit atque abiit, hoc vnum apud se mussans: Ludi magister sit, & Homerum non habeat? Forsan, mi Ædesime, Beatissimæ Virginis sodales reperias, quos si interrogas, num libellum de Imitatione Christi lectitent, etiam habere se negabunt. An non & his iure objicias:

256 LIBER SECVNDVS.

Sodales sint, & sacrum hunc scriptorem non habeant? Non potest esse maior vitiositas, quàm optimis esse inimicum. Alphonfus olim eximius ille regum interrogatus, qui essent optimi consiliarij? Mortui, respondit, libros scilicet intelligens qui nihil blandientes, nihil celantes, veritatem & institutionem sinceris documentis exprimant.

Sanus esse vix potest qui salubres cibos auersatus, gulam suam in cerasa & omne genus pomi effundit: ita nec sanctus erit, qui pios libellos exosus, audiendis aut lectitandis fabelis se pascit. Vtilia & pia legenda sunt, & nisi ea crebrò legantur, nec vtilitatem nobis, nec pietatem conciliabunt. Atque hoc dicere habui de prima vocola versiculi (LECTIO) sequitur altera (FLAGRA) *Ædes.* Iam mihi tergum horret. Sed perge, mi Partheni: nondum desij attentus esse.

CAP. IV.

SECUNDVM INCONTI-
NENTIAE antidotum, COR-
PORIS AFFLICATIO.

P*Arthen. Resistite diabolo, & fu-
giet à vobis. a Ædesime, Casti-* 2 Iac. c. 4.
v. 7.
monia sine bello nulla est. pugnare
non vis? Castitatem non amas. Res
gestas omnium Sanctorum inspicere,
pugnas videbis admirabiles. Vix vlli
non magno stetit sua Castiras. No-
tum illud D. Chrysostomi: Virgo à
bello nunquam cessat. Hostis tam
blandus & subdolanus, quàm propin-
quus est. Quisque sibi non solum vi-
cinissimus est hostis, sed & pessimus.
Diabolus & Mundus licet totis nos-
castris oppugnent, frustra sunt, si
proditor inquilinus, eorum parti
non faueat. Nec ignorat cacodæ-
mon: victorias suas pænè omnes car-
ni referendas in acceptis. Facili mo-
limine vincit dominam *Rationem*, si
expugnauerit ancillam *Carnem*. Hæc
sui amore stultissimo decepta. vt ali-
quot mellis guttulas emat, calum

158 LIBER SECVNDVS.

vendit: æternùm perire non curat,
modò ei suauè sit pauxillo tempo-
ris. Infaniam hanc extremè dam-
nans Siracides: *a* Quid, inquit, ne-
& sanguis?

a Eccli. c.
17. v. 30.

Hïc mihi Iahalem, Cinæam femi-
nam, tam dolis quàm manu robu-
stam considera. *b* Ad tentorium il-
lius venerat, militiæ Dux Sifara,
bello iam fractus, & ex fuga fessus.
Iahel in occursum egressa, suavi ver-
borum fuce, & blandissimis beneuo-
lentiæ figmentis hominem inuitans:
Ingredere, inquit, mi domine, non
est quod formides, ingredi. Ille,
perinde ac si bos macellum subear,
ingressus, frigidam petere institit.
Illa, velut in hospitem, ultra pre-
ces liberalior, etiam lac propinauit,
& pellibus contactum, ad somnum
suauiter composuit. sic sopitum &
iam altiùs dormientem aggressa, tra-
balem ei clauum trans tempora ade-
git. ita miser somnum quem cœpit,
necdum finiit. Iaheli simillima,
imò peior illa est *Caro* nostra, pe-
tulans, procax, fallaciarum plenissi-
ma, & mille versutiis ad decipiendũ

b Iudic. c.
4. v. 18.
& seqq.

instructissima, animo sitientilactea
propinat promulsdem, varias *Carnis*
oblectationes & voluptates ingerit. Et quamuis hæc potio letali
toxico sit mista, tamen est grata æstu-
anti animo, quem & pellibus coope-
rit conciliando sopori. hic genius
Carnis est, mollia semper & delecta-
bilia offerre, reiicere quidquid as-
perum aut laboriosum. His leno-
ciniis Magnus ille dux *animus* in
somnia datur; dum dormit, suis-
que rebus tam nihil inuigilat, trabali
luxuriæ clauo, terram affigitur &
occiditur. O Sisaram! O Animum
miserrimū! ita & somnum, & mor-
tem simul incipis, & quidē aternā.

O Ædesine, non hinc arripimus
flagra, & nequissimam hanc decep-
tricem, prout meretur, contundi-
mus? *Cibaria, & virga, & onus asino:*
panis & disciplina, & opus seruo: ope-
ratur in disciplina & querit quies-
cere, laxa manus illi, & querit liber-
statem. a

a Ecclē. c.
33. v. 25.

§. I.

Narrat Plutarchus, b agasonem b *Plut. de*
abirato iam iam percutiendum ex- *120.*

160 LIBER SECVNDVS.
clamasse : Atheniensis sum , Athe-
nienſis ſum. Ille irâ in aſinum calli-
dè verſâ: Tu verò, inquit, Athenien-
ſis non es ; mox miſerum iumentum
liberali fuſtuario mulctavit. *Animus*
noſter originem è cælo trahit , hæc
ei patria , hîc ciuis eſt : *Caro* terræ fi-
lia, ſordidiſſimis prodit natalibus. Et
quid ei tamen parcimus ? Athenien-
ſis non eſt , è cælo non eſt , *Animus*
eſt. Cur ergo in hoc iumentum
tam faciles & benigni ſumus ? vitioſa
hæc & fatua eſt manſuetudo. Sed,
modò *Carni* bene ſit , modò huic iu-
cunda & mollia non ſubtrahantur,
modò plagas euadat *Caro* : ſordeſcat
Animus, pereat ; quid refert ?

Hîc paria omnino facimus Nero-
nis matri Agrippinæ. Conſulenti
huic ſuper Nerone filio, reſponde-
runt Chaldæi, fore vt imperaret ma-
trêmque occideret. Atque illa im-
piè : *Occidat*, inquit, *dum imperet*. a
Ita nos in *Carnem* damno noſtro in-
dulgentes & placidi, ſcommate im-
pio ſanctiſſimos monitores eludi-
mus. Monet Chriſtus, clamant Pro-
phetæ, Apoſtoli hortantur, vrgent

a Tacitus,
l. 14. An-
nal. poſt
initium.

Ecclesiastæ, Diui omnes exemplo docent : non secundùm carnem ambulandum, sed secundùm spiritum.

a prudentiam carnis mortem esse: *a ad Rom.*

sapientiam carnis inimicam esse Deo: *c. 8. v. 4.*

eos qui in carne sunt, Deo placere non posse : debitores nos esse non

carni, vt secundùm carnem viuamus:

morituros nos, si secundùm carnem

vixerimus, si autem spiritu facta car-

nis mortificauerimus, victuros. Quid

nos ad hæc? Moriar, peream, occi-

dar; modò imperet *Caro*. modò sua

omnia salua sint carni, quidquid fiat

animo. Redeunt monitores illi &

contentiùs exhortantur: Carnis cu-

ram ne feceritis in desiderijs: *b* caro

& sanguis regnum Dei possidere nõ

possunt. *c* mundemus nos ab omni

inquinamento carnis. *d* Spiritu am-

bulate, & desideria carnis non perfi-

cietis. Manifesta sunt opera carnis,

quæ sunt fornicatio, immunditia,

impudicitia, luxuria &c. fructus spi-

ritus est Charitas, Continentia, Ca-

stitas &c. Qui autem sunt Christi,

carnem suam crucifixerunt cum vi-

tijs & concupiscētijs. Hæc audimus,

O Ædesime , & adhuc differimus
 flagra ? nimirum asinum missio-
 ne donamus , & impunissimè di-
 mittimus ; Angelorum ciuem, Ani-
 mum , heu pessundamus nequis-
 simis bladimentis : *Virga , & onus*
asino, virga, virga.

S. II.

In mari si quãdo Nauarchus emi-
 nus prospiciat , aut Maurorum Li-
 burnicam, aut Turcarum triremem,
 celerrimo cursu contra se ferri , si
 se viribus imparẽ sentiat , & fu-
 gam capeffendam cogitet , mox ad
 remiges aduolat , quos si lentiores
 deprehendat, aut remigare nõ velle,
 lorum seu flagellum quàm primùm
 corripit , & horribili fremens vo-
 ce, identidem clamat : *remiga Canis,*
remiga , remiga. Si nec flagrorum
 metus , operis celeritatem persua-
 deat, ponit flagrũ Nauclerus , & gla-
 dium stringit : nec multa prafatur,
 mox contumaciori manum aut bra-
 chium amputat. dein proximũ quẽ-
 que priori carmine salutatur : *remiga*
canis, remiga, remiga. Et nos , mi Æ-
 desime , in mari sumus procelloso,

furibundo, ventis & fluctibus in ludibrium expositi: hinc syrtis, hinc scopuli, hinc scyllæ & charybdes interitum minantur. cum vndique eluctamur, piratæ cingunt, qui hoc vnum agunt, vt viam ad cælum præcludant. Inter pericula hæc innumera, Caro contumax, perfida, quietis & otij amantissima, puluillos & lectulos circumspicit, non nisi ferias & delicias quærit, periculorum secunda & incogitans, lusibus & nequitiiis incumbit. Et cur hinc non viri sumus? quid cessamus? cur non flagellis & loris ad remigandum bestiam adigimus? cur non vociferamur? *vapula Caro, vapula pecus, vapula, vapula.* Aliter certè hoc vile macipiũ tractandum non est. Parua corpori facta indulgentia, rapit dominium rationis. Discat ergo subesse & seruire; laborare discat, & Castimoniam tueri. sed hoc ei rationibus aut blanditiis non persuadebitur: verberibus & vi agendum est.

Indigna res, sanctissimi viri, Castitati tuendæ acerrimè luctantur: Benedictus inter vepres, inter niues

Franciscus, in lacu frigidissimo Bernardus; sexcenti alij totas horas, dies panè totos flagellis & loris se lacerant, *a* vt suam sibi Castitatem defendant. Vnus Dominicus Loricator. *b* vnâ solùm quadragesimâ (plures autem habebat annuas) toties & ad preces tam prolixas se virgis atque loris acerrimè cecidit, vt incusforum verberum numerus, ad quadraginta quinque millium excreset. Et nos in periculis longè grauioribus, quàm illi tales, constituti, ad omnem inertiam & languorem prona diffiuimus; cùmque ambabus manibus feriendum esset, timidissimè parcimus. ita ex facili à libidine triumphamur. Ah! mortales, hæc via non est ad astra, ad cælum. Et quæso te, *Ædesime*, nomina mihi è tot millenis millibus Sanctorum vel vnicum, qui suo corpori non fuerit nouerca, qui non illud parcè ac duriter, aluerit, & exercuerit ad omnem tolerantiam. Dominicus, quem dixi, Loricator solebat dicere, se ad hoc verberationis voluntariæ fastigium paulatim ascendisse. idem cuiuis alteri,

a Vide Iacob. Gretser. de disciplin.

b Ex Pet. Dam. Surinus tom. 3. ad 14. Octob. in vitâ.

opitulante Deo, posse contingere: ut enim peruigiliis assuesceret, vigilare cœpisse: nam somnus, aiebat, inuitat somnum, & ex vigiliis facilius trahuntur vigiliæ. sic abstinendo discimus abstinere. Ergo incipiendum est: difficilia sunt quidem initia, sed à cœptis non statim resiliendum; progressus est facilior. Tu, ne cede malis. --- hęc aude, aut Castitatem perdis. Vfus certè flagellorum duo habet eximia. Primum est: carnis petulantiam nimium subsultantem velut asperum frænum insigniter coërcet. Alterum: Christi, flagellis cæsi, spinis redimiti, in crucem acti cruciatus nemo satis cogitat, quî flagella, dolorésque similes non gustat: quòd si funiculos nostros, nec irata quidem manu incussos, adèd tamen sentimus, iam cogita qui hostiles dextræ hamatis loris armatæ, in Domini corpus sæuierint. Mare dolorum fuit; infandi cruciatus. Ergo licet morigeram quis carnem habeat, si tamen patientis Christi summos dolores seriò velit perpendere, exiguos ipse non respuet; vtetur flagris.

166 LIBER SECVNDVS.

quæ Dominus in nostros vsus, suam sanguine sacrauit. Nobis dictum putemus à Salomone: *a* Noli subtrahere à puero disciplinam: si enim percusseris eum virgâ, non morietur. tu virgâ percuties eum, & animam eius de inferno liberabis.

§. III.

Quandoque tamen flagellis præferenda sunt cilicia. subinde carolentis rigoribus frangenda est. hoc cameuniæ vestes & cilicia præstant. Hæ molestæ tunicæ olim plurimi vsûs fuerunt, etiam in priscâ lege. nec plebi tantum, sed & regibus vilitatæ. Achab, David, Ioram, *b* aliique reges hanc hispidam vestem, ad carnem induri gesserunt. Illud Hebræum sidus Iuditha, castitatem atque pudicitiam suam cilicio insigniorem fecit & tutiorem. In lege nouâ apud sanctissimos viros feminâque nil vsitatius his ipsis asperis indusis. Omnis ætatis, ordinis, statûs, conditionis, sexûs homines ea gestarunt, & etiamnum gestant domandæ & vexandæ carni. Fuerunt qui, viginti, triginta, octoginta contiauis

a *Prou. c.*

23. v. 13.

b *3. Reg. c.*

21. v. 27.

Pf. 34. v.

13. 4. Reg.

c. 6. v. 30.

annis dies noctesque, hoc fetoso amictu, carnis rebellionem omnem compresserint.

S. Lupus Trecentis Pontifex, qui humi somnum capere, nec annis vicenis ulli unquam lecto indormire sustinuit, qui alternas noctes vigiliis & precibus exegit, qui unâ solum tunicâ se operuit, cilicium asidue gestavit, nec imitatoribus caruit. nam idem S. Maximus Rhegiensis Præsul, idem alij fecerunt. Abrahamus eremita, qui ex amplissimo patrimonio, patris ex asse hæres, præter cilicium, storem, poculum ligneum, nihil sibi retinuit, vestem cilicinam quinquaginta annis gestavit, nec unquam mutavit. S. Amarus abbas, non aliam quàm è cilicio culcitram admisit, eadem in morbo & morte usus. Comes Elzearius, serico thorace cilicium velavit. idem ad quinquagesimi psalmi (Miserere) singulos versus, tribus ictibus idque catenulis ferreis se cecidit. Notum Caroli Magni Imperatoris cilicium. Franciscus Borgias Dux Gandiæ, etiamnum sui iuris & extra

Religionem, visitaturus feminas, cilicio se armavit. S. Thomas Cantuariensis Archiepiscopus, pilosam vestem ad genua pertingentem gestans si corpori meo, aiebat, præesse nequeam, & quâ tot aliis præero? S. Edmundus, in eodem folio successor, cilicium extra quadragesimam, in quadragesimâ loricam ferream gestavit. Ad hoc cum mater assuefecit à puero, quæ, quoties ei Parisios recentia indusia, lotum simul misit ciliciolum, suadens biduo triduoque quot hebdomadibus uteretur. *Aedes.* da veniam quæstiunculæ: & quis primum cilicium induit? *Parthen.* primus homo, Adam cum coniuge: *consuerunt folia ficus, & fecerunt sibi perizomata.* a Aspera sunt hæc folia, nec blanda nudis. sic cilicium ab arbore sumptum in paradiso cœpit. Imitatus Iacob, qui cruentam filij tunicam cernens, *scissis vestibus, indutus est cilicio.* b Imitati innumeri alij, qui piloso hirtôq; hoc texto in carnem pugnarunt. Notum Ecclesiæ canticû: Cilicio Cæcilia membra domabat, Deum gemitibus

a Gen. c.
3. v. 7.

b Gen. c.
37. v. 34.

bus exorabat. nec ipse nuptiarū dies hanc ei hispidam interulam poruit detrahere : aureis quidem radiabat vestibus, latente tamen cilicio mordebatur, dūmque Fescennini canerentur ; suam ipsa virginitatem Deo commendabat. Hac non inferior Editha Anglorum regis filia, quæ ut cilicij, quod dies noctesque gessit, vexationem sanctè dissimularet, vestem cultūque regium non abhorruit. Vidit eam sic regiè comptam, S. Ethelvoldus, & substrictâ fronte : non sic, inquit, non sic, ô mea filia, ad cælum itur. cœlestis sponsus hunc nitorem, hos radios non curat. Illa modestè : Sancte Pater, inquit, & hoc est quod me soletur, cor à Deo non vestem æstimari. Sensit vir sanctus mentem bonam, non semper à veste iudicandam. Rade-gundem Clotarij Regis, Kunegundem Henrici Imp. coniugem omitto, quarum ista non dormire tantum, sed & immori voluit cilicio.

§. IV.

Quid multis ? hoc vnum egerunt
omnes Sancti ; vt continuam corpori

facerent iniuriam. Omnes in hanc
 rem mirè ingeniosi fuerunt, caue-
 rúntque vnicè, ne sub nomine ne-
 cessitatis, subreperet voluptatis ne-
 quitia. Hinc prolixæ illorum vigiliæ,
 humicubationes rigidæ, inedia per-
 petua, insulsi & insuaues cibi, acerbæ
 potiones, vestitus asperrimus, mira
 in rebus omnibus patientia. Ludebāt
 cum corpore, ne ludus ei fieret Ani-
 mus: Vis, aiebant, ô mea Caro dor-
 mire? hîc poteris, sed aut stando aut
 sedendo, prout vis; hic lectus pro te
 nimis durus est. aut si mauis iacendo
 quiescere, en hîc optimum puluinar,
 saxum. Vis prandere, cœnare? & hoc
 potes. en herbas, en radices opti-
 mas, cum condimento etiam, cine-
 re; acetum, sal, oleum tibi non con-
 veniunt. Sitis, ô mea Caro? en a-
 quam cristallinam, argenteam, licet
 non nihil tepidam, ne gelu tibi no-
 ceat. Ita in corpus amarissimè iocati,
 redegerunt illud in seruitutem. Et
 assiduas has pugnas contra carnem
 sumi à contentione aggressi sunt,
 sciebant enim bellum esse intatissi-
 mum, cùm hostis est intra muros.

CAP. IV.

LXX

Idcirco suum quisque corpus, velut beneuolum inimicum (ita Nazianzenus *a* loquitur) aut insidiosissimum amicum frangere laborauit precationibus, laboribus, vigilijs, inedia, cilijs, flagris, rigoribus alijs innumeris. Religiosissima in seiplos tyrannide seruauerunt illud Caligulae: *sic feri, ut sentiat se mori.* sic tractauerunt corpus, ut seruum se commemorasset, non dominum; sic carnem exercuerunt, ut ex aduerso pugnaret medicina cum morbo, dolor sensus cum voluptate carnis.

At nos tenelli ac delicatuli (certe tales sumus, ad illos comparati) nos mollicelli hoc vnum agimus ut suaviter pereamus. id omne studiosissime amolimus quod carni non blanditur. Et quid parcimus huic asino? non est Atheniensis, caelestis ciuis non est, Animus est. ecquid hanc verminum praedam tam blandis obsequijs in nostram perniciem demulcemus? an ignoramus, nullam pestem efficaciorum esse ad nocendum, quam hostem domesticum? *b* Carnem, capitalissimum nobis hostem imminere, quauis, non dicam die experiri

a Gre. Nazianz. de paup. cura

b Boëti. l. 3. de cons. phil.

licet, sed horâ, si libeat explorare.

Caro enim concupiscit aduersus spiritum, spiritus aduersus carnem: hæc

2. ad Gal.

2. 5. vers.

17.

enim sibi inuicem aduersantur. *a* Perpetua hinc rixa & lucta est. & quod crebrior Carnis est victoria, hæc maiores illius sunt vires. At ibi semper vincit, vbi nunquam creditur esse hostis. Ah vani, ah miseri! quantum mortalia pectora cæcæ noctis habent! quid delicias & voluptates quærimus, nec suo tempore, nec loco suo? In alium & meliorem orbem migrandum est deliciarum auido. in orbe hoc nostro apperentia voluptatis, plena est anxietatis, satietas verò plenissima pœnitentiæ. Tristes esse voluptatum exitus, quisquis reminisci libidinum suarum volet, intelliget. hinc morbi & dolores quasi quidam nequitie fructus referuntur. ita demum voluptas omnis in tormentum vertitur.

In id verò solùm ingeniosa est *Caro*, vt *onus*, & *virgam*, & *opus* à se remoueat, & quiete fruatur delicatâ & voluptabili. Ergo, mi *Ædesime*, ex æquo & iusto: *onus*, & *virga*, &

opus huic pecudi conuenit, aut illam profectò habebimus refractariam. Ad finem capitis huius, illustrissimæ & prorsus seueræ Continentiæ admirandum speculum extollo. Adeste spectatores; huc & oculos & animû.

Ioannes Godefridus Bambergensis & VVürzburgensis Pontifex, Anno M. DC. XXII. quarto Calendas Ianuarias, Ratisbonæ in comitijs defunctus, per omnem vitam ad se totum Castitati consecrauit, vt homines libidinum suarum mancipia, velut ipsos diabolos auersaretur & fugeret; neque vnquam induci potuit, vt cum his talibus vel puillò familiarius ageret. Iam inde à paruulo Godefridus, cilicio consueuit vti totis diebus ac noctibus, integris etiam hebdomadibus. diebus Veneris, sabbati, & pridie dierum Christo, Beatissimæ matri Virgini, aut patronis dicatorum, flagellis se acriter cecidit. Omnibus annis, quibus episcopum egit, stramini tantum, quod linteamine texerat, indormijt, multas noctes nudâ humo, rudi pan- no substrato, exegit: ad solitas pre-

ces mediâ nocte sæpissime surrexit. Ad rem facit quod addo: Omnibus Veneris ac sabbati diebus cibo abstinent, vnicâ panis bucellâ & haustu modico contentus. Si quando his diebus hospitalitatis ius, aliâne causa eum mensæ admouisset, vt abstinentiæ suæ constantem rigorem sanctè dissimularet, cibos ab obsonij magistro seu structore diuisos, tanquam cœnaturus accipiebat, paullo post, alijs id minus obseruantibus, famulo intactos velut neglectim porrigebat. Die Christi patientis, & aliàs per annum crebrius omnis cibi abstinens, præter panem & aquam gustauit nihil. & hoc tunc maximè fecit, cum omne alieni oculi arbitrium vitare licuit. Quadragintadiali nil è piscibus aut alijs animalibus esitauit, herbis solum, leguminibus & rapis contentus. Per omnes Dominici Aduentus dies nil carniæ in cibum admisit. Sanè non paruo ei stetit, Castitatis tam sincerus amor. Quod vel hinc etiam luculentè patefiat.

Adolescens etiamnum, liberali admodum & venustâ erat facie, ita

tamen vt in eo nobilissimam fecerit
 mixturam Pudicitia & forma. Hoc
 eius virgineū decus cacodæmon isto
 sibi stratagemate sumpsit expugnan-
 dum. E gynecæo feminæ magni no-
 minis, insigni iuuenis pulchritudine
 in benevolentiam parum pudicam
 inflexæ, ad conuiuium Godefridum
 specie honoris vocarunt. Adest vo-
 catus, nec tamen solus (vt res tam
 periculo careret, quàm suspicione)
 sed vnà secū vitæ suæ moderatorem
 adducit. Hunc præ omnibus benignè
 inuitationes & crebra pocula pete-
 bant. hoc enim nequissimâ vaftricie
 agebatur, vt is omniū minimè gres-
 sum è domo moliri posset, qui pri-
 mus deberet, itaque cogeretur cum
 commisso sibi iuvene illic pernocta-
 re. Res è voto successit, nam probè
 appotum & iam vacillantibus vesti-
 gijs, articulisq; subsidentibus laben-
 tem, in proximum conclaue, blandè
 cubitum trahi iusserunt. ita & iue-
 nis eâ nocte pedem domo efferre
 prohibitus est: & quia nil mali suspi-
 cabatur, ipse quoq; ad lectū tali hos-
 pite dignū deduci se passus est. Cùm

verò adultâ iam nocte quies & silen-
 tium teneret, cubiculum sopiti iuue-
 nis furia illâ libidine accensa laneo
 passu irrepunt, iamque proximæ le-
 ctum quâ verbis quâ gestibus, ado-
 lescentis innocentiam ad flagitium
 inuitant. Hic castissimus iuuenis, ve-
 lut ad stygij monstri aspectum euigi-
 lat, & mox horrendum vociferans,
 è lecto, vt erat lineis solùm femora-
 libus & indusio vestitus, profilit, im-
 puris manibus semet extorquet, &
 omni veste aliâ relictâ, ex insidiosâ
 domo euolans, in vicini ædes, velut
 in asylum transfugit, vbi reliquum
 noctis inter preces & gratiarum
 actionem, pro obtentâ Castitatis
 palmâ exegit. O factum dignum æ-
 ternis annalibus! O Niceta, sunt qui
 tecum saltem certare velint, si supe-
 rare non possint. O Ægypti prorex
 Iosephe, tuæ virtutis æmulum ag-
 nosce. O Ædesime, pænè rediui-
 uum Nicetam tibi sisto in hoc iuue-
 ne. Pronissimum mihi est credere,
 Godefridum post tam nobilem vi-
 ctoriâ, eum à Deo fauorem impe-
 trasse, quem Thomas Aquinas, cui

lumbos strinxerunt Angeli, vt aut nullam deinceps carnis rebellionem fenserit, aut facili negotio represserit. Neque tamen noxiâ securitate castimonix suæ filius, diaboli technas timere desijt. sciuit, quod supra monuimus, virginem à bello nunquam cessare. Ided in domum suspectæ pudicitix aliàs inuitatus: Malim, inquit, leprotrophium subire, & cum leprosis cœnare, quàm vel semel castitatis periculo, ædes illas ingredi, meque sponte in ignem præcipitare. Nec aliter fecit quàm dixit, & rigidæ virtutis exêplo perpetuam sibi Continentiam stabiliiuit, in sui corporis tormentum variè ingeniosus. Solebat namque cingulum ferreum, in super aculeis asperum ad nudos lumbos appressum gestare. Armillę ipsæ, si quâdo ijs vsus, non lasciuix instrumenta sed Castimonix, ostêtationem nullam præferabant, sed virtutem tegebant. Siquidem sub hoc tortili auro carnificina manuum latebat, quæ maluissent metallo tam nobili non indui, quàm abdiris sub eo aciculis assiduè compungi. Godefrido certè

sua Castitas non gratis cōstabat: verberibus, ieiunijs, alijsque rigoribus, corporis animiq; florem & emeruit & retinuit. *a* Sed versiculus monet: Lectio, flagra, preces—de lectione & flagris diximus. Ad preces me verto.

*a Ex fune
tribus ora
tionibus
Dn. D. Fri
derici For
neri &c.
& P. Ioā
nis Salleri.*

CAP. V.

TERTIVM INCONTINENTIE
antidotum, PRECES, ET
ORANDI STUDIUM.

*b libell. 3.
n. 32.*

A Nachorem senem (vti Pelagus refert e Græco *b*) confulens quispiam de animi sui latente malo: ecquid ego, inquit, faciam? cogitationes meæ non nisi ad libidinem me trahunt; nulla mihi ab eis est quies, nec per horulam quidem. & hoc non leuiter me affligit. Cui senex: Quando, inquit, dæmones eiusmodi cogitationes ingerunt, ne colloquaris cum animo tuo, quia dæmonum est talia suggerere, tuum, suggesta identidem regerere. penes te est, hos hospites aut admittere, aut ingredi volentes eijcere. Modò resistas, inuito tibi consensum vi nullā

extorquebunt. Ad quæ iuuenis: Atqui, mi pater, inquit, debilis sum, & tam potenti affectui vix resisto; vincor. Atqui nemo, inquit senex, hîc vincitur, nisi volens. Et scis quid fecerint madianitæ? a filias suas ad omnem illecebram comptas & ornatas, in oculis Israëlitarum quasi venales proposuerunt. Ita quidem allicere potuerunt ad turpe nefas, neminem cogere. Israëlitis omnibus integrum erat, non perire. Multi, quibus lex diuina cordi fuit, non tantum Venereum hoc illicium contempserunt, sed alios etiam, illecebroso spectaculo captos, ultione laudabili puniuerunt. Sic & nobis agendum. Fucatas tibi diabolus cogitationes prostituit? Contemne, non responde, despue in illas sordes; surge, ora & clama: Fili Dei miserere mei. Ad hæc iterum iuuenis. Ecce pater, inquit, & oro, & meditor, & clamo, sed sine omni gustu; lapis sum, non moueor. Tu tamen, inquit senex nihilominus & ora, & meditare, & clama. Incantator sæpe vim verborum quæ pronunciat, ignorat, at sentit eam incantatus serpens, &

a Num. 25
vers. 2.

velit nolit, humanæ voci se subijcit.
Ita nobis quantūvis saxum cor sit,
& ad preces insensibile, sentit tamen
eas cacodæmon; terretur & fugatur.
Tu igitur ora, etsi filex tibi videaris.

§. I.

Salomon, illud opulentia & sapientia prodigium, si solus hinc loquatur, satis persuadeat: Sciui, ait, quia aliter non possem esse continens, nisi Deus det, & hoc ipsum erat sapientia, scire cuius esset hoc donum: adij dominum & deprecatus sum illum. *a* Nobilissima gemma est Castitas & pudicitia, tolerabili tamen & leui venditur pretio: emit, qui petit; pete illam à Deo, & iam emisti. Omnis quidem virtus, munus à Deo est, singulari tamen ratione Castitas, idcirco precibus ardentissimis petenda est à liberalissimo domino, qui sic rogatus, menti allucet, vt vicina pericula præuideat; voluntatem afficit, vt congrua malo remedia constanter adhibeat; infrenem appetentiam sub legis imperium compellit; fluctantem hominem confirmat ne ob pugnae difficultatē, vincendi spem

*a Sap. c. 8.
vers. 21.*

despōdeat, sed opem cælo affaturam erecto animo confidat : qui denique nouas identidem vires subministrat, vt is qui cœpit, hoc Castitatis stadiū decurrat, promissumq; Castitati premiū obtineat. Hæc Augustino causâ fuit, sic efflictim precandi : Deus meus, accède me. Continentiã iubes; da quod iubes, & iube quod vīs. *a* *alib. 19.*

Ille paradisi hospes, castissimus Paulus, virginitatis aded erat amās, vt omnes sibi cuperet quàm simillimos, tamen & ipse has fæces luteas sensit : *b* Datus est, inquit, mihi stimulus carnis meæ, angelus Satanæ, *b 2. Cor. c. 12. vers. 7.* qui me colaphizet. & quâ tandem ratione diuinus hic homo ab hac carnis iniuriã se vindicauit ? *Precibus*, & quidem ter repetitis : Propter quod ter dominum rogavi, vt discederet à me. Ea demum oratio impetrat quæ perseuerat, quæ ignes spirat : Preces languidæ, nec hominem quidem ad assensum flectunt, nedum Deum. Spiritus est Deus, & eos qui adorant eum, in spiritu & veritate oportet adorare. *c* Falsitas est illa, & turpe *c Ioan. c. 4. vers. 24.* dissidium, cum lingua preces & ver-

ba demurimur, mens interim à precibus aliena, ad ludos & choreas euolat. precari putes hunc hominem; os certè occupat: cor otiaitur, aut peiora tractat otio, & nescio quid aliud nugatur. At qui hoc non est *in spiritu adorare*: his precibus Castitatis gemmam nemo impetrauerit. sãctissimas David precationibus assiduis exãstans: Ad te, inquit, leuauit oculos meos, qui habitas in cœlis: Ecce sicut oculi seruorum in manibus dominorum suorum; sicut oculi ancille in manibus dominæ suæ, ita oculi nostri ad dominum Deum nostrum, donec misereatur nostri. *a Psal. 122 v. 1. & 2.* In manibus, inquit, domini, stant oculi teruorũ, non in facie. nimirum hic oculorum coniectus petit, vt accipiat; ad heri dextram peruolat, vt eam aperiat ad dandum. Ita nos prorsus oculos nostros in Dei manu statuamus, & Castitatis vnionem pretiosissimum, violentiã Deo probatã extorqueamus.

§. 41.

Militiæ dux, cui castrum commissum est defendendum, si quando videat à vicinis iam hostibus castrum

obsidione cingendum, litteras quàm
 primū perscribit ad arcis dominum:
 hostem in propinquo esse, de arce a-
 gi, se cum suo milite in periculo ver-
 sari, nisi quàm celerimē submitatur
 auxilium: proinde rogare se, vt si qui-
 dem dominus arcem suam velit sal-
 uam, maiores copias & recentē mili-
 tem, quàm citissimē possit, suppetia-
 tū mittat. Militiæ viuimus, mi Aedesi-
 me, & castrū suscepimus propugnā-
 dum, Animum. varius hāc arcem in-
 currit hostis, maximē Cupido, Vene-
 reus ille iaculator, qui secum ingētia
 trahit agmina, tot occasionum, illece-
 brarum, tētationū. heu. cingimur sæ-
 pe ac vndiquē magnis copijs obside-
 mur. quid hīc consilij? primum est,
 non differre. proximum, litteras exa-
 rare, & cum ijs tabellarium quàm
 primum amandare ad dominum.
 Nuncius noster, nōstra est oratio;
 litteras scribimus, cūm ad deum pre-
 ces fundimus. Hīc iuuat, expeditum
 & celerem esse. quàm primūm in pe-
 riculo est Castitas, cūm occasiones
 inuitant; illecebræ blandiuntur. cūm
 tētationes incitant; mox ad Deum

peruoset epistola; mox ardentissimæ preces cōcipiendæ in hunc ferè modum: satis est quandoque vel vnicâ tali precatiunculâ opem diuinam poscere.

Libera me de sanguinibus Deus, Deus salutis meæ. Ps. 50. v. 16.

O mi amantissime domine succurre; pereo, serua me.

Deus in adiutorium meum intende, domine ad adiuuandum me festina. Ps. 69. v. 2.

O IESV castissime, de animæ meæ salute agitur, custodi me ne peream.

Ad te domine leuavi animam meam: Deus meus in te confido, non erubescam. Ps. 24. v. 1.

O mi IESV, O IESV fortissime defende me; à Satanæ laqueis erue me.

Illustra faciem tuam super seruum tuum, saluum me fac in misericordiâ tuâ. Ps. 30. v. 17.

O mi Deus, fons puritatis, amator castitatis, crea in me cor mundum & castum.

In te domine speraui non confundar in æternum; in iustitiâ tuâ libera me. Ps. 30. v. 1.

○ IESV

O IESV purissime, in cordis puritate conserua me.

Complaceat tibi domine, vt eruas me; domine ad adiuuandum me respice. Ps. 39. v. 14.

O IESV desiderabilissime; totum me trahere ad te.

Potens est telū in cacodæmonem ardens oratio, quod etiam hinc dicas. Vnus est sodalitate Virginis Beatissimæ fuit (mihi rebus omnibus coniunctus) qui clam ad mortis facibus in flagitium agebatur. Ter illum nocturnâ molitione cacodæmon impetuerat; iam in virum procerus; mox intra pusionis modum contractus; denique virgine assimulatâ nihil virgineum meditabatur. In his angustijs deprehensus adolescens, quicquid armorum habuit hosti obijcere, Præsidentem suam aliquando ingeminare; rursus cruce præcordia notare velle, sed irritò ferme conatu; nam torpebat exanimis pollex, & manus nihil virium retinebat. Ad vltimum lingua suppetias tulit, vt in clamato Numine redirêt manus ad officium, & Sirenum ora in fumum dilaberent.

tur. Nec restinctum tamen eâ fugâ incendium est; sed uiuentibus adhuc flammis adolescens conflagrabit. Ergo lecto se corripit, abiectusque humi ipse plectere se incipit. Vbi cum per horam decubisset, tandem ab incendio triumphauit. a

a Anno
1614. fa-
ctum.

Christus, quotidie precari nos iussit: *Et ne nos inducas in tentationem.* sed & clausulam addi præcepit: *Sed libera nos à malo.* Tam rogandus est Deus ne incurramus periculû, quàm, ut euadamus. Et hæc oratio non à summis labris ueniat, sed à pectore & intimo sensu.

§. III.

Hic mihi duos uelim consideres, in extremis pudicitie periculis, precantes: Iosaphatum Regem, & Thomam Aquinatem tibi sisto. Decreuerat Thomas, primum ætatis florem Deo ac pudicitie dicare. Parentes, ut hoc animi decretum rescinderent, blanditijs, minis, promissis, inauditis artibus castissimum pectus sibi sumpserunt expugnare. Ictus uani & in ventum abiere omnes. Obdurat filius, destinari consilij tenax. Ergo

validiore ariete quatiendus fuit hic paries, dum corrueret; nec consilio defuit vigilantissimus Satan. Solum se agere putabat Thomas in conclavi, quod demum carcerem esse sensit periculosissimum. Eò enim immissa est puella, melioris formæ quàm pudicitia; ipso vultu petulantiam confessa. cœpit ea variè & blandè vercundissimum adolescentem, ad flagitium inuitare. Omnia in eâ loquebantur, vox, forma, gestus; oculi, vestes, vestium odor. quot verba, tot iacula; quidquid dixerat, venenum erat.

O Thoma, quot in te sagittæ volant? singulæ mortem ferunt; vel vnam admisisse, plaga letalis erit. Equidem sensit eximius adolescens ad cor penetrare blandissimum hoc toxicum. Hic, velut in arenâ gladiator, consilium capit; æmulator NICETÆ, & mox ad Christum: Ne quæso finas, exclamat, Domine IESU, & tu sanctissima Virgo MARIA, vt in oculis tuis turpissimum scelus committam. O mi Castissime IESU, ne permittas, vt ob spurcam libidinem,

æternas cæli delicias vendam. Dixit,
& è foco titionem rapuit, insidiatri-
cem fugavit, cubiculo extrusit, occlu-
sit ostium; *vicit*. Opportunius hæc
pugna subsidium non habuit, quàm
preces ex ardenti pectore petitas.

§. IV.

Scenam habuit periculosiorem
Rex Iosaphat, regis Abenneri filius,
& nisi eximia illius virtus, in eodem
quasi theatro bis vicisset, plausum ab
Angelis non tulisset. *a* Sacra Chri-
stiana regius hic iuuenis à Barlaamo
eremitâ didicerat: iamque mores a-
lios & castiores præ se ferebat, quàm
dum idola coleret. Abennero patri
seuerior hæc vita filij non probaba-
tur, vt qui aliud cælum non nosset,
quàm in sordibus volutari, & mergi
voluptatibus. Cùmque filium non
vnis machinis tentatum, sentiret
inexpugnabilem, magorum suasu
hoc eum stratagemate instituit ado-
riri. Remouit ab eo famulitium om-
ne aulicum, & solas quæ iuueni an-
cillarentur, puellas substituit. Hic
mihi Samsonem da; da Dauidem, da
Salomonem, & videamus, num du-

a Damaf.
l. de Barl.
¶ Iosic. 30

ret sceleris purus inter tot corrupte-
las. Nec Iosaphato pectus adamante
aut chalybe stetit, cœpit sentire pel-
lacias, cœpit æstuarè; tale demum
libidinis incendium pectore circum-
tulit, vt huic extinguendo se parem
non crederet. Generosè quidem cõ-
tra tot hostes luctatus est: & iã deum
obiectabat animo, iam Dei leges:
modò inferos cogitabat, modò cæ-
leste præmium; non minus tamen
Veneræ faces animum incendebãt.
ita nec Deus, nec inferi, nec cælum;
neque spes neque metus impuram
flammam multum adedò mitigabant.
Vltimum & præsentissimum visum
est mali remedium, in preces se ster-
nere. Ergo manus oculosque cælo
attollens: O Deus, inquit, spes des-
peratorum, respice & miserere: tu
omnia potes, misericors in omnes.
vide, Domine, quæ patiar; meæ me
cogitationes occidunt. perij, nisi tu
adiues. cordis & corporis pudici-
tiam seruare cupio, sed expugnor,
nisi tu defendas. O mi Deus, tuus
sim; pereuntem à lapsu reuoca: tibi
viam, tibi moriar. Adfuit benignus

Deus sic calidè oranti, & impurarum cogitationum agmè subito euanuit, nec tamen precari desijt iam victor iuuenis, sed ab eo tempore (valedicebat iam dies) ad alterum vsque solem in precibus peruigilabat.

§. V.

Sed necdum omni periculo defunctus est Iosaphat. acerbior & longè periculosior instabat pugna. Abennero patri iam antè dono venerat puella, regis filia, bello capta, sed pulchritudinis tam eximiæ, vt omnem eius æui formam extinguere, & panè dea esse crederetur. Et hæc trægœdiæ caput statuebatur, mago regio strenuè adlaborante. hic, vt certior veniret victoria, carmine magico cæcodæmonem in puellam immisit, vt sic iunctis operis instrueretur stratagemata, nulli eludendum. Adest ergo personatus diabolus sub venustissimâ laruâ, & vt immitiùs pugnaret, blandissimam prætendebat pacem. Puella ad omnem dolù ingenio versatili erudita, religionis Christianæ cupidissimam se dextrè simulabat. Volebat Orcinianus piscator, Satan,

eam hamis escam imponere, quam sciebat appetituros hos tales pisciculos. Iosaphatus iuuenis, præclaram hanc ratus occasionem, seruandi ab Orco hominis: nihil equidè se malle aiebat quàm vt plurimi secum ab idolis ad Christum transirent. In eam rem vtrinq; prolati sermones. Puella sensim veritati cedere, & expugnari se callidissimè mentita, in se quidem nil futurum moræ, quin sacro fonte lustrâda, in leges Christianas iuraret, si modò regius iuuenis, reginæ coniugium dignaretur nõ aspernari. fortunam sibi regiam, non sanguinem deesse. putare se verò, à Christianis non fortunâ, sed virtutes & animum in dote numerari. parentes sibi & auos atque atauos, & horum maiores fuisse reges. opulentiam regiam bello nonnihil accisam, aut mutatam esse: credere se tamen, non sine dote venturam, si probitatem coniugi futuro adferret. (Ah, Iosaphate, ah, ah! non periculo tantùm, sed ruinæ vicinior nunquam fuisti.)

Stabat iuuenis, & venusti sermonis prudentiam non sine tacitâ com-

mendatione mirabatur, & vt fit, oculos suæ stationis oblitos, in loquentis vultum subinde obliquabat. Et ne aded alienus foret ab honestissimis nuptijs, cœpit fallacissima Siren, nescio quas sententiolas (à magistro diabolo eas didicerat) ex Euangelijs in medium recitare, ipsius Christi præsentia nuptias commendatas afferere, honorabile coniugium & immaculatū torū a extollere, multa demum in coniugij laudes garrere.

a ad Hebr.

Æ. 13. v. 4.

Ad aures & ad oculos talem oratorem admittere, & non persuaderi, diuinæ est potentiæ, non leuitatis humanæ. Forma vel muta, eloquentissima est oratio; quod vult, impetrat. vbi iam verborum mel affunditur, & eblandiens animum suada facundia cōiungitur sine vi, quidquid dicitur persuadetur. Saxum antea videri poterat Iosaphatus, & immota rupes ad omnem libidinis impetum, sed lasciuus dæmon, tantâ sordentium flammaram vi hanc rupem vallauit, vt & ipsa instar solutæ arenæ defluere cœperit & minui. Nondū quidem prostratus Iosaphat,
hoc

hoc vno tamen victoriam sibi fecit ancipitem, quia cœpit dubitare. Decretum erat ei antea intactum seruare corpus ab omni feminâ; iam verò vacillare, turbari, anxius hæsitare, nec turbationi satis resistere, nec dubitationem expedire.

S. VI.

Digressâ ab se Oratrice illâ pestilentissimâ, quia ipse vnus, & accusatoris & patroni partes sustinuit, idè ipse sibi & obiicere, & obiecta diluere, secumque ipso plurimum luctari cœpit, & in vtramque partem fluctuare, demum se solua sic affari. Nil, inquit, inhonesti à te petitur; coniugium proponitur, & quidem non dispar: Regina est quæ sponsum quærit; nec leges Christianæ contradicunt. Id quidem verum est, sed meministin', quid te docuerit Barlaamus? Omnis ponderatio non est digna continentis animæ. *a*

*a Eccle. c.
26. v. 29.*

At hîc occasio est lucrandæ animæ, & puellæ regiæ ad Christum traducendæ.

O mi Iosaphat, hoc non est lu-

crari animas, tuam negligere, vt acquiras alienam. nosti illud: Quid prodest homini, si mundum vniuersum lucretur, animæ verò suæ detrimentum patiatur? *a*

a Matth.

c. 6. v. 16.

Sed non est omnium, viuere vt virginē, vt Angelum. Rectè hoc quidem dicitur, sed qui declinat virginū certamina, nec præmia desideret virginibus promissa.

At durum est in continuâ lætâ viuere; sibi ipsi semper contradicere. Durum est, sed gloriosum est, & res vna omnium Deo dignissima.

Credibile tamen est, multos sanctissimos homines in coniugio fuisse seruatos, qui alioqui periissent. At non minus credibile, multos in coniugio periisse, qui si casti vixissent, seruati fuissent.

Sed fac, prout destinavi, sic incipiã: quis scit an sic finiam? aliud est inchoare, aliud ad finem perseuerare. At illud Deo permittendum est; hoc ipsi erit curæ. qui suadet incipere, iuabit etiam finire.

Sed repugnat natura. Corrupta, non integra: & Deus naturâ longè

potentior est.

Sed quid faciam? vror, ardeo; cogitationibus pessimis, iam diu mens incenditur; sæuit in medullis fax stygia. At hunc æstum, igne Christi superare potes: hoc tale incendium Christi sanguine potes extinguere.

Sed nunquid vnus aliquis ex Apostolis dixit? qui matrimonio iungit virginem suam, bene facit. Ita est, sed idem omnino Apostolus addidit: & qui non iungit, melius facit, & bonum est homini mulierem non tangere. *a*

a 1. Cor. c.
7. v. 38.

Sed an non aliqui Apostolorum, vxores habuerunt? Habuerunt, sed inter illa omnia quæ Christi causâ reliquerunt, etiam vxores fuerunt: sic Apostoli omnes, vel erant virgines, vel post nuptias continentes.

Sed an non Pauli vox est? melius est nubere quàm vri. Eiusdem tamen & hæ voces sunt: Volo autem omnes homines esse sicut meipsum: Dico autem non nuptis & viduis; bonum est illis si sic permaneant sicut & ego. *b*

b 1. Cor. 7.
v. 7. & 8.

Heu quid faciam? vtinam, virgi-

196 LIBER SECVNDVS.

nem illam regiam nunquam ad aures, nunquam ad oculos admisissem. Hoc forsan melius fuisset, sed nec sic quidem omnis victoria desperanda est.

At forma illius animo meo identidem oberrat. At nunquid non formosior est Deus, à quo rerum omnium forma & pulchritudo velut è mari stilla vnica, aut guttula est?

Ah, ferendo non sum, si diutius duret tam vehemens cogitationum pugna. Hic Deus prouidebit; feramus hodie, quod nos ferre vult deus, ipsi cura est de crastino.

Sed num misellam illam virginem in stygij draconis faucibus hærere sinam? Sed num etiam oblitus es, quantis te periculis obiecerit mulierum familiaritas? vix euasisti, & regressum cogitas? nemo veriùs periculum iudicat quàm qui expertus est.

Sed Christianum est, alienæ salutis curam agere. Suæ, ante omnia: speciosissimos titulos excogitat caro, quibus suam turpitudinem velet: mille versutias instruit vt fallat.

CAP. V. 197

Diu secum ipse in hunc modum
 luctatus est, reciprocâ contentio-
 ne. Demum, inuenit virtute viam,
 & ipsa sibi necessitas reperit exitum.
 Ad preces iterum, velut ad sacram
 anchoram confugit. Precibus
 & lacrimis diu intentus, in soporem
 soluitur. hîc ea vidit, vt experretus,
 & fletet præ lætitiâ, & præ
 Numinis reuerentiâ tremere. In-
 de omnis, inquit Damascenus, conspectæ
 mulieris pulchritudo, cœno
 & sanie fœdior ipsi visa est. Ita ca-
 codæmonum insultus acerrimi re-
 pressi sunt precibus. Ergo, mi Deus,
 continentiam iubes, da quod iubes,
 & iube quod vis. Sed precibus rectè
 iungitur Confessio.

CAP. VI.

QUARTVM INCONTINEN-
 TIAE antidotum, CREBRA PEC-
 CATORVM CONFESSIO.

Qui diligit cordis munditiam,
 propter gratiam labiorum suo-
 rum, habebit amicum Regem. a Prov. c.
 22. v. II.
 Nihil æquè fauores diuinos eme-

198 LIBER SECVNDVS.

retur, quàm nitidam semper ac
 tersam habere conscientiam. Con-
 scientiam verò ita puram non facile
 conseruabit, nisi qui eam crebriùs
 emaculauerit. id frequens peccato-
 rum confessio potest: hæc autem
 vix erit integra, si sit rara, vt verif-
 simè dixerit Bernardus: *computatio*
dilata, multa facit obliuisci. Qui ra-
 tiones suas rarò inspicit, vix est vt
 non aliquid pertranseat conniunte
 oculo: & sicut accuratiores illi sunt,
 qui, si non quot diebus, quot heb-
 domadibus saltem suarum rationum
 libellum relegunt, ita vitæ ple-
 runque purioris sunt, qui Con-
 scientiæ nauos, singulis hebdoma-
 dibus ad sacerdotis aures deponunt.
 Velox confessio, velociter medici-
 nam facit. *a* Et hæc prima frequen-
 tioris Confessionis causa est. Do &
 alteram.

Bern. l.
 ed. c. 37.

Sunt quotidiana delinquendi peri-
 cula, quibus expositi viuimus. Dia-
 bolus, Caro, Mundus, noti hostes:
 tentant, vellunt, rogant, alliciunt;
 renitentes vrgent, trahunt, tantùm
 non cogunt, & hoc vnum agunt, ne

boni simus, nec Conscientiæ maculas tam studiosè obseruemus, eâsq; non nisi tardè & segniter eluamus. *Quid* tibi cum tam delicatâ & tenerâ conscientîâ (aiunt illi deceptores nostri) habebis semper quod agas, æternum tibi creas negotium, & simul molestissimū; semper erit quod abstergas, & nullum laboris reperies finem. Non subolet hîc tibi quid machinentur hostes tui? hæc consilia sunt secreta diaboli in amicum vestiti. si nolis ea tibi obesse, detege. qui denudat arcana amici, fidem perdit. *a* Amicitiam simulat cacodæmon; tu cuncta eius arcana pande, confessione quàm creberrimâ, & laruatum hunc amicum facillimè vitabis. Quod Bernardus de Communionis, idem ferè de sacramento Confessionis asseri potest: Duo illud sacramentum, inquit, operatur in nobis, vt videlicet & sensum minuat in minimis, & in grauioribus peccatis tollat omnino consensum. *b* Concilium Tridentinum affirmat eos qui hoc sacramentum debita præparatione obeunt, custodiri ne

a *Eccle. c.*
27. v. 17.

b *Incænâ*
Dom: de
bapt. &
ablut. ped.

statim succumbant tentationibus, & multò faciliùs in viâ virtutis, cauriores iam & vigilantiores progrediantur. Ipsa verò (sunt verba Concilij) huiusmodi Confessionis difficultas, ac peccata detegendi verecundia grauis quidem videri posset, nisi tot tantisque commodis & consolationibus, dignè ad hoc sacramentum accedèntibus per absolutio-

a *Seff.* 14.
f. 5. 8.

nem certissimè conferuntur. a *Lo-*
cuples testis experientia est, iis in vrbibus, vbi crebrioris confessionis v-
sus, multos per omnem vitam sine
grauioribus peccatis agere.

Sed & tertiam causam subiicio, cur conscientia crebriori confessione purganda sit. Id luminis in hoc Pœnitentiæ sacramento acquiritur, quo peccata eorùmque origines longè faciliùs dignoscuntur. Initium est salutis, notitia peccati. nam qui peccare se nescit, corrigi nō vult. deprehendas te oportet, antequam emendes; existimas tu, aliquid de remedio eos cogitare, qui mala sua virtutum loco numerant? quidã vitiis gloriantur. Ideò quantū potes,

te ipse coargue. inquire in te: accusatoris primùm partibus fungere, deinde iudicis, nouissimè deprecatoris. aliquando & te offende. *a* Votum est vatis regij: Illumina oculos meos, ne vnquam obdormiam in morte, ne quando dicat inimicus meus: præualui aduersus eum. *b* Conciones publicæ si quos feriant ad emendationem, hoc ipso minus feriunt, quòd feriant multos; ea verò monita quæ à Confessario suggeruntur cauendis vitiis, in concionis vicem sunt, tantò efficaciora, quantò minus multis dicuntur, cum vni soli dicantur. *Cum dispositione initur bellum, & erit salus, ubi multa consilia.* *c* Bellum tibi pro pudicitia diu felix non erit, nisi ad illud te disponas exomologesi crebriore, in quâ etiam consilium capias de Castimonix hoste felicius vincendo. hostis certè vaserrimus est, & ferè inquilinus, nec in vllâ vsquam arenâ, tam præsentis opus consilio, quàm hac.

§. I.

His quarta accedat caussa. Piacue-

202 LIBER SECVNDVS.

laris confessio nunquam repetitur sine nouo diuinæ gratiæ augmento. Quantum Deo displicet impudentia peccantis, tantum ei placet verecundia confitentis. Verè Bernardus · Omnis, inquit, spes veniæ & misericordiæ in confessione est, nec potest quis iustificari à peccato, nisi prius fuerit confessus peccatum. Ex eo enim vnusquisque iustus esse incipit, ex quo sui accusator extiterit. Idè Pipinus, sub Dagoberro Galliarum Rege, Maior-domûs, hoc est. aula Præfectus & à rege proximus, vir probatissimæ vitæ, famæque integerrimæ, & qui non immeritò *disciplina regum* vocaretur, quoties de noxis confessurus venerat, sacrum hoc tribunal, nudis pedibus accedere solebat, in signum lætitiæ pœnitentiæ. *a*

a Stephanus abb.
de eo l. 1.
c. 2.

Vis etiam quintam causam? Qui recusat esse cautus, nec castus erit. Castissimos plerosque videas quos cautissimos. Castitas & Pudicitia omni vitio Veneto tenerius quid sunt, & illis leui aut vitiantur aut perduntur. At verò cautelas huic cry-

stallino vasi seruâdo necessarias, maximè docet frequēs Confessio, idèd cacodamō, ille technarū & mille artium magister, adèd laborat, vt confessionem faciat inuisam & grauem. tēdia ingerit, negotia obtrudit, varia caussatur, omnem mouet lapidem, vt confessio & rara sit, & frigida: Hæc, inquit veterator, exigua sunt; quid opus in minutissimis trepidare? quātū conscientiaē lanienam patieris, si tantā scrupulositate obserues quāuis minutula? Tu verò, mi iuuenis, etiam minutissima caue, niad maiora prolabi velis. Qui spernit modica, paulatim decidet: *a* nec a *Eccle. c.* cauebit magna, si negligat ea quæ *19. v. 1.* videntur minuta.

Huic sextam etiam caussam adiungo. Quies & gaudium Conscientiaē, non nisi à crebrâ confessione est. Omnia, inquit Bernardus, in confessione lauantur conscientia mundatur, amaritudo tollitur, peccatum fugatur, triāquillitas redit, spes reuiuiscit, anim⁹ hilarescit; post baptismum nullum aliud nobis constitutum est remedium, quàm confes-

a. medic. fionis refugiū. *a* Quotidie sordium
 37. aliquid contrahimus, quotidie in-
 quinamur (ea huius vitæ ratio est) &
 nisi contractas sordes eluamus cre-
 berrimè, nimium quantum augent,
 & pænè in immensum excrescunt;
 fit è granis non multis, arena maris.
 Regum optimus fuerat & sanctif-
 simus, David, quia tamen pœni-
 tentiam distulerat, seipso teste, ab
 innumeris malis deprehensus: Cir-
 cumdederunt, inquit, me mala,
 quorum non est numerus: compre-
 henderunt me iniquitates meæ, &
 non potui vt viderem. multiplicata
 sunt super capillos capitis mei. *b*
b Ps. 39. Eius generis sunt hæ sordes animi,
 2. 13. vt nisi quàm primùm expurgentur
 pœnitentiâ, mox aliæ atque aliæ ipsæ
 accrescant. Inde fit, vt, & qui in for-
c Apoc. 6. 22. v. 11. dibus est, sordescat adhuc. *c* Et quæ
 Conscientiæ quies sit aut hilaritas
 in perpetuo harum sordium aug-
 mento? Puram effice Conscien-
 tiam, si eam ridere vis: tolle nubes
 tot noxarum, si serenam eam cup-
 ias: tranquilla nõerit, inter hos pec-
 catorum morsus, tolle vermes quæ

eam lacerant. Leuia, inquis, peccata, pacem animi non disturbant.

Suas habet etiam leue peccatum morsuunculas : quamdiu has ferrens cogitur, tamdiu suavis ei quies non erit, sed nec vnquam serio hilarescet. Secura mens quasi iuge conuiuium. *a* At verò securam habebis *a* *Prou. c.* nunquam (sanctissimè affirmo) nisi ab *15. v. 15.* illo veræ securitatis præsidio, Pœnitentiæ sacramento, eoque quàm creberrimè repetito. Tum demum iucundo fruêris epulo, cum vellicantes animi vermes occideris, si diu hos viuere sinas, perit tibi tuum hoc conuiuium. Vbi puncturæ, ibi molestiæ: nec serio se hilarem credit conscientia, nisi ab omni verme, qui lancinat, ex integro sit libera. Ingi conuiuio illo non fruitur, nisi *secura mens*. *secura* non erit nisi pura sit, & quasi semper à Confessione recens lota.

S. II.

Hic septimam attexo causam, priori affinem. Plurimi sanctorum hominum, viri feminaque, quibus cordi erat conscientia quies & tranquillitas, Confessionem, quantum li-

cuit, creberrimè iterârunt. Fuerunt qui quotidiana confessione animum lustrarent: sæpius voluissent, si per alios licuisset.

a Sur. tom. Birgerus, homo nobilis & potens, D. Birgittæ parens, *a* singulis diebus
4. die 23. Veneris ad sacerdotis pedes se abiecit, confessioni faciendâ. eiûsque facti rationem assignans: ita, inquebat, mea hodie cum bono Deo componam & transigam, vt quidquid in molinarum ceteris diebus in me ille inimiserit, æquo ego animo id perferam. Idem fecit per omnem vitam. & Birgeri filius, qui illam insuper clausulam adiunxit, vt confessionem voluntaria sui diuerberatio exciperet. Idem fecit & Birgittæ filia, eumque sibi morem à teneris annis indixit. In eandem legem iuravit Birgittæ maritus Vlpho. Idem alij religiosissimæ huius familiæ præstiterunt. Idem profus beata Lydvina auus in more habuit, qui vbi die Veneris animum Confessione purgasset, postero sabbato corpus ieiunij exercuit, nec in cibum aliud, quàm panem & aquam admisit. Ea

semper integerrimorum hominum mens fuit, aut nullam conscientiae labem admittere, aut incuria qualicumque admissam, quàm primum abstergere.

Ab his in diuersum abeunt illi, quibus volupe & iucundum est, sordibus mergi, qui liberrimè peccant, quibus in vili frons est & pudor: at verò cum de peccatis instituenda est confessio, hinc illi frontem induunt aheneam, & hoc *verecundiam* vocant. nimirum flagitiosè erubescunt fateri, quod patrare minimè verebantur: ad flagitia effrontes, ad noxium silentium pessimè verecundi.

Hinc mihi in mentem est, nec sine gemitu recordor, quis ante annos centenos, Luteri aëro, rerum status fuerit. O sæculum, planè non aureum! difficile tunc erat ab hæreticis Catholicos dignoscere. Sacramentorum vsus vix vllus. Confessio quot annis erat vna, eaque frigidissima, aut Confessionis mera puta ceremonia. Hæc enim talia plerunque quò rariùs, hoc peiùs facimus.

208 LIBER SECVNDVS.

Ita tunc omnia inuaserat languor, vt
 sapius quàm semel anno toto diui-
 num epulum accumbere, ad instar
 piaculi haberetur. In arcto, & velut
 in extremâ regulâ stabat tunc tem-
 poris Religio & Pietas, & pudori e-
 rat nolle sapere cum insânis. Hæc
 planissima via erat, ad grassantem iam
 hêresin. Quid facilius plurimis, quàm
 nunquam ampliùs de noxis confite-
 ri, qui antea semel tantùm in anno id
 facere consueffent? Quod rarissimè
 fit, non difficulter penitus omittitur,
 illud præsertim quod plus tormenti
 habet quàm oblectamenti. Sed, pro-
 pitio Deo, ita iam mutarunt tempo-
 ra, vt affirmare audeam, quisquis no-
 stro hoc æuo, annuam duntaxat con-
 fessionem instituit, hoc omnibus de
 seipso suadet, ne se alium esse credant
 quàm frigidissimum Christianum,
 qui, nisi lex vrgeret, nec semel qui-
 dem per annum, conscientiam ex-
 piaret, suis sordibus contentus. Fu-
 giamus, Ædesime, fugiamus letalem
 hunc veterum; sæpe peccamus, sæ-
 pe doleamus peccasse.

Aedes. Sed quò confessio tam crebra? an non abundè satis menstrua? *Parthen.* Vix est vt credam hîc te ferium esse. Sed an non caussas recitavi eius quod affirmo? Obsecro te, vel tantùm humanæ voluntatis inconstantiam & prauitatem cogita; nisi ea nouis quotidie stimulis agatur ad rectum, in obliqua tendit, ad veritum abit, diffluit ad inhonesta & noxia. Vides hoc horologium concinnè & affabrè factum? nisi pondera quotidie attrahantur, otiabitur velut mutus & elinguis excubitor; nec indice nec tintinnabulo loquetur. Vides illic in angulo textilem rotam aranearum? patietis diu non absterfi argumentum hoc est. Vitant araneæ cubicula illa ditiorum quæ sedulitas ancillarum creberrimè deuerrit. Vides hanc citharam exasciatam dexterimè? sed nisi fidium discordia, ad musica leges sæpius concilietur, dissona voce pulsanti respondebit. Vides, hanc mei stropholi lineam niuem? vsu fordidatur, & in atrorem declinat, ni sæpius lauetur. Ea prorsus

210 LIBER SECVNDVS.

conscientiæ nostræ ratio est, nisi eam
 confessione sæpius laues, mox in ea
 maculas, impuritatem, fordes vide-
 bis. Quare vitia sua nemo libenter
 confretur? quia etiam nunc in illis
 est. Somnium narrare, vigilantis est:
 & vitia sua confiteri sanitatis indi-
 cium est. Expergiscamur ergo, vt er-
 rores nostros coarguere possimus. *a*

a Senec. c-
pist. 53.

Sed, num libet audire, octauam e-
 tiam causam? breuissimè id perstrin-
 go, cuius iam suprâ mentionem feci.
 Diabolus, insomnis, peruigil, septi-
 ceptus draco, monstrum inquietissi-
 mum, alijs atque alijs insultibus no-
 stram præcipuè pudicitiam incurfat;
 millies victus, aliquam tandem ac-
 quirendam victoriam non desperat:
 via verò qua tot hostiles incursiones
 auertas aut etiam anteuertas, certior
 vix est vlla, quàm pœnitentiæ sacra-
 mentum, & frequens Confessio.
 Cùm proditur hic hostis, vincitur;
 quamdiu latet, victoriæ partem ob-
 tinet. Auo Ioannis Chryostomi,
 horrificus leo magnam agris, peco-
 ri, villis, hominibus cladem intulif-
 se fertur. venerunt ad optimum

Pontificem qui suppetias peterent. ille pro suggestu respondit, non aliam sibi eius vastitatis causam fingerent, quam diuinæ legis contemptum, qui passim inter ipsos inualesceret. Auertendæ huic cladi pœnitentiam & peccatorum confessionem suavit.

Volant quandoque per orbem querelæ: Num ergo diabolus omnes rupit catenas, omnia fregit repagula? an omnibus vinculis exutus liberè grassatur, & iam non rogat, sed imperat? ita videtur fuisse eo tempore quo Dei filius in crucem actus est; ipse Christus testatur: *Hæc est hora vestra & potestas tenebrarum.* a Vide-
 2 *Luc. 6.*
 ri tunc potuit cacodæmon omnes 22. v. 35.
 sui carceris clathros effregissè. Huius mali præsciens bonus IESVS, discipulis pedes lauit, Eucharistiam porrexit, vigilare iussit & orare. Tali certè tempore, talia sunt quærenda remedia. Ergo, cum stygiæ procellæ in te ruunt sauiore impetu, pedes laua, affectus & conscientiam purga, ad Eucharistiam propera; vigila & ora.

Finio, ad Nonam & vltimam cre-
bre confessionis caussam. Omnia no-
bis tuta sint, nunquam erit vita.
Mors incertissima est, & subiti ca-
sus, eo sepe loci ac temporis, quo mi-
nimè veremur, nos opprimunt. quo-
ties, quàmque sollicitè prorsus, &
omnium Euangelistarum voce, Chri-
stus monuit: in omne temporis mo-
mentum paratos nos esse. neque ferè
aliud æquè inculcanit, quàm hoc v-
num, VIGILATE. Ore Matthei cla-
mat: Vigilate, quia nescitis qua hora
dominus vestet venturus sit. *a* Vigi-
late itaque, quia nescitis diem neque
horam. *b* Vigilate & orate, yt non
intretis in tentationem. *c* Per bea-
tum Marcum, non minus contentè
nos inelamat: Videte, vigilate; & ora-
te, nescitis enim quando tempus sit. *d*
Vigilate ergo, nescitis enim, quando
dominus domûs veniat. an media no-
cte, an galli cantu, an manè; ne cùm
venerit, inueniat vos dormientes.
quod autem vobis dico, omnibus di-
co, VIGILATE. Quæso te, quî sence-
tiùs nos & ardentius exhortetur ad

a *Matth.*

c. 24. v.

42.

b *Matth.*

c. 25. v. 13.

c *Matth.*

c. 26. v.

41.

d *Marc. c.*

13. *v. 33*

36. & 37.

indefessas vigilias: At idem prorsus per sanctum Lucam impensissimè commendat: Vigilate itaque omni tempore orantes, vt digni habeamini fugere ista omnia quæ futura sunt, & stare ante filium hominis. *a* Quid crebriùs monet beatus Paulus, quàm hoc ipsum? Propter quod vigilare. *b* Vigilate, state in fide. *c* Igitur non dormiamus sicut ceteri, sed vigilemus & sobrii simus. *d* Quoties diuus Petrus hoc ipsum admonuit? Vigilate in orationibus: Sobrii estote, & vigilate, quia aduersarius vester diabolus, tanquam leo rugiens circuit, querens quem deuoret. *e* Nec aliud vigilantissimus Ioannes vociferatur: Esto vigilans: si non vigilaueris, veniam ad te tanquam fur, & nescies quâ horâ veniam ad te. *f* Beatus qui vigilat, & custodit vestimenta sua. En, mi *Ædese*, nihil tam necessarium nobis quàm VIGILARE. atqui malè in rem suam vigilat, qui tam rarò per pœnitentiæ sacramentum, ad Mortis aduentum se parat. Non exhorret mortem; promptus paratus est migrare, qui de peccatis frequenter confessus,

a Luc. 21.

v. 36.

b Act. c.

20. v. 31.

c 1. Cor.

16. v. 13.

d 1. Thess.

5. v. 6.

e 1. Pet. 5.

v. 8. & c.

4. v. 9.

f Apoc. c. 3.

v. 2. & c.

16. v. 14.

a Alphons. Rodrig. par. 1. tr. 2. de perf. c. 5. vitæ suæ rationes sapius inspexit. *a*
 Produunt historia, sacerdotem quen-
 dam, virum admodum religiosum,
 quotidie confiteri solitum, antequam
 sacris operaretur. Hic ad extrema de-
 ductus monetur, vt ad exomologesi-
 se pareat, vitæ suæ vltimam. Ille, ac-
 cepto hoc nuncio, sublatis in cælum
 quâ oculis quâ manibus: Ergo, in-
 quit, benedictus sit dominus meus
 IESVS: triginta iam anni sunt & plu-
 res, ex quo quotidie aliter confessus
 non sum, quàm si confessio alia non
 esset subsequenda; ac proinde satis
 mihi modò erit confiteri, tanquam
 mox à Confessione sacrum facturo,
 Hoc, VIGILARE est. Optimum Au-
 gustini consilium est: Preueni Deum:
 non vis vt ipse puniat, tu puni. pu-
 niendum est peccatum: si punien-
 dum non esset, nec peccatum esset. *b*
b Aug. in ps. 44. l. 2. de vi- sit. infirm. c. 5. tom. 9. Non te pudeat coram vno dicere,
 quod te non puduit forsitan coram
 multis facere. Nam, vti Bernardus
 loquitur, simulata confessio, non est
 confessio, sed duplex confusio. *c*
c Bern. l. med. c. 37. *Ades.* Quod obducam, Partheni,
 sanè non habeo, nisi meum vnicum

CAP. VII. 215

& pigrum NOLLE. sed connitar vt in me VELLE fiat. persuasum me tenes. *Parthen.* Ergo ad Lympham transeo.

CAP. VII.

QVINTVM INCONTI-
NENTIAE antidotum, IEIUNIA
& ABSTINENTIAE
EXERCITIUM.

Ignis qui valentem materiam occupavit, aquâ, & interdum ruinâ extinguentus est: ille qui alimentis deficitur, suâ sponte subsidit. *a Senec. epist. 30.*
Subtrahe ligna foco ——— & fugâ vix notabili evanescet ignis. Ignis ex Orco est Luxuria, quæ ipsum etiam corpus inflammat. oppressam vis hanc flammam? pabulum corpori subtrahe, & licet extingui non sentias hunc ignem, certè senties extinctum. Fames, amica est Virginitati. Sputum ieiuni hominis fugat serpentem, *b ieiunij virtus stygium draconem.* Hæc vna omnium sanctorum Patrum vox est. *Basi-*

*b Plin lib
28.c.4.*

216 LIBER SECVNDVS.

- a Hom. 1. de ieiun.* Ilius: *a* Ieiunium, inquit, contra exercitum dæmonum dat arma. Chryso-
b Tom. 5. ferm. 2. de ieiun. stomus: *b* Aduersus dæmonum natu-
c lib. 2. contra Iovin. ram, inquit, cōstitutum est ieiunium.
d hom. 4. in diuers. in Matth. Hieronymus: *c* Pulchra res est, in-
 quit, ieiunium quod dæmones terret.
 Origenes: *d* Cū ieiunatis, inquit,
 dæmones vincitis, omnēque illius
 classē malignam retrorsum agitis,
 mala desideria effugatis. Athanasius:
e lib. de virgin. lib. 6. be- xam. c. 4. ad finem. *e* Ieiunij vim, ait, spiritus mali me-
 tuunt. Ambrosius: *f* Nullum, inquit,
 remedium maius contra inimicum
 serpentem poteris inuenire, quā
 ieiunium. Quid multa? diabolus ne-
 mo vicit sine ieiunio. Iobus, illud cæ-
 li spectaculum, iam vndique infelicis-
 simus, ipsis septem diebus ieiunauit,
g tract. 3. in Iob. Origene affirmante. *g* Ioannes, Do-
 mini prodromus, venit non mandu-
 cans, neque bibens, *b* adeo enim par-
 ti cibi potūsque fuit, vt nec comedere
 nec bibere videri potuerit. De Apo-
 stolorum ieiunijs, prædixit Chri-
 stus: Auferetur ab eis sponfus, & tunc
h Matth. c. 11. v. 18. ieiunabunt. *i* Paulus non vnum alte-
 rumve ieiunij diem sibi indixit,
i Matth. c. 9. v. 15. sed in ieiunijs multis, in fame & siti, *k*
k 2. Cor. 11. v. 27. corporis

corporis rebellionem expugnauit. Antonius per omnem vitam (Athanasius id prædicat *a*) ad eò pertinacis fuit ieiunij, vt nonnunquam biduo triduoque impransus & incœnatus ageret, & quartâ demum die, panis aliquid, sed parcissimè gustaret: sal ei pro omni condimento, pro generoso Cretico fuit frigida. Hilarion quindecim annorum iuuenis, vt omnem in se carnis petulantiam expungeret, eiusdem amulus abstinentiæ, post occasum solem, quindecim caricis, nescio an famem fallere, an irritare sit solitus. cùmque ne sic quidem omnem libidinis scintillam in se sopitam crederet, ieiunium ad eò intendit, vt triduum & quattiduum sine omni alimento duceret, vsque dum vix amplius spirare posset.

*a in vitâ
Antonij.*

S. I.

Sunt morbi, in quos medici liberè pronunciant: mittatur è venâ sanguis, nec priùs sistatur, dum linquatur animus. morbi vehementia lenè remedium contemnit. Hoc idem secum Hilarion egit, ita succurrendum putabat animo, dum deficeret caro,

neque enim hac salua sanum sibi spiritum promittebat. Herbarum succo, inquit Hieronymus, & paucis caricis post triduum vel quatrimum, deficientem animam sustentabat, & ieiuniorum laborem labor operis duplicabat, sic attenuatus, & in tantum exeso corpore, vt vix ossibus hæreret. Verum est omnino B. Ambrosij effatū: quod nocet corpore, iuuat spiritum. & Christi verissimum: Hoc genus dæmoniorū non eijcitur, nisi per orationem & ieiunium. *a*

a *Matth.*

c 17. v. 21.

b *lib. 2.*

contra Io-

uin.

Acriora enim dæmonia (inquit Hieronymus *b*) docuit Dominus, non nisi oratione & ieiunio posse superari: Certè sic est: acerrimus ille Luxuriæ spiritus, hoc genere armorum eneruatur, de quo Augustinus:

c *Serm. c*

65 de Tēp.

Videte, inquit, charissimi, quanta sit ieiunij virtus, vt id facere ieiunium valeat, quod Apostoli nequieverunt. Inde pulcherrimè atque validissimè ratiocinatus Ambrosius:

d *Serm. 25.*

Videte ergo, ait, quæ sit ieiunij vis, quantam homini suo præstat gratiam, quod tantam præstat alteri medicinam: videte quomodo pro-

prium sanctificet hominem, quod
 ita purificat alienum. Mirum, ter
 mirum: alter ieiunat, & alteri pro-
 dest ieiunantis abstinencia; iste phar-
 macum sumit, & ille vi pharmaci
 curatur. Quod etiam D. Leo Ponti-
 fex admiratus: tam grata est, inquit,
 Deo, quàm terribilis diabolo ieiun-
 antis oratio. Quòd si ea est virtus
 ieiunij, vt qui illo munitur, infesso-
 rem dæmonem ex alieno pellat cor-
 pore, quantò magis poterit impu-
 gnatorem è suo? alieni vim ieiunij, in
 eo quem iam occupat, non sustinet
 cacodæmon, & quomodo sustinebit
 propriij in eo què tantùm impugnat?
 Ecclesia ergo rectissimè canit: *Què
 corporali ieiunio vitia comprimis.* Dia-
 bolus intemperantia & gula, vitijs
 omnibus pandit aditum, idèò gulam
 Ambrosius *a* vocat, *primum diaboli
 spiculum*: Hieronymus, *b* *prima de-
 monum arma*: Basilius, *c* *primam ma-
 lorum causam, è* *uniuersale vene-
 num*: Chrysofostomus, *d* *rem summè
 gratam demoni.* idèò Hieronymus:
e *cùm cibo, inquit, abundanti car-
 nem reficimus, oleum igni affundi.*

a lib de E-
 liac. 1.

b epist. 22.
 ad Eu-
 stoch.

c Hom. 1.
 de ieiun.

d Hom.
 71. ad pos-
 c epist. ad
 Fursam.

mus, vt maiores effundat flammæ, & notum illud Augustini: Affluentiam ciborum, comitari solet insolentia verborum; saturitatem ventris, sequitur leuitas operis, & vanitas mentis. Inter epulas & delicias intutissima est Castitas: esurire discat, qui Castitatem amat.

S. II.

Ædes. Ingrata est concio quæ famem laudat. & quæso te, comedere, bibere, satiari, quid demum mali est? *Parthen.* quid hoc mali sit nescio, omnium malorum initium fuisse fatiscio. Noëmi æuo, cum *omnis caro corruptit viam suam, cum corrupta est terra coram Deo, & repleta iniquitate,*

a' *Gen. c. 6. v. 11 & 12.*

b' *Matth. c. 24. v. 38.*

a hoc ipsum omnis nequitiae principium erat, *edere & bibere.* Christus clarissimè testatur: b' Sicut enim erant in diebus ante diluuium comedentes & bibentes, nubentes & nuptui tradentes. En, quàm bene iunguntur mensæ & nuptiæ, epulæ & nequitia, saturitas & libido, Bacchus & Venus. Mihi crede, vbi Ieiunium exulat, ibi nullo in pretio est Castitas. nam, vti verissimè Seneca: c' Hone-

c' *Epist. 14*

stum ei vile est, cui corpus nimis carum est. qui famem odit, Castitate maxime amabit. Diui Ambrosij oraculum est hoc: Pascitur libido conuiujs, nutritur delicijs, vino accenditur, ebrietate inflammatur. Sic est prorsus lasciuia corporis illecebræ non aliunde quàm ab immodicâ saturitate manant. Aptam huic malo medicinam passim docet Hieronymus. Cùm enim virginem Eustochium doctor sanctissimus erudiret, dicere non dubitauit, castitatem diurnam firmamque esse non posse, nisi temperantia eam defendat, ciborumque vsus parcissimus, ut (prout ipse loquitur) stomachum potius quàm mentem dolere malimus, & crura magis quàm pudicitiam vacillare. Paleis asellum, paleis pascendum esse non hordeo, monuit iam suprâ castissimus Hilarion.

Luxuriæ currus (vbi eum aliqui depingunt) quatuor habet rotas: *Vestium mollitiem, Otij desidiam, Oculorum petulantiam, Ventrû ingluuiem.* à geminis equis trahitur, *Prosperitate vite, & Abundantiâ rerum.* duo his

222 LIBER SECVNDVS.

præsunt aurigæ, *Luxus & Languor.*
a in problem. sect. 20. Aristoteles hæc confirmans: *a* Venus, inquit, comes & pedisequa est Satiæ. Ergo ieiunij & sobrietatis comes erit Castitas. eadem enim est scientia contrariorum, ut eidem philosopho placet. Verbum tam vetus quàm verum repeto: Nunquam fames adulteria genuit. Nimirum, sine Cerere & Baccho friget Venus.

b Terent. in Eumach. Hoc est quod Israël's populum in libidines & vitia egit præcipitem: Sedit populus manducare & bibere, & surrexerunt ludere. *b* Hic ordo rerum est; post epulas choreæ. hæc enim lautioris mensæ sunt appendices.

Edes. Ergo etiam choreas prohibes? *Parthen.* Non ego, sed lex Pudicitie. Nostri qui choreas attende, & eas plerunque non aliud esse dicent, quàm diaboli theatrum, & palæstram aut præludium Veneris. Tripudia sæpe totius hilaritatis velut vltima scitamenta sunt. Scilicet post mensam, etiam lasciuia sacra sunt, temulento motu obeunda.

Corpus animum & regit & detegit; membris tegit, sed iisdem etiam detegit, nam manuum iactatio, pes mobilis, oculus vagus ac petulans tale aliquid arguunt esse in animo qui non cernitur, quale in ipsis est quæ cernuntur. In choreis multa fiunt vrbauitatis specie quæ Castitatis nervos incidunt. Liberæ hîc manus, liberi oculi, liberæ volant voces. hæc sunt quæ pudorem labefaciunt, hi sunt libidinis stimuli, hæc laxamenta licentiæ. Appositè quidam de choreis hoc pronunciauit: Choreia est circulus, cuius centrum est diabolus, & circumferentia omnes angeli eius. Sanè illic variè offenditur Castitas, & quandoque tam spectando quàm saltando, in illam delinquitur. Cum hoc exactè congruit dictum Chrysofomi: *a* Vbi lasciuus saltus, ibi diabolus. Rex Alphonfus non illepidè aiebat; saltatorem & stultum eo tantùm distingui, quòd ille tota vita, iste dum saltat, stultescat, cum hoc vnum agat, vt ad numeros & tiliarum voces scitè insaniat. Apud Iobum, petulantiam olet

224 LIBER SECVNDVS.

a *Iob. c. 21.* & libidinem, exultare lufibus. *a* Et cum liberior musica choreis applaudit, certè non spiritum sanctum, nec castas cogitationes animis instillat. Saltando, *Ædesime*, nec sancti fitemus, nec casti, nec si fuimus tales manebimus. ludus vocatur, quod verius appellaretur scelus, aut sceleris festiium irritamentum, & quis redit à choreis castior? Eo nomine choreas rectè quoque dixeris, diaboli aucupium, è quo auceps iste vix vnquam abit vacuus, & sine prædâ. *Ædes.* Sed vereor, Partheni, ne frustra moneas, nec retrahas illos tam auidos saltationis. *Parthen.* si sic illis collubium est, pergant, & ad Orcum descendant saltando. Ego foueam & præcipitium monstraui currentibus; si nolint hunc cursum sistere, sibi culpam imputent, qui sibi cupiunt perire. Ad institutum redeo.

S. III.

Abstinentiâ & ieiunijs, lasciuire dediscit caro. Hieronymus mihi iterum in mente est: Omnis caro, inquit, *b* concupiscit quidem ea quæ carnis sunt, & quibusdam illecebris,

b *Epist. 9.*
ad Saluin.
c. 5.

ad mortiferas animam voluptates trahit. Sed nostrum est voluptatis ardorem maiore Christi amore restinguere, & lasciuens iumentum frænis inediæ subiugare, vt non libidinem sed cibos quærat, & sessorem spiritum moderato ac composito portet incesso.

Daniel ieiunus, inter septenos & quidem impastos leones, velut inter agnellos, sex continuis diebus illæsus agit, *a* & ipsos etiam leones ieiunare docet, ait Basilius. Hoc tu miraris? inquit Chrysostomus, ieiunium interroga, à quo hæc virtus. Idèd D. Petrus contra rugientem ex Orco leonem, aliud non præcepit, quàm: Sobrij estore, & vigilate. *b* Idèd sanctissimus ille Hebræus rex: Operui, ait, in ieiunio animam meam. *c* Bonum animi operimentum, subiungit Ambrosius, *d* ieiunium. qui non ieiunat, nudus & intectus est, patet vulneri. Adam si ieiunio se texisset, nuditatem suam non erubuisset. Cùm ieiunat Noë, cunctis peruentibus superstes est, cùm vinum ignorat & potat, sui filij fit lu-

a Dan. c.
14. v. 30.

b I. Pet. c.
5. v. 8.

c Ps. 68.
v. 13.
d de Eliâ
c. 4.

dibrium. Lot sobrius incendium euadit, temulentus incestum incurrit. Dum Samson ieiunium seruat, miliones sternit, mille militiæ cædit, iuuitatis portas velut plumam; tollit, vincit & pertrumpit omnia, ipse inexpugnabilis: iam vini & feminae illecebris captus, robur amittit, in hostium potestatem venit, oculos, vires, vitam, omnia perdit. Scitit hæc David, & idcirco pugnae se parauit, & ne cui hostium aditus pateret ad rapiendum, vulnerandum, occidendum, ieiunij operimentum arripuit, eoque se munijt: Operui in ieiunio animam meam. Castitatem defendere & seruare vis? Operi te ieiunio: Abstinentendo vinces. Illud Diui Ambrosij

*a Serm. de
quadrag.*

a sapius iterandum: Fames amica est Virginitati, inimica lasciuiae: Saturitas verò prodigit Castitatem, nutrit illecebram. Ea de causa idem hic sanctissimus Præsul, Ieiunium vocat, delictorum excidium, salutis remedium, fundamentum Castitatis. Et Diui Augustini præconiatur Ieiunium purgat mentem, subleuat

fenfum, carnem spiritui subijcit, concupiscentiæ nebulas dispergit, libidinum ardores extinguit, Castitatis lumen accendit.

Audis hæc? & etiamnum Abſtinentiam repellis? vel testium numero te obruam. Athanasius: Vide, inquit, quid faciat ieiunium; dæmones fugat, malas cogitationes expellit, cor reddit purgatius, corpus sanius. Petrus Rauennas: scimus, ait ieiunium esse Dei arcem, Christi castrum, Castitatis signum, sanctitatis trophæum. *a* In aperto est & extralitem, Abſtinentiam plurimum & *sanitati & Castitati* facere. id enim quod noxij & nimii est in corpore, absomit, caput serenat, animum ad ad saniores cogitationes disponit. Et hæc Salomoni caussa fuit, de genio fraudando consilium capere: Cogitavi, inquit, in corde meo abstraere à vino carnem meam, vt animum meum transferrem ad sapientiam, deuitarémque stultitiam. *b* Ita Enos, Henoch, Mathusalem, Noë, non minus sapientes fuerunt quàm abſtinentes. ita Nazaræi ac Rech-

a *Sermon de ieiun.*

b *De 1. c. 2. u. 3.*

228 LIBER SECVNDVS.

bitæ à sapientiâ æquè ac abstinentiâ commendantur. Iuditha tam sapiens. quàm casta, formam & pudicitiam suam cilicij & ieiunij propugnauit. Quid memorem illos Terræ Angelos, tot millia eremicolarum, monachorum, cœnobarum, quorum omnis vita fuit abstinere, & Deo sapere. Verè; anima sicca & sobria, anima sapiens & casta.

§. IV.

Nec idololatrias hoc latuit. Prisci Persæ, si Xenophonti credimus, ad panem nil nisi nasturcium adhibere soliti sunt, & varia tunc virtute flourerunt, Orbis domini per annos ducentos, à Cyro ad Darium, qui inter delicias & vina, imperium & vitam perdidit. Priscos Ægypti sacerdotes Charedemus asserit, carne, ouis, vino & lacte semper abstinuisse, vt & libidinis ardorem restinguerent, & diuinis intentius puriusque vacarent. Iudæorum Esseni vino & carne sibi interdixerunt. Delicias, maximam hominis pestem iudicauit Socrates, idè virtutis studiosos ad colendam abstinentiã crebrius

hortabatur, eaque de re interrogatus, quid solus ipse à ceteris adèd discrepare mallet: Alij, respondit, viuunt vt edant, ego verò edo vt viuam.

Sed mittamus vetera; longè illustriora præ his sunt recentia. Sed nostri me: catalogum non texam, paucos nominabo, sed Magnos. Inter ipsas dapes abstinere aut esurire, mihi semper maximum fuit. Terror ille Romanorum Hannibal, sæpe tunc minimè bibit cùm maximè sitiit. Et vt sitim suam redderet docilem, aquam quandoque spectauit, sed nec guttam libauit inde. Silius: Exercetque sitim & spectato fonte recedit. Magnum hoc est, sed Hannibalem non idèd inter magnos numero, alios & maiores specto.

Notus illè cælo Daniel, quinquagesimus septimus Archiepiscopus Moguntinus, Elector quadragesimus primus, qui Anno Christiano MDLXXXII. obiit, vir sanè in omnibus Magnus, hòc multis superior. Ieiuniorum erat obseruantissimus. suaserant ei medici, alii que complu-

res, ad ieiunium venum melius tollerandum, vt, quandoquidem pisce non vesceretur, carnes in mensam admitteret. Pontifex etiam, eum ieiunij lege soluerat: solus ille sibi minimè indulgebat, atque cum aulicam eamque exquisitam mensam accumberet, ouis solùm & iusculis contentus, à ieiunij legibus nec latum vnguem abibat. *a* Sanct. Ambrosius Mediolanensis Pontifex, annis compluribus nunquam prandit, de die semel duntaxat refectus. S. Carolus Borromæus, Romanæ Curia purpuratus senator, dignus Ambrosij in tam alto solio successor, delicatè quidem educatus, eò tamen se affuefecit, vt vltimis vitæ annis solo pane & aquâ viueret, solis diebus festis aliquid obsonij addidit, nihil tamen eorū quæ gulam mulcerent, nam carne, pisce, ouis, vino semper abstinuit: per quadragintidiale ieiunium, etiam panem sibi negabat, fabis tantùm & ficibus famè mitigabat, nō explebat; hebdomadè sancta non nisi lupinis (amarorū piscorum genus est) victitabat. Henr.

*a Nicol.
Serr. v. l. 5.
hii. Mo-
gunt. in
Daniel. c.
22.*

tantus Princeps, tam rigidas ieiunij leges ipse sibi statuat, & nos ad ipsum collati, mera mendicabula, iuvenes robusti & vegeti, quibus sanguis in variam petulantiam ebullit, abstinentiam & ieiunium sic horreamus? Nimirum, nisi venter bene fartus semper nobis turgat, mox morbum & mortem somniamus, cum fames in omne morborum genus validissimè pugnet.

S. V.

In Italiâ certè peritissimorum medicorum, primum in omni morbo pharmacum est, fames & inedia. Rationi hæc admodum conuenienter faciunt, primarium enim omnium morborum seminarium est ingluuies & oppletio, cui sola abstinentia optimè medetur. Sicut ergo fames omnibus corporis affectibus conducit, sic eadem omnium in animo vitiorum est Antidotum. Non cernis, vt elato frangat ceruicem fames? Auaro, rubiginosos educere thesauros fames persuadet. Iracundus si egeat, fit mitior. Otio torporem ad opus extimulat fames: qui enim vitat molâ, vitat & fatiâ. &

quia fames fastidiosa non est, gulosum à lautitiis ad frugalitatem, luxuriosum à spurcitiis ad continentiam perducit. Omnibus vitiis resistit fames, luxuriæ plurimum. Perpeffi sunt exercitus, inquit Seneca, *a* inopiam omnium rerum, vixerunt herbarum radicibus, & dictu sædam tulerunt famem. hæc omnia passi sunt pro regno (quò magis mireris) alieno: & dubitabit aliquis ferre famem, ut animum libidine liberet?

b Lib. 3.
apud Ros-
vveid. n.
62. Pelag.
libell. 5.
num. 31.

Narrat Rufinus Aquileiensis, dignum memoratu. *b* Ad religiosum senem revisit quispiam, & : Mi pater, inquit, quid faciam? non sum amplius sustinendo tot impuras cogitationes, adedò animum meum implent sordibus. Cui senex: ad similes cogitationum sordes non meminime trahi. Egrius id verbi accepit homo, & id fieri vix posse iudicavit. & quomodo, inquit, hoc fieri potuit, ut nunquam ab importunis hinc cogitationibus impugnareris? Senex ad ista: Ex quo, inquit, monachum indui, nunquam satis panis comedi, nunquam satis aquæ bibi,

nūquam satis somni admisi. ita prorsus, quia nunquam satur, cibū potius aut somnum appeto; nihil molestiæ mihi facessit libido. Audiit iuuenis, & plurimum profecit ex modestissimâ hac Abstinentiæ commendatione. Repeto meum, & finio: Fames amica Virginitati.

CAP. VIII.

SEPTIMUM INCONTINENTIAE
antidotum, LABORES, ET
AMOR EXERCITII.

Æ Des. Satis multa de Ieiunio.
Parth. plura debuissent, sed capere te puto, quàm cognata sit Castimoniæ Abstinentiæ. Sed num recordaris versiculi nostri?

*Lectio, Flagra, Preces, Confessio,
Lympha, Labores.*

Lympham exposui. Sanè quod lymphæ est igni, hoc Abstinentiæ est libidini. Sed progrediamur, paucis te docebo, tam amicos Castitati labores esse, quàm inimicum otium. Reperias forsân, qui nequaquam ferant, otiosorum titulo insigniri sese,

illi ipsi tamen sic laborent , vt dubiũ sit, otiosi præster an sic laborare. Gariunt & fabulantur vanissima, & hoc colloqui vocant & seria conferre. ludunt, deambulant, potant, libros non legunt sed lustrant, otio nauseam demunt, sexcentis ineptiis diem frangunt, & omnia agendo, nihil agunt. Homines, inquit Seneca, *a* inter oleum & vinum occupati: quibus ad votum dies est actus, si bene desudauerunt; qui, quantum sudoris effluit, tantum potionis ingerant. Et hoc illorum est LABORARE: hæ sterilissimæ confabulationes CONVERSATIO vocantur. O quanta pars vitæ nobis elabatur nihil agentibus, quanta malè agentibus! Ego verò alios tibi labores ingeram tuendæ Castitati.

Nosti Dianam idèd fingi virginè, quòd otium odisset, seque cum suis assiduo venatu exercuisset. Apud virgineum hunc cœtum malè audit, Salmacis Nympha, quòd ceteris perpetuo in opere desudantibus, sola illa ignauissimas sectaretur occupatiunculas, & vel crines peste-

a Epist. 15.

ret, vel vultum erugaret, vel genas
stibio fucaret, vel speculum consu-
leret, vel in veste plicas emendaret,
vel flores legeret; illa tamen sibi vi-
sa plus omnibus agere, & se neminē
esse occupatiorem. Venustē de hac
Ovidius: *b*

*b Lib. 4.
Metam.*

*Sape suas illi fama est, dixisse sorores:
Salmaci, vel iaculum vel pietas sume
pharetras,*

*Et tua cum duris venatibus otia
miscet.*

*Nec iaculum sumit, nec pietas illa
pharetras,*

*Nec sua cum duris venatibus otia
miscet.*

Eadem hæ voces, iuueni tam malē
occupato sæpius ingerendæ: Quid
cessas dormitator? Age aliquid, age,
age: chartam explica, calamum
sume, nota, stylum exerce, epi-
stolas concinna, orationes compo-
ne, poëmata pange. Scripsisti. Nunc
librum arripe. lege, memoriæ man-
da. Legisti? Nunc ora, cum Deo
age, pia & sacra meditare. Oraſti? Ad
lectionem, ad scriptionem teipsū re-
uoca. Nil sine magno labore morta-

236 LIBER SECVNDVS.
libus natura dedit : assiduus labor,
longaque exercitatio docet omnia.

Neque ego te iubeo assidue im-
minere libro aut pugillaribus ; dan-
dum est aliquod interuallum animo,
ita tamen vt non resoluatur, sed vt
respiret & remittatur. Respirasti ?
Ad labores redi ; calamos , chartas,
libros resume, vrge opus. Hic vitæ
nostræ circulus est , aut laborandum,
aut à labore nonnihil respirandum,
nec in ipsâ tamen respiratione peni-
tus otiaudum, estque in ipso otio ca-
uendum otium.

§. I.

Subiit aliquando eremi tedium
Antonium, dubiûsque clamasse fer-
tur : Seruari cupio, sed meæ mihi co-
gitationes aduersantur. Dum sic ani-
mo fluctuat , cernit in vicino homi-
nem monachi veste , nunc calathos
texentem , nunc ad preces in genua
subsidentem ; simul & vocem audiit:
ita tu fac Antoni. Oraculum secutus
Antonius , per has orationis & ope-
rationis vices , omnem solitudinis
molestiam absterfit perseverantiâ
inexpugnabili. Instar refectiois est,

mutatio laboris. & generosos animos nutrit labor. *Ædes.* Et quorsū continua hæc cum laboribus lucta? *Parthen.* vt Caro tam quietis quàm libidinis appetentissima, hoc stratagemate distineatur, ne quiescere incipiat, & simul lasciuire. Nimis eī pronum est, à quiete ad lasciuiam defluere. Plerunque enim, cū manus ab opere cessat, mens sese cogitationibus impuris occupat. Eā re Hieronymi monitum est, sanè sapientissimum: Nunquam te diabolus non occupatum inueniat. Eā de causā per totam Ægyptū nulli monachorum ferebantur otiosi; a suū quisque sibi victum labore parabat, nemini grauis, cū nec oblata quidem ab aliis admittere liceret. Tu tibi labora, dicebant, tuæ te manus nutriant, non alienæ: non est viri sudorem timere. Hinc eius omnes industriae fuerunt, vt non solū sibi, sed & peregrinis atque hospitiibus cœnulam instruere possent. Imò etiā per loca Libyæ quæ fames presserat, & per diuersos carceres plurimum alimonix liberalissimis subsidiis par-

a *Cassian.*
l. 10. 17.
lit. c. 22.
c. 23.

tirentur. quæ omnia labor illis sub-
ministravit.

Inde inter eos vulgatisimū erat
velut oraculum : Qui laborat , ab
vno solūm dæmone vellicatur ; de-
ses & cessator ab innumerabilibus
exagitur. Ex illorum numero
vnus , probatissimæ vitæ , Paulus
abbas , tametsi palmarum fructi-
bus & hortuli sui prouentu abundè
reficeretur , & id d colligendæ cœ-
næ securus ferari posset , ne ta-
men innumeros in se diabolos con-
ciret otiano , & castitatem pericu-
lo exponeret , sportulas texebat , &
quotidianum à se pensum exigebat
seuerissimè. Tam remotus autem
ab vrbe degebat , vt si merces suas
venum voluisset extrudere , maius
vecturæ quàm omnium sportella-
rum pretium fuisset. Ita elapso an-
no cū antrum suum vimineis tex-
tis inaplessè , ignem subiecit , &
vnus anni laboriosam solertiā Vul-
cano vendidit. Neque enim vllus,
aiebat , aut castas habebit cogita-
tiones , aut cor mundum retinebit,
aut diabolum vincet feriando. a

a *Cass. l.*
10. insi. c.
24.

S. II.

Iter pigrorum quasi sepes spinarum. *a* quaquà it otiosus, spinas offendit; omnes eius semitæ impurarum cogitationum sentibus sunt obductæ, & hoc otiosi labor est, turpia cogitare: has ille corbes contexit, quas postea petulante linguâ pro libitu quibuscunque venales obtrudit. vix enim à spurcis sermonibus temperat, qui eiusmodi cogitationes non refrænât. O Salmaci, O piger, sume pharetram, iaculum cape, & tua industrijs conatibus frange otia. Age aliquid, labora, opus adorna, aut te mille, aut te innumerabiles diaboli exagitabunt.

Pelagius memorat, *b* fuisse qui cupiuerit à molestissimis *Carnis & diaboli* suggestionibus liberari, seridò tamen resistere nunquam animum induxerit. Hunc religiosissimus senex aggressus: O cursor, inquit, testudinee, tantum nobis vacat? iam viuere, iam mori scimus? O athleta dormiens, vis saluari? vade, labora; vade, affligere; vade, vigila, pulsa. An nescis quid faciant Pan-

a Prou. c.
15. v. 19.

b Libell. 5.
num. 15.

cratiastæ? ad certamen vocati, pro-
iectis alte brachiis consistunt, caput-
que & os manibus oppositis quasi
vallo præmuniunt: membra eorum
omnia aut ad vitandos ictus cauta
sunt, aut ad faciendos parata. & cal-
ce & pugno ferire nõrunt. Ita & nos
oportet animo semper esse prompto
atque intento: standũ est, modisque
omnibus contra nitendũ; cor san-
ctioribus cogitationibus firmandũ.
faciamus nos quod in nobis est, &
dominus pugnabit pro nobis. Sic est:
nobis laborandũ est, nec vnquam ab
opere cessandum, cetera bono Deo
committenda. Quòd si necdũ, ô pi-
ger, ad laborem incalescas, vel Paulũ
ad opus stimulantem attende: iis au-
tem qui eiusmodi sunt, denũciamus
& obsecramus in domino I E S V
Christo, vt cũ silentio operantes, suũ
panem manducent. quoniam si quis
non vult operari, nec manducet.

31. *Theff.*

2. v. 12.

a Peritissimus medicus iste, pharma-
covnico plurimorũ morborũ causas
incõdit, quot enim vlcera ab vnâ ra-
dice orij emergũt, tot vno illa omnia
operis cataplasmate curantur. Quam

verò

verò alijs legē tulerat, eius ille prior
 obseruantissimus fuit: Ipsi enim, sci-
 tis, inquit, quemadmodum oport-
 teat imitari nos: quoniam non in-
 quieti fuimus inter vos, neque gra-
 tis panem manducauimus ab aliquo,
 sed in labore & in fatigatione, nocte
 & die operantes, ne quem vestrum
 grauaremus. *a*

ai bid. v. 73

68.

En tibi Tarsensem Paulum, vbi
 classicum illud inflârat, quo partem
 multò maximam humanæ gentis ad
 Christi signa traduxit, alimenta ma-
 nu quæsiit, funes texuit, scenas &
 tentoria concinnauit. Ipsa Domini
 mater, quàm nunquam otiosa fuit!
 nulli pulchriùs diurna vitæ ratio
 constitit, quàm Beatissimæ huic Vir-
 gini, quæ à primâ luce ad tertiâ diei
 horam placando Numini vacabat se-
 dulò, inde ad meridiem lanificio,
 mox à cibo, qui illi parcissimus fuit,
 reliquum diei diuinarum rerum le-
 ctionibus applicabat.

§. III.

Quòd si Apostoli, ait Hieronymus,
 habentes potestatem de Euangelio
 viuere, laborabant manibus suis, ne

*b Epist. 4.
 ad Rust.
 mor.*

quem grauarent, cur tu in vsus tuos cessura non præpares? Facito aliquid operis, vt te semper diabolus inueniat occupatum.

O Salmaci, Salmaci! ô pigrum pecus! ad laborem nati sumus, nec vlla nobis sine labore obtingit virtus. Scis, dum se Dauid exerceret in militiâ, non insultabat ei luxuria: cum cœpit abundare otio, cœpit etiam laborare adulterio: Salomon dum templum ædificat, luxuriam superat, ab opere quietus, & Astartem Deam colit, & Venerem. Agamus; Ædesime, agamus semper aliquid, vt nos diabolus nunquam non occupatos inueniat. Concessum nobis otium, vertamus in negotium; nulla nobis prætereat expers laboris, non dies duntaxat, sed nec hora, sed nec pars horæ. ij quibus vacare lubet & feriari, nondum didicerunt *nosse tempus*, quod Pittacus monebat.

Tempus, pretiosissimum est impendium, nec alterius vllius rei grauior est quàm temporis iactura. Perdi potest tempus, reparari non

potest; aliquid temporis amisisse, damnatum est irreparabile. Idcirco ipsi Parthorum reges ne desidiâ torpescerent, telorum cuspides acuere consueſſe, seduloque id fecisse traduntur; ut non solum animi oblectationem ex eâ re sibi quæſierint, sed & laudem. Satius profectò est aliquid agere, quàm nil agere, modò id quod agitur, honestè fiat. qui nihil agit, esse omnino non videtur, nisi cadauer culcitrae incumbens & torpore multo sepultum.

Plinius Maior, cum nepotem suum cerneret otiosè diè imminuere debulando: Poteras, inquit, has horas non perdere. Ah (non sine dolore gemo) ah quoties videre est iuuenem aut virum his ipsis vocibus compellandum: poteras has horas, hos dies; poteras imò has hebdomades, hos menses non perdere. Breue est vitæ huius curriculum, inquit Hieronymus, hoc ipsum quod loquor, quod dicto, quod scribo, quod emendo, quod relego, de tēpore meo mihi aut crescit aut deperit.

Nihil æquè vitam hominum aut ap-
 tiùs instruit, aut validiùs confirmat.
 quàm honesta operatio, & solers in-
 dustria. ignaviâ hebescût animi, tor-
 pescunt corpora, fiuntque morbis
 impensius obnoxia: vtrumque tue-
 tur diligens exercitatio. Omnis in
 actu virtus sita est, nec effugit dia-
 boli pedicas, quisquis fugit laborem.
 Labor est materia virtutis & gloriæ;
 illum qui reijcit, eijcit istas: non po-
 test paruo res magna constare. *a* Ad
 rem nostram verissimè Laurentius
 Iustinianus: quemadmodum, inquit,
 labore carnis incendia cohibentur,
b sic otio fouentur & crescunt. *c* Cen-
 turies reperendum: Assiduè age aliquid,
 vt te diabolus semper inueniat occu-
 patum. Sequitur: *Portarum Excubi-
 a.*

*a Senec. e.
 19.*

b *de lig. o
 vita. c. s.*

CAP. IX.

SEPTIMUM INCONTINEN-
 TIÆ antidotum, sollicita SEN-
 SVVM exteriorum
 CVSTODIA.

Oculos pudicè claudendos, su-
 pra demonstrauius. Verùm

vrbs illa hostem non excludet, quæ
 vnâ obseruauerit portam, apertis
 ceteris: omnes claudendæ sunt. Pars
 magna innocentia est, opportunè
 velasse oculos, sed plures sunt ianua
 per quas illabatur hostis: nares odo-
 rem, sermonem aures, gustatus sa-
 porem admittunt, manus tactione
 gaudent. Ad omnes has portas in-
 tentissimis excubijs est opus. parùm
 est hîc vigilare ianitorem, nisi & pu-
 gnare sciat, atque hostiles ingressus
 viarcere. De his quinque corporis
 sensibus non inuenistè Nicetas: *a a in com-*
 Sensus, inquit, nisi probè regantur, *ment. ora-*
 ad vitium faciles sunt via, peccati- *38. Naz.*
 que ianua, per eos enim ad vitia no-
 bis aditus patet, ac per eos in ani-
 mum influit peccatum. Hi ipsi sen-
 sus humani sapissime lenones sunt,
 qui blandis illecebris mentem in vi-
 tium flectunt; nuncij sunt, qui ad
 voluptatem inuitant; raptores sunt,
 qui animum ad res creatas abripiunt;
 fenestrae sunt, per quos omnium
 scelerum contagio irrepit; ostia sunt,
 per quæ animus semet sibi suffuratus,
 clanculum euolat ad prohibitam pa-

a Initio c.
31. Job.

bulationem. Idcirco Gregorius Magnus, *a* ad custodiendam, inquit, cordis munditiam, exteriorum sensuum mundities seruanda est. Mors per fenestras ascendit, & domum ingreditur, cum concupiscentia per sensus corporis, habitaculum mentis inuadit. Sic perimus miseri: rimarum saepe ac fenestrarum pleni sumus, & quacunq; voluptas veniat & ingressum roget, beneuolentiam ac faciles admittimus, non aliter quam Troiani fatalem illum equum, qui tunc demum coepit esse exitium urbis, cum vrbe receptus est. Multa recipimus per exteriores sensus, quae primam fronte amicitiam praeseferunt, recepta hostilem in nos saeuientiam exercent, & animum necant. Quis delicatas epulas, generosum vinum, bellaria exquisita non applaudere gustatu recipit? ingrediuntur blandè, sed in nouissimo mordent ut coluber, & sicut regulus venena diffundunt. *b* Quis suauissimam Sirenum symphoniam non auidis haurit auribus? At non semper pudica & casta est musica; aliquos quan-

b Prou. c.
23. v. 32.

doque ad bellum efferauit, alios ta-
men etiam ad libidinem incitauit.
Quis Sabæos odores & fragrantia
cinnama non patulis trahit naribus?
Quis tactu mollia non promptis at-
trectat manibus? sæpe tamen hæc
talia nescio quam molliem affricât
animo. Quis elegantis formæ decus
non benevolentissimis tuetur ocu-
lis? sed heu, quoties decepto lugen-
dum fuit: Vt vidi, vt perij, vt me
malus abstulit error!

S. I.

Ita frequentissimè *Videre nostrum*
& *Audire*, nostrum *odorari*, *gustare*,
tangere, in apertum nos non pericu-
lum modò sed exitium clandestinâ
proditione perducit. Salomon mœ-
nuit: *Omni custodiâ custodi cor tuû*,
quia ex ipso vita procedit. *a* At cor-
dis nulla erit custodia, nisi quinque
illorum ad cor ostiorum custodita
sint claustra. *Edes*. cui ergo clau-
es ad quintuplex hoc ostium commit-
tendæ? *Parthen*. aut *Necessitati*, aut
Vailitati; alterutri sanè, nunquam
Voluptati. Hoc assero: si quid videre
velis, si quid audire, si quid alijs

a *Prou. c. 4.*
vers. 23.

sensibus admittere, aut *Necessitas* te
 cogat, aut *Vtilitas* impellat; si ad so-
 lum *Voluptatis* nutum hæ portæ pan-
 dantur, vel etiam vnica illarum, non
 custodis cor tuum, sed prodis: pro-
 ditorem tui te castri non gubernato-
 rem fuisse, breuî senties. *Voluptas*
 enim vbi has clauēs nanciscitur ad
 cordis penetralia, turbam intromit-
 tit promiscuam, & plures hostium
 quàm amicorum. inde animus heu
 quantis ineptijs, phantasijs, stultitijs
 impletur! omnium rerum imagines,
 pleræque vanæ, turpes, obscœnæ,
 ad cor conuolant. ita *Voluptas* agit
 cùm clauium, ad illas quinque ianuas
 fit domina. omnia sùsque deque ver-
 tuntur, illudque vnum agitur, vt
 Animus à *Voluptate* delinitus atque
 persuasus, suis se concupiscentijs
 vendat, nec abhorreat ab vllâ cogi-
 tationum turpitudine. Eò spectant
 beati Basilij verba: a oblectationis
 appetitus è carne, velut ex fonte ma-
 nat & per omnes sensus, tanquam
 per flumina diffunditur. Idem: b as-
 pectum, inquit, æquè ac auditum
 exequat cum profectu inde consecu-

à l. de verâ
 virginit.

b serm. de
 vbidicat.

turo. Sic oportet : quisquis ad auriū
 voluptatem metitur audienda, innum-
 meris noxis vel solo auditu obstrin-
 get animum. Leuia forsan creduntur
 arrigere aures ad vana, curiosa, ridi-
 cula, noua; ad nugas, fabulas, lau-
 des proprias; & quis hīc surdus aut
 somniculosus est, cū talia in ser-
 monem veniunt? vnica illa vox *noua*,
noua aures nobis longissimas facit.
 Sed ignoscat mihi tuus genius, qui
 rerum nouarum narratiunculis dele-
 ctatur, mendacijs pascitur; qui nu-
 gis & fabulis tam benignas aures
 porrigit, ventos reti venatur. hinc
 quandoque gradus fit, vt aures spon-
 te pateant ad scurrilia etiam collo-
 quia, lasciuos sermones, fœdas can-
 tiones, infames detractiones, qualia
 non rarò tam audisse noxiū quàm
 dixisse. Nota est Bernardi censura in
 hos auditores : *a* Porro, inquit, de-
 trahere & detrahentem libenter au-
 dire, quid horum damnabilius sit,
 non facile dixerim. Nec fallitur Hie-
 ronymus, *b* qui : Si desint, ait, au-
 dientes, non inueniuntur detrahen-
 tes. sapiens erit, qui pessimæ huic

a B. 2. d. 3.
confid. sine

bad Celar.

verborum turbæ clauferit aures, quibus ceram parum est obdere. Firmiori spissamento opus est, quàm vsus in socijs Vlyssiam ferunt. Aures tuas non cereâ, sed spineâ sepe muni, & quandoque tui amantissimis surdum te præsta. *a*

*a Senec. ep.
33.*

§. II.

Odoratus etiam suis eget custodibus. *Ades.* quid si me hortorum flores, si templorum odores & thuræ nubes inuitent, num vis ut nares obstruam? hîc ego totus cum Catullo cupiam nasus fieri. *Parth.* Catullianum est hoc votum, scio, sed parum Christianum. dixi iam: sensuum exteriorum clauas, non *Voluptas*, sed aut *Neceſſitas* habeat, aut *Vtilitas*. Si suos tibi aut templum, aut hortulus odores afflet, non ut nares constringas, iubeo, sed ut simul mentem dilates, & memineris dicti Paulini: Christi bonus odor sumus

*b. 1. Cor. 2
vers. 15.
c. Ps. 140.
vers. 2.
d. Apoc. 15
vers. 8.*

Deo. *b* & Davidici: Dirigatur oratio mea sicut incensum in cōspectu tuo. *c* Cogita, phialas aureas plenas odoramentorum, quæ sunt orationes Sanctorum. *d* Sic sine noxa seu tui-

ribula, seu florum agmina suos tibi
 odores propinabunt. Alti hîc animi
 Augustinus : De illecebrâ odorum,
 inquit, non satago nimis. cùm ab-
 sunt, non requiro : cùm adsunt, non
 respuo, paratus etiam eis semper
 carere. *a* Quòd si folius hîc negotium *a lib. 10.*
 sit *Voluptatis*, si moschum, si muris *conf. c. 32.*
 peregrini folliculos, si ambram &
 cybettam vestis, chirothecæ, manus,
 cubicula spirent, hîc iam noxa, &
 irritamentum libidinis, & culpandæ
 deliciae. Harum appetitus inconti-
 nentiae notam subit, praesertim si
 vehemens. Et huius generis oble-
 ctamenta plerunque videbis vel fœ-
 da esse vel leuia. Assyrij, Arabes, &
 Sabæi nostris armis domiti, suis nos
 odoribus expugnant. Reuerâ omne
 hoc bene olendi artificium, non boni
 odoris argumentum, sed latentium
 signum est defectuum : turpius est
 enim artificiosis quàm simplicibus
 assueuisse : omne autem quod tur-
 pe est, quò sit artificiosius, eò sit
 turpius. Meministi iuuenis, qui
 cùm Vespasiano Principi pro colla-
 tã præfecturã gratias acturus, fa-

Stitijs eiusmodi odoribus halaret, stomachatus Imperator, acri supercilio & voce asperâ: Mallem, inquit, allium oboluisse. sic increpitum sine honore, rescissis concessę iam gratiæ litteris, bene olidum dimisit. Ita dedecori sunt odores eiusmodi; interdum etiam damno. Muleasses rex Tunetorum, contra Amidam filium, regni recuperandi causâ pugnavit, sed infeliciter: cümque immittus fugientium turbæ Muleasses. facile se regem dissimulasset, cruore & pulueribus fœdatus, solo vnguentorum odore agnitus, & è fugâ reprehensus est. Capto filius utramque oculorum pupillam candenti scalpello rimatus, miserum parentem æternæ noctis damnavit. Plura his non absimilia commemini. Horrificum illud quod Petrus Damianus prodit de feminâ Venetâ. *a* non repeto; eius narrationi hoc vnum addo cum poëta: Optimè olet, qui nihil olet. *b* Et ab experientiâ discimus, eorum cadauera grauissimè fœrere, qui, dum viuerent, optimè olebant. Fugiat has delicias, qui rerum vilium & vlt-

a epist. ad
Blancam
comitiss. de
insit. mo.
c. 11. Barc.
tom. 10.
Anno 938
n. 20.
b Cic. ad
Attic. 2.
Plaut.
Æt. 9

timarum dedignatur esse mancipium. Unguenta quidem penetrabilia, sed penetrabiliora sunt vitia, quæ hac viâ celerrimè ad nos se penetrant.

§. III.

Vti ad Visum, ad Auditum, atque Odoratum, sic ad Gustatum constituere nefas est clauigeram *Voluptatem*. De perniciosis mensarum lautitijs, & Abstinentiâ iam egimus. Quàm autem gustatui, eiúsque appetentiæ, non ad *Voluptatis* leges agendum sit, insignissimè docens Augustinus: *a* Sicut æger, inquit, ad medicinam, sic ad sumendas dapes debet quisque accedere, nequaquam videlicet in illis *voluptatem* appetens, sed *necessitati* succurrens. Et hanc gustatûs legem à Deo se accepisse gratulatus: *b* Hoc me, inquit, docuisti, vt quemadmodum medicamenta, sic alimenta sumpturus accedam. Non ego immunditiam obsonij timeo, sed immunditiam cupiditatis. Scio Esau lenticulæ concupiscentiâ deceptum, & David propter aquæ desiderium à seipso repre-

atom. 9.
de cõsuetu.
vitiiorum.
cap. 18.

b lib. 10.
corf. c. 31.

hensum, & Regem nostrum non de carne, sed de pane esse tentatum. Et hæc illum philosophia non dicere docuit, sed facere. Nam Augustinus, esu carniū ferè abstinuit, sed & alijs ciborum lautitijs mensâ suâ interdixit, mensas alienas & continua studiosè declinavit, itaque se hîc in ordinem redegit, vt de seipso testetur: Quotidianum bellum gero in ieiunijs, sapius in seruitutem redigens corpus meum. *a* V Volstanus, V Vigorniensis antistes, *b* non minus gustatum insigni victoriâ triumphauit. Fuit vt post rem diuinam in abdito loco prolixioribus precibus vacaret. hîc ad eius nares, assæ carnis delicatus odor pertigit, & vnâ appetitus edendæ. turbari sensit animum vir sanctus, & à precibus in culinam ad ollas trahi. Tunc ipse secum: Hôccine, inquit, precari est? hôccine est cum Deo loqui? dum lingua voces deprimat, dum manus cælo attolluntur, mens per culinam vagatur. lues hoc commissum, ne dubita. An non libenter esitares carnes assas? ego tibi eas condiam, vt

a Eod. ca.

b Sur. de

eo. 19. Iu-

ny.

fapiant. Sic statuo: nec illas quarum ad te odor peruenit, nec vllas alias libabis in posterum vnquam. sic sancio lege irreuocabili. Dixit, & fecit: tam tenax & perseuerans exequendi propositi, quàm concipiendi. Hoc vno Gustatûs triumpho maximum gradum fecit, ad omnem vitæ sanctitatem. miraculis illustris, obiit Anno Christiano Millesimo quinquagesimo decimo seprimo.

Hoc sanctissimorum quorumque hominum primum fuit negotium, Gulam odisse, & Gustatum velut proditorem, tam blandum quàm noxium, modis monibus persequi. Non solus Isidorus sacerdos, nunquam satur è mensâ sorrexit: plures hac lege vixerunt, **N V N Q V A M S A T I A R I.** Magnus, Daniel vates, magni socij eius hoc ipso, quèd vino regio & ferculis delicatioribus abstinerint, contenti frigidâ & parabili victu. ita nô Gulâ tantùm, sed & ipsâ flammis superiores facti. nos in contrarium niximur, quos tantò securiùs Gula in præcepit agit, quantò frequentius honesto

necessitatis nomine se tegit. ita sæpe
 flammam flammæ addimus, & oleum
 ardenti camino affundimus, qui calorem
 naturalem in vitia sponte protuberantem
 multo vino animamus. Vinum largiùs
 hauustum, malus est consiliarius. Ergo
 gulam frena, & omnem carnis appetitum

a Thom. de faciliùs frenabis. a

Kemp, lib.

1, c. 19.

§. IV.

Claues ad *Visum*, *Auditum*, *O-*
doratum & *Gustatum* negauimus
Voluptati; multò minus concedemus
 ad *Tactum*. Sensus hic totum
 corpus permeat, omnium oblectationum
 vas ferrimus auceps. frequenter alios
 sensus, quorum ille operâ ad suas
 voluptates aucupandas utitur, vnâ
 secum trahit in exitium. Basiliius hoc
 aduertens: *Tactus*, inquit, omniam
 sensuum deterrimus, socijs abblan-
 ditur, vt eos adiutores habeat ad
 sectandam vitiorum dulcedinem. Cautè
 hîc, cautè profus agendum, & pro
 normâ honesti, monitum hoc habendum:
quod non licet concupiscere, noli tangere. *Tacti-*
oni non satis est, corpus vestiri,
 nisi

nisi & molliter vestiatur; nec ei satis, cubare, cum dormit, nisi & molliter cubet. Hoc primæ tactionis curæ sunt, ut omnia ubique reperiat mollia & blanda, idque, ut patet, ad voluptatem. At hoc pridem damnatum à Christo: Ecce qui mollibus vestiuntur, in domibus regum sunt, *a* sed eorum qui in terrâ, non regis *a* *Matth. c. 11. ver. 8.* summi & æterni. Et Ioannem Zachariæ filium, Iordanis accolam, non à molli, sed ab asperâ & setosâ veste commendavit. Neque diuinus Lucas purpuratum epulonem à vestitum mollitiæ accusasset, nisi eam cæcites essent exosi, qui malè testis Lazari funus frequentârunt, alterum in purpurâ mortuum, in Orco sepultum, nullo dignati sunt honore. Mollem & delicatum habitum Castitas certè non amat; hæc libidinis aut insignia sunt, aut incitamenta.

Simplici cultûs munditiæ gaudet pudicitia: illic plerunque pretiosus est cultus & mollis, ubi pudor est vilis. Augustus Imperator licentiosiore habitu filia graviter offensus, comptam hanc in veste mollitiem,

infigne vocabat superbiæ, & luxuriæ
nidum. Sed hæc omnia sectatur ta-
ctionis sensus, nisi ad Christianas le-
ges seueriùs coërceatur. si quando
indulgentiùs habetur, tunc & mol-
lem postulat vestem, & molliorem
lectum; neque somnum sperat faci-
lem, nisi plumis profundiùs merga-
tur. Ab his initijs ad virtiosorem li-
centiam proficit, & demum in leges
verecundiæ impudenti audaciâ de-
linquit. vel nominasse. panè nimium
est, inuerecundos tactus, amplexus,
oscula: satis dixi, & iuuabit forsàn
vel solo nomine perstrinxisse hæc
dedecora. Cautè, mi Ædesime, cau-
tissimè hîc agendum, si velis castè. è
leui sæpe tactu, non leuis secuta est
turpitrudo. Rogatus Aurelius Augu-
stinus, quid esset quòd nollet cum
sorore habitare, ita occurrisse fer-
tur: quia non sunt mihi sorores, quæ
cum sorore meâ sunt. Enimuerò
malum est videre feminam, peius al-
loqui, pessimum attingere. Idèd
Nicietius, a ex optimo sacerdote,
Lugdunensis Pontifex, amantiissi-
mus puritatis, suos assidue monebat,

a Gre. Tu-
ron. in vi-
tis PP. c. 8.
Siv. 2. A-
pril.

& tactus & verba cauerent obscœna : ipse sui maximè memor , vel infantium etiam membra nudâ manu tangere verebatur : neminem hîc nimis cautum censebat , vbi *voluptas* sese tam celeri dolo insinuaret. Cùm ferrum tangit silicem , exiliunt scintillæ ; cùm tangitur serpens , mox caput replicat , vt mordeat tangentem : quò castior quis est , hòc & cautior est , ne carnem tangat non suam , vnde sua vratur ; néue serpentigena luxuria mox vbi tactus impudicos senserit , morsum inferat , & vulneri venenum instillet.

Editha a Edgari Anglorum Regis filia , non solùm regio sanguine , sed virtutibus illustrissima , post mortem punitano episcopo per somnum *visita* , de corpore suo monuit . & ne hoc vanum duceret , addidit illud : etiãnum ab omni tabe illæsum repèriendum , oculis solùm manibus atq; pedibus in cineres solutis , quibus olim puellari leuitate esset abusa . dextrum verò pollicem quo toties crucem signâsset , remansisse integrũ , vt eluceret clementiæ diuinæ beni-

a Sur. 16.
Septembr.
vixit circa
an. 980.

gnitas in partibus seruatis; iustitiæ
seueritas in absumptis. Rectissime
a l. de verâ ergo Basilius: *a* Sit virgo, inquit,
virgin. virginis auditus, & visus, & gustus,
& tactus; iugulando quidquid à ve-
râ virginitate degenerat.

S. V.

Submoneor hîc beati Iacoponi, è
Sancti Francisci familiâ, viri inte-
gerrimi. hîc perquam eleganter,
quinque hominis sensus exteriores,
b Virid. in hunc modum descripsit. *b* Virgo
Raderi. erat, & huic quinque fratres. Pri-
par. 2. de mus, Pictor: alter, Musicus: tertius,
contemptu Cocus: quartus, Pharmacopola:
sui. c. 3. vltimus, Caupo, homines exigui
sensûs: horum sororem fecit opu-
lentam nobilissimus vnio. Hunc
pauperculi fratres precibus extor-
quere certatim institerunt. Musicus:
nosti, ait, rem meam esse tenuem;
dâ gemmam tuam, & seruâsti vitam
meam. pro eâ ego modos musicos
faciam quos laudes: Tu verò abi mi
frater, inquit virgo, tantillo pretio
gemma mihi mea venalis non est.

Pictor, vt gemmam impetraret,
picturam promisit, quam haberet,

elegantissimam. sed repulsam tulit. Idem tentauit & pharmacopola, nescio quid nouæ fragrantiaë pollicitus, sed eâdem repulsâ dimissus est.

Nec aliud tulit responsum cocus, etsi Iouis cerebrum, & delicias exquisitissimas sponderet. Caupo, homo impudens, scire se aiebat lectissimos iuuenes, qui omnes eius esse cuperent mariti: hac in re solertem se forte actorem recepit. Minimè placuit qui maximam sperabat gratiam, extemplo reiectus. Hanc demum gemmam Optimas obtinuit, in cuius vnâ thalamum denupsit Virgo. Hoc, ita Iacoponus explicabat: Anima, Virgo est: Voluntas, gemma: Virginis fratres, sensus exteriore; visus Pictor, auditus Musicus, odoratus Pharmacopola, gustatus Cocus, tactus Caupo. Sed an non insigniter delirâset Virgo, si pro reculis vilissimis, suâ se gemmâ priuâset? Optimati, Christo Domino erat seruanda. Atqui nos longè stultiore sumus, & vero nomine, insani, qui Arbitrij nostri, seu, nostræ Voluntatis pretiosissimum vnionem,

pro delicijs escarijs , pro obscœnis narratiunculis , pro Venereis delectatiunculis , pro vitreis fractis & pupis , verè pro scarabæi umbrâ , non vendimus , sed turpissimè abijcimus. Ille , vt cupita sibi liceat videre , innocentiam perdit : iste , vt gulam saginet , Castimoniam offendit : hic , vt omnis generis sordes per atres recipiat , pudicitiam expellit : alij , vt omnem odorationi & tactioni libertatem permittant , verecundiæ leges negligunt. Ita nostram nobis gemmam , Voluntatem seu assensum , illi pessimi quinque fratres extorquent & subducunt. Ad extremam spiritûs inopiam deuoluimur odorando , tangendo , gustando , maximè videndo & audiendo.

Memini me legere de homine ægro , sed rectissimè sibi conscio , qui in mortis viciniâ , velut orator ad seipsum , omnibus corporis sensibus meritam gratiam retulit in hunc modum : O mei Oculi , amo vos de hac re , quòd passi estis noctem vobis & cœcitatem persuaderi , quotiescûque vanitatis aut lasciuia aspiciendæ fuit

periculum : hæc mihi nox , hæc cæ-
 citas sæpe fuit saluberrima. O meæ
 Aures , gratias vobis habeo , quòd
 artificio extemporali obsurdiftis ,
 ad omnem inhonestum , obrectato-
 rium , noxium sermonem : hæc mihi
 surditas sæpissime fuit salutis. O Ma-
 nus meæ , vobis memori mente ad-
 scribo , quòd delicias & tactui iucun-
 da potuerim aspernari : vestra mihi
 ad hoc profuit continentia.

O mi Olfactus , & tuis beneficijs
 respondeo ; tuæ fuit virtutis , & odo-
 res gratos spernere , & ingratos per-
 ferre Dei causâ : multùm me iuuit
 tua patiens industria. Et ô mi Gu-
 stus , tibi quoque me gratum præ-
 beo , tibi acceptas refero victorias
 plurimas ; pars salutis meæ maxima
 in te stetit : potuisti & dapibus care-
 re , & inter dapes esurire ; potuisti
 & in copiâ abstinere , & sustinere
 inopiam : fateor , absque te fuisset,
 mei hostes me millies sub iugum mi-
 silent : abstinendo & sustinendo
 promouimus. Igitur , ô meum cor-
 pus , sine me breui temporis spa-
 tio à te abesse : iungemur iterum ,

& vnà fruemur præmio inexplicabili, felicitate non finienda. Vtilissima monita, si sint qui ijs pareant.

*a libell. II.
num. 32.*

Pelagius refert, a sanctam Syncreticam dicere solitam: Sobriè viuamus, quia per sensus corporis nostri fures ingrediuntur. Verè: & sæpe non vnus aliquis furunculus, sed furum & prædonum ingens turba, cogitationum & imaginum fœdaturum magnus numerus. Hinc lugubris ille gemitus clamantis prophete: Deprædatus est oculus meus,

*b Thren. c.
§. v. 31.*

animam meam. *b* Voce præeuntem sequamur; clamet pro se quisque: heu præda factus sum oris, & oculorum meorum, aurium, & manuum mearum! deprædatus est animam meam visus meus, auditus, tactus, gustatus meus. Cor sine sensuum custodiâ, vrbs est sine mœnibus, domus sine ostio, hortus sine sepe: illam hostes transfiliunt, hanc fures expilant, istum conculcant feræ.

CAP. X.

OCTAVVM INCONTI-
 NENTIAE antidotum, assidue
 cogitata DEI PRAESEN-
 tia, in omni loco.

A *Des.* Partheni, dimittis me ple-
 num ingentis fiduciae ad san-
 ctiores mores. instruis, disputas,
 doces, aduersus omnem vim vitiorum
 me munis. *Parthen.* si laudare velis,
 hoc est, adulari, ego interrumpi no-
 lo; pede quo coepi, pergam, iam
 enim finem prospicio. restant pau-
 ca, at profecto, si rem spectes,
 non paucis explicanda. versiculum
 tenes?

*Portarum excubia, Christi praesen-
 tia, Poena.*

Suas portis excubias dedimus. nunc
 Dei praesentiam contemplemur.

Et principio quidem mirari subit,
 nos in plurimis non circumspectio-
 res esse, quos *oculus Domini* vigilan-
 tissimus, obseruat omni momento,
 omni loco. *Aedes.* ergo hic Deus ad
 linguam, ad oculos, ad manum meam?

M

Parthen. dubitas? etiam intra oculos, linguã, manum tuam est, qui cor tuũ vndequaq; penetrat Deus. quid clariũs, quid crebriũs inculcat sacra pagina, quã hanc ipsã Numinis præsentiam in omni loco? digitũ. pro more meo, intendã ad pauculos fontes. Salomon, apertissimẽ pronun-

a *Prou. c.*
15. v. 3.

b *Eccle. c.*
23. v. 28.

a In omni loco oculi Domini cõtemplantur bonos & malos. Infomnes sunt hi oculi, nullo temporis puncto clauduntur. Idem affirmat Siracides. *b* Oculi Domini multò plus lucidiores sunt super solem; circumspicientes omnes vias hominum, & profundum abyssi; intuentes in absconditas partes. O verè nimium quã lucidiores omni sole *Oculos!* sol excludi potest, sexcentis modis, nullo diuini oculi, qui omne profundum rimantur, qui parietes omnes vel etiam ferreos penetrant. nihil eis clausum est. Omnium luculentus testis, diuinus Paulus: Et non est vlla creatura inuisibilis in conspectu eius. omnia autem nuda & aperta sunt oculis eius. *c* *Ci-*
ius oculi (verba sunt Hieremiã Pro-

c *ad Hebr.*
c. 4. v. 13.

VS.
a ocu-
qui cor
quid
sacra
minis
ū. pro
s fon-
onun-
ini cō-
In-
mpo-
a affir-
i mul-
Solem;
omi-
tuen-
D verè
ni so-
, sex-
li, qui
qui pa-
os pe-
Om-
s Pau-
i i ſibi
autem
c Ci-
e Pro-

CAP. X.

265

pheta a) super omnes vias filiorum a Hier. c.
Adam, vt reddat vnicuique secun- 32. v. 19.
dum vias suas, & secundum fructum
adinventionum eius.

§. I.

Abimelechus rex, cum Saram
Abrahami coniugem mille argen-
teis donasset, istud moniti adiun-
xit: Et quocunque perrexeris, me-
mento te deprehensam. b Auro b Gen. c.
prorsus hoc, & cedro scribendum: 20. v. 16.
Memento te deprehensum. Nulla tam
abdita cogitatio, tam furtiua libido
nulla est, nullum tam clandesti-
num furtum, quin & illam, & istam,
& istud *Dei oculus* deprehendat.
Quidquid dicas faciã sue; quidquid
vel arcanissimi secreti etiam cogites,
memento te deprehensum. Vbi vbi
locorum, & quidquid denique re-
rum agas; etsi tam solus sis, vt nec
musca tecum sit, tamen *memento*
te deprehensum, ab oculo omnia cer-
nente:

Hac ignorantia nostrae labes est,
ad Deum velut longè dissitum sus-
pirare. Proximè nos est, in d in nobis
est, & nos in ipso, velut piscis in mari,

266 LIBER SECVNDVS.

avis in aëre , in circulo punctum. quoquò istud se mouerit , clausum est , quoquò piscis natauerit , aquis circumfusus est , quoquò volauerit aëris , ab aëre circumtecta est. Suum hunc errorem , qui Deum velut remotum fingit , damnans Augustinus :
a Soliloq.
 6. 31.
 a Erraui , ait , & multum laboraui , quærenste extra me , & tu habitas in me : mecum eras , & tecum non eram ; malè quærebam foris , quod erat intus. in ista formosa , quæ fecisti , ego deformis irruebam. ea me tenebâr longè à te , quæ esse non poterant nisi in te.

Edes. Sed num Deus sic præsens , etiam in impiis ? *Parthen.* Te hominem albæ mentis ! præsentissimus est , etiam in impiissimis , & quidem , vt Theologorum ore loquamur per essentiam , per præsentiam per potentiam suam , solùm non per suam gratiam. Deus cum omni sanctitate & sapientiâ suâ , cum omnibus suis thesauris , æquè totus ac præsens fuit in Iudâ Christi proditore , quàm in Petro Christi defensore. Miseri nos & cæci , quàm non cogi-

tamus ista ! momentis singulis, diuinâ manu sustentamur, & quasi assidue recens creamur. cesset Deus vel puncto temporis benefacere, & omnia, quæ nostra vocamus, in tenuè nihilum euanescent. Pulchrè Bernardus: Idcirco, inquit, sicut nullû est momentum, quo non fruamur Dei misericordiâ, sic nullum sit momentum, quo eum præsentem non habeamus in memoriâ. Momento nos Deus, vel ignibus æternis addicere, vel celo adscribere potest. instillet modò vel vnicam scintillam luminis, quod gloriæ vocant, & in celo iam erimus, etsi extra cælum simus. Nusquam à Deo nec latum vnguem recedimus. Et dic, quæso te, mihi: Si quis staret vndequaque flammis præaltis, & in orbem cinctus, scirètque, illicò pereundum sibi, si scintillâ vel vnicâ tangeretur, quàm parcus ei risus foret, quàm modestus se contraheret, quàm pauidus trepidaret? Atqui verè in deo, igne illo immensissimo stamus, mouemur, deambulamus, quicquid rerum agimus, agimus in illo, ab illo

268 LIBER SECVNDVS.
vndiq; circūdati. nec nescire possu-
mus, quòd vnicum Dei *velle*, nutus
vnicus, aut in cineres redigere nos,
aut ad inferos momento præcipita-
re possit: & tamen cum hoc igne
intelligentissimo pugnamus, hunc
conspuimus, hunc impio ferro fo-
dimus, hunc novis quotidie iniuriis
laceessimus, & nequirias nostras (quo
quid dementius?) non observari
credimus. Heu, miseri, à Deo vin-
dique deprehensi, tamque morti-
quàm inferis vicini, quid com-
pressis oculis cæci ruimus in exitiū
In omni loco *oculi Domini* contem-
plantur bonos & malos. Ah
quàm cautè & quàm submissè se ge-
rere par est, in *Oculis tanti Domini*,
quos nec ad momentum vel exire li-
cet vel declinare. *Quocunq; perre-
xeris, memento te deprehensum.*

S. II.

Vnicus hic, & ad omne flagitium
acerrimus est stimulus. credere, se nō
videri. I modò, & furem interrogat:
quid hæc audeat? arbitrabar, dicit,
me non videri. Sed & adulterū ad-
& quære: Tūne alienam domum

inuadere, coniugem non tuam violare impurissime? si Deum non metuis, etiam magistratûs vindictam negligis? trepidè respondebit: Putabam, neminem huius fore conscium. Sed ad plures te mittam. Accede silentiò, improbissimi oris hominem, & dum dominum suum diris omnibus execratur, interroga: in quem hoc linguæ virus euomat? territus dicet: credebam me solum esse, & à nemine audiri. Hæc via ad inferos rectissima est, ita viuere, tanquam si nullius oculo notetur, à nemine videatur. Hinc impiorum voces illæ: quomodo scit Deus, & si est scientia in excello? *a* Et dixerunt: non videbit dominus, nec intelliget Deus Iacob. Contra hos acriter insurgens regius psaltes: Inteligite, inquit, insipientes in populo, & stulti aliquando sapite. qui plantauit aurem, non audiet? aut qui finxit oculum, non considerat? dominus scit cogitationes hominum,, quoniam vanæ sunt. *b* En, cogitatus tuos nouit, vel latentissimos, & ignorabit ausus & facta? Sed

a Psal. 72.
v. 21.

b Psal. 93.
v. 7.

270 LIBER SECVNDVS.

hunc talem tenebrionem, qui humanos solum oculos, amotos à se cupit, diuinos non curat, sic loquentem producit Siracides: *a* Quis me videt? tenebræ circumdant me, & parietes cooperiunt, & nemo circūspicit me. quem vereor? delictorum meorum non memorabitur Altissimus. Impiis his vocibus opponit istas: Et non intelligit quoniam omnia videt *Oculus* illius, quoniam expellit à se timorem Dei, huiusmodi hominis timor. *Ædes*. nostra nos fides docet. nihil est Deo fieri, omnes & omnia ab ipso videri, æquū proinde est, ut quisquis in omnibus seipsum sic excitet: **A T T E N D E T I B I.** *Parthen.* rectè: sed vide, mi *Ædesime*, quò hominem malignior affectus, aut lasciuior appetitus non pertrahat, & abducat ab illâ fide. homo impurus & libidinis sectator (eadem est omnium vitiorum ratio) antè se habet hæc duo: Carnis petulantiam, & Fidei notitiã. foeda petulantia illa vult in opus prodire quod cogitatur, non vult Fides, & à Deo cuncta cerni affirmat. Ergo ne ille

a Eccle. l.
23. v. 26.

deserat, deserit fidem, & vt adulter sit, sit hæreticus factus. Idem vel solis sit cogitationibus. Cogitat quis obscœna, nec tamen nefcit has ipsas in se cogitationes à deo videri. En hîc fidem, quæ identidem pungit, vellicat, monétque: Deus videt ista quæ cogitas; cor tuû Deus penitissimum peruidet: eice has & imaginum & cogitationum sordes. quid hîc miser? ne cogatur suas expellere cogitationes, expellit à se fidem, & tantundem facit, ac si dicat: non cernit hæc Deus, quæ cogito, quæ mente aspicio. ita pergit infelix, & eiectâ aut sepultâ fide, cogitationes & imaginationes sordidissimas retinet, fouet, & quia ipsi pulchræ sunt, cum ijs ludit, & sic obscœnâ suauitate seipsum perimit. Huc malorum, huc deducit impiû illud: *Nemo me videt.* Quam nobile fuit par illud nequissimorum senum, qui Susannæ pudicitiam tentârunt? totum nequitia palliû, quo scelus suum velârunt, hoc ipsum fuit: Ostia pomarij clausa sunt, ^{a Dan. c.} & nemo nos videt. ^{13. v. 20.} a Hinc omne

flagitium accenditur, & animos sumit, dum diabolus ad aures delinquentis suauiter occentat: *Nemo te videt*: Aude feliciter: *Nemo te videt*. ita perge constanter. *Nemo te videt*. ita etiam pergimus miseri, pariteres nobis circumdatos iudicamus non vt tutius viuamus, sed vt occultius peccemus. quid autem prodest recondere se, & oculos hominum auresque vitare? si honesta sūt, quæ facis, omnes sciant: si turpia, quid refert neminem scire, cum tu scias? Heu, stultissimi mortales, quæ hîc ultra bestias nihil sapimus! mugiles & lampretæ, pisces marini, qui Plinio teste, si caput vndis immergant, reliquum corpus patere oculis non putant. Eadem & perdicis ridicula stultitia est. hæc si solum abscondat caput, iam se totam credit oculis subductam. Eundem hunc lusum & infantes ludunt: ponunt ianuam, mantili caput obuolunt, & licet pedes emineant, à nemine tamen videri se credunt, quando ipsi vident neminem. Tales nos infantes, tales imò bestię sumus,

*a Senec.
epist. 43.*

*b Plin. l.
9 c. 10. &
c. 23.*

modò hominũ oculos à nostro scelerè amoliamur, oculos Dei parum curamus, & sic à nemine nos obseruari credimus. Hinc illæ voces: hoc meus dominus, hoc parens meus, hoc meus magister non videt, istud ille non resciet. salua omnia. Er-ras, mi homo, nil saluum illi qui diuinos oculos non veretur, sui sceleris obseruatores. Neque cogitasti in corde tuo, quia ego tacens, & quasi non videns, & mei oblitus es, ita per Isaiam queritur deus. *a* Ergo, *a* *Is c. 57. v. 13.*
quocunq̃ perrexeris, memento te deprehensam. Videris, audiris: vbicũque es, totus in oculis Dei es.

§. III.

Quemadmodum verò, improborum plurimos, in vitijs audaces fecit, stultissimum illud: *Nemo te videt.* ita innumeros alios ad illustrẽ vitæ sanctitatem prouexit, vnicum istud: *Deus videt omnia.* Primus & martyr, & Virgo, frater Caini Abel, ex hac vnâ presentia diuinæ noitiã, ad omnem virtutis cultum profecit. clarissimus testis Iosephus: *b* *Lib. x. antiq. c. 23. in iis.*
Abel, inquit, iustitiam colebat,

& omnibus actionibus suis Deum præsentem ratus, virtuti operam dabat. Hic te verbulo monuerim: in bibliis, *ambulare cum Deo*, non aliter explicandum, quàm Deum ubiq; præsentem iugi memoriâ prosequi, neque enim solemus aut possumus cum alio, nisi cum præsentem ambulare. Hinc nobile illud priscorum Patrum encomiũ, *cum Deo ambulãrunt*. Post mundi originem laudatissimus Henoch, *Ambulauit cum Deo*, & non apparuit, quia tulit illum Deus. *a* Noë vir iustus atque perfectus fuit in generationibus suis, *cum Deo ambulauit*. *b* Hoc ipsam Abrahamo iam nonagenario præcipitur: *Ambula coram me*, & esto perfectus. *c* Moses, ille Deus Pharaonis, qui & Numini à secretis consiliis fuit, dux infiniti populi, vatum maximus, non aliã re magis diuinam in se liberalitatem emeruit, quàm assiduã diuinæ præsentis veneratione. Paulus id affirmans: fide, ait, reliquit Ægyptum (Moses) nõ veritus animositate regis inuisibilem enim tanquam videns

a Gen.

c. v. 22.

b Gen. *c.*

6. v. 9.

c Gen. *c.*

17. v. 2.

sustinuit. *a* Hoc illi assiduo in mente *a ad Hebr.*
 fuerat : *Deus videt omnia.* hinc tanta *c. 11. v. 27.*
 rum molestiarum patientissimus, in-
 uictus perseuerabat. Rex Ezechias
 (liceat dicere) hac arte vnâ , quinde-
 cim vitæ annos à Deo emendicauit,
 in paucis persuadens quod rogabat.
 Obsecro domine, inquit, memento
 quæso, quomodo *ambulauerim co-*
ram te in veritate, & in corde perfe-
 cto, & quod bonum est in *oculis tuis*
 fecerim. *b* Prophetæ omnes in pris- *b 1. c. 38.*
 cã lege, Reges aliquot, omnes virtu- *u 3.*
 tis studiosi, plurimum in omni pieta-
 te promouerunt, ex hoc vno effato:
Deus videt omnia. Admirandus in
 hoc rex Dauid. regiorum quidem ne-
 gotiorum mole premitur, & tamen
 in hoc vno est assiduus : Oculi mei
 semper ad Dominum. *c* perinde ar- *c Psal. 24.*
 que si dicat : vix mihi quidquam abit *u 15.*
 temporis, quo non meminerim præ-
 sentis Numinis. & affirmatiùs longè
 de seipso testatus : Prouidebam, in-
 quit, Dominum in conspectu meo
 semper : *d* assiduus mihi in oculis est *d Ps. 15. v.*
 Deus. Inde ingentis animi ausu : Et si *8.*
 ambulauero, inquit, in medio vmbrae

mortis non timebo mala, *quoniam tu*
a Ps. 12. 7. mecum es. a Neque fatis hoc illi, ob-
 24. tutu continuo in Dei præsentia ocu-
 los defigere, omnes alios ad hoc ip-
 sum ardentè instigans: Quærite, in-
 quit, dominum, & virtutem eius;
 b 1. Par. 16. v. 10. quærite faciem eius semper. b & idem
 ingeminat: quærite dominum, & cõ-
 firmamini, quærite faciem eius sem-
 c Ps. 104. v. 4. per. c Cùmque à seipso minus hoc
 obseruatum deprehendisset, largissimis
 lacrymis id deplorans: Tibi soli,
 ait, tibi soli peccaui, & malum coram
 te feci. mi Domine, præsentiam tuam
 non obseruauit, oculos tuos reueritus
 non sum, te inspectantem neglexi. V-
 ria quidem oculos non admisi, cùm
 flagitium illud commisi, sed tuos, ò
 conditor, excludere non porui. Tu, ò
 Deus, vides omnia: tu adfuisisti, vidisti,
 tabellis id tuis inscripsisti. ideo pec-
 caui, sed *tibi soli*, & coram te solo
 grande hoc malum feci: Ah: in oculis
 tuis, te inspectante ausus sum hoc
 flagitium designare. Si te præsentem
 cogitâssem, adulter non essem, par-
 ricida non vocaret. O mortales ex-
 emplo meo sapite, *Deus videt om-*

nia. Iobus, eiusdem prorsus animi: Nónne, inquit, ipse considerat vias meas, & cunctos gressus meos dinumerat? *a* & : obseruâsti omnes semitas meas, & vestigia pedum meorum considerâsti. *b* *Deus videt omnia*, & capillos hominis numerat & passus. Susanna castissima extremis angustiis conflictabatur: hinc probrosum facinus, illinc, ni consentiret, mors ei certa sic imminabat, vt exclamârit: Angustia sunt mihi vndique. *c* assentior? letali me noxâ obstringo. resisto? capitis supplicium incurro. Et quâ tandem ex his syrtibus est eluctata? Ante Deum se stare cogitauit; Deum præsentem & sui certaminis spectatorem est intuita. inde tantum criminis horrorem hausit, vt liberrimam hanc vocem proruperit: Sed melius est mihi absque opere, incidere in manus vestras, quam peccare *in conspectu Domini*. vos quidem pomariû clausum, nullum hâc arbitrum, à nemine nos videri dicitis: at, *Deus videt omnia*; malo subire mortem, quam Deû

a Iob. c. 31.

v. 4.

b c. 13. v.

27.

c Dan. 6.

13. v. 22.

omnia cernentem offendere. O voces cælo inscribendas, vt quemcunque carnis lasciuia vellicare cœperit, cælum suspiciat, istudque legat: *Mori malo, quàm peccare in conspectu domini, Deus videt omnia.* NICETAS, cum impugnaretur, solus erat, nec tamen solum se esse credidit, Deum præsentem vidit, præsentis opem petijt, centies mori maluit, quàm vel semel coram Deo assentiri flagitio. Hinc cruëta pugna, hinc victoria gloriosa, *Deus hac vidit omnia.* Ædesime, sunt qui museum aut cubiculum picturis impleant, tu tuum obsecro imple scripturis, & hoc vnum vel centies omnibus appinge parietibus: *Deus videt omnia.*

S. IV.

Hoc ipsum: *Deus videt omnia*, homines etiã sceleratos quandoque attonuit, & retraxit à præcipitio vitiorum. Thais Alexandrina, a femina tam malè quàm benè nota, vt grauius periret, multos secum perituros in voraginem traxit libidinis. Pereuntium misertus Paphnutius, & militem indutus, Thaidem adit, & vnum

a S. Antonin.
par. 2. hist.
tit. 15. c. 10
§. 3.

se simulat aduentorum. dein loci secretum stipulatur, nolle enim se à quoquam videri. Inducit illa in cubiculum, negat ille satis arcanum locum. itur in aliud interius; moram eandem obijcit. demum in domûs penetrabile perducitur, vbi personatus miles huc illuc circumspiciens: quæso te, inquit, num hîc securi sumus, & sine omni arbitro? Quid dubitas, inquit illa, hîc nemo nos audiet, videbit nemo, nisi Deus aut diabolus. Exceptit vocem Paphnutius, & tanquam ad eam exhorruisset, quærit: Credisne Deum? credo, ait illa. quærit amplius: etiâne credis, eum vbique præsentem, omnia cernentem? & hoc credo, respondit illa. subdit Paphnutius: an non improbis decreuit ignes æternos? ita, inquit illa. mox ille iterum: Ergo, ait, hæc credimus, & tamen in oculis iustissimi iudicis omnia spectantis tam turpiter peccamus? Et quid tu temeraria, impia, salutis æternæ prodiga, hoc vnum laboras, vt vnâ tecum tot alij æternum pereant? tantine est corporis spurcissima voluptas? an duos illos, Deum &

280 LIBER SECVNDVS.

diabolum, non vereris? iudicem illum, hunc accusatorem non times? an non *Deus videt omnia*? Icta mulier dicto, altum ingemiscere, excusationis nil reperire, sordes suas erubescere; iamque & oculi lacrymas parturire, ipsa demum in genua procumbens, pœnitentiam & emendationem promittere. Dixit, & fecit, nec multo post omnem muliebrem mundum libidinis suæ instrumentum combussit, ipsa in Virginum cœnobium transijt, arctissimo habitaculo clausa, fonte solùm & pane vixit, Dei nomen pronũciare non ausa, vnũ hoc assidue repetijt: Tu qui creasti me, miserere mei. Triennio sic acto, simul & isto, & corporis carcere absoluta, in meliorem orbem migravit. Magni Antonij discipulus, Paulus, in cœlo ei paratum torum conspexit. ita cœlestem thalamum feliciter possedit, quia impudicum aliquando possedisse dolenter tulit. Mirum hoc, sed non semel duntaxat factũ. eodẽ illo pronunciaro, *Deus videt omnia*, beatus Ephrem, æquẽ profligati pudoris mulierculam ad pudicos mores traduxit.

Et certè nisi in bestias aut in saxa degeneremus, fieri non potest, quin, si sapius ferioque cogitemus, *Deus videt omnia*, in officio nos contineamus. Bernardus: quomodo, inquit, negligens potest fieri, qui intuentem se Deum non desinit intueri? Si negligentiam, quomodo non etiam luxuriam à se repellat, qui diuinos oculos in se defixos obseruat? Dorotheus vir religiosissimus, in familiam suam cooptauit iuuenem spei non magnæ. erat is libertati assuetus, vanus, viriis plenus, & tamen monachum profiteri omni modo contendebat. Facile erat Dorotheo cogitare, hunc talem iuuenem præceptis & legibus non obruendum; ita vnicam dedit, sed auro exarandam: *Cogita semper Deum tibi presentè, & te coram illo stare.* Dositheus (hoc nominis accepit in cœnobio tiro ille) ex vna hac lege, eos in virtute progressus fecit, vt elapso quinquennio, non in meliorem tantum, sed in alium prorsus hominem mutauerit, iam ceterorū non tardus imitator, sed antesignanus, & Virtutis speculū. tantū ei profuit, assiduè co-

gitasse, *Deus videt omnia.*

S. V.

*a in Do-
mit. c. 14.*

Phengites, miri nitoris lapis, ea etiam quæ à tergo fiunt, monstrare dicitur. Domitianum Imperatorem eo usum affirmans Suetonius: *a* Tempore, inquit, suspecti periculi appropinquante, sollicitior in dies, porticum in quibus spatari consueuerat, parietes, Phengite lapide distinxit, è cuius splendore per imagines, quidquid à tergo fieret, prouideret. Eius generis lapidem habuisse fertur Maximilianus I. Imperator. Huic celeberrimam Germaniæ urbem ingresso, gratulatum aduenit Magistratus, & chrysendeton aureis plenum obtulit in monumentum debiti obsequij. Erat tum Imperator in conclauis, non procul à foro, ubi spectacula parabantur. digresso inde Magistratu ciuico, initium est datum ludorum equestrium. Aulici famuli plerique omnes huc illuc dilapsi, occupando commodiore loco. Secutus Imperator cum paucis, cratere aureo in mēsa relicto, & ianuis per quas transierat, apertis. Iam omnibus in ludos in-

tentis, familiarium vnus in Cæsareum conclaue obrepit silentio, aureos, credo, numeraturus, sed suæ crumenæ. Ergo poculum inuadit, nec parcâ manu extrahit partem aureorum non minimam, ratus à nemine videri. Interim Imperator Phengiten suum dissimulanter ante se mouet, omnia à tergo videt, & hunc furem. Reditur in conclaue: magna hîc omnium expectatio partiendi muneris. Iubet Cæsar singulos dominorum pro se quemque accipere. Etiam ille, qui antè inuocatus venerat, vocatus est & iussus extrahere, quantum manu prenderet initio ille modeste tergiuersatus, tandem pauculos aureos verecundis digitis attollit. Hîc Imperator: numera sis, inquit quot traxeris. numerat. Cæsar iterum: Iam, inquit & illos prome quos nobis absentibus traxisti: videamus, num antea, an iam fueris cordatior. Fit funus miser, balbutit, contremiscit, vocem vix expedit, mussat, deprecatur. expromit tandem aureos è furtiuo sacculo, & numerat, sed longè plures esse comperti, quos prius clepserat,

284 LIBER SECVNDVS.

quàm quos iussus excerpserat. Tum Imperator: tolle, inquit, omne hoc, tuum est, sed sub oculos meos non redi. Tu, si sapias, cum magnatibus (multò minus cum Deo) non ludis; à tergo etiam habent *oculos*. Et an nescis longas Regibus esse manus, acutissimos oculos, plurimas aures? an nescis, Deum merum esse *Oculum*, meram manum? disertè Augustinus: *a* Deus, inquit, totus oculus est, quia omnia videt; totus, manus est quia omnia operatur; totus, pes est quia ubique est. Hoc nempe seruulorum linguas & manus coërcet, vt nec flofeulum carpant, nec pomulum ex horto rapiant, nec frustulum panis sublegant, si nullam sibi herilis absentia securitatem polliceri queant. hinc crebriores querelæ illæ: dominus meus semper mihi à tergo hæret; loco quo minimè formido, deprehendor. Et quis vsquam vnquam oculos Dei cuncta cernentis euitare potuit? *Deus videt omnia*. Ergo, quocunque perrexeris, *memento te deprehensum*.

Pausanias in Corinthiacis refert,

a Epist.
III.

Iouis simulacrum trinoculum celebrati, ob triplex in superos, medios, inferos imperium. Mittamus figmenta. An non Deus noster triplices habet oculos, quibus omnia cæli, terræ marisque, & inferorum vel minutissima pervidet? Augustinus: Oculos, inquit, Dei simul vniuersa cernentis, non abdita locorum, non parietum septa secludunt; nec solùm ei acta & cogitata, verùm & agenda & cogitanda sunt cognita. *Deus videt omnia*, tam præterita & futura, quàm præsentia.

S. VI.

Hoc altè animo imprimere, & in laboribus roborat, & in molestijs atque doloribus erigit mirificè. Eò quisque contentiùs laborare solet, quò plures habet & nobiliores sui laboris spectatores. In Hierosolymorum obsidione, nulla præmia Romanos æquè in hostem animare poterunt atque Titi Cæsaris in bello præsentis oculi. fidem facit Iosephus his verbis: Romanos hortabatur consuetudo vincendi, & quia

vinci non assueuerant. Ante omnia
 verò Titus, semper, vbiq; præsens.
 nam & inertia, spectante atque opi-
 tulante Cæsare, grauissimum facinus
 videbatur. & ei qui bene decertâsset,
 testis aderat qui rependeret præmiû.
 Præterea fructus erat, vel cognosci
 solùm Principi. virum fortem. idcir-
 co multorum maior viribus alacritas
 demonstrata est. *a* En oculus domini
 signat equum: En, oculus Titi mag-
 nanimos facit milites, qui velut viri
 ferrei, stant inexpugnabiles. Potue-
 runt hoc oculi Titi Cæsaris? multò
 magis id poterunt oculi præsentis v-
 biq; Numinis. De Iudâ Machabæo,
 eiûsque copijs sacra historia, hoc
 prodidit: *b* Erant manu quidem pu-
 gnautes, sed dominum cordibus o-
 rantes, prostrauerunt non minus tri-
 ginta quinque millia, *præsentia Dei*
 magnificè delectati. Vicerunt, quia
 Deum sibi præsentem fecerunt præ-
 cando. & hæc illis cogitata Dei præ-
 sentia, famem sitimque, fatigationem
 & puluerem, vulnere, plagas, mortis
 pericula, facilia omnia reddidit.
 Quod si milites hi inter tubas & tym-
 pana,

*a De bello
 Iud. l. 6. c.
 8.*

*b 2. Mach.
 c. 15. v. 27*

pana, inter armorum fragorem, inter
 vulneratorum, cesorum morientium
 clamores & ululatus, ita sibi Deum
 statuerunt præsentem, vt eius præ-
 sentia *magnificè delectarentur*: nos
 quoque vel in turbatissimis etiam ne-
 gotijs, præsentis Dei meminisse po-
 terimus, si velimus. Proinde, si quis
 adedò delicata & parcente manula-
 bore, similis somnum meditati,
 elumbis, lentus, fractus & oscitans,
 non iam meritò illum proximus quis-
 que sic extimulet: quid agis ignaue?
 vbi manus, vbi opus tuum? num idedò
 sic solutè & segniter, sic remissè &
 perfunctoriè laboras, quia te solum
 putas, & à nemine videri? — Sed
 luna videt, sed sidera testes, Inten-
 dunt oculos — sed vident Ange-
 li, sed videt Deus. Dei oculos non re-
 formidas? non te pudet, spectatore
 Deo, edò languoris prolabi, vt instar
 brutæ pecudis, non festines nisi ad
 quietem & somnum? Respice piger,
 & si quidem humanos negligis, diui-
 nos saltem oculos reuerere: *Deus*
videt omnia, tam alios industriè &
 feruenter, quàm te languidè & osci-

tanter laborantem: operosos Deus
contemplatur & cessatores: ipse no-
uit & decipientem, & eum qui deci-
pitur. *a Deus videt omnia.* Seneca de
hoc non Christiana tantum, sed pæ-
nè (fas sit dicere) diuina scripsit. Et
quàm hoc propriè ac verè ad Luci-
lium; *b* Propè est, inquit, à te Deus,
tecum est, intus est. Ita dico, Lucili,
sacer intra nos spiritus sedet, malo-
rum bonorùmque nostrorum obser-
uator & custos, hic prout à nobis tra-
ctatus est, ita nos ipse tractat: Ni-
hil Deo clausum est, interest animis
nostris, & medijs cogitationibus
interuenit. Deus vbique, & omni-
bus præsto est. *c* Obstupesco tan-
tum lucis huic viro in tenebris allu-
xisse. Idem: *d* Sic fac, inquit, om-
nia, tanquam spectet aliquis. prodest
sine dubio, custodem sibi imposuisse,
& habere quem respicias, quem in-
teresse cogitationibus tuis iudices: &
e Magna pars peccatorum tollitur, si
peccaturis testis adsistat. Aliquem
habeat animus, quem vereatur, cu-
ius auctoritate, etiam secretum
suum sanctius faciat. O felicem il-

a I b c 12.
v. 16.

b Epist. 41.
initio.

c Sen ep.
95.

d Epist. 25.
med. ferè.

e Epist. 11.
propius fi-
nem.

V.S.
s Deus
pse no-
ni deci-
neca de
sed pæ-
fit. Et
d Luci-
e Deus,
Lucili,
malo-
obser-
bis tra-
t: Ni-
animis
onibus
omni-
o tan-
is allu-
t, om-
rodest
bsuisse,
em in-
ices: &
itur, si
iquem
r, cu-
retum
em il-

C A P. X.

289

lum qui non actus tantum (alij libri, aspectus, tactus; omnia rectè) sed etiam cogitatus emendat! O felicem illum, qui sic aliquem vereri potest, ut ad memoriam quoque eius se componat atque ordinet! Ergo, sic vive cum hominibus, tanquam Deus videat; sic loquere cum Deo, tanquam homines audiant. *a a epist. 10. fine.*
Præclarissimè omnia. & hæc homo non Christianus scripserit? IESU bone, quid in supremo iudicio respondendum Christianis? iam convicti sumus vel mille testibus. Scimus, *Deum videre omnia*, sed aliter non vivimus, quàm si nihil videret ex omnibus.

S. VII.

Oculos hominum tantò magis observamus, quantò minus Dei. Et hoc est, ex mente Chrysofomi, quod nos in exitium rapit. Humanis nos oculis commendare, studiosissimè ambimus, oculos divinos negligimus, perinde atque si nullus sit Deus qui nos videat. In sceleribus (os *b in 1. ep. ad Cor.*) illud aureum iure queritur *b*) Deo contempto homines formidamus;

homine præfente nemo fornicaretur, fed pudore hominum, affectûs violentia vinceretur: cùm autê Deus videat, & hoc audemus, & longè grauiora. Nonne hoc folum fatif ellet, quò cælitus innumeris peteremur fulminibus? Hinc omnia orta funt mala, quò in rebus turpibus, non Dei oculos fed hominum timeamus. Nihil eft opertum, quod non reuelabitur, & occultum quod non fcietur. *a* Ambrofius tam hîc difertus eft & ferius, vt fi quis vllum confcientiæ fensum retinuerit, non poffit non moueri: Detur mihi, ait, captus adulterinæ cupiditatis intemperantiffimo æftu, qui nolit repugnare fuæ carnis appetentiæ, incuriofus iuftitiæ, tamen follicitus famæ, erubefcens testimonium erroris, qui ipfum non erubefcit errorem. Si quem fortè fpectatorem nouerit facinoris fui, verecundiâ fequeftrat intemperantiam, & pudore inceptum fcelus defert. Ah! quantò magis, fi confideret plena effe Angelorum omnia, aëra, terras, maria, ecclefias quibus præfunt Angeli, hominem vere-

a *Matth.*
c. 19. v. 26

ris presentem, Dei presentiam non vereris? Sed cum tibi dicitur, quia Deus nouit occulta hominum, ideo non vis audire, ne incipias scire quod timeas, & timere ne pecces. Sed an putas, quod in lupanari te Christus non videat, quem videt lupanar ingredientem? in flagitio te non deprehendet, quem videt flagitium cogitantem? Sed fac (quod fieri non potest) quod nequitas tuas videre noluerit Deus; vidit Belial, vidit legio daemonum, qui te impulerunt. Ne putes quod tibi praestet collodium silentij, qui tecum habebit consortium supplicij. studet plurimos sui similes videre, & haec eius est gloria, quod plures perdat. Ergo, *quocumque perrexeris, memento te deprehensum, Deus videt omnia.*

Humanis oculis fucum facere, & (vt Plautus loquitur) glaucoma obijcere, res est facillimi negotij, oculos Dei fallere nulla ynquam ars potuit. Hoc prisci explicabant apologo isto: Ceruus insequentes venatores fugiens, metu delatus est in stabulum. hic mulier rogauit: tantillum sibi spatij non inui-

deret, quo fugā liceret dissimulare, dū
 transuecti essent venatores. Cui mu-
 lus. Hic, inquit, parūm eris securus;
 breuī aderunt & herus & famulus.
 Ceruus opinionis suę tenax. Videbo,
 ait, quas fugæ meæ latebras captem,
 modò tu me non prodas. Vix in tutū
 se recipit, & famulus irrūpit, ceruum
 tamen profundiore fœno utcunque
 iam sepultū non obseruat; sicque ab-
 ijt. Ceruus mirè sibi gratulatus, quòd
 famuli oculos fefelisset, iam pænè vi-
 ctor omnem periculi metū ponebat.
 Cui mulus: mi frater, inquit, hanc tal-
 pam decepisse, non artis fuit sed for-
 tunæ: vè tibi, si venerit herus, lynceos
 is habet oculos: hunc si fefelleris,
 triumphum cane.

Breuī & ipse herus adest, dūmque
 omnia sagaci lustrat oculo, ceruinum
 eornu è fœno prominens deprehen-
 dit, & simul fugitiuū hospitem. mox
 eomplohis manibus, seruos inclamat.
 ita miser carcerem esse sensit, quod a-
 sylum putabat. Mens fabulæ ista est:
 Serui sunt, quotquot mortales viuūt;
 dominus omnium solus Deus est. ser-
 uorum istorū oculos decipere, nimis

quã facile est; mille laruę sũt quę frau
 dẽ faciãt; dominũ, qui merus est oculo-
 lus, nemo fefellit vnquam. Scrutatur
 corda & renes Deus. *a* de quocunq; *a* Ps. 7. v.
 homine dixeris, renum illius testis est ^{10.}
 Deus, & cordis illius scrutator est ve-
 rus, & linguę eius auditor. *b* Homo *b* Sap. c. x.
 videt ea quę patẽt, dominus autẽ in- ^{v. 6.}
 tuetur cor. *c* Ergo, quocũq; perrexeris, *c* 1. Reg. c.
 memẽto te deprehẽsũ, Deus videt omnia. ^{16. v. 7.}

S. VIII.

Rhetoricę figura est, quę Cõuersio
 dicitur, hęc quęstiones cõplures vno
 responso diluit. Eã vsus Basilii, *d* va. ^{d in quęst.}
 riũ quęsitum verbo dissoluit. Quære- ^{fuse expli-}
 bant Basilij discipuli: quis omnium ^{catis. 9.}
 facillimẽ & creberrimẽ irascitur? quis ^{20.}
 in re diuinã censendus est pigerrim-
 us? quis animo maximẽ vagus in
 precibus? quis leuissimus in gestu? ec-
 quis omnium inquietissimus est di-
 cẽdus? Verbo, ad omnia respondebat
 Basilii: Qui non semper cogitat, sua-
 rum actionum & cogitationum in-
 spectorem esse Deum.

Sed denuò quæritur, & quĩ fieri
 possit, vt quis irã nunquã incalescat?
 quis cogitationes sic cohibeat, vt nõ

euagentur? quis in tetrico negotio animi & spiritus, æquè sèper vegetus sit & alacer, atque in lusu & choreis? quis tã cautus in moribus, vt nullam stultitiæ mixturam prodat? quis aded sèper apud se & domi suæ, vt omnia dicta factaque cõposita habeat, & ad decorũ expolita? Vnũ iterũ ad omnia responsum est Basilij: hæc omnia ei

a *Eccle. c.*
17 v. 3.

aspicit. Ecclesiasticus: a Si non in timore domini, inquit, tenueris te instanter, citò subuertetur domus tua. Deũ nõ metuit qui absentẽ credit. Id-

b *Serm.*
46. de
ver. Dom.

circò Augustinus: b Deus, inquit, timẽdus est in publico, ipso in secreto. procedis? videris. intras? videris. lucerna extincta est? videt te: lucerna ardet? videt te. cubile ingrederis? videt te. in corde versaris? videt te. Illũ ergo time, cui cura est vt videat, & vel timendo castus esto. Cognouit enim dominus omnẽ scientiã (vt Siracides

c *Eccle. c.*
42. v. 18.

loquitur c) abysũ & cor hominũ inuestigauit, & in astutiã eorũ excogitauit: tandẽ fraus omnis ad solis testimoniũ publicatur: *Deus videt omnia.*

Ferdinandus I. Imperator, mirẽ

delectabatur horologiolis affabrè factis & rotūdatis. erat ei magnus horū numerus, & artificiosa varietas. Fuit, vt animi gratia loquaci hoc auro mē- sã oppleret, & velut mercē vēditurus, ordine collocaret. gratū aulico comi- tatus spectaculū. Vbi satis datū oculis, ad colloquiū factus secessus. Vnus interim non spectator tantū sed em- ptor furādi libidine an occasione im- pulsus, vnū ex horologiolis raptim in caligas abdidit sagaci manu. Obliquo id oculo deprehendēs Cæsar, hominē ad se vocatū, vario sermone, ad id ho- ræ derinuit, dum sonorum illud aurū intra caligas loqueretur, & horā nun- ciaret. Erabuit miser vel inuitus, & totā faciem minio perfusus, sine vo- ce confessus est furtum. Cæsar rubo- re contentus, liberalissima conuen- tia, reum furri absoluit. Et nos, mi- Ædesime, huic furi simillimi sumus: quoties nos aut fucata mendacia, aut clanculariæ confabulationes, aut furtiue mentis libidines oblectant? miseri, latere nos credimus. Tan- dem tandem; elapsa vitæ horula, ho- rologium nostrum, nostra conscien-

tia loquetur; Oculus Dei non obliquus, sed rectissimus atque fixissimus, in nos assidue intentus, factorum nos omnium conuincet. Nam, in omni loco, oculi domini contemplantur bonos & malos: *a omnia videt Deus*. Nunc temporis dissimulat, & hunc furari, & illum adulterari finit Deus: quid iste, quid ille, quid nos, quid omnes omnino homines cogitent, videt, & tacet. Erit tempus, cum singulis obiecturus hic iudex: hæc fecisti, & hæc, & hæc etiam, & illa, & ista etiam, & tacui.

a *Prov. c.*
15. v. 3.

b *Pf. 49. b* nunc tuate prodit conscientia, nec te ipso iudice absolui potes. Heu, quid tunc miser sum dicturus, quem patronum rogaturus, cum vix iustus sit securus? Infernus & perditio coram domino, quantum magis corda

c *Prov. c.*
15. v. 11. filiorum hominum? *c* Si homini, ait Ambrosius, inficiaris, Deo fateris; etsi volueris negare, tuæ te cogitationes reuincunt. Lactantius hu-

d *lib. 6* *de* *re* *optime* *commonefaciens* *lib.*
vero cult. quid agis, inquit, quid machinaris, quid abscondis? Custos te tuus sequitur. *e* *c. 24.* Patas tibi contigisse vt ocu-

los omnium effugias demens? quid tibi prodest non habenti conscium, habenti conscientiam? *Patemus Deo undique.* Ergo, quocumque perrexeris, memento te deprehensum: Deus videt omnia.

S. IX.

Ædes. Falsne mihi quærere? *Parthen.* iuberem, ni sponte faceres; interim respiro ego. *Ædes.* Vnde obsecro tot, tam fœda, & tam quotidiana inter Christianos flagitia? an non ea omnia credunt, quæ de Deo ubique locorum præsentem differuisti? *Parth.* credunt sanè sed fide otiosissima, nec plus faciunt quàm si non credant. Cursorem veredariũ noui ego, proiectæ audaciæ hominem, qui assuetus diu noctũque iter facere, equum quandoque per inuia, deuia, per saxa & sentes agebat; monitus periculi, & saltem vitæ suæ, si non suo equo, parceret. Irridens ille: oculos, inquit, comprimo; & omnia ubique plana sunt. Huic, ij simillimi, qui Deum ubique præsentem esse credunt, sed nil prorsus, diuinâ præ-

298 LIBER SECVNDVS.

sentia dignum faciunt: oculos comprimunt, & quã data porta, ruunt: tales, nebulones illi vetuli, alieni matrimonij subseffores, Susannæ pudicitiam sollicitantes, *exarserunt in concupiscentiam eius, & euerterunt sensum suum, & declinauerunt oculos suos, ut non viderent calum, neque recordarentur iudiciorum iustorum. a*

*a Dan. c.
13. v. 9.*

Dauid Salomoni filio, hoc ipsum grauissimè commendans: Tu autem Salomon, inquit, fili mi. scito Deum patris tui, & serui ei corde perfecto, & animo voluntario. omnia enim corda scrutatur dominus, & vniuersas mentium cogitationes intelligit. Si quæheris eum, inuenies; si autem dereliqueris eum, proijciet te in æternum. *b* Concio, regum auribus dignissima. Sed Salomon paternæ disciplinæ immemor, alienigenarum mulierum libidines affectatus, eò delirij & impietatis prolapsus est, vt Deum patris sui cœperit nescire. Ita cuticula placet aliena, vt animula displiceat propria. Hæc vitæ labes inde est, quodd Deum aut nostra non videre, aut faciliè con-

*b 1. Par. c.
28. v. 9.*

donaturum visa, stultè & improbè
persuadeamur. O tenebras humanæ
mentis! Oculus ille qui videt omnia,
& à nemine videtur, in lucem olim
protrahet quæcunque arcana & ab-
dita. Hic Oculus ostendet quos mör-
tuos nocte sepelierit Tobias. Hic
Oculus mōstrabit, quot palàm, quot
clam ingulauerit Herodes. Hic Ocu-
lus pandet Orbi, quis Nicolaus ille
fuerit, qui furtiuis beneficiis, pud-
icitæ periclitanti alienæ subuenerit.
Hic Oculus humano generi proder,
non à Iosepho dominam, sed à do-
minâ Iosephum ad flagitium fuis-
se inuitatum. Oculus iste declarabit,
Elisabetham Vngari regis filiam, in
abdito horti sui angulo, scabiosi mè-
dici caput lauisse. Secretissima om-
nia ad solem producet hic Oculus.
Res nunc in orbe sæpe geruntur in-
qualissimè, subinde etiam iniquissi-
mè: illi ficus deuorant, & accusant
istos; reis venia datur, vexat censura
insontes; corui delinquent impunè,
columbæ mulctantur. non latebit.
non est occultum quod non manife-
stetur, nec absconditum quod non

a Luc. c. 8. v. 17. cognoscatur, & in palam veniat.

Ideo Christus: Et Pater tuus, inquit, qui videt in abscondito reddet tibi.

b Matth. c. 6. v. 18. Ergo, quocunque perrexeris, memento te deprehensum, Deus videt omnia.

non praterit illum omnis cogitatus, non abscondit se ab eo vllus sermo.

c Eccle. c. 4. v. 20. Ut verò huius, nulla nos vnquam

capiat obliuio, certa memoriae statuenda sunt signa, quæ quotidiano moneant, seu sit imago cubiculi, seu dictum illustrius museo inscriptum, seu pars vestis aspectui exposita, seu digito insertus annulus, seu quotidianum illud sacerdotis in sacro: *Dominus vobiscum.* quidquid illud sit, monendi sumus assiduo, Deum ubique presentem videre omnia. Adde claufulam viri docti, & sancti martyris Seuerini Boëtij, qui aureum illud de consolatione Philosophiæ opusculum, his ipsis verbis consignauit: Magna vobis est, si dissimulare non vultis, necessitas, indicta probitatis, cum ante oculos agitis, iudicis cuncta cernentis. *d* Aut saxa sumus, aut

e Lib. 5. cõ sol. phil. f. de libri. his mouemur: *Deus videt omnia.*

CAP. XI.

NONVM INCONTINEN-
TIAE antidotum, Nouena ÆTER-
NITATIS supplicia.

Hic flere malim quàm loqui. Quicquid dixerimus, minus æquo dicemus; verbis non æquæmur, sed nec cogitationibus quidem, inexplicabilem illam damnatorum Æternitatem. Scio multos & multa de damnatorum tormentis scripsisse, sed vana est scriptio, inanis est omnis dictio, ubi non est attendita & profunda cogitatio. Legimus ista, audimus talia, cernimus picta, cogitamus futura, sed hæc omnia breuè euanescent, nisi ea vigilantissimâ mente sæpius expendamus, & imaginationi seriæ insigamus. Eheu quàm multa sunt, inferorum infanda supplicia, quæ hîc mihi, Ædesime, tibi que meditanda subiiciam, compendioso ordine.

PRIMUM

Supplicium inferorum, tremendum,

ÆNEANDVM;

302 LIBER SECVNDVS.

TENEBRÆ, primus hic cruciatus est, & maximus omnium, & verè *infandus*. Sed audi quas ego tenebras dicam. Deum posse aspicere per totam Æternitatem, ô quantum erit liquidissimæ voluptatis? hominem formosum intueri, aliquam parit voluptatem, quæ mox ad amorem trahit. Creet iam Deus, vti potest, infinitè formosorem, quàm sit homo vel formosissimus in orbe; quàm ille in sui spectatoribus amœnum amorem prouocabit? hunc tu mihi homunculum vnicum cum Angelo, Angelum imò Angelos omnes cum Deo, eiusque infinitâ pulchritudine confer, ecquid iam sentis? omnis pulchritudo florum, hominum, Angelorum, & rerum omniû pulchrarum, ad Dei pulchritudinem collata nox est, & meræ tenebræ, & deformis caligo. Ab huius ergo immensæ pulchritudinis aspectu excludi, idque aternum, inexplicabile, infandum, incomprehensibile tormentum est. & hoc Theologi, *penam damni* nominant. Chrysostomo mille gehennæ minus sunt, quàm sic à

Deo reici. Verba illius adnumero;
 hæc sunt: *a* Noui autem, quòd plu- *a Inc. 7.*
 rimi pertimescant tantùm gehennã, *Matth.*
 ego tamen illius gloriæ amissionem, *hom. 24*
 multò amarius, quàm ipsius gehennæ dico esse supplicium. *& pauculis*
interiectis. Intolerabilis quidem res
 est etiam gehenna: quis nesciat, &
 supplicium illud horribile non per-
 horrescat? tamen si mille aliquis po-
 nat gehennas, nihil tale dicturus est,
 quale est à beatæ illius gloriæ hono-
 re repelli, exosumque esse Christo,
 & audire ab illo: *Non noui vos.* Est
 enim satius vel mille fulmina susti-
 nere, quàm vultum illum mansuetu-
 dinis pietatisque plenum, nos tamè
 auersantem videre, & illos placidif-
 simos oculos nequaquam nos aspi-
 cere sustinentes. Quid ergo luctuo-
 sius esse poterit; quàm horrendum
 illud tonitru, vocem audire diuinam,
 sic repellentem: *Discedite à me ma-*
ledicti: Foris canes, & impudici.
b Ah, quàm non capimus hoc irre- *b Matth.*
 parabilis damni supplicium, & inte- *c. 25 v. 41.*
 riores (sic vocemus) tenebras, quæ
 intelligentiam, voluntatem, memo-

riam hominis omnem fœdâ cæcitate
obruent. Quicquid memoria secum
repetierit, affliget, quicquid cogita-
uerit intellectus, malum erit & exe-
crabile, in tormentum cogitantis;
voluntas obstinatione suâ stupebit,
neque enim vnquam velle poterit
quod Deus: ita in se semper suæ ma-
lignitatis habebit pœnam. Verè Au-
gustinus: exterioribus, inquit, de-
purati tenebris nullo illustrabūtur in-
teriori lumine, ô tenebrę formidādę!

His, exteriores illæ iunguntur, de
quibus clarè seruator: Inutilem, in-
quit, seruum eiicite in tenebras ex-
teriores. *a* & hæ, densissimas illas
Ægyptiorum tenebras longè supe-
rabunt. Si quid luminis habebunt
damnati, in grauiorem id pœnã erit,
vt videant, vnde plus crucientur: pa-
rentes, filij, amici, cognati, fratres so-
lacio non erunt sed supplicio. O verè
terrâ tenebrosam, & opertam mor-
tis caligine. Iô terram miseriæ & te-
nebrarum; vbi vmbra mortis & nul-
lus ordo, sed sempiternus horror in-
habitat! *b* Hic discat libidinosi ocu-
li, ad salubres nunc tenebras seipses

a *Matth.*
c. 25. v. 30
idem.

Matth. c.
8. v. 12.
Eccl. 22. v.
14.

b *Iob. c.*
10. v. 21.
Eccl. 22.

vltrò damnare, & omnem à se Veneris petulantiam excludere. Beati mundo corde, quoniã Deũ videbũt.

SECVNDVM.

FLETVS, & STRIDOR DENTIVM; vlulatus, rugitus horribilis, lamentabilis. Post oculorum tormentum, sequitur aurium. Propone hãc tibi omnes aurium cruciatus, clamores hominum, fremitus bestiarum, fragores nubium, deiectus aquarum, & quicquid in odium potest aures adducere, id omne damnatorum fletus superabit. Apertissimè præmonens Christus: Ibi erit fletus, inquit, & stridor dentium: *a a Luc. 13 v. 28. Math. c. 22. v. 14.* multi enim sunt vocati, pauci verò electi. hic damnatorum fletus, vlulatus, rugitus velut pecudũ ex acerbissimo dolore proueniet, qui vel saxeis pectoribus desperatissimã hanc cõplorationem excutiet.

His odis atque modulis, miserorum illorum aures assidue torquentur. Auctariũ huius musicæ erit *stridor dentiũ* à nimio frigore. Hæ vires erũt apud inferos, sed absq; omni doloris lenimine: Ad nimium calorem

a Iob. c.
24. v. 19.

transeunt ab aquis niuium. *a* O atrocissimam febrim damnatorum, quæ nullam habet declinationem! sempiternus hîc horror inhabitat. terror, tremor, ploratus, angor vndiq; opprimit captiuos illos. & quia hoc non aliquot annorum centuriis, non vicenis solùm aut quinquagenis, aut etiam centenis annorũ millibus patiendũ erit, ided Iobus *sempiternum horrorem* nominat. Annus videtur quandoque nox vnica, quam quis solus in tenebris, sine somno, dolore acuto compunctus, tametsi inter plumas, transigit: & quàm is anxie horas numerat, quàm auidè finem expectat tam acerbæ noctis, qui sic insomnis peruigilat? & quid fictus hic annus, quid nox hæc, licet expertus somni, licet plena dolorum: ecquid centum, quid mille noctes dolorum plenissimæ ad illam sint æternitatem in Orco, vbi mæror, vbi fletus & dolor sempiternus? Ah! quàm horrendũ est incidere in manus Dei uiuentis! *b* O immittamus nos iam in manus & brachia Christi domini in cruce mortui. Dolete aures, quic-

b Ad Heb.
c. 10. v. 31.

quic
mif
non
in n

F
culp
xas
biff
ard
cio
vel
frig
dã
tan
nit
cal
ler
cer
dic
ta
pp
ve
qu
ve
vn
vl
cl

quid ad hoc temporis libidinum admifistis ; deinceps vos spinis fepiri non recufate. Nimis horrendū est, in manus Dei uiuentis incidere.

TERTIVM.

FAMES, ET SITIS incredibilis. Vbi culpa, ibi pœna. Quantas à gulâ noxas trahimus, heu fame fitique acerbiffimâ luendas ! Purpuratus epulo ardentem linguam exerens : Crucior, exclamat, in hac flammâ, *a & ^{a Luc. c.} 16. v. 24.* vel extremi digituli stillâ linguâ refrigerari postulat. non dolium frigidâ plenum petiit, sed guttulam, illam tamen non impetrauit. En, eò deuenit inopiæ opulentus ille gulo, vt nō calicem, sed digiti extremū; non Falerium, sed aquæ guttam; non pincernam nobilem, sed Lazarum mendicum flagitaret. hæc tamen ei negata omnia. Ita omnis solatij spes illic præcisa est; quacunque vel manus vel oculos moueant damnati, nusquam à dolore quies est vel minima. velut qui in mare lapsus est, vndis vndequaq; inuoluitur, nec inuenit vbi pedem figat; frustra iactat brachia; fugitiuam aquam incassū cap-

tat, fallit illa miserum, & eludit: sic
 infelices illi in tormentorum pelago
 submersi, nullum vspiam à tormen-
 tis effugiam reperiunt. Nihil est
 eo loci quod famem aut sitim mi-
 tiger. Recepistis, ô miseri, bona
 vestra, in vitâ vestrâ. nil vobis de-
 betur amplius, nisi tormentum, idq;
 æternum, olim epulati estis, iam dies
 sunt ieiunij: nunc epulantur alij, qui
 quondam ieiunârunt. Propter hoc,
 hæc dicit Dominus Deus: Ecce ser-
 ui mei comedent, & vos esurietis:
 ecce serui mei bibent, & vos sitie-
 tis: ecce serui mei lætabuntur: &
 vos confundemini: ecce serui mei
 laudabunt præ exultatione cordis, &
 vos clamabitis præ dolore cordis, &
 præ contritione spiritûs vlulabitis.

a 1f. 65. v. *a* Vobis olim, sed surdis, prædiceba-
 tur centies, delicias supplicijs luen-
 das. Nemo audiit: vocaui & non
 respondistis; locutus sum, & non
 audistis, & faciebatis malum in
 oculis meis, & quæ nolui elegistis.
 Nunc longâ, nunc aternâ fame hila-
 ris sed breuis insania digerenda est;
 voluptates fugacissimæ sicuti perpetuâ

piandæ sunt. Nimis iam serum est, huic fami sitique mederi velle. post tale prandium, talis cœna sequitur, saturitatem meritò fames excipit, temulentia iustissimè torquetur siti. Hæc gulæ debetur merces. O Deus! gehennam profectò euitat, qui gehennam sapius cogitat.

QVARTVM.

FOETOR intolerabilis. Omnes exteriores sensus peccatum inficit, omnes vindicta punit. Olim, pluit dominus super Sodomam & Gomorrhæam sulphur & ignem. *a* His ^{2, Gen. c.} pluuiis extinguendus erat æstus libidinis. ^{19. v. 24.} igni summus ardor, maximus foetor inest sulphuri. qui ergo lasciuâ carnis concupiscentiâ foetebant, igne & sulphure peribant, vt ex animaduersione iustâ discerent, quid spurcâ libidine commeruissent. Sic, pluet super peccatores laqueos: ignis, sulphur, & spiritus procellarum pars calicis eorû. *b* Duplex, ^{b ps. 10.} libidinosus & impurus supplicium ^{v. 6.} meretur: dum viuit, seipsum magis atq; magis luxuriæ laqueis irretit; cùm viuere desinit, in lacum sulphureum

310 LIBER SECVNDVS.

transit. Quantus est autem vel vnus
 cadaueris fœtor? & quantus erit in-
 ter innumera damnatorũ cadauera?
 omnis apud nos mephitis crocũ spi-
 rat, si cum graueolente Auerno con-
 feratur. Apocalypticus ille Angelus,
 sæpius minatur sulphureũ stagnum:
 pars illorũ erit in stagno ardenti igne
 & sulphure. *a* Ite iam, Christiani, &
 deliciis affluere supremam felicitatẽ
 credite, cras forsitan mergendi sul-
 phureis his vndis. Et quid tunc pro-
 derunt deliciæ, cùm vos inferorũ se-
 pelient flammæ? cũ peregrinos odo-
 res sulphureis expellet fœtor? Ah!
 sapiamus, dum licet; ne dulce mo-
 mentum, amarissima comitetur Æ-
 ternitas.

a Apoc. c.
21. v. 8.

QVINTVM.

IGNIS, nullo sæcolorũ tractu ex-
 ringuendus. nimis quàm clara sunt
 quæ prophetæ, quæ magister pro-
 phetarum Christus, de hoc igne præ-
 dixit. Discedite à me maledicti in
 ignem æternum. *b* Paleas combu-
 ret igni inextinguibili. *c* Bonum est
 tibi claudum introire in vitam æter-
 nam, quàm duos pedes habentem
 mitti

b Matth.
c. 25 v. 41
c Matth.
c. 3. v. 12.

mitti in gehennam ignis inextinguibilis. *a* Omnis arbor non faciens fructū bonum, excidetur & in ignem mittetur; *b* ignem illū inextinctum, qui omnes tangendi sensus nimium quantum cruciabit. Non tantum mala est arbor, quæ verminosa fert poma, sed etiam quæ nulla. Sæpe culpandi sumus, non quod grande malum patremus, sed quod nihil boni, & plerunque citius ad ignem trahitur arbor, quæ nulla, quàm quæ calculosa fert pira, vti non tantum ille seruus vapulat qui nocuit, sed etiam qui otiano non profuit: non tantum pungentes spinæ, sed & virēs lolium & Zizania colliguntur, & aligantur in fasciculos ad comburendum. *c* Sic erit in consummatione sæculi: exhibunt angeli, & separabunt malos de medio iustorum, & mittent eos in caminum ignis: Ignis, eheu, ignis, & quidem ignis æterni. Humana crudelitas in pœnas ingeniosa, exquisitissima inuenit supplicia, nullum tamen acutius, nullum vehementius est igne: Sed vti nullum est quod acrius torqueat, sic nullum est

*a Matth.**c. 13. v. 42.**b Marci.**c. 9. v. 45.**c Matth. 25.**13. v. 30.**49.*

quodd citius torquere desinat, & consumat. Quis ergo ignis ille, qui & acutissimè cruciat, & cruciare nunquam desinet? Sanè si hæc credantur, & cogitentur attentius, nemo peccati letalis sibi conscius à gemitu & lacrimis temperabit, nemo procraftinabit pœnitentiam. Aedesime, nihil agimus, nisi flammam illam immortales, quantum fas, velut libemus atque tangamus, & oculis, & manibus. O quisquis es, cum te vit libido, admoue, oro, extremum digitum gracili cereo, nec eum prius flammulæ illi subtrahe, quàm orationem dominicam semel duntaxat pronuntiâris. quid cunctaris id experiri? ecquid iniectum digitum subito retrahis? vix duas voculas pronuntiâsti, & mox intolerabilem ais esse cruciatum. Perdura, & redde digitum igni. At negas id posse fieri, ob nimium dolorem. Ah, mi Deus, ah, ah! per centesimam aut millesimam horulæ partem, digiti extremum igniculo admouere, incredibilem, nimium, intolerabilem dolorem dicimus; & quis erit ille dolor, cum

totu
fec
mis
tan
nor
nun
pia
eria
tan
mil
an
om
mi
qu
ma
ner
ian
cer
lex
ver
ciu
cor
bis
co
me
cer
ha
ta

totum corpus non pictis his ignibus
 sed in tremendis illis gehennæ flam-
 mis ardebit, non horæ partem, non
 tantum horam, non diem tantum;
 non tantum mensem vnum aut an-
 num; nec sæculum tantum aut olym-
 piadem, aut per decem millia, aut
 etiam per centum millia annorum
 tantum: sed nec per centum millia
 millionum annorum tantum, sed per
 annos innumerabiles, infinitos, in
 omne æuum, in æternum. Ah! ô
 mi Deus, & ô mi Ædesime, quis-
 quis hoc seridè vel semel per hebdo-
 madem cogitat, aut viuet vt homi-
 nem rationis compotem decet, aut
 iam in merum saxum dirigit, aut
 certè degenerauit in pecudem. Si-
 lex est, quem tremendum hoc, &
 verè infandum inferorum suppli-
 cium non percellit cogitatum. Sed
 communis insania & sensum no-
 bis eripit, & quidquid est sanæ
 cogitationis. & his sæpe non plus
 mouemur quàm si pictas fabulas
 cerneremus. Communis, inquam,
 hæc hominum insania est, qui bea-
 tam vitam cum petunt, fugiunt;

æternam mortem quam videntur fugere, non perhorrescunt, & fugiendi laborem recusant.

Oignes ! ô gehennæ flammæ ! ô inferorum incendia , nullis sæculis extinguenta ! vnus membri, vnus solùm acutior dolor , seu ille stomachi sit, seu capitis, pedis, pectoris, seu dentis, oculi, quàm inquietas noctes, quàm dies efficit acerbos ? Verùm , sit æger qui varijs doloribus, membris omnibus torqueatur ; suus sit omnibus corporis articulis cruciatus ; sit homo vndequaque miserrimus & plenissimus dolorum, & qui vel silicem ad miserationis sensum emolliat. hic tamen aded diues tormentorum , nondum scit, quàm infandi sit dõloris gehennæ flamma, ad quam noster ignis, pictus videri possit ; præ quâ nostri dolores ludicrum quid, & leues morsuunculæ dicantur. Minimum apud inferos tormentum, maius est quàm sit maximum in orbe nostro. Magnos cruciatus habent morbi, sed hos tolerabiles interualla faciunt, quæ illic nulla. Summi dõloris in-

tenfi
tunc
nim
vald
ros.
lore
face
bilis
nun
eoru

L
bilis
affir
sign
rum
non
pau
ster
mis
non
rum
affic
tiffi
omn
accu
iden
diti

tenfio, cito hîc inuenit finem, & tunc definimus dolorem sentire, fi nimium sentiamus: Nemo potest valdè dolere, & diu, nisi apud inferos. sic enim natura disposuit, vt dolorem aut tolerabilem, aut breuem faceret. *a* In gehennâ, & intolerabilis est dolor, simul & longissimus, nunquam desiturus, æternus. Ignis eorum non extinguetur. *b*

S E X T I M.

LANIENA CONSCIENTIÆ misera- bilis. Vermis eorum non morietur, affirmat Isaias. *c* ijsdem verbis con- signat hoc Christus: Vbi vermis eo- rum non moritur, & ignis eorum non extinguitur. *d* & hoc ipsum pauculis interiectis (vt id stupor nos- ter capiat) tertium repetit: Vbi ver- mis eorum non moritur, & ignis non extinguitur. Rea hæc damnato- rum conscientia, velut rabidus canis assiduo larratu & morsu, in despera- tissimam rabiem aget miseros. Indè omnes illi, sceleratæ stultitiæ seipfos accusabunt; sua cuique conscientia identidem hoc exprobrabit: En, perdi- tissime, inter iocos & lusus perdi-

a Sene. ep.
78.

b Is. c. 66.
¶ vlt. v.
24.

c Is. c. 66.
vers. 24.

d Marci. c.
9. v. 44.
¶ 45. ¶
49.

disti regnum : potuisses esse felix æternum, modò voluisses : breuiæ leui labore beatam immortalitatem tibi parâsses, sed noluisti. En, stultissime, pro carnis voluptatulâ & spurcâ & momentaneâ, immensas vendidisti voluptates. Nimirum tua tibi caro quàm cælum, charior erat. Sentis iam, quas delicias sectatus fueris? prædixi, monui, vellicaui; nihil profeci, nunc res & spes abs te segregant, sed tuâ solius culpâ. En, impurissime, vt oblectationunculas sordidissimas aliquamdiu retineres, perdidisti omnia. Procul nunc à te honores, thesauri, voluptates beatorum, ad quos omnis tibi via intercepta est. A cæli delicijs vndique exclusissimus es, quia esse voluisti. hæc tibi tormenta libidines tuæ parârunt, in hos ignes tua te præcipitavit incontinentia : tuam illam hilarem sed breuem insaniam, nunc luis æterno luctu : Desperatè ploras paradisi gaudijs te priuatum? tu te priuâsti. Acerbissimè doles, perenne, cæleste neglectum epulum? tu neglexisti. Obseratam tibi cæli ia-

nuam lamentaris ? tu eam ipse tibi
 obserâsti. ex toto beatissimus iam es-
 ses, modò esse voluisses. facili operâ
 cælum emereri licuit: sed differendo
 & negligendo, huc sponte irruisti,
 cæcus & amens, hinc nunquam exi-
 turus. nulla hîc libertas, nulla salus:
 despera centies, millies, æternùm
 desperaturus, æternùm moriturus,
 & ad mortem nullis sæculis peruen-
 turus. Tu vnus & solus omnium quæ
 pateris tormentorum causa es. dam-
 natus es quia damnari voluisti: à vul-
 tu Dei proiectus es, quia te ipsum ab
 illo auertisti. non alienâ, sed tuâ cul-
 pâ peris, æternùm periturus. Hæ
 conciones erunt conscientie, sed seræ
 nimis & acerbæ. dum viuimus, obla-
 trantis conscientie morsus arte variâ
 eludimus aut delinimus nunc legen-
 do, nunc colloquendo, nunc dormiêdo;
 modò laborando, modò hilariùs co-
 messando. sed apud inferos nõ som-
 nus, non quies, nulla lectio, nullæ co-
 messationes, nulla cõsolatio; dies no-
 ctêsq; conscientie vermis laniatũ vn-
 diq; pectus corrodet. In seipsos fu-
 ræter exardescunt dånati & tabescer:

assiduo sibi in ipsis lugubrem hanc
 cantilenam occinent. O tempus, &
 o dies aureos, quod euanuistis, non
 redituri aeternum? O caecos nos, &
 excordes, obstructis oculis & auri-
 bus, libidine furebamus, & mutuis
 nos exemplis trahebamus ad interi-
 tum. Huc properauimus infelicissi-
 mi, & spreto monitis cucurrimus
 ad mortem, heu mortem, heu mor-
 tem aeternam. Quid nunc inuadit om-
 nia quae fallacissimus mundus offere-
 bat? oblationum priorum non si-
 ne dolore recordamur; voluptas om-
 nis auolauit, & euanuit. & quatenus
 ea frui licuisset, aliquot annorum cen-
 turis, quid fuissent uniuersa illa cum
 his tormentis comparata? umbram
 solum caprauimus amarae volupta-
 tis. Quis nos tam crudeliter fascina-
 uit, ut huc certatim rueremus? O si
 annis singulis vel semel aeternitatem
 serio perpendissemus! O vel diecu-
 lam, o vel horulam unquam impe-
 trare liceat! Sed frustra sunt haec vo-
 ta; actum est, spes omnis praecisa
 est. Maledictus ergo dies quo nati,
 maledictus Deus a quo conditi &c.

Hic substringo calamum, & infandas blasphemias remitto sub Orcum, hoc vnum repeto: Vermis eorum non morietur, & ignis eorum non extinguetur. Mature sapiat & caueat, quisquis hæc supplicia formidat.

SEPTIMUM.

LOCVS, & SOCIETAS detestabilis. Locus ille à sedibus beatorum nimium quantum remotus est. Clamat ex alto Abrahamus: Inter nos & vos, Chaos magnum firmatum est, vt hi qui volunt hinc transire ad vos, non possint, neque inde huc transire. *a* Et tamen Abraham in cælo nondum degebat.

*a Luc. 16.
v. 26.*

Conclauia aut cubicula, sed nec ergastula, qualia nostra, Orcus habet. sepulchrâ eorum, domus illorum in æternum. *b* nec aliter illic habitant vel opulentissimi. Mortuus est autem & diues, & sepultus est in inferno. *c* O sepulchrum nimis profundum! hoc illius nunc ædes, & arces, & arcus triumphales, hoc balnea, hoc theatra & palatia. hic tamen habitant non soluti & liberi.

*b Psa. 48.
v. 10.*

*c Luc. c. 16
v. 22.*

sed vincti & ligati. Christus imperās.
Ligatis, inquit, manibus & pedibus
eius, mittite eū in tenebras exterior-

a Matth. res. *a* non ambulare, sed nec mouere
c. 22. v. 13. se poterunt damnati quò volent; ma-
nus pedesque vincti, & velut infixi
veru ardebunt miserandum ignis pa-
bulum. Quantum tormentum est æ-
groto, febri æstuate & loco se moue-
re non posse: quod supplicium illud
brefert. S. fuit marci Arethusij *b* sanctissimi mar-
Gre. Naz. tyris, qui arctissime colligatus & per-
orat. 1. in unctus melle, ad ardentissimum so-
Julian. lem expositus est nudus. muscarum,
culicum, vesparum moribus sic pun-
gendus, vt diu sentiret se mori. Sed,
o Christiani, picti sunt hi cruciatus
ad illos inferorum. Sua fuit & huic
tormento iucunditas: solabatur mar-
tyrem & breuitas temporis quo hæc
passurus, & perennitas gaudij quod
in calo consecuturus. sciebat vit-
que, id quod in præsentī est tribula-
tionis nostræ, & leue, & momenta-
neum esse. ita durabat athleta Do-
mini, & quò plus doloris sentiebat,
hoc maius præmium sperabat. At
æcero damnati nil penitus leuaminis

habent, nec à præfenti tempore, nec à futuro loco. vbi torqueri cœperūt, illic femper torquebuntur; ab æuo in æuum fic erit. Accedit confortium execrabile: Apud fuperos, felicitatis pars magna eft, inter Angelos degere: apud inferos, pars magna infelicitatis, inter diabolos ardere. Hæc diuinæ iuftitiæ lex eft, vt tortores illos & hoftes fentiant improbi, quos fuafores & amicos antè fuerāt fecuti.

OCTAVVM.

DESPERATIO extrema bonorum omnium. Beatitudo, compendium eft omnium gaudiorum, fic Orcus fuppliciorum & dolorum omnium fummarium eft, & epitome: quidquid vfpiam acerbum, illætabile, luctuosum eft, apud inferos inuenitur: quidquid vfpiam eft amœnitatis, gaudij, voluptatis, apud fuperos inter offertiffimas delicias reperitur. In orbe noftro nullum tam grande malum eft, cui non aliquid poffit eſſe leniminis: nunc ratio, nunc tempus, nunc menfa & fomnus, nunc amici, nunc alij fimilia experti, nunc denique ſpes finis, refrigerationis

quiddam affundit afflicto. In Tartaro portæ solatijs omnes sunt occlusæ, omnes vel minimis leuamentis aditus sunt intercepti. opem illi neque è cælo, neque è terrâ; non à rebus præsentibus, non à futuris vllam expectent: quocunque oculos vertunt, acerbissimæ mortis spicula in se torqueri cernunt: vndique luctus & angustix, mæror vndique & dolor, vndique innumeri cruciatus. Verè, *circumdederunt* eos dolores mortis. *a* verè, tribulationem & dolorem inuenerunt, & quidem tam varium ac multiplicem, vt suum cuique flagitio responsurum sit supplicium.

a Psa. II. 4.
vers. 3.

Nemo sibi suæque carni plus æquo indulgeat. hæc ipsa caro prout deliquerit sic punietur. Hæc caro, corpus istud, si ampliora sibi atria quam Deo templa struxerit; si laquearium, columnarum, specularium magnificentiam, si hortorum ac nemorum amœnitatem nimio studio quæserit, in terram relegabitur tenebricosam, & opertam mortis caligine. Huic carni, si balneis calidis ad

volu
ris
riat
fun
igni
cut
Har
lien
rit,
& v
fi o
hof
ue
vig
ter
reis
bid
me
cor
mo
rug
tat
fic
riff
Ha
tur
qu
me

voluptatem, vel cum vitæ aut pudoris periculo, frigido gurgite ad lasciviam abusa, preparata est Tophet profunda & dilatata, cuius nutrimenta ignis & ligna multa, flatus domini sicut torrens sulphuris, succedens eam. a 2 Ps. c. 30.
 Hanc carnem si comendo & potendo se, pretiosum manè imminerit, si veste variâ superbierit, putredo & vermes hæreditabûr. b Eccl. c. 19. v. 3.
 si otio inerti, si somno disciplinarum hosti sic indulserit, vt pulchrû & suave duxerit in medios dormire dies, vigilijs tunc perpetuis, insomniâ æternâ cruciabitur. Hæc caro, si choreis ac saltationibus impudicis & libidinosi se oblectârit, omnium tunc membrorum contorsione, tractione, conuulsione, non ad suaves fidium modulos, sed ad terrificos dæmonum rugitus affligetur. Hæc caro, si ebrietati & temulentia se mancipârit, si sic vixerit vt ederet & biberet, dirissimâ fame sibi que torquebitur. Hæc caro, quæ ocellos emissitios, turpitudinis & nequitia præcones, quaquâ lubebat, euolare permiserit, nullam tunc formæ aut pulchri-

rudinis florem delibabit, sed terribilem Behemoth, formidandum Leviathan, fœdam & truculentam draconis effigiem inuitis oculis spectabit. Hæc caro, quæ florum delicias, & odorum illecebras naribus venabatur, cadauerum putore, sulphurisque graueolentia saturabitur: Hæc caro, quæ aures salubribus monitis, & sacris concionibus oclusas, scurrilibus verò fabellis, carminibus obscœnis, cantionibus impuris, lasciuis colloquijs apertas habuit, lætæ epithalamium in flebilem Iesum, iucundum Io & Euge, in Væ & Eheu perpetuum commutabit. Hæc caro, quæ tactum varijs libidinum formis collutulauit, fœdissimorum monstrorum amplexibus objicietur, liquatâ pice velut vnguento perfundenda. Hæc ipsa caro, & non alia vicaria, pro singulis quas contraxerit, noxis, cruciatus perferet inenarrabiles, innumerabiles, eheu æternos. Per quæ quis peccat, per hæc & punietur. *a* & ; pro mensurâ peccati, erit & plagarum modus. *b*

a Sap. c. 11.

ue f. 17.

b Deut. c.

35, v. 2.

CAP. XI.
NONVM.

325

ÆTERNITAS, nullius intelligentiâ
comprehensibilis. Hæc vna vel ex
leuissimo tædiolo, intolerabile de-
mum, & infandum facit tormentum.
Æternitatis consideratio, tam serius
labor est, vt in carminis leges æquè
transiturus videatur. Obseruat ta-
men prudenter Seneca, & : Quem-
admodum, inquit, spiritus noster
clariorem sonum reddit, cum illum
tuba per longi canalis angustias tra-
ctum, patientiore nouissimè exitu ef-
fundit : sic sensus nostros clariores
carminis arcta necessitas efficit. Ead-
em negligentius audiuntur, minuf-
que percutiunt, quamdiu solutâ ora-
tione dicuntur : vbi accessere nume-
ri, & egregium sensum adstrinxere
certi pedes, eadem illa sententia ve-
lut lacerte excussa torqueretur. *a* Sic ^{a Sen. epist.}
^{108.}
proprus credo fieri, & idcirco, quò
tenaciùs animo hareret Æternitatis
immensitas impenetrabilis, eam nu-
perrimè versiculis, quâ licuit, in-
clusi. Et ne amicus esse desinam, e-
triam Adesimum meum ad huius
carminis auditionem audeo inuitare.

An aures vacant? *Ædes.* Ambæ,
quàm maximè. Lege, obsecro, lege,
lege. Nunquam ista satis nec dicun-
tur, nec scribuntur, nec leguntur,
nec cantantur. *Parthen.* lego: sed tu
verbis & metro ne nimium inhære;
rem & sensum expende.

LACRYMÆ
ÆTERNITATI
SACRÆ.

1. **E**heu; quid hoc? cor aestuat,
Elinguat ora terror,
Concussa mens percellitur,
Horrorque quassat artus.
2. Fons emicat per lumina,
Genæ natant in undis,
Has lacrymas, hæc flumina
Vox una concitavit.
3. Tremenda vox, horrenda vox
Ingens malum minatur,
Quod nulla lux, quod nulla nox
Quod astra nulla claudent.
4. Vox una, sed vox ferrea,
Immitiorque ferro,
Grassatur hausta pectore
Per ossa, per medullas,

5. ÆTEI-

5. ÆTERNITAS, est illa vox,
 Vox illa fulminatrix,
 Tonitruis minacior,
 Fragoribusque cali.
6. ÆTERNITAS, est illa vox
 Metâ carens & ortu,
 Mortalium qua pectora
 Ad æterna ducit.
7. Hæc vox totondit Cæsares,
 Et induit cucullis;
 Hæc antra cæca rupium
 Implevit inquilinis.
8. Hæc mille Lauras condidit,
 Sepsit que mille Mandras;
 Strinxitque setis corpora,
 Et vestijt camelis.
9. ÆTERNITAS, ÆTERNITAS
 Me lancinat, necâtque.
 ÆTERNITAS, ÆTERNITAS
 Me torquet atque mactat.
10. O tempus absque tempore,
 O finis absque fine!
 Perennis heu ÆTERNITAS,
 ÆTERNITAS perennis!
11. Descende sis ad Tartara
 Non ut coquare flammis,
 Sed mente flammæ pensita,
 Vt exneas ab illis.

12. *Voluam rotas Ixionis,
 Etnâsq; sustinebo,
 Pascâmq; fibrâ vultures,
 Omnes subibo pœnas :*
13. *Araneos & viperas
 Pleno ore deuorabo,
 Et Scorpios & excetras,
 Et noxias rubetas.*
14. *Misce cicutam toxico,
 Picemque mi propina,
 Metalla da liquentia,
 Aurumque Crasianum :*
15. *Succos draconis hauriam
 Caldas bibam fauillas,
 Venena nulla respuam,
 Pestem, stygemque nullam.*
16. *Quin tostus in sartagine
 Frigar, verumque figar,
 Rogoque vinus concremer
 Vel torrear caminis :*
17. *Tauros, abena, sulphura,
 Famem, sitim, gelumque
 Tunicas molestas induam
 Vncosque culeosque ;*
18. *Et seculis hæc perferam
 Mille, alterisque mille,
 Dum spes sequatur termini,
 Finisque seculorum.*

19. Tormenta nulla territant,
Quæ finiuntur annis,
 ÆTERNITAS, ÆTERNITAS
Versat, coquitque pectus:
20. Hæc inferos, hæc Tartara
Facit, crucé'sque tendit,
Augétque pœnas in dies,
Centuplicâtque flammâs.
21. Eben quid est ÆTERNITAS
 ÆTERNITAS perennis?
Non hora, mensis, sæculum,
Centúmve vel trecenta.
22. Nec mille sunt, aut millies
Millena sæcla Phœbi:
Cùm claudit orbem temporum
Orditur orbis orbem:
23. Sic itur in perennia,
Cursu perennitatis,
 Æternitatis sæcla:
Sic itur, hæud reditur.
24. Nam finis est exordium,
Exordiúmque finis:
 O vita morte tristior,
O mors, sed absque morte!
25. I mæche nunc ad inferos,
Sed inde non redibis;
 I venter, I lauernio,
Perennè sic peribis.

26. *Descensus est pronissimus,
Ascensus inde nullus,
Quos rictus hausit Tartari
In Tartaro manebunt.*
27. *Relatus inter calites
Hos inter vsque plaudet ;
Rescriptus inter inferos,
Hos inter einlabit.*
28. *Nec finis ullus gaudia,
Palmásq;ue terminabit ;
Nec finis ullus lacrymas
Absterget aut lenabit.*
29. *Sed illud Orci pabulum
Ardebit heu perennè,
Perennè cum tortoribus
Et flebit & dolebit.*
30. *Vinant beati calites,
Vinant , canant , triumphant,
Plorent stygis catharmata
In ÆVITERNITATEM.*
31. *Ad astra , ad astra tendite,
Non semper hæc patebunt :
Nunc sunt adhuc induciae,
In morte finiende.*
32. *Foràs Canes , cum Cerbero
Cœnate , vel latrate.
Ad Castitatis regiam
Soli vocantur Agni.*

33. *Vuttur foràs , Promethei
Prandebis in macello ;
Paratur istud candidis
Convivium columbis.*
34. *Sed dum beatos hospites
ÆTERNITAS saginat,
Exclusa turba prandio
Quid rodet in canino ?*
35. *Micam fami , guttam siti,
Sed unicam rogabit ;
Celum tamen gulonibus
Hanc sportulam negabit.*
36. *ÆTERNITAS pereunium
Pincerna lacrymarum,
Has præter undas flentibus
Nec guttulam propinat.*
37. *Hoc , hoc bibent , quod fleuerint ;
O aridi bibones !
Nam quot propinquum lacrymæ
Siccantur ad caminum ?*
38. *Sed lacrymarum fontibus
Succedet urna fellis ,
Heu urna nunquam ad ultimum
Exhaurienda fundum !*
39. *Fellis bibent plus quàm volent ,
Urget Modimper ator,
Et ingerit vomentibus ;
Ab , suavius sitirent !*

40. *Hæc sola Bacchanalia*

Sunt longiora voto ;

Bibes : abire non licet ;

Cur symbolam dedisti ?

41. *Conniuialem tesseram*

Nunquam remittet hæpæs,

Hic nemo canpones stygis

Fœdis fragos vocabit.

42. *Nec prima mensa tollitur,*

Nec ponitur secunda :

Pridem satur , nondum tamen

Promulsidem ebibisti.

43. *Æterna Liberalia*

Dat Liberalis Orcus ;

Malè malè Liberalibus !

Mala Liberalitati !

44. *Procrastinator improbam*

Cane corne cantilenam ;

ÆTERNITATIS ultimum

Cras corne non videbis.

Ah ! *Æternitas !* & quis te non dicam , capit , sed laborat capere ? Ille immortalis memoriâ dignissimus Godefridus Bambergësis & VVürzburgensis Præful , quem supra diximus , ille vnus ex millibus , & panè solus cepisse videtur , quid sit *Æternum* , nam *Æternitatis* assiduè me-

mor, dicere solebat : Omni momento sto ad ostium *Æternitatis*. In eum finem pietas, sculptras, cerâ fictas, tumulis etiam effossas cadauerum caluas habuit, per omnia conclauia quæ habitabat, sic dispositas, vt certissimæ mortis, & secururæ post hanc *Æternitatis* nunquam liceret obliuisci.

Legistîne libellum de *Æternitate*? tremendum est, quod ille asserit, & tamen verissimum est, nec negari potest. Si rectè memini, hæc habet ad verbum : a Cogita mille cubos mille millionum annorum, hoc est, millies, millies, millies, millies, millies, millies, millies, millies millena millia annorum. tam horribile hoc cogitatu est quàm facilè pronuntiatu : Cogita ergo tot annos in igne transigédos; simul tamen etiam cogita, hoc omne temporis spatium, etli duplicatum, triplicatum, etli centuplicatum, nec principium quidem esse *Æternitatis*: post tot annorum reuolutum tempus, necdum incepisse dici poterit *Æternitatis*. *Ædesime*, nisi hæc cogitatio sanctiores

a *Consid.* 4

§. 2.

nos reddat, pecudes, saxa, merus cha-
 lybs sumus : nil eum mouet, quem
 non mouerit æternitas, immensa illa,
 interminata, sine fine, perpetua sem-
 per duratura, nullis nec innumeris
 desitura sæculis. Quamdiu uiuet
 Deus, tamdiu morientur dånati. Sed
 ô mortem immortalem, ô vitam
 mortiferam ! nescio quo te nomine
 appellem, vitæ an mortis ? si Vita es,
 cur crudeliùs morte afficis ? si Mors,
 cur crudelitatem tuam non finis ?
 Neutro te dignabor nomine. et Vita
 & Mors boni quippiam habent : in
 vitâ requies, in morte terminus est ;
 solatio sunt hæc duo in malis omni-
 bus. Tu verò nec requiem habes, nec
 habes finem. quid igitur es ? & vitæ
 malum es, & malum es mortis : à
 morte cruciatus habes sine fine, à
 vitâ immortalitatem sumis sine re-
 quie. O Æternitas damnatorum, ô
 mare amaritudinum !

Nec tamen Deus vllius crudelita-
 tis est arguendus, quòd peccato le-
 tali vel vnico, supplicium decreuerit
 æternum. Deus, quia mitissimus, mi-
 serorum cruciatu non pascitur, quia
 tamen

tamen & iustissimus est, impiorum suppliciiis non placatur. factus est malo dignus æterno, qui in se bonū peremit æternum. Pœnas dabunt in interitu æternas à facie Domini, & à gloriâ virtutis eius. *a Iurisconsul- a 2. Theff.*
 torum scitum est: reprobata pecu- *c. I. v. 9.*
 nia non liberat soluentem. Pœnitentia, pecunia est soluendis debitis apta: tamdiu durat pretium huius monetae, quamdiu mercatus vitæ; hoc finito, pœnitentia omnis, reiecta, adulterina est pecunia. apud inferos est quidem pœnitentia, sed neutiquâ vera, quia fera nimis, & plena blasphemæ & furoris. Nec mirū damnatos semper torqueri: continuè blasphemât, & sic quasi semper peccant, semper ergo plectuntur: dum viuerent corrigi noluerunt, semper peccaturi, si semper victuri, ergo iam semper puniendî, æternum cruciandi. voluissent vtique sine fine viuere, vt possent sine fine peccare. Ad iudicantis ergo iustitiam spectat, vt nunquam careant supplicio, qui, dum viuerent, nunquam volebant carere peccatō. Quid viui dixerint,

scimus: Venite, fruamur bonis; venite frangamus diem poculis; venite, choreæ nos vocant, inuitant hereti ludendi est occasio, venite. Hæc viui loquebantur. Quid verò iam dicunt ad inferos deiecti? aliæ illorum sunt voces: O *Æternitas*, inter intolerabilia omnia, intolerabilissimū! O *Æternitas* cœlestis, breui tempore, leui labore redimenda! O *Æternitas* tartarea, solâ sordidiâ, & spurcâ voluptate quæsita! O *Æternitas* luctuosissima & longè acerbissima, quàm facilè reuitassemus, si te sapius cogitassemus! O *Æternitas* modò post nongenta millena millia annorum, vel dimidiū tui liceret cernere! O *Æternitas* in desperatione assiduâ desperatissima! O *Æternitas*, *Æternitas*, ô omniū tormentorū multò atrocissimū tormētū, *Æternitas*!

Quis, ô *Ædesime*, *Æternitatē* hanc capere, quis eam satis obstupescere, ecquis de eâ dignè differere possit? nulla hîc suspiria, nulli gemitus, nullæ sufficiunt lacrimæ; verba omnia, quin & ipsæ hîc deficiunt altissima cogitationes.

CAP. XI. 337

*A*ternum, ô mi Deus, æternum
in flammis vivere? tua conspectu
æternum privari, infandis doloribus
excruari æternum, ah æternum?
Heu insaniam extremam hominum!
quàm volucris decipimur bono, ô quàm
dolofo ludibundi poculo sensim ve-
nenum combibimus! ita velut ebrj,
voluptatum avidi, beatitatis imme-
mores, *A*ternitatis obliti, velut per
iocum mergimus nosmet in omniũ
ærumnarum barathrum, in immen-
sissimum *A*ternitatis Oceanum.

In vanissimam gloriam, in aurũ, in
Venerem æstuum miser, & illos
ignes, illos *A*ternitatis rogos, heu
non cogitamus: Nullus est, heu nul-
lus est, qui recogitet corde. *a* *A*ede-
sime, si quid adhuc hominis retine-
mus, hoc vnicum assiduè cogitemus, *a* *Hier. c.*
*AE*TERNVM. *12. v. 11.*

CAP. XII.

DICTORVM

De Triumphandâ Incontinentiâ
Epilogus.

HOrribile dictu est, quod sãctiss.
m^o Rhemẽsis præsul Remigius,

de Incontinentiâ & Libidine pronū-
ciavit: Dempstis paruulis, inquit, ex
adultis propter carnis vitium, pauci
saluantur. Considera iam mihi orbis
statum, & miraberis, totum panē
mundum hoc Auernali igne ardere.
Vix est vllum vitium quod pluris ste-
tit humano generi, quàm hoc libidi-
nis & Incontinentiæ. Hydra est, aut
draco, non trium, nec septem tantū,
sed nouem capitum; ad singula tibi
digitum iam intendo.

I. C.

Libido & Incontinentia, vitium
est **INSATIABILE**. Catenam sty-
giam rectē appelles, anulus ex anulo
pendet; turpitudinis & cupiditatum
hīc series est, altera ex fine alterius
nascitur. si semel huius vitij iugum
receperis, dura patiere imperia, qui-
bus nec vlla seruitute facias satis. nū-
quam expletur voluptas; plurimum
licet ingeras, semper plus appetet:
Ætnam montem æmulatur, perpe-
tuus ardet ignibus, nec tamen decre-
scit. Obsequeris voluptati hodie?
maiora cras imperabit; negas? vim
faciet: cælum proponis? distrahet:

gehennam monstras? aliò auerter.
 Idèd Princeps Apostolorum: Char-
 rissimi, ait, obsecro vos, tanquam ad-
 uenas & peregrinos, abstinere vos à
 carnalibus desideriis quæ militât ad-
 uersus animam. *a. Militant*, inquit,
 neque enim breui res hæc velitatio-
 ne conficitur, sed vbi vel semel huic
 hosti parueris, tam diuturno quàm
 miserabili bello intricaberis. Canis
 cùm in heri manu os videt, adulatur,
 lambit, blanditur caudâ, dum osse
 potiatur, vbi hoc obtinuit, in nunc,
 eripe, & minaces dentes videbis,
 non mulcentem caudam. Ita dia-
 bolus, Cerberus ille trifaux, callidis-
 simus, quantis blanditiis castima-
 niam sollicitat: vbi hanc nobis extor-
 serit, heu quàm difficile fuit multis,
 denud eâ potiri! Ergo canem hunc
 bene noueris, quò blandior hoc
 nequior, tunc maximè mulcet cùm
 turpissimè deceprurus venit. Et hîc
 quoque facilius sæpe fuit non labi,
 quàm surgere. Tenacissimum est hoc
 vitium, vbi semel inhæserit, ægerri-
 mè reucllitur.

21. Pet. 2.
 v. 21.

Ergo principiis obsta, & primos

340 LIBER SECVNDVS.
aditus libidini omni constanter ne-
ga. Quòd si collum ei submittas, tuâ
tibi libertatem tollet, rationem adi-
met, & vt verbo dicam, rapiet tibi,
quidquid in te hominis est; omni
verecundo sensu exuet te, & induet
bestia. Hem, quis hostis in quem-
quam tam contumeliosus fuit, quàm
in quosdam voluptates suæ sunt,
obscœnæ illæ & vetitæ? quibusta-
men miseri sic se mergunt, vt iis
in consuetudinem adductis carere
vix posse videantur: & ob hoc mi-
ferrimi sunt, quòd eò peruenerunt,
vt illa quæ supernacua fuerant, fa-
cta sint pænè necessaria. Seruiunt
itaquè putidæ carni. & mala sua,
quod malorum est vltimum. amant.
Tunc autè consummata est improbi-
tas, vbi turpia non solum delectant,
sed etiam placent; & desinit esse re-
medio locus, vbi quæ fuerant vitia,
mores fiunt. *a* Fuge, ah fuge, fuge,
quicquid aduersatur pudicitia.

*a Senec.
epist 39.
fine.*

II. C.

Vitium carnis ferme IMMEDI-
BILE est. Noëmiæuo, totus orbis in
omne vetitum, maximè tamen in li-

bidinem ruebat. hinc illæ Dei querelæ: Non permanebit spiritus meus in homine in æternum, *quia caro est.*

a Vniuersi homines (Noëmo excepto) tantum carnem sapiebant, toti caro. Auerfabatur Deus hanc illorū obscœnitatem, & profusam intemperantiam. vindictam tamen quingentis annis distulit; intereà temporis per Noëmum variè monuit, fabricandam Arcam dictauit, omnes extremæ malitiæ damnatis, omnium interitum prædixit: crebrius minatus est, vniuersum humanum genus, nisi resipiscerent, vndis extinguendum. Nemo resipuit, nec vnicus quidem, ita omnes vitiorum dulcedini succubuerunt, vt quidquid diceret aut moneret Noë, omnia illi cachinnis & sibilis digererent. neminem suæ turpitudinis pœnituit, nemo doluit peccasse. Tandem Deus, vt decreuerat, signo dato imbres emisit, qui quadraginta continuis diebus & noctibus ruerent, dum terra omnis in faciem pelagi mutaretur. atque ita genus illud vniuersum libidini deditū aboleuit, vt aliud nouam

& à vitiiis purum instauraret. Hæc libidinis natura est, remedia spernere, monita contemptim proculcare: hinc eam Clemens Alexandrinus, a congruente titulo vocat *morbum immedicabilem*. Christus beati Marci ore: *b* Deceptio, inquit, diuitiarum, & circa reliqua concupiscentiæ introëntes, suffocant verbum, & sine fructu efficitur. Cum siluam ignis corripit, nil opus est igni pabulum suggerere, quo seipse pascat, abundè inuenit. Et nos siluæ instar sumus miseri, quos si libidinis ignis carpere incipiat, noua identidè in nobis fomenta reperit, quibus in nos magis ac magis inualefcatur.

Nullū profectò vitiū tā pertinaciter & obstinatè diuino spiritui resistit. Siracides testatur luculète: Verbum sapiens audiuit luxuriosus, & displicebit illi, & proiciet illud post tergum suū. *c* Huic accedēs Oseas, Non dabūt, inquit, cogitationes suas ut reuertantur ad Deū suū, quia spiritus fornicationū in medio eorū, & Deū non cognouerūt. *d* Ided auersare, fuge, execrare, quidquid Venerem olet

a Lib. 2.
padag.

b Marc. c.
4. v. 19.

c Eccle. c.
27. v. 18.

d Of. c. 5.
v. 4.

aut libidinem : suspecta tibi sit omnis Incontinentia. Hæc est voluntas Dei sanctificatio vestra. *a*

III. C.

27. *Theff.*

4. v. 3.

Vitiū carnis, vitiū est COMMUNIS-
SIMVM. non errâto, si orbem pænè
totū dixerō, hoc igne pestilentissimo
ardere. nō palatia duntaxat regūque
turres luxuria subit, sed & tuguria
pauperūque tabernas ingreditur,
non in plumis tantū, sed & in pa-
leis infestat, non ætatem solū flo-
rentiorē, sed quandoq; etiam effcētā
senectotem ad turpe probrum insti-
gat. Tantō ergo magis ab omni æ-
tate ac sexu, ab omni hominum or-
dine cauendum ac respuendū hoc vi-
tium, quantō magis apud omnem æ-
tatem, sexum, hominūq; ordinem
sefe insinuat. Sensus & cogitatio
humani cordis, in malum prona
sunt ab adolescentiā suā. *b* Nunquam
aut senio libido moritur, nunquam
crimen hoc temporibus obruitur,
nunquam scelus istud obliuione se-
pelitur. Hoc vitium sine modo, sine
fine persequendum est, nam illi quo-
que nec finis est, nec modus, & eō

b Gen. c.

8. v. 21.

corruptela morum alicubi progres-
 sa est, vt detestandæ verborum ac ge-
 stuũ turpitudines, comitatis ac vrba-
 nitatis nomine insigniantur. Nimirũ
 in laudem ex crimine crescimus, eõ-
 que festiuior quis vocatur, quò iudi-
 catur turpior. Si possis, inquit Cy-
 prianus, *a* in sublimi speculâ consti-
 tutus oculos inferere secretis, reclu-
 dere cubiculorum occultas fores,
 occulta penetralia referare, con-
 scientiam hominum rimari, aspicias
 ab impudicis geri, quod nec possit
 aspicere frons pudica; videas, quod
 crimen sit & videre. & quanta vbi-
 que libidinũ probra domesticis pa-
 rietibus obsepta, quorum quò se-
 cretior culpa, hoc maior est audacia.
 Verè. Mundus totus in maligno po-
 situs est. *b* & maximè in hoc impu-
 ritatis & libidinis maligno. O fugiat
 mundũ, quisquis vult viuere mũdus:
 impuritatem omnẽ excretur, quis-
 quis affectat beatitatem. Sint lumbi
 vestri præcincti. *c*

a Lib. 2.
 epist. 2. ad
 Donat.

b 1. Ioan.
 5. v. 19.

c Luc. c.
 12. v. 35.

IV. C.

Vitium carnis, Angelis est IN-
 VISISSIMUM. O extingue Veneris

ignes, & rebellantes carnis motus
 compeſce, quiſquis Angelos amas &
 reuereris. Qui autem in carne ſunt,
 Deo placere non poſſunt. *a* Sed nec
 poſſunt placere Angelis Dei. Ange- *a Ad Rom.*
 lum & porcū in vnā aliquam ami- *c. s. v. s.*
 citiam compingere difficile eſt. At
 verò porcū induit, qui puritatem
 exoſus in libidinis cœno volutatur:
 contrahendā cum Angelis ſocietate
 ne ſperet talis. Mentēs illæ caſtiſſi-
 mæ, puriſſimique ſpiritus, quò ſibi
 ſimiliores cernunt, hoc integriùs di-
 ligunt; oderunt & auerſantur omnes
 impuros. nulla eis familiaritas, ſo-
 cietas nulla, niſi cum caſtis & puri-
 tatis amatoribus: hircos illos & por-
 cos extremè abominantur. ſi quem
 caſtitatis ſciunt ſtudioſum, hunc in
 ſuam, eamque intimam amicitiam
 cooptant & Angelum faciunt: Tales
 ſunt, ſicut Angeli Dei in cælo *b* — *b Math.*
 melius nil cælibe vita. Quàm ei fa- *c. 22. v. 30*
 cile eſt fieri Angelum. quiſquis ſe cu-
 pit præſtare caſtū. Nam, ſi Chryſo-
 ſtomo credimus: Virtutē Angelorū
 tulit è cælo Chriſtus. Et Sãctorū Pa-
 trū ſcitū eſt: Vita caſta, vita eſt Ange-
 lū

2 *Chryf.* *lörum. a nec errant: Omnis pondera-*
kö. 23. in tio non est digna continentis anima. b
ep. ad Eph. Nota, mi *Ædesime*, nota: Omnis
Ambrosi. ponderatio, omnis omnis cum casto
1 de virgi- animo in comparisonem venire
nibus. Ba- non potest. Tu iam aureos & gem-
st. de verâ meos Pompeij Magni triumphos,
virginit. tu turres Basilij Imperatoris auro
Casian. l. stipatas, tu omnes Perficas gazas &
6 inst. c. & Cræsi thesauros; aureos imò mon-
l. 12. c. 11. tes propone, nondum animæ castæ
Ber. ep. 42 pretium vel leniter expresseris. Non
b Eccle. c. est digna continentis animæ omnis
26. v. 20. ponderatio. Nos tamen, stultissimi
 mercatores. quadrâte vno aut terun-
 cio non tãvêdimus quã abiicimus ca-
 ritate, & brevi voluptatulâ delini-
 ti, perâimus pretiam incomparabi-
 le. Nemo hîc Cypriano credit, cuius
 illud præclarũ extat: Voluptatê vicif-
 se, voluptas est maxima. Verè Chri-
 stiani est, summã voluptatê in volup-
 tatũ fastidio, summã gloriam in car-
 ne inattaminatâ ponere, & Ange-
 los habere amicos; summum eius-
 dem dedecus est, ab Angelis, homi-
 num alioqui amantissimis non ama-
 ri, & hostes experiri omnes carites-

Lasciuiam ne amet qui odium me-
tuit Angelorum.

V. C.

Vitium carnis FUGACISSIMUM est,
Momentaneum est, ô miseri, mo-
mentaneum est quod delectat, sed
quod cruciat æternum. De hoc om-
nium turpitudinū fugacissimo trans-
cursu: nemo signatius atque expres-
sius mihi videtur locutus præ Ter-
tulliano, qui: Cogitabant, inquit, in-
terdum vnde cecidissent, & post libi-
dinum *vaporata momenta* cælum sus-
pirabant. *a* Quàm pulchrè putidas
carnis voluptates *momentum* appel-
lat, & *vaporatum* quod prius euanes-
cat, quàm quis illud satis aduertat.
diuinè hoc ipsum expressit in metris
suis Boëtius. *b*

Habet omnis hoc voluptas,

Stimulis agit furentes, c

Apiūmque par volantium

Vbi grava mella fudit,

Fugit, & nimis tenaci

Ferit ic̄ta sorda morsu.

Adolescentia & voluptas vana sunt,
inquit Ecclesiastes. *d* Ioannes Apo-
stolus: Mundus transit, & concupis-

*a lib. de
mulier.
hab. c. 1.
c. 2.*

*b lib. 3. de
consol.
philmetro
7.
c. Alij:
furentes.*

a 1. *Ioan.* centia eius. *a* Et Carnis & Mundi
c. 2. v. 15. gaudia, hoc sibi commune habent,
 celerimè transire, & quandoq; priùs
 finire, quàm plenè incipere; dulci vi-
 no simillima, quod in annum alterù,
 non fert ætatem, sed acelcit antequàm
 exhauriatur. Verè, & in puncto ad
b *Iob. 6. 12.* inferna descendunt. *b* Fuge ergo, fu-
v. 21. ge mi homo, fuge fugacissimas illas
 voluptates.

VI. C.

Vitium carnis DAMNOSISSIMUM
 est. Hinc sanè damna & incommoda
 nata, qualia à nullo vitio. Quantas li-
 bido gentes, quàm validas, hostibus
 tradidit? quanta patefecit propugna-
 cula? quantos ad ferrum ignémque
 impavidos fregit & edomuit? ad quæ
 non pudenda, nec antè cogitata, com-
 pulerit viros magnos, ignorare non
 potest, nisi qui Samsonem, Dauidem,
 Salomonem ignorat.

Ob hoc vitium vrbs Sichimorum
c *Gen. c.* euertitur, vrbs princeps & omnes
34. v. 25. incolæ trucidantur. *c*
d *Iudic. c.* Ob hoc vitium è Beniamitis viginti
20. v. 21. quinq; millia, ex Israëlìs quadraginta
e *25. &* millia virorum in prælio cadunt. *d*
46.

Mundi
nabent,
; prius
ulci vi-
alterū,
ntequā
cto ad
go, fu-
as illas

SIMVM
nmoda
ntas li-
ostibus
pugna-
émque
ad quæ
a, com-
re non
idem,

orum
omnes

iginti
aginta
t. d

Ob hoc vitium sapientissimus mor-
taliū, cultor fit idolorum. *a* *a 3. Reg. c.*

Ob hoc vitium potentissimus regū
Dauid innumeris plagis afficitur. *b* *11. v. 4.*
b 2 Reg. c.
12. v. 10.

Ob hoc vitium septem mariti Sa-
ræ à diabolo necantur. *c* *c Tob. c. 6.*

Ob hoc vitium improbi senes, Su-
fannæ pndicitiam subuertere aggressi
lapidantur, stato in tales supplicio. *d* *d Dan. c.*
13. v 62.

Ob hoc vitium viginti quatuor
millia fornicantis populi in Moab,
plagâ vnâ perimuntur. *e* *c Numer.*
c. 25. v 9.

Ad histo-
rianis veteres te non reuoco: quoti-
dianis exemplis sat discimus, quan-
tum libido & Incontinentia singu-
lis etiam hominibus obsit, quibus
vires, valetudinem, opes, memo-
riam, ingenium, famam, vitam ad-
mutilat: & relinquat hæc omnia, a-
nimam tamen & cælum rapit; pro
iactura horum omnium reddit infer-
num. Romæ olim Veneris & Libi-
tinæ templa meritò coniuncta sunt,
cùm à Venere ad mortē, animi præ-
fertim, via curratur proxima. Quot
iuuenes, prius Angeli, post diabolo si-
millimi, castis moribus exuris in præ-
ceps vitiorum anhelò cursu rue-

runt! Ideò Ecclesia re&tissimè, velut mater filiorum saluti metuens, assidue precatur: *A spiritu fornicationis, libera nos Domine.* Sed quæso te, *A*desime, quid iam diu files? dic etiam tu aliquid, vt duo simus. quâ lege omnes loquendi vices mihi tradis? Quid me loquente proficias, nescio: hoc scio, à te tacente me plurimum discere, cum primis insignem patientiam in me audiendo. Sed ne abutar illâ, iam iam dictioni finem impono. Et verò etiam serus vespere, velut præco, suprema dicta pronunciat: *Actum est, I licet. Ades.* Obsecro, per te liceat, etiam hoc tempus non perdere meis quæstiunculis. tu perge. *Parthen.* tria solum capita hydræ illius restant demonstranda.

VII. C.

Vitium carnis FALLACIS SIMVM est, præterquam quòd vix vlla pestis exitiabilior sit humano generi. Luxuria dulcis Siren, venenum voluptarium, letale mel, felicissimus diaboli hamus, quo totum panè orbem & inescat, & trahit, vt perimat æternum. Concupiscentia cum concepe-

rit, parit peccatum; peccatum verò
 cùm consummatum fuerit, generat
 mortem. *a* Idèd voluptas non ve- *a Iac. i. v.*
 niens sed abiens consideranda: ac- *13.*
 cessus illius blandus est, recessus a-
 marissimus; à fronte mulcet, à ter-
 go viperat, pestis tam subdola, quàm
 noxia. Id Bernardus egregiè demon-
 strans: Hæc pestis, inquit, eò ad
 nocendum procliuior, quò ad repel-
 lendum difficilior, quæ nolenti etiam
 se ingerit, blandè onerosa, displi-
 cendo placens. Subtiliter intrat &
 mentem occupat, & nisi subito re-
 pellatur, allicit, & incendit, & qua-
 si virus pestilentia, per totum cor-
 pus paullatim se diffundit: cogita-
 tiones prauas multiplicat, affectio-
 nes malas generat, mentem illicita
 delectatione afficit, & ad consensum
 turpitudinis, animum inflectit; om-
 nes animæ virtutes corrumpit. Hac
 peste qui adstrictus tenetur, diuelli
 ab ea vix potest, quoniam stimulos
 eius confiteri aut nescit, aut erubescit,
 tam subtiles & turpes sunt. Ad-
 iuuame domine Deus, vt huic tam
 pestifero & mortifero vitio resistere

352 LIBER SECVNDVS.

possim. Scio, quod resistantem fatigat, vincentem coronat: Scio, si mentem cogitatione immunda inquit narro, tibi qui munditiæ auctor es, placere non valeo. Cor mundum crea in me Deus. *a*

*a de inter.
dom. c. 29.*

Iulius Solinus memorat, Phalangium (aranei genus est, quod & Tarantulam dicimus) dirum esse animalculum, tactu pestilens. atque si nisum quæras, nulla ei vis est, si vim & potestatem lædendi, hominem ictum veneno interficit. & cum æstu anni flagrantissimo assiduus sol campos Apuliæ torret, tum maximè seu afflatu noxio, seu æstu accensa hæc phalangia, tam exitiali licentia in humanos artus grassantur, vt, quotquot ab hac pestifera lue libantur, irrequieti vel canant, vel lacrimant, vel delirent, aut tam letali stupore pressi iaceant, vt membra omnia senescente rabo putiscant, & sic animum extrudant. Phalangium est, libido, pestilentius nescio an fraudulentius, ijs maximè infestum, quibus minus malum censetur: blandè serpit, celerrimè inficit, suauiter occidit.

tacti ab hac peste in tam irrequietam infaniam prolabantur, vt id vnum as- fiduè appetant, quod maximè no- ceat. Ita Phalangium istud non tam vulnerare & lædere sentitur, quam vulnerasse & læsisse.

VIII. C.

Vitium carnis, probro plenum; **TURPIS-SIMUM** est. Præ ceteris vitijs omnibus tam singulariter fœ- dum & turpe est hoc, de quo agi- mus, peccatum, vt propriè & suo no- mine vocetur **TURPITUDO**. Vnde- quaque vitium hoc monstrosum & spurcum est, idèò tenebras & angu- los quærit, & pænè seipsum exhor- rescit. Optimi parentes Susannæ, vt Danielis historia memorat, ^a Helcias ^{a Dan. c.} & vxor eius, laudauerunt Deum, pro ^{13. v. 63.} filia sua Susanna cum Ioachim ma- rito eius, & cognatis omnibus, quia non esset inuenta in ea *res turpis*. Castissimus Paulus, Ephesijs præcep- pit, ne nominarent quidem hanc *turpitudinem*. ^b In ea quam ad Ro- ^{b Ephes. c.} manos scripsit epistola, vbi de ini- ^{5. v. 4.} quitate & immunditia mentio-

nem iniecisset: quem ergo, inquit, fructum habuistis tunc in illis, in quibus nunc erubescitis? *a* Nullum est vitium quod aded ruborem incutiat, & pudore suffundat, atque turpissima hæc bellua, quæ diem non fert, nocti amicissima.

Eximiè laudatur Hebræus rex Asa, quod inuerecundam idoli statuam, *simulacrum turpissimum* confregerit, combufferit, & submerserit torrente cineres. *b* Vbi libido, ibi turpitudine; vbi pudicitia, ibi corporis mundities, & mentis pulchritudo. Deformis esse Castitas non potest, sicut nec formosa vnquam Incontinentia: illa rosas & lilia, vrticas hæc & spinas profeminat; illi non nisi munda & sancta probantur, huic cœnum & sordes placent. Christus Virginis filius, omnis generis tulit conuitia; at incontinentiæ noluit in simulari, tam hoc fœdæ notæ probum est. E priscis ille sapienter dixit: Vti nec cælum respicit, nec margaritam querit porcus, sic & animus dulcedine voluptatis captus, & in luxuriæ cœnum delapsus, difficilè po-

a ad Rom.
c. 6. v. 21

b 3. Reg. c.
15. v. 13.

test cœlestia versare animo, & aliquid Deo dignum sapere. Turpitudinis mater est Incontinentia; è sordibus nascitur, sordibus pascitur, inter sordes educatur & moritur. Nimirum talis est riuus, qualis est fons & origo riui, nec à lutosâ scaturigine limpidus amnis solet profluere: ita quidquid ab Incontinentia emanat, sordet, & notam post se trahit TURPITVDINIS.

IX. C.

Vitium carnis, vitiorum omnium COMPENDIVM est. Nimis parum dixi, cùm Phalangio etsi pestilentissimo animalculo libidinem contuli: bellua est, eâque truculentissima. Mantichora *a* (si Ctesia credimus) apud Indos fera est, cui omnium belluarum feritas inest, nec vnquam ab humana manu mansuescit: triplex ei ordo dentium pectinatim coëuntium, corpus & magnitudo leonis, auriculæ & facies humana, oculi castij & ardentes, cauda scorpionis bifida, missili aculeo armata, color sanguineus, vox fistulæ non ab similibus, velocitas cerui. & hæc fera hu-

*a Vide
Conr. Ges.
lib. 1. de
quadrup.
pag. 631.*

356 LIBER SECVNDVS.

manæ carnis est appetentissima. Huic belluæ informi & horribili simillima est libido, vt quæ omnium ferè vitiorum noxam & venenum participat; plerunque nullâ cicuratur arte, quandiu viuere permittitur. Triplex libidini series dentium; prima crumenæ & corporis bona conficit, vires & opes: altera famam nominisque honestatem discerpit; tertia omnia animi bona fœdè commolit. Libidini leonina est truculentia; diuinas & humanas leges perrumpit, monita omnia pessundat. at verò faciem hominis habet; inter omnia vitia humanissimum videtur: initium illius blandum, suaue, iucundum, sed cauda ferit vt scorpïo, morsum conscientia infigit acerbissimum. Oculos habet ardentes, quos in omnes sordes eiacular videndo. Colore sanguineo est hoc vitium, neque enim aliud præ se fert, quàm quod sanguis & caro appetunt. Vox libidinis, vox fistulæ: fistula dulcè canit, volucrem dum decipit aucep; blanditur turpitudò, dum irretiat; idque facit celeritate incredibili, quæ

doque enim iactu oculorum vnico, in animam transfilit libido. Qui viderit mulierem ad concupiscendum eam, iam mœchatus est eam in corde suo. *a a Matth. c. 5. v. 29.*

Quod exponens Augustinus: Etiam si, inquit, non sequatur factum; rea tenetur in consensione conscientia. *b b lib. 12. c. 2. Trin. c. 13.*

Hem, quàm immanis, atrox bellua! hanc nisi cauisti, mi homo, perijsti. Optima suadens Cyprianus: Primis, inquit, titillationibus diaboli obuandum, nec fouendus est coluber, donec in draconem formetur. Reperias nõ rarò, de quo dicere liceat: hic homo & frequenter orat, & stipem libenter erogat; non est potator, non lufor, non decoctor, non perfidus, non maledicus, non contumeliosus, non ebriosus; imò officiosus, industrius, obsequiosus est, sed simul est libidinosus. Ah, laudem priorem omnem perdidit. à diabolo satis captus est, quisquis libidinosus est: omnem virtutem vitiat libido; imò nullam habet virtutem, quisquis habetur ab hoc vitio. Quicumque totam legem seruauerit, offendat autem in vno, factus est omnium reus. *c Jac. c. 2. v. 10.*

fui parte liber est, quicumque in hæc vincula coniectus est.

Hoc carnis vitium, velut Pantomimus, omnium sibi vitiorum laruas aptabit, nisi ab illo maturè te vindices, & in libertatem afferas: Fors comere te nescis & superbire? hoc te Vitium istud docebit; calamistratos facit & comptulos, quos in familiaritatem recipit. Numis alienis infidari, tuos dilapidare, forsan nesciebas antea? hinc disces. Dies totos otiosa vrbantate comburere, fortassè non solebas? iam assuesces, & otuari, & in vtramque aurem securus stertere; si quid diei superfaerit à somno & otio, id sibi curiosa lectio deposcet. Bono animo; omnes vitiorum formas continentiam. Et licet horreas quodcumque turpe facinus, licet auerferis sceditatem omnem que oculos incurrit, modò sordida cogitare non recuses, modò scintillam libidinis animo conceptam non extinguas, modò phantasijs & imaginationibus impuris hospitium non neges, hoc tibi satis erit ad interitum; satis perit, qui sic sine
strepitu

strepitu perit; satis malus est, qui sic occultè recusat esse bonus. nec sanè ad cælum aspirat, quisquis in his cogitationibus sese oblectat. Verbulum otiosum vel vnicum, in examen trahetur, & cogitationes obscenæ immunes erunt ab hoc tribunali? Animus puritatis amans vel leuissimas cœtiam cogitatiunculas extinguit, quàm primum illas à Castitate alienas deprehendit. O Castitas (exclamat Ephrem a) Angelicæ vitæ ratio, quæ homines Angelis reddis similes! O Castitas, cui deliciæ, cui luxus vestium & cura corporis pudori sunt & odio. O Castitas oculorum frænum, quæ totum corpus è tenebris transfers in beatam lucem! O Castitas in quotidianis prælijs imperterrita, & in tuos hostes animosa atque vigilans! O Castitas, cælestis prudentia, & cælestium capax! ô Castitas currus igneus, cultores tuos in sublime euehens! ô Castitas, & pulchra & pretiosa possessio, donum Dei opulentissimum! ô Castitas, mater innocentia, morum ornamentum, quæ proborum omnium in te gratiam concipi-

a tom. i. in
Enc. cast.

lias, quæ vel hostibus tuis es venera-
 tioni aut admirationi! O Castitas,
 tuum ipsa decus, beata, & efficiens
 beatos, quæ in medio corporis ani-
 mique velut rosa flores & amœnum
 fragras! O Castitas, in quâ diuitias
 æternas recondidit, puritatis amator
 Deus!

His Cyrillus Hierosolymitanus
a Catech. subscribens: *a* Non ignoremus, in-
 12. quit, Castitatis gloriam; Angelica est
 corona. parcamus corporibus quæ
 lucere debent sicut sol. parua est ad
 horam voluptas, sed ex peccato æter-
 na verecundia & pœna.

Castitatem, mi ædesime, doce-
 bunt nos tot millia virginum sub
 gladio, in patibulo, stipite, leone, axe,
 incendio & rogis: vt virginitatem
 seruarent, vitam perdiderunt. ita
 quò sublimior virginum cura, maior
 gloria. Teclæ castimoniam adorat
 Ico, Alciones impudicitiam vindicat
 ciconia. Puellæ Romanæ non pau-
 cæ, Vestæ de virginitate censeban-
 tur: sed & quæ Delphis insaniebant,
 nubere nesciebant: sed & quæ Dianæ
 Scythicæ, quæ Iunoni Achaicæ, quæ

C A P. XII. 361

Cereri Eleusie pro sacerdotibus feruiebant, matrimonium à se abdicarunt. Erubescere Caro, quæ Christum in lauacro induisti: illis diabolus continentiam præcipit & auditur: tibi Apostolus Castitatem prædicat, optatque Christianos omnes virgines esse, *a* & negligitur. Ah, vel duas solum has uoculas pensita improbe acturus, *quid ago?* Ita castissimus Iosephus: quomodo possum, aiebat, hoc malum facere & peccare in dominum meum? *b* Ita confortabitur cor tuum, eo quod Castitatem amaueris, & eris benedictus in æternum. *c* Quoniam bonum est homini sic esse, *nam*, mulier innupta & virgo cogitat quæ domini sunt, ut sit sancta & corpore & spiritu. *d* O mi homo, quisquis NICETAM miraris, vel in hoc uino imitare, & Te ipsum castum custodi. *e*

Fructus spiritus est Charitas, Continentia, Castitas. *f* Fructus carnis libido, Incontinentia; turpitude. Ædesime, audisti hæctenus triumphatam in horto Incontinentiam, audi obsecro eandem in horto triumphantem;

a 1. Cor. 7. v. 7. volo omnes homines esse, sicut me ipsum.

b Gen. c. 39 v. 9. *c* Iudith c. 13 v. 1.

d 2. Cor. c. 7. v. 26.

e 1. Tim. c. 5. v. 22. *f* ad Gal. c. 5. v. 22.

362 LIBER SECVNDVS.
sed vnà tecum audiant, velim, omnes
in orbe iuuenes, audiant viri, Orbis
audiat, & *Incontinentiam* omnem, vt
turpissimam vitæ labem, & animi pe-
stem certissimam, modis omnibus
derestari discat. Audi tragœdiam in-
auditam:

In celeberrima ciuitate Lubecensî
matrona erat venerabilis, & Consu-
lis vxor, quæ vno partu tres filios e-
didit, quorum vnus elephantiasî, al-
ter in equis, tertius, de quo nobis ser-
mo, sua manu periit. Sed quo is me-
do, quoue ordine tam tetram mor-
tem obierit, sincerè conscripsit ille,
qui & ipsum, & germanos ipsius, &
omnem illam familiam optimè no-
uit.

Erat tertius hic iuuenis elegans
forma, ingenio acer, auro diues, veste
nitidus, nec incultus moribus, sed,
quo scœdauit omnia, libidinosus: Vn-
de post variam *Incontinentiam*, im-
pegit in vnâ earum, quæ forma vin-
cere credebatur omnem Lubecen-
sium feminarum pulchritudinem.
Hæc miserum inuerecundi amoris
vinculo nexum, in sua castra sic ca-

ptium duxit, vt eum nec nūmorum dispendium, nec fractæ libidine vires, nec Dei timor, nec terror gehennæ, nec publica honestas, nec amicorum priuata correptio à turpi consuetudine potuerint abducere. Qua ex re factum, vt crumena iam depleta, etiam necessarijs inciperet egere. Quod vbi mater aduertit (pater iam naturæ concesserat) filium indignam natalibus pauperiem incurrisse, materno affectu mota, bis tæruè, iterum atque iterum æs grande filio donauit, simulque monuit illacrymans, memor esset Dei, generis item & honoris, memor salutis æternæ, probrosam consuetudinem renunciaret, atque de cetero lasciuia suæ impetus cokiberet virili animo. Sed heu! falsere cæco lumina; surdo cecinit philomela. Voluit infelix, & non voluit; languidè conatus est, & idè libidinum cœno eluctatus non est.

Tandem cùm videret mater, quicquid largiretur, in filij perniciem abire, animum obdurauit, & clausit manus. Iuuenis, animum &

364 LIBER SECVNDVS.

vultum matris mutatum obseruans, egestate & libidine consultricibus pessimis vsus, stricto ense in matrem irruit non semel, & (horreo dicere) calcibus etiam protrahit, seuerè minatus, iam confodiendam, ni ocius prompta pecunia duræ necessitati succurreret. Miserrima mater sub filij velut sub hostis gladio contremuit, & territa tam præsentis periculo, quicquid exigebatur, quamuis inuita, donauit. Neque ausa est sui parricidæ crudelitatem ad cognatos aut magistratum deferre, verita ne fortè primores ciuitatis, quorum rigida æquitas iam innotisset Orbi, filium tantæ improbitatis reum seuera sententia fulminerent. Tacuit ergo, & quanto potuit silentio rem prelsit, sed breuî nescio cuius linguæ vitio, tanti facinoris fama per omnium aures spargebatur. Quocirca conuenerunt cognati, & consilij agitatis, iuueni sub pœna capitis interdixerunt ne simili ausu gladium vnquam ampliùs in matrem stringeret, aliâue iniuriâ eam afficeret. At ipse, effrons alio-

qui, ad Manlianum hoc edictū erubescens, statim maternis adibus excedere, & vnā matris oculos exire iustitit. Et ne solus erubesceret, in totius familiæ notā & dedecus, ipse cum infami mulierculā in prostibulo habitare cœpit. Hīc post sericas vestes consumptas, post dissimulatam diu famem, post marsupia omnia exhausta. æger animi, & dolore vix consolabili tabescens, sine re, & propè iam exspes, partim febri aestuare, partim omnia desperare, & inferendæ sibi necis consilium coquere. Cūque malū in dies cresceret, nec mali remedium vllum occurreret, iam impar ægritudinæ, morte decreuit tam acerbam vitam abrumpere. Verū ne quis tam funestæ tragœdiæ epilogum impediret, mulierculam quam ad id temporis deperibat, cum fictis negotiis aliò amandauit. Illā domū egressā, ille iam solus & absque arbitris, è culinā cultrum rapit, & secedit in hortum, vbi scilicet *Incontinentia* suam sibi triumpham stauerat. hīc vagum lumen in omnem latus circumferens, in solitudine se-

366 LIBER SECVNDVS.

deprehendit. Itaque diffibulato raptim thorace, pallidum morbo petus nudavit, & cultri manubrium infixit parieti ligneo, tantoque sese impetu in aduersum mucronem impulit, vt osscâ crate pectoris transfossâ, dorsi quoque spinam violaret. Hoc vulnere saucius in terram corruit, visoque sanguinis effluvio, sauioribus furiis agitabatur, quòd inuisum spiritum tam acerbis impulsibus exturbare non posset. Heu triste spectaculum! Et en quo furore suimet carnifex hærentem etiamnum pectori cultrum in orbem rotet (vt è signis in cadauere patuit) viscera laceret, & scelestum animum non tam emittat quàm eijciat.

Rediit interim domum infelix femina. & in horto demum reperiens amasium in suomet sanguine volutari: expalluit & linquente animo humi collapsa est. Tandem, resumptis viribus cum ad se rediisset, omnè viciniam fædo eiulatu conciuuit. Vicinis in hortum cateruatim irruentibus, ipsa lacrimis infusa, quo habitum cadaver reperisset, narravit.

Mox fama per urbem, & ad matrem euolat. Ad hunc nuncium mater, velut læna raptis catulis irruens, pallore suffundi, & pænè alterum funus fieri, mox ad hortum non ire, sed currere, hîc inter spirantes flores tam fœdè extinctum filium offendit, & mox primo adspectu, animâ deficiente, velut cum filio moritura in herbam procubuit. In fletum adduxit spectatores iam pænè geminum aut triplex funus. Mater è defectio- ne recreata, vberrimis perfusa lacrimis, & madentes oculos in filij pellicem obuertens: O mulier, inquit, quid fecisti? meum mihi sanguinem tu seduxisti; horum omnium caussa tu es, infelicissima.

Alterâ luce cognati vix plurimâ pecuniâ impetrarunt, liceret sibi miserabile funus terræ mandare, quod leges flammis dari voluissent. ita hic iuuenis sui ipsius carnifex in profano sepulchreto humatus est. Noctè vnicâ post sepulturæ honorem exactâ, tumuli terra ita subsedit repentinâ labe, vt non nemo coniceret, cacodæmones, qui animam rapue-

rant, etiam corpus abstulisse. Ipse ego (inquit scriptor rei gesta) vidi congestam glebam in eminentiorem tumulum: at verò postera die, tantum terræ dehiscere, ut difficile fuerit credere, hominem illic sepultum esse.

Et hunc tam exitialem exitum habuit iuuenis illius libido & Incontinentia, in luculentum exemplum omni posterae memoriae, ut norint omnes, qua malorum voragine in se se præcipites mergant, qui habenas libidini laxant.


Hoc illud nobile trophæum est Incontinentiæ in horto triumphantis, quæ pariter in horto à NICETA nostro gloriosissimè & victa & triumphata est. Discant iuuenes, discant viri, discat Orbis aliena clade sapere, lasciuia cupiditates frenare, consortium omne, quod libidini faueat, declinare.


Sed ad te redeo, tecumque finio, ô Christiane Samson, castissime NICETA, qui victa in horto Incontinentiæ trophæum & triumphum nobilissimum deportasti.

ONICETA reuiuifce in nobis;
 pugna, & triumphain nobis, & Vi-
 ctor illuſtriſſime. Tuum nos exem-
 plum, tua nos pugna & victoria, in
 certamen animet, accendat, inflam-
 met. Audeamus cum NICETA pu-
 gnemus, vincamus. Is certam hîc
 habet victoriam, qui ſeriam non
 detrectat pugnam. pugnandum eſt:
 nulla hic ſine pugna obrinetur victo-
 ria, hîc nullum ſine lucta venit præ-
 mium: pugnandum eſt. Inæſtimabi-
 lis pretij theſaurus eſt Caſtitas, æter-
 nis muneranda præmiis. Nec poteſt
 gratis conſtare Caſtitas. Hanc ſi ma-
 gno eſtimas, omnia paruo eſtimanda
 ſunt. *Omnis autem ponderatio non eſt
 digna continentis anima, &*

2 E 1 5.
 29. v. 20p

FINIS.





Biblioteka Jagiellońska



stdr0023472

